

ELEMENTA

LOGICÆ, ONTOLOGIÆ, PSYCHOLOGIÆ,
AC THEOLOGIÆ NATURALIS


IN QUATUOR TOMOS DISTRIBUTA

TOMUS PRIMUS
CONTINENS LOGICAM

AUGTORE

JOANNE BAPTISTA SCARELLA

CLERICO REGULARI.



B R I X I Æ

M D C C L X I I .

Excudebat JOANNES-MARIA RIZZARDI.

SUPERIORUM PERMISSU.

AT THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

OF THE

ILLUSTRISSIMO AC REVERENDISSIMO
DOMINO
MICHAELI MARIAE
CAPYCIO GALEOTTA
ARCHIEPISCOPO CONSENTINO

JOANNES BAPTISTA SCARELLA CL. REG.
F.



*Ublicæ luci daturus mea Logicæ ac
Metaphysicæ Elementa, quæ vigin-
ti septem annorum spatio qua do-
mi, qua in Episcopali Brixiano Se-
minario explicavi, rem Tibi, ILLU-
STRISSE AC REVERENDISSE*

*ANTISTES, summopere gratam, mibi vtro multum
decoram me facturum speravi, si hunc primum to-
mum qui nunc apparet, Tibi offerrem atque dicarem.
Nam*

Nam meas ad aures fama detulit, quantum studii ac diligentiae ponas ut ii qui ad sacra deliguntur ministeria, non solum sanctissimis moribus, sed etiam omni litterarum genere informetur: quem ad finem tum in istud Seminarium eam vitae disciplinam eaque bonarum artium studia summa omnium admiratione ab ipsis Tui Episcopatus principiis induxisti, qualia tam brevi tempore sperari vix poterant, tum quo idoneos muneribus Ecclesiasticis Ministros in maiori copia alas atque educes, alterum erigis a fundamentis Tuis unius sumtibus, tametsi magnificentissimum Cathedrale Templum pariter a fundamentis a Te extructum, & solemni pompa recens consecratum Tuas omnes copias prorsus exbauferit. Quamobrem eam animo concepì spem fore ut putares meum hoc opus posse aliquid conferre ad maiorem Tui Collegii Alumnorum progressum iis in disciplinis, quæ eosdem ad altiores ipsorumque officiis magis consentaneas manu veluti ducerent. Quamvis enim meæ mihi conscius imbecillitatis non iudicem me magnum aliquid posse in lucem proferre, tamen fretus partim illa singulari humanitate, qua meos primos in Philosophia conatus fovisti, dum Tu eximia eloquentia & doctrina refertas orationes Placentiæ triginta abhinc annis ad Populum habebas, ego ibidem operam dabam huic facultati partim experimento tot annorum, quos in eadem auditoribus exponenda me consumpsisse non ignoras, mihi persuasi

ſi futurum, ut meas elucubrationes quidpiam publico bono eſſe collaturas exiſtimares. Nec me putatum iri arroganter facere credo, ſi ajam tum ita longi temporis uſu ſaltem illud me didiciſſe quænam & quot eſſent ea quæ in majoris auditorum partis animum facilius influerent unius ſpatio biennii, & quali ad eum finem obtinendum ratione tractanda forent; tum autem hæc quæ nemo neſcit quantum valeant omnes in partes, me poſſimum in his conſcribendis Elementis ſpectaſſe. Quocirca nullus dubito quin hoc licet exiguum munus quod offerre decrevi, æqui bonique facias, & libenter accipias ac amplectaris. Quantum vero decoris atque ornamenti meo libro ſi in Tuo nomine emittatur, ſit acceſſurum, omnes intelligent qui Tuas fortunæ & animi dotes ac res præclare geſtas noverunt. Ut mittam ſanguinis arcta cum primariis iſtius nobiliſſimi Regni Familiis neceſſitudine juncti claritatem, quam Tute flocci feciſſe ſatis declaravi cum e, paterna domo ad Theatinam miſgraſti Congregationem; ut mittam quoque præcipuas ejusdem Congregationis in Neapolitana Provincia Præfecturas Tibi ultro ſemel & iterum delatas, & maxima prudentia atque regularis diſciplinæ progreſſu ſemper adminiſtratas; tota Neapolis Te mirum in modum ſuſpexit, cum per ipſa duo luſtra totus fores in procuranda aliorum ſpirituale ſalute, & præſertim in perditæ vitæ mulieribus e vitiorum cæno revocandis: quo factum eſt ut cum eſſes
urba-

urbanarum Missionum Præfectus, complures ex iis
Tuis publicis concionibus & privatis exhortationibus
permotas una in domo huic sancto fini a Te destina-
ta concluderes, per multum tempus sanctissime custo-
dires ac regeres, atque ex vasis dedecoris ac tur-
pitudinis in vasa bonoris ac pudicitiae transformares.
Eadem vero quammaxime gratulata est, cum opera
illius amplissimi Purpurati ac iusti Sapientum Viro-
rum æstimatoris qui tunc Neapolitanam moderaba-
tur Ecclesiam, cuique ob sua præclara in eandem
merita acceptissimus eras, Summus ac Sapientissimus
Pontifex BENEDICTUS XIV. Tibi prorsus inscio Con-
sentinam Archiepiscopalem ac totius Calabriae Me-
tropolitanam Ecclesiam commisit. Quo in munere
quantum expectationi omnium responderis & respon-
dere pergas, satis declarant quæ paulo ante significa-
vi, & innumerabiles labores quos tulisti & etiam-
num fers in disjicendis erroribus, in evellendis vitiis,
in omni virtutum genere propagando, & in univer-
so Grege verbo & exemplis, ut Pastorem optimum
deceat, pascendo. Hæc & alia plurima quæ sciens
& prudens reticeo, ne Tuæ moderationi animi sin-
nimis molestus, sicut jure ac merito Te collocant in-
ter præstantiores eorum qui non tam dignitatis splen-
dore quam luce virtutum Christianam illustant Rem-
publicam, ita meo huic operi per se valde obscuro mul-
tum afferent lucis, si illius frontem Tuum clarissimum
Nomen ornaverit. Quæ cum ita sint, nemo revocabit
in

in dubium mihi iustissimas fuisse causas, quare illud Tibi dicare ac consecrare statuerim; & nunc esse quare dicem ac consecrem. Quod dum facio, illud etiam consequar, ut aliquod publicum atque perpetuum mei singularis erga Te obsequii & de Tuis virtutibus existimationis constet monumentum.



PRÆ-

MONITUM:

Pag. VI. Præfat. post verba, *in subiecto est*, addantur hæc alia,
quin aliquid divine perfectioni detrahatur; ut suo loco demon-
stravimus.

P R Æ F A T I O .



LIQVIS fortasse putabit me supervacaneam operam suscipere, qui in tanta litterarum luce explicare aggrediar Elementa Logicæ ac Metaphysicæ. Nam post exanthlatos a summis Viris in utraque Disciplina labores, & omni eruditione ac doctrina refertos libros tanta in copia ab iisdem publicæ luci donatos nihil quod operæ pretium futurum sit, me proferre posse sperabit. Siquidem animo revolvit in Naturalibus Disciplinis, quo ex genere tria spissa de Generali Physica volumina, & duo de Magnete paucis abhinc annis edidi, aliter ac in Metaphysicis rem se habere. In iis ita vastus est campus in quo exultet oratio, ita multæ sunt ipsarum partes etiamnum spinis obsitæ atque incultæ, tot adhuc restant de ipsis rebus, quæ magis sunt obviæ, tentanda experimenta, ut quisquis non imparatus a Geometria Recentiorum & aliquo præditus ingenio, suam in iisdem operam posuerit, facile possit illa excogitare & producere quæ doctis suamet novitate probentur. At in his & quæstiones tractandæ multo angustioribus finibus continentur non quidem ipsæ per se, sed quia totæ positæ sunt in consideratione eorum, quæ quisque ad seipsum attendens in interioribus animi recessibus usuveneri sibi conscius est, & eorum etiam quæ virtute reflexionis inde eruuntur, & multi tum veteri, tum recenti memoria, summis ingeniis, maximo studio se in primis animadvertendis, in secundis autem via & ratione colligendis exercuerunt: ut mirum videri debeat, si quis nunc aliquid novi aut notare, aut elicere possit. Ut iis, qui hæc secum animo reputaverint, pro virili parte satisfaciam, rationem ante exponam consilii mei. Videbam quidem multa fuisse litteris mandata Elementa Logicæ ac Metaphysicæ, sed huiusmodi, ut non ipsas complecterentur lectiones, quas Philosophiæ auditores addiscerent, verum illa, ex quibus Professores easdem lectiones scholarum usui & curriculo forma & numero prius ab ipsis accommodatas exciperent: quo certe illa non vitantur incommoda quæ in excipiendis scripto lectionibus occurrere quotidiana docet experientia. Quocirca rem non inutilem me esse facturum sum arbitratus, si hæc Elementa tali pacto, quemadmodum feci, conscriberem. Id quod mihi valde difficile non fuit qui experimen-

to ipsorum vigintiquatuor annorum quos consumsi in explicanda Adolescentibus Philosophia, didici quænam & quot essent ea, quæ in majoris Auditorum partis animum facilius influerent unius spatii biennii, & quali ad eum finem obtinendum ratione tractanda forent. Siquidem alio non fuit opus, quam ut ipsas lectiones quas hoc tempore iisdem explicaram, sed expolitas & interpolatas, atque ad eam formam, in qua nunc apparent, redactas emitterem. Aliud etiam in hisce lectionibus occurrit ab aliis, quod sciam, saltem frequenter non observatum, quod non tam operam posui in multis, quæ adversus meas sententias facerent, difficultatibus undique conquirendis, ut olim mos erat scholasticorum, quam totus fui in una, aut paucis semel & iterum ut plurimum, aliquando etiam multoties nova aliqua adversus jam datas responsiones urgendis. Quod multas in partes valere comperi. Primum enim hoc pacto factum est, ut aliquando mutarem sententiam victis contrariis rationibus, quas & refutari non posse videbam, & suppeditare solutionem earum, quas in eandem ante exposueram; interdum eam ex parte corrigerem, & ejus veritatem ad aliquem tantum eventum, & aliqua restringerem conditione, quam objectæ difficultatis vis patefaciebat; sæpissime vero in eadem magis magisque firmarer, quod in refutatione objectorum & allatas ejusdem rationes confirmari, & novas exsistere, & ut plurimum perfectam & absolutam propositæ veritatis demonstrationem solum post ea, quæ in objectis diluendis statuuntur, obtineri comperirem. Deinde illud etiam in domestica schola sum consecutus, ut ingenia auditorum mirum in modum acuerem, & eosdem magis paratos efficerem ad argumenta tum in privato gymnasio proponenda, tum in publicis disputationibus, in quibus communis postulat consuetudo, ut eadem semper difficultas contra defendentis responsa magis magisque prematur; a qua consuetudine si discedere velis, quod non raro contingit, te aliis deridendum propines. Tum hæc Elementa sunt exposita singulari quadam ratione, quam paucis declaro. Cicero summus non solum Orator, sed etiam, ut iis temporibus, Philosophus, cum in primis Tusculanarum Disputationum libris docuisset, nihil esse bonum nisi quod honestum sit, in quinto autem virtutem ad beate vivendum se ipsa esse contentam ostendendum suscipiens, sibi objecisset jam id esse confectum, & alterum ex altero consequi, nec ideo separatim esse tractandum; sic propositam difficultatem capite decimoctavo diluere, & duas in disciplinis tradendis methodos, alteram Mathematicam, alteram Philo-

sophiam statuere non dubitavit. *Verumtamen Mathematicorum iste mos est, non Philosophorum. Nam Geometrae cum aliquid docere volunt, si quod ad eam rem pertinet eorum, quae ante docuerunt, id sumunt pro concesso & probato, illud modo explicant, de quo ante nihil scriptum est. Philosophi quamcumque rem habent in manibus, in eam quae conveniunt, congerunt omnia. . . . Nam & de summo bono separatim libri sunt, & cum ex eo efficiatur satis magnam in virtute ad beate vivendum esse vim, nihilominus hoc agunt separatim; propriis enim & suis argumentis & admonitionibus tractanda quaeque res est.* Haecenus Cicero in utriusque Methodi descriptione. Verum utraque suis commodis & incommodis utitur. Nam in prima id est commodi, quod ea semper praemittendo per quae cetera intelliguntur ac demonstrantur, a facillimis perspicuisque principiis profecti atque ab aliis ad alia, quae proxime colliguntur, progressi, pedetentim ad rerum vel maxime difficilium atque reconditarum cognitionem sine ullo errandi periculo pervenimus. Verum si in Philosophicis disputationibus illam usurpemus jejunam ac siccam, qua Geometrae uti solent, atque usus est Cl. Christianus Wolphius in suis de Univerſa Philosophia libris, non levia sunt incommoda, quae ab eadem deterere debent. Primo enim, ut etiam adverti in praefatione ad primum Physicae Generalis tomum, magnum est discrimen inter mathematicas ac philosophicas disciplinas: illae utpote quae in una quantitate & in ejus proportionibus, quarum clarissimas ac determinatas notiones habemus, versantur, simul ac quidpiam ex antegressis enuntiationibus preesse collegerunt, rem omnino cogunt & efficiunt, nec in aliquas incurrunt difficultates, si ne quarum solutione id quo de agitur, funditus intelligi nequeat. At Philosophia, quae per omne rerum genus vagatur, & res etiam vel a nostris sensibus remotissimas, vel in profundo naturae suae abditas investigat, nimis undique involvitur tenebris, & pluribus iisque gravioribus difficultatibus scatur, quam ut sicca & jejuna Geometrarum ratione res satis explicari queant, & iis quae objici possunt, non solutis, animus sciendi cupidus in solis demonstrationibus acquiescat. Deinde in libris eorum, qui eandem servant adamum, nimis dissipata ac dispersa inveniuntur quae ad quamque pertinent quaestionem, ut valde difficile sit aliquam ex iis animo comprehendere, & omnia, quibus quaeque sententia confirmari potest aut infirmari, uno veluti animi obtutu complecti. Id experi licet in Wolphii operibus, cujus opiniones & rationum momenta, quae ad eas suadendas afferuntur, si velis addiscere, ad tot eo-

rum loca quæ ante tractata sunt, numerorum adminiculo amandaris, ut omnes ejusdem antegressi tomi sint revolvendi, & vix hoc pacto ad ipsa veluti cubilia disputationis pervenias. In altera vero methodo id præsertim utile est, quod ut quisque gravissimus est in Philosophia locus, ita maxime luculenter tractatur & illustratur, dum ad illius declarationem omnia simul producantur in medium, sive animum attendas ad principia, quæ ad illius expositionem sunt potissimum necessaria, sive ad rationum in utramque partem momenta, quibus in clarissima ponitur luce, sive ad ea quæ hinc consequuntur, quibus perspicuum fit, quantum ad alias Philosophiæ quæstiones sit in illo momenti. Verum id non parum incommodat, quod hoc pacto Philosophiæ partes nimium disjectæ sunt, nec in unum veluti scientiæ corpus compactæ, & potius totidem sunt habendæ in unum congestæ volumen disquisitiones, quam ejusdem scientiæ particulæ, ex quibus eadem coalescat. Illud etiam accedit, quod cum eadem principia sint in pluribus Philosophiæ quæstionibus usui, nimio intelligentium lectorum fastidio pluribus locis eadem prorsus repetenda sunt. Quæ cum ita sint, in eam veni sententiam rationem in Philosophia tenendam esse oportere ex utraque methodo temperatam, quo utriusque commoda, quantum fieri posset, consequeretur, utriusque vitaret incommoda. Talem vero esse duxi in qua singulæ propositiones ita disponerentur, ut aliæ cum aliis aptæ forent atque connexæ, & continuata serie aliæ ex aliis sua veluti sponte consequerentur; quæ vero familiam ducerent in Philosophia majorisque forent momenti, & magna animorum contentione in disputationem a Philosophis essent vocatæ, eadem subtilius atque accuratius tractarentur, & omnibus expensis, quæ ad illas aut suadendas aut refellendas conducirerent, in quam bona luce collocarentur. Hanc perpetuo tenui in tribus Physicæ Generalis tomis, & in duobus de Magnete; quo fructu, doctorum, qui operam iisdem dederunt, fuit judicium; eandem tenere decrevi in iis quæ ad Logicam & ad Metaphysicam pertinent exponendis, in scholiis præsertim, quæ identidem interferui eum in finem, quod cum in lectiones ad captum adolescentum pro usu scholæ accommodatas multa majoris momenti, sed iisdem nimis difficilia conferre non possem, eadem reservavi ad scholia, in quibus ut pote ad usum Professorum destinatis etiam stylo solutiore, & a scholastico magis remoto atque ad latinam elegantiam propius accedente sum usus. Ex quibus omnibus apparet in hisce Elementis tria præsertim haberi, quæ illam in spem me adducant futurum, ut non inutilem ope-

operam, nec ab aliis omnino præoccupatam in iisdem emittendis in lucem, me ponere existimer, tamen si nihil novi, quod ab aliis non fuerit excogitatum proferrem. Nunc vero cum multa hujusmodi, nisi mea me fallit opinio, protulerim, multo magis in eadem spe confirmari me sentio. Enimvero tot sunt in his, quæ ad notiones pertinent abstractas & rerum spiritualium, eas ipsas, quæ magis obviæ sunt, & ab antiquissimis examinatæ temporibus, animi nostri latebræ atque recessus, ut mirum videri non debeat, si aliquid semper restiterit, quod superiorum effugerit investigationem, & aliquid restet, quod posterorum detegatur industria. Exemplo sint syllogismorum regulæ atque principia, quibus eadem innituntur. Quid ab ultima memoria usque ad præsentem accuratius, quam hæc principia, a Philosophis tractatum est? Quid autem magis obvium ratiocinandi arte, quam in omnibus prorsus hominibus lumine rationis utentibus invenimus? Verumtamen syllogismorum singularium regulæ atque principia nemo hæctenus detegere potuit, & idcirco nec vera & sufficientia universalium principia, quæ sunt eadem ac singularium. Mihi vero tam beato esse licuit, ut invenirem; sed non sine magno labore. Cum enim ad hanc rem animum sæpius appulsem, numquam in singularibus syllogismis elicere potui nisi tres legitimos modos, & in duabus tantum figuris, quos non esse idoneos ad omnes legitimos universalium eruendos comperiebam. Sed illius opinionis omnino certus, quod uti veritas enuntiationum universalium a veritate singularium penderet, ita veritas syllogismorum universalium a singularium petenda sit, animum non despondi, & post multas commentationes recordatus principii Reductionis, quod est unum ex præcipuis Artis Inveniendi, tandem animadverti propositiones singulares, in quibus tam prædicatum quam subiectum sunt termini singulares, posse converti, & hac conversione sex alios modos, qui prima facie illegitimi videbantur, ad unum aliquem ex tribus legitimis reduci, hacque conversione fieri ut legitimi syllogismorum singularium modi alii in aliis ex quatuor figuris novem existant, ex quibus deinde omnes singularium modos, regulas atque vera eorundem principia miræ facilitate collegi. Exemplo esse potest etiam celeberrima de possibilitate vacui quæstio, ab antiquissimis agitata temporibus, quin umquam res convenire potuerit. Nec enim qui vacuum esse posse negabant, suam tueri sententiam poterant adversus eos, qui ex perfecta inter substantiam ex. g. parietum, lacunarum, & pavimenti cubiculi, interque substantiam corporum interceptorum distinctione

cla-

clarissime inferri contenderunt interposita corpora posse educi, & impediri ne alia subeant, quin parietes corrumpantur aut loco decedant; nec qui spatium extensum prorsus inane & sine ullis corporibus exstare posse volebant, suam probare sententiam iis poterant, qui aut extensionem negativam sine ullis partibus extensis, aut aliquid increati extra Deum prorsus extensione carentem haberi posse jure ac merito inficiabantur. Jam vero iis duobus, de quibus tom. I. Phys. Gen. enucleate disserui, & hic in Ontologia rursus edisseram, primo quod inter cubiculi parietes, omnibus extractis corporibus interjectis, non actualis & vera extensio reperitur, sed una recipiendi extensa potentia, altero quod hæc potentia cum ipsa per se constare nequeat utpote quæ non est substantia, in Deo tamquam in suo subiecto est, & perspicua quam inde collegi, omnium difficultatum, & eorum quæ cum vacuo apta & connexa sunt, explicatione rem acu tetigisse, & intricatissimum nodum solvisse, omniaque in quam clarissima luce posuisse mihi videor. Illo vero uno, quod in extensis omnino continuis, cujusmodi sunt prima corporum elementa, nullas esse partes actu & reipsa distinctas tam clara faciliq; ratione deduxi ex eo, quod continuum extensum ex inextensis constare nequit, ut mirari subeat eos, qui eandem sententiam tamquam prorsus evidentibus nixam principiis mordicus tuebantur, id minime collegisse, universum de continuo obscurissimum locum mirifice illustravi, disjectis tenebris, quæ illum undique circumspiciebant, solutisque gravissimis difficultatibus, quæ causæ erant communis illius præjudicatæ opinionis, suam quosque Philosophos sententiam perspicuis docuisse rationibus, sed a contrariarum rationum momentis non potuisse ullo modo vindicare. Mitto alia exempla, quibus confici potest quod propositum est, eo quia commemorata satis sunt ad illud ostendendum notiones etiam universales atque ad Metaphysicam pertinentes non satis accurate fuisse evolutas, ideoque supervacaneam non esse operam, quam in iisdem declarandis atque in majori luce collocandis hic ponimus. Quid autem præsertim in Logica, quam ante Metaphysicam exponendam suscipio, præstem, & qua ratione in eadem verser, cum universe patet ex iis, quæ hætenus de his Elementis edisserui, tum vero magis magisque liquidum faciam expositionem quam nunc aggreddior, eorum, quæ in ipsis legibus explicandis potissimum tractavi. Primum obtinent locum Institutiones, quæ hujus Artis breviora & faciliora complectuntur præcepta, quibus rudia adolescentium ingenia expoliri incipiant itaque paulatim idonea fiant abstru-

fiori-

foribus intelligendis. Eas de more in tres partes dispescimus, in
 quarum prima de simplici perceptione, in secunda de iudicio, in tertia
 de ratiocinatione brevi differimus, de iisdem atque de legibus ad eas
 singulas pertinentibus fusius in Logica disputaturi. Torus sum in
 definitionibus accurate tradendis, & ad eum finem ut tyrones clar-
 ris & perspicuis ideis assuescere incipiant, illud in iisdem præser-
 tim observo, ut propriis loquendi formulis utar, hasque interdum
 distinguam ab iis, quæ metaphoricæ sunt, quæque sunt multarum
 fontes errorum, ut in fine Logicæ planum sit. In tertia vero par-
 te totam syllogismorum artem mihi videor in sua posuisse luce
 adminiculo eorum, quæ paulo ante commemoravi, dum nostra in
 mente quemadmodum iudicia singularia prius exstant, quam uni-
 versalia, ita singularia ratiocinia præire, & universalia sequi mon-
 stravi; & ex primorum regulis ab ipsamet prædicati cum subje-
 cto per affirmationem aut negationem conjunctione depromtis ver-
 ras & genuinas atque ab aliis ignoratas legum, quæ ad secunda
 pertinent, rationes elicui. Quibus illud sum consecutus ut satisfac-
 cerem eorum calumniæ, qui totam hanc a Dialecticis traditam syllo-
 gismorum artem tamquam futilem & inanem exploderent, ea ducti
 ratione, quod cum ratiocinii ope mens ex cognitis atque perce-
 ptis ad cognitionem eorum, quæ adhuc ipsam latent, perveniat,
 syllogismorum ars nos potius ex incognitis ad cognita ducit. Cum
 enim in vera sententia originis idearum, quam a sensationibus ef-
 se petendam suo loco ostendemus, prius mens particularia quam
 universalis & quod minus universale est, quam quod magis, co-
 gnoscat, syllogismi e contrario a præmissis universalibus ad con-
 clusiones singulares, aut a magis universalibus ad minus univer-
 sales deducunt. Qua ratione nos non astringimur, qui volumus at-
 que docemus dari ratiocinia & syllogismos, in quibus ex cog-
 nitione duarum propositionum penitus singularium mens cogniti-
 onem haurit alterius pariter singularis, quæ antea minime cogno-
 scebatur. Duos alios alibi explico hujus doctrinæ usus, alterum
 in dijudicanda gravissima originis idearum controversia, & in de-
 claranda contra Adversariorum objecta ratione, qua mens ex ideis
 singularibus sine auxilio universalis innatæ notiones universales eli-
 ciat; alterum in explicando, qui fiat ut bellæ quasdam ratioci-
 nationes, ut apparet ex ipsarum operationibus, forment, quin
 tamen usu rationis donatæ sint. Quamquam ratiocinia singularia
 sua se sponte commendant. Quot enim sunt præsertim in Arte
 Critica, & in historia sacra atque prophana, in quibus, quam plu-
 ri-

rimis circa singularia ratiociniis est opus. Nam ut alia exempla præteream, nonne ad vindicandam celebris illius Danielis Prophetiæ de septuaginta usque ad Christum Ducem hebdomadibus veritatem Religionis Christianæ valde interest definire, quisnam ille fuerit Persarum Rex, a quo exiit sermo ut iterum ædificaretur Jerusalem, & a quo proinde illæ hebdomades incipiendæ sunt? Cum enim aliunde ex historia prophana compertum sit quotnam circiter anni inter Persarum Reges & inter Augustum, quo imperante natus est Christus, intercefferint; ex his multum fidei dictæ Prophetiæ, ut docti viri fecerunt, conciliari potest etiam apud Christianæ Religionis hostes, qui alioquin Sacras Litteras & argumenta inde petita suldeque habent. At hæc non propositionibus universalibus, sed notis tantummodo temporum, actionum & adjunctorum singularium confici possunt. Atque his impono finem Institutionibus, & ad Præfationem transeo in universam Philosophiam, in qua prius explicato quid sit & quotuplex scientia, quod & quotuplex ipsius objectum, doceo quid sit Philosophia, quodnam ejusdem objectum & quænam partes, quæ sunt Theologia Naturalis, Physica, Psychologia Speculatrix, Logica & Moralis, quæ sunt Psychologiæ Practicæ partes, & Ontologia. In adnexo Scholio primum meas definitiones univærse vindico ab iis, quæ obijci possunt, & inde occasionem arripio ostendendi quam inutilis sit & de puro nomine quæstio, de qua Peripatetici inter se acerrime digladiantur, an Logica sit scientia vel ars; est enim in cujusque Philosophi potestate operis, ad quod scientia practica tendere dicitur, eam definitionem tradere, quæ aut complectatur etiam directionem intellectus, aut eandem recuset; & alioquin ex iis, quæ suo loco de natura definitionum declaro, constat repudiari non posse meas scientiæ practicæ & speculatricis definitiones, & in sensu a me explicato Logicam esse artem simul & scientiam, sive uno verbo scientiam practicam. Secundo regulis Philosophicæ Methodi ad Logicam ipsam rejectis, illud solum declaro quo Philosophiæ partes sint ordine tractandæ. Cum vero ex altera parte ex illa methodi regula, quod ea præmittenda sunt, per quæ cetera intelliguntur ac demonstrantur, consequens sit Ontologiam atque Psychologiam Speculatricem Logicæ præire oportere, primam quia nullum cogitationum in veri cognitione dirigendarum præceptum dari potest, quod non aliquo Ontologiæ principio nitatur; secundam, quia mentis & intellectus operationes dirigi nequeunt, nisi prius quid sint & quomodo eliciantur ex Psychologia Speculatrice di-

didiceris; & ex altera ex ea ratione quod instrumenta ante limanda atque polienda sunt, quam opus ad quod adhiberi debent, quis aggrediatur, colligi possit Dialecticam ceteris Philosophiæ partibus esse præmittendam: in his contrariis rationum momentis eum sequor ordinem, quo utrisque satisfaciam, Logicam quidem ante explicando, sed præmissis aliquibus ex Ontologia & ex Psychologia petitis principiis, sine quibus Dialecticæ regulæ intelligi ac demonstrari non possunt, & hoc pacto illud consequor, ut & rationes hujusmodi legum satis percipi possint, & ante instrumenta poliantur, quam iisdem utamur in utraque Scientia copiose & accurate tractanda. Itaque primum partis primæ Logicæ caput, in quo de nonnullis disputo Ontologiæ principiis ad regulas Logicæ intelligendas necessariis, quatuor complector articulis, in quorum primo expendo illa duo celeberrima Contradictionis & Rationis sufficientis principia, & quod attinet ad secundum, quia cum agitur de causarum liberarum effectibus, de illo non satis convenit inter Philosophos, interim solum ad causarum quæ necessario modo operantur, effectus pertinere volo, & in iis ipsis duo potissimum esse attendenda declaro; alterum oportere ut duo sive plura esse possint, sed non omnia simul, eo quod alia aliorum complectuntur negationem, quod non satis observatum fuit multorum causa errorum in hujus usu principii, ut suo loco docemus; alterum ad eum finem ut tuto colligere possimus nihil ex pluribus esse posse, non sufficere argumenta negantia in eo posita, quod nullam in aliquo eorum cognoscamus majorem rationem, cur præ aliis sit, sed agentia desiderari in eo posita quod in iis pluribus quæ esse possunt, omnia esse prorsus æqualia clare noscamus. Articulo secundo sequor Cl. Wolphii doctrinam circa essentialia, attributa & accidentia vel modos, sed eam bona ex parte & hic, & alibi corrigo, partim afferendo tum illo tam necessario quodque in omnes partes valere, discrimine essentialiam primariam & substantialem inter atque secundariam & accidentalem, tum altero inter accidentia quæ sunt determinationes mutabiles entis, sed aliquid absolutum significans, interque modos, qui sunt aliquid relativum; partim vero emendandis attributorum tum communium tum priorum definitionibus. Nam hujusmodi attributorum definitiones ita, ut in scholis facere consueverunt, nude traditæ nulli propemodum usui sunt, non quidem illam ob causam, quod ex præscripto legum definiendi confectæ non sint, sed quia per eas tantummodo satis in quoque eventu intelligi nequit, quod cuique rei attributum ita inhæreat, ut illi soli conveniat, quod secus. Igitur etiam

notæ tradendæ sunt, per quas in usu definitionum illud dignosci queat. Perspicacissimus Wolphius hunc defectum vidit in his atque in aliis Scholasticorum definitionibus; quas proinde steriles jure ac merito persæpe vocavit, quod in conficiendis enuntiationum demonstrationibus usui non sunt. Quare cum ad universam Philosophiam restaurandam animum adjecisset, hanc maxime ægram ac prope depositam ejus partem suscepit, & definitiones accuratiores atque, ut ipse vocat, sæcundas, quod multarum demonstrationum quodammodo sunt parentes, in Philosophiam inducere conatus est. Quemadmodum autem nullum cordatum Philosophum puto dubitaturum, utrum illi in pluribus res e voto succederet; ita qui dubitet an aliquando in scopum non collimarit, futurum arbitror neminem. Exemplo sunt inter alia quæ afferri possent, attributorum communium atque propriorum definitiones, quas homo, ut vulgare impleret defectum, excogitavit. Cum enim quæ attributa ab omnibus entis essentialibus profluunt, & ut ipse loquitur, determinantur, propria entis esse voluerit; quæ vero ab aliquibus tantum, communia: profecto non optimam, ut infra ostendemus, attulit medicinam; quemadmodum nec suo munere functus est, ut infra quoque docebimus, cum essentialia voluerit esse illa, quæ simul esse possunt, non tamen simul necessario sunt. His disputatis venio ad tertium articulum, in quo duo monstranda suscipio, alterum in nulla accidentium aut modorum possibilitate rei essentiam posse collocari, alterum omnes hujusmodi possibilitates saltem in aliquo statu vel proximo, vel remoto primi gradus, vel secundi, vel tertii, vel &c. esse attributa & ab entis essentialibus determinari. Qua in doctrina & serie possibilitatum quarum aliæ ab aliis proxime pendent, multum esse momenti doceo tum pluribus locis, tum vero maxime in declaranda methodo demonstrandi propositiones. Quia vero cetera, quæ ad hoc pertinent caput, constitui nequeunt sine cognitione existentie Entis a se, articulo quarto ex cognitione quam quisque habet certissimam existentie suimetipsius, existentiam Entis a se elicio communi quidem ratione, sed quam adversus Atheorum objecta magis premo & prorsus evidentem efficio illa doctrina, quam in pluribus Philosophiæ capitibus maximo cum fructu mihi videor usurpare, discriminis inter prædicata, quæ tamen in singulis entibus non reperiuntur, tamen in iisdem conjunctis esse possunt, interque illa, quæ si non sint in singulis, nec in iis copulatis esse queunt, proptereaquod tamquam aliquid absolute ab entium conjunctione, quæ est aliquod relativum, profi-

scifici nequeunt. Sequitur articulus quartus quo primum hoc caput concludo, & in quo rationes declaratorum possibilitatis tum existentiae primum essentiae entium, sive sint a se, sive ab alio, deinde attributorum, & demum accidentium atque modorum, sive prima sint, sive secunda, sive tertia, sive &c. Qua in re multum est momenti, propterea quod aperiuntur fontes, unde omnium propositionum eliciuntur demonstrationes, & hoc pacto praeveniuntur tyrones ne in irritum conentur sive in quaerenda ratione illius quod nullam habet, sive in investiganda eo locorum ubi non est, quemadmodum non raro accidisse in adnexo scholio doceo tum exemplo illius celeberrimae quaestionis de continuo extenso, in qua plurimum veteri, tum recenti memoria contuderunt ingenium in elicienda interiori ratione, qua continuum extensum componitur, sed irritum semper conatu, quia cum extensio sit primum rei continuæ, extensæ prædicatum, quod ab alio nullo interno pendere potest, sed ipsum est omnium aliorum, quæ in huiusmodi substantia necessario sunt, interior ratio sufficiens; frustra est quicumque internam rationem extensionis, quæ nullam habet, ut infra monstramus, investigare contendit: tum exemplo præjudicatæ illius Peripateticorum opinionis, quæ in scholas etiam aliorum Philosophorum irrepsit, esse quamdam interiorē possibilitatem positam in eo, quod nullam complectitur contradictionem illud ens quod possibile dicitur, quin tamen hæc possibilitas in aliquo ente existentis reperiatur, perinde ac si aut possibilitas esset ipsa per se, nec foret attributum substantiæ, aut intellectus sine ullo in re fundamento veram possibilitatem percipere posset. Caput secundum sibi vindicant principia Psychologiæ speculatricis, quæ regulis Dialecticæ intelligendis sunt necessaria. Articulo primo declaro, quibus prædita facultatibus anima ex ideis rerum, quæ prorsus determinatæ sunt, singulares atque corporeæ, notiones universalium & indeterminatarum atque spiritualium eliciat; atque in solutione objectionum adversus allatam idearum universalium originem, illud objectum, quod opus est universali notione ad eum finem ut anima ab ideis singularibus ad universales transfiliat, prorsus convellō mea illa doctrina ratiocinationum singularium, quæ anteverunt universales; in solutione vero eorum quæ ad originem pertinent idearum rerum spiritualium, duo præsertim distinguo in idea Dei, quam habemus, cognitionem attributorum ipsius, & cognitionem infinitatis eorundem: primamque doceo a nobis elici ex ideis animæ nostræ; secundam vero esse negantem, ac ut talem ab ideis

rerum omnium finitarum, quæ per sensus ingrediuntur, erui posse sine ulla difficultate. In scholio vero sequenti clarius meam expono sententiam, & cum omnes ideas a sensibus oriri ajo, non ita intelligi id volo, perinde ac si omnes ideæ per sensus proxime excitarentur, & omnium objectum foret aliquid corporeis affectum qualitativis, sed in eo tantum sensu accipi debere contendo, ut quamvis in anima sint aliæ plurimæ ideæ, quæ per sensus proxime non generantur, quarumque objectum non est nec coloratum, nec sapidum, nec figuratum, nec ulla qualitate sensibili affectum, tamen eædem ab anima eliciuntur solum occasione idearum, quæ per sensus proxime ingressæ sunt, virtute scilicet reflexionis ad huiusmodi proxime ingressas notiones. In Psychologia vero de his iisdem uberius & accuratius disputabo. Articulo secundo de generibus ac differentiis differo, indeque elicio discrimen inter differentias, attributa & modos, sive accidentia, in eo positum quod attinet ad differentias & ad attributa, quod attributa ab essentialibus ipsa in individuo determinantur ac profuunt; at differentia non determinate fluunt a genere, sed solum indeterminate; nam v. g. substantia nec debet esse necessario spiritalis, quia potest esse corporea, nec determinate corporea, quia potest esse spiritalis, sed solum indeterminate, quia cum nihil indeterminatum exstare queat, saltem aliqua ex his cum genere conjungi debet: in eo vero positum quod pertinet ad easdem differentias & ad accidentia, quod postquam aliqua differentia cum genere conjuncta est, ex. g. substantia substantia facta est spiritalis, tunc huiusmodi differentia separari amplius non potest; contraquam contingit in accidentibus, ut in vi motrice, quæ a corpore sine illius interitu disjungi quit. Ex his & ex iis quæ supra disputata sunt, duo colligo, quibus traditam in antecessum doctrinam essentialium, attributorum atque modorum, sive accidentium magis illustro, ac primo peccare Wolfium & aliis præsertim in essentia corporum definienda peccandi occasionem præbere, cum ait essentialia esse illa, quæ possunt quidem simul esse, non tamen simul necessario sunt. Si enim res ita foret, qui essentialia internoscerentur ab accidentibus, quæ pariter cum essentialibus conjungi queunt, nec tamen simul necessario sunt. Distinguendus est igitur duplex status generis, alter meræ possibilitatis; alter vero existentia: genus consideratum in statu possibilitatis, non debet necessario conjungi cum illa determinata differentia, quia potest exsistere copulatum cum altera; at postquam cum alterutra conjunctum exsistere cœpit, non est in alicujus potestate eam

eam a genere ita separare, ut nihilominus genus existere pergat, aut solum, quod pugnat cum eo quod nihil indeterminatum exstare quit; aut conjunctum cum alia differentia, quod cum iis quæ de substantiali essentia §. 82. disseruimus. Atque hac nota usi sumus in *Phylica Gen.* tom. I. §. 114, & seq. & in consequentibus utemur in definienda corporis essentia, & ab eadem eliminandis non paucis, quæ ob non satis evolutam essentia primariæ & substantialis notionem eidem qua veteres, qua recentiores Philosophi attribuerunt, inter quos aliqui ab hac eadem Wolphii definitione in fraudem inducti sunt. Deinde elicio adversus eundem Wolphium attributa, quæ a solis specificis differentiis profisciscuntur, esse entis propria, & adversus quamdam difficultatem ex quadam trita definitione collectam accuratis Geometriæ definitionibus meam sententiam confirmo. Ad hanc vero circa essentialia, attributa & modos theoriam magis etiam illustrandam, duas trado notas, quibus essentialia ab attributis internoscantur; primam in eo positam, quod essentia entis omnino absoluti in absoluto ponenda est, relativi primi gradus in relativo primi, relativi secundi in relativo secundi &c., quos relativorum gradus explico exemplis rationum & proportionum, quæ inter numeros intercedunt; alteram autem, essentiam esse ponendam in re quæ non solum necessario, verum etiam actu & re ipsa inest, attributa vero esse collocanda in possibilitate ejus quod non semper necessario inest, adeo ut non solum omnes possibilitates modorum & accidentium sint attributa, verum etiam omnia attributa sint modorum & accidentium possibilitates.

His ex Ontologia & ex Psychologia prælibatis, capite tertio explicandas suscipio varias ratione objecti exhibiti ideas, & articulo primo tracto de ideis simplicibus atque compositis, & quomodo idea entis sit simplex & genus summum ostendo, atque id ab objectis vindico adversariorum, & quod attinet ad ideas compositas, diversos earum gradus distinguo, & doceo quomodo ad perfectam rerum compositarum cognitionem acquirendam necessarium sit ideas compositas resolvere in eas ex quibus coalescunt usque ad simplices, si fieri possit; vel si id non possit, usque ad aliquas, quarum certam experimentis & observationibus cognitionem habemus. Articulo vero posteriori examino universales ideas, circa quas cum multa disputentur a Peripateticis malo prorsus omine, eo quod in re nullius prorsus utilitatis per longum tempus detinentur adolescentes, & a saniori Philosophandi methodo deterren-

tur,

tur, aliqua brevi perstringo, ne in tritis quæſtionibus ſint prorsus hoſpites & peregrini, & in ſcholio ſequenti in eo majorem operam pono, ut ex intima animæ natura, & ex lege imaginationis & communicationis inter eandem & corpus rationes eliciam, cur tantum momenti ſit in ea regula, quam ſtatuo, ut ſingulis ideis abſtractis & univerſalibus & ceteris quoque omnibus a reflexione profeſtis proprii termini ad eas ſignificandas respondeant. Divisionem idearum ratione habita modi repræſentandi perſequor tribus articulis, in quorum primo de ideis clariſ, diſtinctis & adæquatis, in ſecundo de definitione, in tertio de diſiunctione tracto. Scholion XXI. deſtino illuſtrandis regulis a me traditis definitionum illiſque præſertim quibus reſolvo quæſtionem magni momenti, an definitionibus uti poſſimus, tamquam certis principiis, ad inde inferendas propoſitiones; idcirco propoſitam, quia invaluit apud Scholaſticos illud adagium: *unusquisque ex ſuis principiis bene ratiocinatur*; quæ regulæ ſunt hæc duæ; prima ut bona ſit definitio rei, cujus idea per ſenſus illapſa per eoſdem ſenſus vel per imaginationem mentem afficit, vel nominis ad rem ſignificandam determinati, enumerari debent vel omnia illius eſſentialia, vel attributa propria; ſecunda ut bona ſit definitio nominis ſive termini, qui nullam adhuc intelligitur habere ſignificationem, ſatis eſt enumerare notas aliquas, quæ poſſint ſimul eſſe, & quarum alia ab aliis determinate non proficiſcatur. In hiſce regulis offendere doceo celebrem auctorem, cujus ſententiam circa virium meſuram T. I. Phyl. Gen. §. 214. luculenter examinaſti, quique pronunciare non dubitat virium meſuram definitione contineri oportere, non experimentis aut ratiociniis oſtendi, nullam nominis definitionem poſſe eſſe falſam, veram eſſe utramque Carteſii & Leibnitii virium æſtimationem, illam ſumta velocitate pro meſura earumdem, hanc poſito velocitatis quadrato, perinde ac ſi vires & meſura non eſſent nomina ad res ſignificandas jam determinata. In iſdem peccare conficio communem illam vacui definitionem, *vacuum eſt ſpatium omni corpore deſtitutum*, quæ omnibus impoſuit Philoſophis tum iis, qui vacui poſſibilitatem defendunt, tum iis qui impugnant; illis quia cum clare & perſpicue viderent poſſibilitatem omnium corporum e cubiculo educendorum, quin alia ſuccederent, & parietes moverentur, crediderunt reſtare ſpatium ſimul extenſum, & omnis expert corporis extenſæque ſubſtantię, indeque intulerunt extenſionem non ſoli ſubſtantię creatæ extenſæ convenire, & alia quamplurima, quæ a communibus abhorrent

no-

notionibus, ut tom. I. *Phys. Gen.* ostendi, & in *Ontologia* iterum ostendam; his autem quia cum extensionem cum negatione substantiæ extensæ componi non posse viderent, etiam possibilitatem omnium corporum ex aliquo loco educendorum negarunt, tametsi ea clarissimis notionibus contineretur. Ex iis autem quæ §. 8. & seq. *Phys. Gen.* disputavimus, & hic in *Ontologia* differemus, nemo non colligit illa duo, spatium extensum, & negationem cujuscunque substantiæ extensæ, in una sede morari non posse, & ex hac præjudicata opinione, quam definitio vacui insinuavit, factum esse, ut alterutrius sententiæ Patroni se inextricabilibus nodis astringerent. Sic ex definitione continui extensi originem duxisse adverto omnes tricas atque angustias, in quas se conjecerunt Philosophi in ejusdem proprietatibus investigandis. Nam extensum continuum definientes id quod habet partes extra partes, inter quas alia nulla interponi posset; qua definitione ideam imaginariam contineri docuimus §. 21. num. 9. cit. lib. & hic pariter in *Ontologia* docebimus, toti in eo fuerunt ut docerent qua ratione continuum ex partibus coalesceret, & extensionis continuæ rationem in partibus investigarent. In quo quantum a scopo aberrarint, planum fecimus, cum illud ostendimus partes reipsa distinctas in vero continuo non esse, ac tantum abesse ut hæc sint extensionis ratio, ut potius extensio ante omnes etiam infinitas partes reperiatur; id quod ibid. §. 19. & 20. confecimus, & hic in *Ontologia* conficiemus. Hujus vero & aliorum, qui hinc consequuntur, errorum fons & origo sunt illa duo, quæ perinde ac si una in sede morari possent, simul junguntur, extensio continua, eaque ex partibus reipsa distinctis & se proxime contingentibus constans. Ex quibus omnibus constare colligo quod propositum est, in qualibet definitione opus esse, ut notas illa comprehensas posse simul copulari ante perspicuum fiat, quam illam veluti certum & exploratum principium in aliis concludendis usurpemus; aliaque non pauca maximi in disciplinis explicandis usus, & præsertim solutionem celeberrimi illius questionis, quæ occasione quarundam Euclidis definitionum paucis abhinc annis Italicorum Geometrarum torfit ingenia, an scilicet definitio sit arbitraria nec ne: eam nempe, dummodo notas quæ simul esse possint, contineat, arbitrariam esse, si nec ante definitionem, nec post restringitur ad aliquid aliud significandum præter illud ens, quod ex iis notis coalescit; non vero si id fiat. Primæ Logicæ parti finem imponit caput quintum, quod est de veritate & falsitate idearum. Celebrem

hac

hac in re inter Philosophos quæstionem sic definitio: puræ ideæ, in quibus non percipitur convenientia aut discrepantia inter unam & aliam rem, sunt semper veræ, numquam falsæ; si vero in idea composita non solum percipiamus eodem tempore duo, sed etiam alterum tamquam alteri conveniens, idea composita est falsa in duobus eventibus, primo cum percipit posse convenire illa quæ repugnant, sive simul esse nequeunt; secundo cum percipit reipsa & actu convenire quæ reipsa & actu non conveniunt. Quibus mihi videor hanc quæstionem ita solvisse, ut amplius dubitari non possit, adminiculo præsertim duarum distinctionum, quas usurpo in solutione objectorum, in quarum prima discrimen facio inter eventum in quo idea ex. g. remum in aqua inflexum repræsentans determinatur ad exhibendam rem præsentem per adjectionem particularum *hic, iste, ille &c. remus in aqua inflexus*, interque illum, in quo minime determinatur; & in primo eventu statuo hanc ideam esse falsam, eoquod objectum repræsentatum est remus præsens, & cum remo præsentis flexio non convenit; in secundo esse veram, eo quod objectum tunc repræsentatum non est remus præsens, sed occasione præsentis alius remus qui potest esse in aqua inflexus: atque hac de causa pronuntio omnes ideas, quæ per sensus proxime in animam ingrediuntur, esse veras si ad res præsentem non determinantur, quia illarum objectum saltem possibile est. Altera vero distinctione differentiam pono inter ea quæ manifeste repugnant ut circulus quadratus, interque illa, quorum contradictio latet, ut triangulum habens tres angulos majores aut minores duobus rectis; atque in primis statuo non posse percipi duo repugnantia tamquam inter se convenientia, eo quod percipi nequit non ens tamquam conveniens enti; in secundis autem id posse intelligi, eo quod contradictio latens perinde est ac si non foret habita ratione intellectus, qui eam ignorat. Ex quo elicio nec Peripateticis absolute affirmantibus quæcumque impossibilia vi reflexionis posse ab intellectu percipi tamquam convenientia, nec Cartesianis id absolute negantibus litem esse prorsus adjudicandam. Hunc vero actum, quo convenientiam aut discrepantiam percipimus inter duo, esse judicium intellectus, assensum vero & dissentium qui perceptionem convenientiæ aut discrepantiæ sequuntur, pertinere ad voluntatem, capite primo partis secundæ, in qua de judicio differitur, ita perspicue doceo ratione petita ab ipsamet omnium consensu probata differentia inter actus intellectus & voluntatis, itaque perspicue meam sententiam vindico ab objectis

jeſtis adverſariorum , ſub oculos ponens aſſenſum eſſe actum , quo volumus verum tamquam intellectus perfectionem , diſſenſum eſſe actum , quo falſum averſamur tamquam intellectus imperfectionem , ut mirari ſubeat in re tam manifeſta maximam Philoſophorum partem a Cartefio , cujus ſententiam hic propugnamus , diſſentire . Miſſo capite ſecundo in quo diſſeritur de variis propoſitionum ac judiciorum generibus , capite tertio tracto celebrem illam quaëſtionem , an quaëlibet propoſitio vera aut falſa ſit , & adverto Academicos , qui ullam rem certo percipi poſſe negabant , magnam in tota Dialectica atque Philoſophia ſtragem edere ſe poſſe arbitrari illa una celebri propoſitione *mentior* , nec immerito , quia ut videre licet apud Ciceronem l. 4. Acad. Quaëſt. cap. 30. contrariæ ſectæ Philoſophi ab illa dialectica regula quod enuntiatio quaëlibet aut vera , aut falſa eſt , poſtulabant ut hæc exciperentur , quæ ab ipsis inexplicabilia , a Scholaſticis autem inſolubiles propoſitiones appellata ſunt . Hi ſiquidem hanc exceptionem ab iis non impetrabant , qui jure ac merito agebant , ſi quæ propoſitio nec vera , nec falſa ſit , aut ſimul vera & falſa , de omnibus aliis in dubium poſſe vocari an idem contingat . Mihi videor rem hanc tangere acu , tamque inextricabilem ſolvere nodum ea præſertim doctrina quam ſupra expoſui , de natura noſtræ mentis , quæ non poteſt tamquam convenientia percipere duo quæ manifeſte repugnant , uti circulum quadratum , nec iſti convenientiæ aſſentiri . Non enim quo tempore mens proferat eam propoſitionem *mentior* , cum antea nihil pronuntiaſſet , eo poteſt judicare aut ſe mentiri , aut ſe non mentiri , eo quod utrumque non minus aperte falſum & impoſſibile eſt , quam circulum eſſe quadratum ; alterum quia ſi judicaret ſe non mentiri , plane cognosceret ſe revera mentiri , eo quod verba proferret cum judicio mentis non congruentia ; alterum quia ſi judicaret ſe mentiri , plane videret ſe nequaquam mentiri , eo quod verba ſecundum mentem proferret . Ex quo elicio nullum a mente formari judicium in prolatione verbi *mentior* , quod ad ſpeciem quidem eſſe propoſitio videtur , re autem vera non eſt , eo quod ad nullum ſignificandum judicium refertur . Concludo hanc ſecundam partem doctrina propoſitionum quæ contradicторiæ ſunt , aut contrariæ , quam pluribus explico capite quarto ; idque non ſine ratione . Quamvis enim ea quæ de propoſitionibus contradicторiis diſputantur , ita clara ſint , ut nemo in iisdem dijudicandis falli poſſe videatur ; tamen nescio quo pacto nobis inſcientibus obrepunt propoſitiones contrariæ ſpecie contradicторiarum , & cum

hæ tales esse debeant, ut negans inficietur tantum id, quod in ajente affirmatum est, nihil vero aliud complectatur, in negantem quidpiam se insinuat quod non est in ajente affirmatum. Cujus rei cum plura possem asserre exempla, ex quibus compertum fiat sæpius uluvenire, ut propositiones contrariæ & ambæ falsæ accipiantur pro contradictoriis, quarum altera cum vero congruat, altera ab eodem dissentiat, satis esse puto unum & alterum ex intima Philosophia proferre, & aliud addere ex Gellio, qui enunciationis contradictoriæ naturam non videtur perspexisse. His de secunda mentis operatione tractatis venio ad tertiam, & in scholio capitis primi, in quo de variis syllogismorum compositorum speciebus tracto, primum doceo cum Cl. Harenbergio omnem ratiocinationem ad aliquem redigi syllogismum ob eam rationem, quod cum tertia mentis actio necessaria sit in cognoscenda veritate propositionis obscuræ, in qua per solas ideas etiam claras prædicati & subiecti & per reflexionem ad ipsas proxime non intelligitur utrum prædicatum conveniat subiecto, nec ne, tunc alius non suppetit in eam cognitionem veniendi modus, nisi remotus, qui in eo positus est ut videamus, an tum prædicatum, tum subiectum insit cuidam tertiæ rei, aut alterum insit, alterum nequaquam, aliquo ex iis legitimis modis, quos §. 55. enucleate explicavimus. Quo constituto disputo adversus aliquos & præsertim adversus Cl. de Soria, qui syllogismorum artem, prout in scholis traditur, ut pote nullius usus atque adeo inutilem eliminandam contendit, & soriticum argumentandi genus esse potius in Philosophiam inducendum, inviste doceo, si præter syntheticam methodum etiam analytica in Philosophia retinenda est, quemadmodum esse retinendam ipse quoque de Soria fatetur, esse quoque servandam syllogismorum artem, & modum, quo illa procedit, eoquod unum inter soriticum argumentandi genus, interque syllogisticum discrimen in eo positum est quod sorites synthetica, syllogismi vero analytica ratione procedunt. Cum in hoc eodem de syllogismi loco inter se digladiati fuissent Cl. Philosophi Wolphius & Hanschius, alter defendens solam primam figuram retineri oportere, atque ad eandem omnes syllogismos redigi posse, alter id negans, ego ex meis principiis veram & evidentem elicio quæstionis solutionem, ostendoque secundum ex modis per se legitimis, *Si C est in A, & C non est B, ergo A non est in B*, & alios omnes, qui conversione alicujus propositionis ad hunc rediguntur, ad nullum primæ figuræ modum nec adminiculo conversionis posse reduci. Capite secundo

do quæstionem tracto majoris, quam initio putabam, momenti, de necessitate assentiendi conclusioni, cum mens dat assensum præmissis, variisque distinctionibus inter assensum implicitum, qui semper est necessario conjunctus cum assensu, qui datur, præmissis, interque explicitum, qui est necessarius solum, cum mens novit connexionem conclusionis cum iisdem præmissis, inter veritatem evidentem, cui tamquam certo bono & perfectioni mens assentiri debet necessitate absoluta statim ac eadem quocumque modo menti proponitur, interque incertam atque probabilem, cui assensum præbere non debet nisi necessitate hypothetica, sub ea scilicet conditione, quod eodem tempore assentiatur præmissis, quibuscum necessario copulata est, & tandem inter verum & positivum dissensum, qui cum assensu in eandem propositionem componi non potest, interque negationem majoris & perfectioris assensus, qualis præbetur propositionibus incertis, his, inquam, variis distinctionibus ita perspicue quæstionem dirimo, ut de eadem amplius dubitari non posse videatur. Capite quarto ingredior intricatissimum locum, qui est de primo nostræ cognitionis principio deque certo & probabili & de variis probabilitatis gradibus, ac de opinione & fide. Primo vero ex tribus articulis quibus eundem illustro, univèrse statuo primum nostræ cognitionis principium esse hoc. *Quod prædicatum clare & evidenter aut proxime aut remote cognoscitur esse aut non esse in subjecto, illud revera est in eodem, aut non est.* Illa autem distinctione inter evidentiam proximam atque remotam in solutione eorum, quæ contradicuntur ab iis, qui hoc principium primum & unicum esse negant, planum facio etiam ea, quæ dicuntur certa physice, & certa moraliter, talia non esse, nisi quia ad hoc rediguntur principium, quatenus clare & evidenter nosco Deum ut pote optimum non posse permittere ut falsa sint, quæ constanti aut sensuum, aut omnium hominum testimonio nituntur. Cumque alii objiciant hoc principium revera in errorem inducere, & opus esse alio principio ad ideas vere claras atque perspicuas ab iis, quæ solum hujusmodi apparent, sed non sunt, internoscendas, pluribus doceo ideas claras, ut pote ipsam mentis lucem, ipsas per se eandem afficere mentem, & ad eas noscendas alia cognitione opus non esse, nisi reflexione mentis, eandemque, ut pote naturales rerum imagines, non posse clare exhibere convenientiam inter duo, quæ repugnant, aut discrepantiam inter duo, quæ conveniunt, atque exempla ab Huetio & Bælio ducta ex Geometricis, ex quibus constat quantitates infinitas esse

posse æquales quantitati finitæ, tametsi clarissime appareat quantitatem infinitam esse majorem finita, nullius esse momenti, eo quod secundum principia Analysis Rétentionum solum quantitas infinita ex altera parte, sed tantumdém infinite parva ex altera quantitatem utrimque finitam exæquare potest. Quod ita esse debere clarissimis notionibus continetur. Quod attinet ad certam cognitionem eorum, quæ per sensus in animam illabuntur, in duas dissepisci sententias doceo sequenti in scholio Philosophos, quorum alii volunt corporum, quibus sensus afficiuntur, existentiam ipsam per se ita esse perspicuam, ut aliis cognitionibus clarioribus id suaderi non possit. Inter hos Vernejus contendit tam esse perspicuum in anima nostra existare sensationes corporum, quam extra animam corpora ex quibus eadem oriuntur. Quod quomodo is defendere possit ego non video, cum in ipsius quoque sententia primum sit adeo certum, ut neque per divinam omnipotentiam aliter esse queat, quia Deus facere nequit, ut ego intimo sensu me sentire cognoscam, & nihilominus hæc in anima sensatio non sit: alterum autem solum, ut naturaliter quidem alio modo res se habere non possit; possit autem supernaturaliter & per miraculum, quia Deus facere quit ut in me sensationes existant, & tamen extra me non sint corpora, quæ iisdem repræsentantur, & perpetuo facit in Eucharistia, in qua sine pane & vino ita claræ perficiuntur eorumdem sensationes, perinde ac si ante oculos & alios sensus panis & vinum exstarent. Quæ cum ita sint, venio ad alios, qui volunt hanc enuntiationem *corpora existunt* ipsam per se claram & evidentem non esse, talem vero effici ope aliarum cognitionum, ex quibus necessario colligitur, & primum rationem Gualberti de Soria ductam ex eo, quod ad appulsum corporum resistantiam nobis obijci sentimus refello ex eo, quod etiamsi nulla forent corpora, Deus hanc eandem resistantiæ sensationem excitare posset, ut revera excitat in Eucharistico Sacramento. Deinde similiter labefacto rationem aliam Vernej. Tum veram, ut mihi quidem videtur, celebrem Cartesii rationem pro certa cognitione eorum, quæ per sensus in animam incurrunt, declaro, dumque eandem vindico ab objectis, explico eventus, in quibus eadem locum habere debet, & eos in quibus non item. Cum autem Buffierius his refragetur, & ajat præter intimum sensum, cui metaphysice certa innitantur, admitti oportere sensum communem, cui ea quæ physice certa sunt, propterea quod metaphysica evidentia confici posse negat similes enuntiationes, & ad rationes pro corporibus a divina bonitate petitas

titas respondet primo notiozem atque clariorem nobis esse propositionem quod corpora existunt, quam aliæ sint de existentia & summa bonitate Dei, ex quibus existentiam corporum Cartesiani colligi posse contendunt; secundo valde eos falli, qui ex ideis animæ nostræ, quibus ens summe perfectum percipimus, concludi posse volunt existere hujusmodi ens; tertio cum evidentia metaphysica vulgo ponatur in perceptione eorum, quæ intimo sensu experimur in nostris ideis & sensationibus, & in iis quæ inde inferuntur; ea vero quæ inde inferuntur, non sint nisi nostrarum perceptiones idearum, inde sequi metaphysica evidentia monstrari non posse Deum existere: nisi quis velit ideas animæ nostræ a Deo non esse discretas his omnibus luculenter satisfacio, & inter alia doceo clarissimos nostræ ætatis Philosophos Lochium, Vernejum, Buffierum & alios, qui Lochii vestigia secuti negant axiomata metaphysica ullas demonstrare veritates externas, non satis animadvertisse ad ea, quæ de differentia inter definitiones reales & nominales supra differuimus, nec accurate universales evoluisse notiones, & oleum atque operam non perdi ab eo, qui eam in rem totus incumbat. Ex quibus eruo quæ physice certa dicuntur, metaphysice certa evadere non absolute, ut quæ metaphysice talia dicuntur, sed hypothetice, sub hac videlicet conditione, quod Deus naturaliter operetur; quemadmodum sub eadem conditione metaphysice certa fieri doceo, quæ dicuntur moraliter certa, eo quod nostra cognitio certa esse non potest, nisi circa res, quæ aliter esse nequeunt aut absolute, aut sub data conditione; contraquam accidit in divina cognitione, quæ absolute certa esse potest etiam in rebus non omnino & metaphysica necessariis, quia cum Deus semetipsum perfecte cognoscat, atque ideo omnes suæ voluntatis liberos actus etiam eos, qui ad res in tota æternitate futuras referuntur, ex quibus omnia quæ absolute necessaria non sunt, ducunt originem; ipsius cognitio falli non potest etiam in iis, quæ aliter esse queunt. His vero, quæ de cognitionibus certis, deque earum principio copiose disputavimus, adjungo secundum articulum, in quo intricatissimum locum de incerto & probabili, deque variis probabilitatis gradibus, & de fide paucis declaramus. In adnexo scholio enucleate tracto quæstionem circa divinæ fidei convenientiam cum naturali ratione, & aoriter impugno Bælium, qui discedens a communi qua Theologorum, qua Philosophorum sententia, qui volunt mysteria fidei esse quidem supra rationem, non autem contra, affirmare non dubitat, si nomine rationis intelligatur ratio universalis



salis quæ in Deo est, myſteria nec eſſe contra rationem, nec eſſe ſupra; ſin autem ea infirma ratio, quæ in homine eſt, tam eſſe ſupra quam contra. Qua in re illud præſertim doceo, cum tria contingere poſſint in propoſitionibus, primo ut ratione naturali demonſtrentur eſſe veræ, ſecundo ut falſæ, tertio ut nec tamquam veræ, nec tamquam falſæ oſtendantur, myſteria fidei nec a Chriſtianiſ confici poſſe ut vera, nec ab Antichriſtianiſ oſtendi poſſe ut falſa, quia ex principiis certis & evidentibus perque legitimam ſyllogiſmorum formam nec primi eorum veritatem, nec ſecundi eorundem falſitatem colligere queunt, ſed inter utrumque ſuſpenſi maneat neceſſe eſt, tantumque abeſſe declaro ut ex eo quod ſint ſupra rationem, cum Bælio inferri poſſit eſſe quoque contra rationem, ut potius ex eo quod perſpicue monſtrarentur eſſe contra rationem, colligi poſſet ſupra eandem non eſſe. Cum vero objiciatur, ſi perſpicuis rationibus neque Theologus infirmare poteſt difficultates contra myſteria propoſitas, neque adverſarius eaſdem difficultates ad evidentiam urgere, nullam eſſe Philoſophis rationem aut aſſentiendi myſteriis, aut ab iſdem diſſentiendi, ſed anceps inter utrumque maneat oportere; do quidem non eſſe interiores rationes quibus eadem demonſtrentur, ſed ajo eſſe externas petitas a teſtimonio Dei, quem ex altera parte ratione naturali cognoviſmus nec decipi nec decipere poſſe, ex altera revelaviſſe dicta myſteria certum ſit iis omnibus rationibus, quæ in Evangelica Demonſtratione a quæplurimis, & præſertim a Cl. Viris Huetio, Grotio, & Abbadie prolatae fuerunt, & Philoſophiæ auditoribus ante explicari debent, quam in Theologiâ introducantur. Reſtat articulus tertius, in quo ad falſam quædam multumque omnibus facultatibus noxiâ opinionem, quæ in animis inſignium etiam Philoſophorum inſedit, evellendam, ſcilicet id omne falſum eſſe quod ex propoſitionibus falſis per legitimam illationem deducitur, planum facio ex duabus præmiſſis falſis; aut ex altera vera, ex altera falſa, ſervata legitima ſyllogiſmorum forma, concluſionem elici poſſe veram, non quidem virtute præmiſſarum, ex quibus illata eſt, ſed ab alias veras, ex quibus colligi poteſt, meamque ſententiam ab objectis vindico adverſariorum. Succedit caput quartum, in cujus primo articulo expendo quid ſit demonſtratio & quæplex, in ſecundo de methodis ſynthetica & analytica diſſero. Quod attinet ad primum, tradita definitione demonſtrationis & diviſionibus ejuſdem in eam, quæ eſt a priori, & in illam alteram quæ a poſteriori, in eam quæ dicitur directa, & in illam

quæ

quæ indirecta appellatur, primum adverto in hac ultima ex propositione contradictoria ostendendæ colligi oportere propositionem aliquam evidenter falsam, sed adhibitis in consortium contradictoriæ propositionibus veris; quod ni fieret, suspicari possemus enuntiationem conclusam ex contradictoria demonstrandæ esse falsam non propter falsitatem contradictoriæ, sed propter falsitatem aliarum, quæ cum illa usurpatæ fuerunt. Tum aperio fontes unde propositionum demonstrationes derivandæ sunt, & doceo demonstrationem propositionis absolutæ petendam esse a definitionibus subiecti & prædicati, hypotheticæ autem tum a definitionibus, tum ab illa conditione, sub qua prædicatum de subiecto enuntiatur; quæ conditio erit solius entis externi agentis in subiectum, si prædicatum sit aliquis modus, sive accidens primum; entis externi, modi primi, & secundi, si prædicatum sit modus tertius &c. secundum ea, quæ de rationibus essentialium, attributorum, atque modorum & accidentium in antecessum docuimus. Quod attinet ad methodos demonstrandi, syntheticam desinio illam, in qua mens primo ponit propositiones per se evidentes, tum investigat quænam propositiones ex his proxime inferri possint ope syllogismi, deinde investigat quænam aliæ propositiones ex primo illatis inferantur, postea quænam aliæ ex secundo conclusis, & ita progreditur quoad potest: analyticam voco illam, in qua mens primo ponit propositionem aliquam obscuram, & deinde investigat propositiones ex quibus illa elicitur usque ad prima principia. Unde si sit propositio ex. g. remote in tertio gradu pendens a primis principiis, primo mens eruit propositionem obscuram ex propositionibus in secundo gradu pendentibus a principiis, tum propositiones remote in secundo pendentibus eruit. Utramque methodum declaro exemplo ex superioribus ducto, & deinceps ostendo non solum ad demonstrationes, verum etiam ad definitiones utramque pertinere. Longissimum his adnecto scholium, in quo plura maximi in omnibus Disciplinis usus enucleate pertracto. Primum doceo in enuntiatione antegressa §. 140. quam ex CL Wolphio desumimus, tantum esse momenti quantum in arte inveniendi. Cum enim attributa suam a priori rationem habeant in essentialibus, essentialia vero suam a posteriori in attributis, ex definitione sive tradita per essentialia, sive tradita per attributa facile eruemus, an aliquod prædicatum sit necessario inclusum in subiecto, & ideo vera sit absoluta propositio affirmans, an aliquod sit necessario exclusum a subiecto, & ideo vera sit negans pariter absoluta; quæ declaro exemplo Geometrarum, quorum alii incipiunt a definitione rei quam

quàm habent præ manibus, tradita per essentialia, & inde attributa deducunt, alii a definitione tradita per attributa propria, indeque essentialia aliaque attributa colligunt: an denique aliquod nec re ipsa necessario conveniat nec discrepet, sed solum possit convenire & non convenire, eo quod etiam possibilitas alicujus rei, quæ necessario non inest, aut proxime ab essentialibus, aut remote adminiculo aliarum possibilitatum, quæ magis proxime ab iisdem essentialibus proficiuntur, originem ducit. Conditiones vero sub quibus quodque prædicatum subiecto convenit, utraque methodo investigari posse demonstro, synthetica cum prius investigantur ea quæ circa subiectum aliquod fieri possunt, & diversi status in quibus subiectum reperiri quit, & deinceps inquiritur quid tunc eidem subiecto sic affecto & in eo statu considerato conveniat; analytica vero, quando datis quibusdam prædicato & subiecto inter se convenientibus in aliquo statu, qui tamen nescitur qualis sit, quæritur ille status in quo prædicatum subiecto convenit, eaque conditio, quæ necessaria est, ut conveniat. Progressum utriusque methodi declaro exemplis aut ex penu Geometriæ depromtis, aut ex mea Logica, aut ex Metaphysica quæ mox sequetur, aut ex tribus Physicæ Generalis tomis, & præsertim indico modum, quem ego in quampluribus secutus sum, quoque mihi videor multis in Philosophia quæstionibus, quarum aliquas commemoro, finem imposuisse. Hic autem modus in eo positus est ut accurate expendere rationes quæ in utramque partem aut ab aliis afferri sciebam, aut afferri posse videbam. Etenim non raro observavi in singulis aliquid esse veri, & inde collegi distinctionem duorum sensuum duarumque conditionum, in quarum altera propositio affirmans foret vera, in altera negans. Quibus explicatis ajo priorem methodum esse faciliorem secunda in eruendis conditionibus quæ necessariæ sunt ad eum finem ut prædicatum cum subiecto convenire ostendatur; quia cum possibilitates modorum proximæ a sola essentia pendeant, remotæ in primo gradu ab essentia & a proximis, remotæ in secundo ab essentia, a proximis & a remotis in primo &c. facilius est ab essentia colligere primam possibilitatem modi proximam, & conditionem entis externi, a qua ille modus pendet ut actu sit; tum ex essentia & possibilitate proxima possibilitatem remotam primi gradus inde pendentem, & conditiones quæ necessariæ sunt ut modus secundus in re habeatur; deinde ex essentia, possibilitate proxima, & possibilitate remota primi gradus possibilitatem remotam secundi & conditiones quæ si-

mi-

militer &c. ut modus tertius in ea reperiatur, quam posito aliquo modo, ex.g. quinto, eruere possibilitates omnes & conditiones quæ necessariæ sunt, ut vel ejus possibilitas sit in statu proximo, vel is re ipsa in subjecto reperiatur: alteram autem methodum in aliquibus esse utiliore, quia in illa intelliguntur quidem conditiones, quæ necessariæ sunt, ut prædicatum cum subjecto copuletur, non autem saltem ut plurimum, definiri potest utrum sub iis tantum conditionibus prædicatum conveniat, an vero etiam sub aliis; in hac autem & conditiones sub quibus convenit, & illæ sub quibus non convenit, sæpe feliciter deteguntur; id quod declaro exemplo Ballisticæ, in qua, data idonea ad punctum feriendum velocitate, duo inclinationis anguli ad id obtinendum accommodati eruantur, & data illa quæ idonea non sit, valores imaginarii & impossibiles id sub oculos ponunt: quamquam quod attinet ad hoc secundum, moneo interdum usuvenire, ut qui hac analytica methode utitur, in valores incidat imaginarios & impossibiles, non quia id quod quæritur impossibile sit, sed quia modo impossibili quæritur, idque duobus illustribus exemplis ex mea Physica Gen. petitis, altero extractionis radices cubicæ, cum tres sunt radicum valores reales & diversi, altero quarumdam hypothesum virium centralium confirmo. Verum tamen est quod idem obtineri posse doceo synthetica methode, cum ex artis combinatoriæ principiis omnes definiuntur eventus qui esse possunt, idque declaro illo non minus illustri exemplo modorum omnium, quibus tria, scilicet A, B, C bina conjungi possunt, quique sunt triginta duo, ex quibus adminiculo quoque principii reductionis, quod est unum ex præcipuis artis inveniendi, novem excerpti legitimæ syllogismorum formæ ratiociniis etiam singularibus accommodatos; ut nunc mittam alterum, cujus in scholio supra mentionem feci, depromptum ex tom. II. Phys. Gen. quo loco ut definirem in quibus eventibus & virium centralium hypothesibus corpus ad centrum virium perveniens progredieretur & in alteram partem ascenderet, in quibus aliis in contrariam reflecteretur, & in quibus quietum in centro permaneret, singulas expendi hypotheses, & inde elicitos pressio-num, temporum & velocitatum valores, & omnes examinando tum motus continuati, cum velocitatis valor est positivus, tum reflexi, cum est negans, tum corrupti, cum est imaginarius, eventus, interque se comparando & expendendo in quibus inter eos conveniret, & in quibus discrepant, adminiculo principii altius artis inveniendi, quod eorundem effectuum eadem sunt causæ,

T. I.

d

fæ,

sz, & diverforum diverssz, rationem a priori deduxi, cur reflexio, cur continuatio, cur motus corruptio debeant usuvenire. Ex quibus colligo mihi non probari eorum sententiam qui volunt methodum analyticam esse propriam veritati inveniendæ, syntheticam eidem jam inventæ aliis explicandæ scientiisq; tradendis. Utramque enim utrique fini obtinendo idoneam esse confirmo, syntheticam expositione rationis, quam in pluribus Philosophiæ capitibus secutus sum, & præsertim in disputatione de quantitate, in qua progressus a faciliori quadam enuntiatione, & inde pedetentim omnia inferendo quæ cum ea necessario connexa sunt, mihi sum visus obscurissimum Philosophiæ locum in quam optima luce posuisse; ex quibus apparet hanc methodum non solum exponendo vero jam invento, verum etiam eidem inveniundo esse accommodatam: analyticam autem, quia non solis veritatibus inveniendis ut omnes concedunt, sed etiam exponendis esse aptam declaro ex eo, quod ex altera parte syllogismorum artem esse retinendam supra docui, & ex altera in illa methodum analyticam usurpari hic doceo. Ex his concludo utramque in veritatibus tum inveniendis, tum inventis explicandis usurpari oportere, prout alterutra magis commode cadit, proptereaquod aliquando usuveniet, ut synthetica facilius & certius præ analytica ad alicujus veri cognitionem nos ducat, aliquando vero ut analytica. Primæ maximum usum declaro in ipsomet Integrali calculo, in quo analyticam alioquin regnare scimus. Nam multæ differentiales formulæ synthetica methodo fuerunt offensæ hujusmodi, ut vel in summam redigi possent, vel ad quadraturas conicarum sectionum, quod analytica Geometriæ numquam obtinuissent, eas præsertim quæ multimodis variari debent pluribusque substitutionibus ante subjici, quam aut integrentur aut ad notas quadraturas redigantur. Evidentem quam assero rationem quisque videre poterit ad numerum decimum, & idoneum exemplum quo illam sub oculos pono. Quod attinet ad hujusmodi methodos, unum addo, utramque esse posse tum a priori, tum a posteriori, eo quod quæ simpliciora sunt, & partes rem componentes, quæque sunt aliorum causæ, interdum notiora sunt præ compositis, præ totis atque præ effectibus; interdum vero e contrario: ex quo fit ut synthetica methodo utentes in primis incedere debeant a priori; in secundis autem a posteriori; & contra analytica utentes. Immo in ea sententia sum illum qui syntheticam usurpat, semper aliqua ex parte debere progredi a posteriori. Cum enim primæ rerum ideæ per sensus in animam illabantur, quis

quis ignorat hoc pacto nobis fieri notiora composita præ partibus eam componentibus, effectus præ caussis, & rerum proprietates, & attributa præ essentialibus. Quod ut magis illustrem, distinguo partes, quæ vere tales sunt, uti varia horologii instrumenta, ab iis, quæ reipsa tales non sunt, sed sola mentis cogitatione & vi præsciendendi possunt existere, & adverto synthetica methodo utentem in primis ut plurimum a partibus simplicioribus proficisci, eoquod facilius, quam res ex iis compactæ, cognoscuntur, tametsi aliquando aliter facere debeat ob contrariam rationem, quemadmodum accidit in die, qui notior est quam horæ & minuta; in secundis autem semper debere procedere aliqua ex parte a rebus compositis, eoquod res abstractæ quæ sunt ipsarum veluti partes, sine illarum cognitione intelligi nequeunt. Hac de causa numquam concoquere potui Geometrarum morem, qui Elementorum initium capiunt a definitione puncti inextensi, inde ad lineam transeunt, ab hac ad superficiem, & tandem in solidum triplici extensione donatum desinunt. Mihi enim videtur primum totius solidi cuius cognitio sensibus hauritur, definitio proponenda, ex hac deinde eruenda definitio superficiei, quæ est terminus solidi; tum ex hac similiter colligenda definitio lineæ, quæ est terminus superficiei, & tandem puncti, quod est terminus, sive initium aut finis linearum. Quæ omnia attendenda esse doceo in illa celebri controversia quæ est inter summos viros, Lamyum cum aliis ex altera parte, qui contendit in disciplinis tradendis a simplicibus initium esse ducendum & a minus compositis, & inde ad composita atque ad magis composita esse progrediendum, interque Christianum Wolphium cum aliis pluribus ex altera, qui magnam negat haberi oportere aut simplicitatis rei, aut compositionis rationem, sed omnem illius regulæ quam infra tradimus, ut ea præcedant, per quæ cetera intelliguntur, & demonstrantur; atque totis viribus in id incumbendum, ut utramque rationem inter se conciliemus. Id quod me præstitisse significo in Physica Generali, & præsertim tomo secundo, in quo Cl. Eulerum in Mechanica secutus, varias expendi motus & virium centralium hypotheses, & ad sedulum examen vocatis simplicioribus cuiusque hypothesis formulis atque in omnes partes versatis, & contra ipsius Euleri sententiam, quem in Phys. docui aliquando a veris aberrasse calculi integralis principiis, demonstrata ratione, qua simpliciter in summam rediguntur, quaque intelligi debeant, simpliciores atque breviores quam is fecerit, methodos tum §. 137, tum alibi, & præsertim §. 170. usurpavi, & nihilo-

minus non solum ea, quæ Auctor ex suis minime universalibus; obliquis & valde operosis elicit, verum etiam & alia plura, ad quæ is pervenire non potuerat, eruere licuit; immo & varios ipsius & Buschovichii in motibus, qui a viribus oriuntur centralibus, errores detegere. His quod attinet ad utramque methodum, quibus earum natura, & discrimen ab aliis non satis animadversa majori in luce ponuntur, disputatis, transeo ad errores, qui in demonstrationibus utraque methodo conficiendis committi solent, & doceo in duobus omnino posse offendi, in principiis ex quibus propositiones eruuntur, & in modo sive forma syllogistica quæ adhibetur. Unde primum adverto principia certa esse debere, nec tamen continuo existimari oportere incerta aut falsa, eoquod aliqui eadem tamquam talia traducunt. Si enim aliquæ enuntiationes sua perspicuitate laceßant animos attendentium, & omnia quæ inde eliciuntur, & inter se & cum aliis naturæ phenominis cumque ceteris notionibus claris & evidentibus mirifice congruant, pro certis esse habendas contendo, etiamsi multi sint, qui negent assensum præbere, proptereaquod id contingere potest, quia non satis se a præjudicatis opinionibus expedire, & ad eandem animam, quantum opus est, intendere non potuerunt. Hanc autem notionum perspicuitatem, huncque mirificum omnium quæ inde illata fuerunt, consensum causam existisse declaro, cur Geometricæ disciplinæ pro certis semper habitæ fuerint, tametsi multi easdem a falsis profectas principiis non spernendis rationibus ostendere conati sint; atque utrumque esse causam cur certissima putem, quæ tom. I. Phys. Gen. disputavi, & hic in Ontologia disputabo de vacuo, de compositione continui extensi, de tempore & motu, de corporis essentia, attributis & accidentibus, de pressionibus, de natura & æstimatione vis motricis, deque modo, quo in collisione motus inter corpora distribuitur, deque aliis multis quæ & ibidem & aliis duobus tomis tractata sunt. Atque audiendum esse nego Cl. Gravesandum, qui errorem aliquem dari & assensum esse sustinendum decernit, si ubi propositio mihi evidenter demonstrata apparet, argumenta in contrarium quæ mihi etiam videntur evidentiâ, proponantur, proptereaquod inde potius eliciendum est aliis rationibus, quæ utpote evidentes fallere nequeunt, enuntiationem veram confici in altero sensu, aliis vero pariter evidentibus, sed contrariis, eandem in altero falsam monstrari. Quod confirmo illo celebri exemplo supra allato quantitatis infinitæ, quam ex altera parte evidenter cognosco semper esse majorem finita, & ex altera ex Geometricis rationibus non mi-

nus

nus claris atque perspicuis colligo interdum esse æqualem finitæ. Quod vero pertinet ad modum sive ad artem syllogisticam, mitto communes quosdam & satis tritos errorum fontes, a quibus facile quisque cavere potest, si ad legitimos artis ratiocinandi modos & ad regulas inde elicitas attendat, & unum tango in eo positum, quod in quibusdam syllogismis plus colligitur, quam præmissæ velint, moneoque hoc ipsum, quod Philosophi satis non adverterunt ad illa præcise, quæ contrariis rationibus efficiuntur, & ex quibusdam rationibus aliquid colligi, quod revera non efficitur, ex animi oscitantia sibi persuadere, causam fuisse ut a veris sententiis desciscerent, aut suspensi manerent in rebus etiam certissime demonstratis, & præsertim in iis quæ de continuo extenso aliisque cum eo aptis atque connexis disputantur, ut fere sit communis sententia Philosophos clarissimis rationibus suam quosque consecisse, sed non potuisse contrarias dissentientium rationes diluere. Id quod confirmo duobus exemplis, altero divisibilitatis continui extensi in partes infinitas, quam adversus sententiam quod nullæ sunt in uno continuo partes, Philosophi confici credunt geometricis rationibus, cum ex iis aliud nihil colligatur, quam partes in infinitum minores in continuo posse designari eo sensu quem tomo I. Phys. Gen. §. 21. explicavi, & hic in Ontologia sum iterum explicaturus: altero contactus in uno tantum puncto inextenso inter sphaeram perfectam & planum pariter perfectum, quem contactum rationibus similiter geometricis confici adverti ibid. §. 201. non absolute, sed solum in falsa & impossibili hypothese quod contactus in pura superficie perficiatur. Sequitur caput quintum, in quo de methodo Philosophica & de legibus in Philosophia observandis disputatur. In iis recensendis, quæ hic tracto, paucis me expedio duas ob causas, primam quia hujus Præfationis initio satis explicavi rationem, quam sequor in exponenda Philosophia; alteram quia methodus ac leges quas explicare aggredior, sunt fere eadem atque illæ, quas Cl. Wolfius litteris consignavit; nisi quod aliqua statuo discrimina inter eum qui syntheticam, interque illum qui analyticam sequitur, adverteoque alterutram posse adhiberi in singulis propositionibus demonstrandis; syntheticam vero sed ita intellectam, ut capite antegresso explicavi, præferri oportere in dispositione propositionum, quæ scilicet præire, quæ consequi debeant. Longius faciam in iis redigendis in summam, quæ capite sexto eoque ultimo de errorum fontibus disserui. Articulo primo, in quo de quibusdam Psychologiæ principiis circa facultatem animæ cognoscentem partis inferioris disputatur, modum

explico & leges, secundum quas sensationes & imaginationes perficiuntur, iis tamen omissis, quæ ex reconditiori Physica petenda sunt, sine qua reconditiores errorum fontes circa sensationes detegi non possunt. Articulo secundo præcipua recenseo capita errorum, quæ circa sensationes committi solent, quos in his quatuor præsertim versari posse observo: primo ut quæ solum in corporibus sunt, animæ inesse putemus; qua in re offendunt, qui extensionem, figuram, motum, compositionem ex partibus & resolutionem in easdem, aliaquæ hujus generis observata in corporibus animæ attribuunt: secundo ut e contrario corporibus inesse credamus quæ solum in anima existunt; quo in errore versantur ii tum Recentiores, tum Veteres Philosophi, qui sensationes caloris, frigoris, mollitiei, asperitatis, doloris, voluptatis aliarumque similibus qualitatibus in corpore animalis, tamquam accidentia in proprio subiecto, reperiri arbitrantur: tertio ut quæ revera in corporibus existunt, iis negemus, & solam eorumdem esse in anima sensationem & imaginationem, cui nihil reipsa respondeat aut respondere possit, existimemus; quem errorem errant qui veram eamque continuam in corporibus extensionem inesse negant, & solam credunt ejusdem ideam in anima reperiri: quarto ut corpora eorumque proprietates talia esse putemus, qualia per sensus apparent; in quo multimodis nos errare posse doceo eo quod anima sibi conscia non est minimarum sui corporis mutationum, quæ aut a minimis corporibus, aut minima vi agentibus generantur. Tum idoneas trado regulas ad hos omnes errores vitandos. Inde transeo ad errores ortos ab imaginatione, & articulo tertio prius explicata differentia inter ideas reales, quæ objectum exhibent sub propria forma sive essentia & natura, ut cum definitur judicium actus mentis, quo percipitur unum in altero esse aut non esse, interque imaginarias, quæ idem objectum exhibent sub forma & imagine alterius, quicum habet aliquam similitudinem, ut cum percipitur judicium tamquam actus mentis, quo altera idea cum altera copulatur, aut ab altera disjungitur; adverto ex illa lege imaginationis §. 255. & ex facilitate, quam inde anima acquirit, transeundi ab alia ad alias ideas, quæ cum eadem conjunctæ sunt, facile fieri posse ut mens incurrat in ea, quæ inter se aliquam habent similitudinem, eoquod ideæ similes magis inter ipsas conjunctæ sunt, & ideo res alias sub aliarum specie & forma percipiat, tametsi valde inter se diversæ sint. Tandem articulo quarto differo de erroribus, qui oriuntur a superiori animæ facultate cognoscente & de regulis ad eos visitandos, & duos præsertim fontes examino, alterum in eo positum, ut dum ad ideas corporum

attend-

attendimus atque reflectimus, corporibus inesse putemus, quæ sunt tantum in anima tamquam ipsius operationes: in quo maxime peccat Philosophia Peripateticorum, & præsertim illa ipsius pars quæ Ontologia appellatur, ut in superioribus observavimus: alterum vero ductum ex illa mentis facultate, quæ dicitur abstrahendi, proptereaquod dum mens assuecit ex pluribus conjunctis atque inseparabilibus unum tamquam objectum primum, aliorum ratione interim non habita, cognoscere, sensum sine sensu in eam opinionem inducitur ut posse separari credat quæ nullo pacto disjungi possunt; de quo pariter sexcenta habemus in Philosophia Aristotelæorum exempla. In sequenti scholio pluribus ex Mathesi & ex universa Philosophia depromtis exemplis confirmo id quod supra statutum est, multos ideis imaginariis errores acceptos ferri oportere. Sic ostendo imaginariam esse notionem rectanguli quod sit æquale productum ex basi lineari in altitudinem, aut parallelepipedum quod sit æquale productum ex basi plana pariter in altitudinem, cum tamen sensus verus atque realis alius non sit quam hic; si sint duo rectangula, quorum altitudines & bases in æquales partes divisæ numeris exprimantur, primum rectangulum fore ad secundum, ut est productum ex numero exprimente altitudinem primi in numerum qui exprimit basim ejusdem, ad productum ex numero exprimente altitudinem secundi in numerum, qui basim secundi exponat: & ex prima notione multos doceo fluxisse errores, quos etiam Cl. Viri peccarunt, & inextricabiles difficultates, quibus iidem se in Methodo Cavalerii & in Analyfi Infinitorum mirifice implicuere; cum alter sensus clarissimus sit & nullis obnoxius erroribus atque difficultatibus, proptereaquod omnibus est exploratum duas quantitates unius speciei esse posse in eadem ratione, ac duas alterius diversæ. Simili ratione imaginariam esse doceo notionem vis motricis tamquam genitricis ex pressionibus aliis post alias fluentibus, & tamquam æqualis productum ex pressione quæ illam gignit, in celeritatem qua pressio fluit, & in tempus quo fluxus durat: indeque oriri tum errorem eorum, qui volunt existere posse puras pressionibus sine ulla motrice vi & sine motu, tum inextricabiles difficultates in explicatione modi, quo vis generatur, & in ejusdem definienda mensura, ut planum feci pluribus locis T. I. Phys. Gen. quem quisque consulere potest, quemadmodum & novissimum Cl. Francisci Zanotti commentarium Tom. III. Com. Acad. Bon. insertum, in quo post investigatam multiplicationis in extenso naturam, quam explicationem jam supra docuimus esse imaginariam.

nariam, exponendam assumit explicationem ejusdem multiplicationis in pressionibus, & in vi quæ ex iisdem generatur, nihilque definire audet adversus difficultates, quas promover tum contra illos qui putant tempus ex instantibus constare, & pressionem in singula instantia duci oportere; tum contra illos qui hoc productum faciunt ex pressione aut in tempus totum quo durat, aut in temporiscula. Nec minus commentitias & imaginarias esse contendo notiones aut continui extensi tamquam ex partibus reipsa distinctis coaliti, quam esse innumerabilium errorum & inextricabilium difficultatum fontem & originem tum constat ex iis, quæ tom. I. *Phys. Gen.* differuimus, tum constabit ex iis, quæ paulo post in *Ontologia* differemus: aut communicationis vis ab altero cum altero corpore, perinde ac si quæ vis foret in corpore percutiente ante consilium, eadem in consilio ad percussum transmitteret; cum id omnino cum certis principiis pugnare docuerim tom. I. *Phys. Gen.* quo etiam loco veram & genuinam rationem, qua vis inter corpora distribuitur, ostendi, quod etiam in *Ontologia* sum iterum declaraturus. Ex quibus & ex aliis multis quæ afferri possent, colligo quantum longe lateque serpent errores ab imaginatione & ab ideis imaginariis profecti, quantumque momenti sit in regula a nobis allata, ut quantum fieri potest, ideis veris atque realibus utamur, easque ab ideis commentitiis atque imaginariis internoscamus. Id profecto me præstare fuisse conatum indico tum in *Phys. Gen.* ut ex pluribus ejusdem locis apparet, tum in *Logica*, quam nunc exposui, ut cuique perspicuum fieri potest ex iis quæ hætenus diximus, & præsertim ex eo scholio §. 31. in quo in judicii natura explicanda inter ideas reales, interque imaginarias distinximus. Restat scholion xxxiii. idemque ultimum, in quo rationes assero cur nullam umquam mentionem fecerim sex de *Re Logica* librorum Cl. Aloysii Vernej, quos in quibusdam tum italicis, tum gallicis Ephemeridum libris magni fieri didici, & ceteris qui ad hanc usque diem tanta in copia lucem viderunt, anteferri, propterea quod alii Auctores aliquas *Logicæ* partes enucleate tractarunt; hic autem in omnibus quam diligenter versatus est. Quas rationes dum explico, mei consilii rationem in hisce Institutionibus exarandis magis magisque declaro.

I N D E X

PARTIUM, CAPITUM, ATQUE ARTICULORUM

L O G I C Æ.

INSTITUTIONES LOGICÆ.

PARS PRIMÆ. Pag. 1.
De simplici Apprehensione.

CAPUT PRIMUM.

De simplici Perceptione, Ideis, ac terminis.

CAPUT SECUNDUM. Pag. 4.

De pluribus Idearum divisionibus.

Articulus I.

De divisione Idearum a verum discriminatione petitis.

Articulus II. Pag. 6.

De partitione Idearum a diversis modis, quibus eadem res menti proponuntur, petita.

CAPUT TERTIUM. Pag. 8.

De Terminorum divisionibus, & proprietatibus.

PARS SECUNDÆ. Pag. 10.

De secunda mentis operatione, sive de Judicio.

CAPUT PRIMUM.

De natura Judicii.

CAPUT SECUNDUM. Pag. 12.

De proprietatibus Judiciorum, & Propositionum.

CAPUT TERTIUM. Pag. 13.

De pluribus Judiciorum, ac Propositionum divisionibus.

Articulus I. Pag. 14.

De divisione Judiciorum ratione habitæ formæ.

Articulus II. Pag. 15.

De divisione Judiciorum, ac Propositionum ratione habitæ solius subjecti, aut solius prædicati.

Articulus III. Pag. 16.

De divisionibus Judiciorum ac Propositionum.

T. I.

num a diversitate subjecti, ac prædicati petitis.

PARS TERTIÆ. Pag. 19.

De ratiocinatione, & argumentatione.

CAPUT PRIMUM.

De natura ratiocinationis, & principiis, quibus innititur.

CAPUT SECUNDUM. Pag. 29.

De regulis Syllogismorum universalibus.

P R Æ F A T I O Pag. 37.

IN

UNIVERSAM PHILOSOPHIAM.

CAPUT UNICUM.

De definitione Philosophiæ, objecto, & partibus ejusdem.

Præfatio in Logicam. Pag. 42.

L O G I C A

PARS PRIMÆ. Pag. 43.

De simplici Perceptione.

CAPUT PRIMUM.

De nonnullis Ontologiæ principiis ad regulas Logicæ intelligendas necessariis.

Articulus I.

De duobus principiis contradictionis, & rationis sufficientis, & de necessario, & contingents.

Articulus II. Pag. 47.

De essentia, attributis, accidentibus & modis entium.

Articulus III. Pag. 51.

De possibilitatibus accidentium atque modorum.

Articulus IV. Pag. 55.

De existentia Entis a se, & ipsius æternitate.

Articulus V. Pag. 58.

De ratione essentialium, attributorum, atque accidentium.

c

CA.

CAPUT SECUNDUM. Pag. 62.

De nonnullis Psychologie principijs ad
regulas Logicæ intelligendas necessariis

Articulus I.

De ente indeterminato & determinato,
& de origine idearum tum singula-
rium & universalium, tum corporum
& animarum.

Articulus II. Pag. 71.

De speciebus, generibus ac differentiis.

CAPUT TERTIUM Pag. 77.

De divisione idearum habita ratione ob-
jecti exhibitæ, & de terminis ad il-
las pertinentibus.

Articulus I.

De ideis simplicibus & compositis.

Articulus II. Pag. 82.

De aliis ideis ratione habita objecti re-
presentati.

CAPUT QUARTUM. Pag. 85.

De divisione idearum ratione habita mo-
di representandi.

Articulus I.

De ideis clavis, distinctis & adequatis.

Articulus II. Pag. 87.

De definitione.

Articulus III. Pag. 91.

De divisione.

CAPUT QUINTUM. Pag. 96.

De veritate & falsitate idearum.

PARS SECUNDA. Pag. 101.

De Judicio.

CAPUT PRIMUM

De natura Judicii.

CAPUT SECUNDUM. Pag. 105.

De variis propositionum ac judiciorum
speciebus.

CAPUT TERTIUM. Pag. 107.

De veritate & falsitate propositionum.

CAPUT QUARTUM. Pag. 111.

De Propositionibus contradictoriis atque
contrariis.

PARS TERTIA. Pag. 115.

De ratiocinio & argumentatione.

CAPUT PRIMUM

De Syllogismis conditionatis aliisque.

CAPUT SECUNDUM. Pag. 123.

De necessitate assentiendi conclusioni, cum
niens dat assensum præmissis.

CAPUT TERTIUM. Pag. 127.

De primo nostræ cognitionis principio de-
que certo & probabili & de variis
probabilitatis gradibus, & de opinio-
ne, & fide.

Articulus I.

De primo nostræ cognitionis certæ prin-
cipio. Pag. 127.

Articulus II. Pag. 143.

De incerto & probabili deque variis
probabilitatis gradibus, & de fide.

Articulus III. Pag. 150.

An ex veris præmissis possit inferri con-
clusio falsa, servata legitima syllo-
gismorum forma, & ex falsis vera.

CAPUT QUARTUM. Pag. 154.

De Demonstratione & de methodis Ana-
lytica & Synthetica.

Articulus I.

De Demonstratione propositionum.

Articulus II. Pag. 157.

De Methodis Synthetica & Analytica.

CAPUT QUINTUM. Pag. 172.

De Methodo Philosophica, & de legi-
bus in Philosophia observandis.

CAPUT SEXTUM. Pag. 179.

De errorum fontibus:

Articulus I.

De quibusdam Psychologie principijs cir-
ca facultatem animæ cognoscentem par-
tis inferioris.

Articulus II. Pag. 183.

De erroribus oris a sensationibus, &
de legibus quibus observatis vitantur.

Articulus III. Pag. 185.

De erroribus oris ab imaginatione, &
de regulis ad eos vitandos.

Articulus IV. Pag. 186.

De erroribus qui oriuntur a superiori ani-
mæ facultate cognoscente & de regu-
lis ad eosdem vitandos.

NOI RIFORMATORI

DELLO STUDIO DI PADOVA.

A Vendo veduto per la fede di Revisione, ed Approvazione del P. F. Angelo Tommaso Gattelli Inquisitor Generale del Sant' Offizio di Brescia, nel Libro intitolato : *Elementa Logica, Ontologia, Psychologia, & Theologia Naturalis in quatuor Tomos distributa - Tomus Primus continens Logicam - Auctore Joanne Baptista Scarella C. R.* non v'esser cosa alcuna contro la Santa Fede Cattolica, e parimente per Attestato del Segretario Nostro, niente contro Principi, e buoni costumi, concediamo licenza a Giammaria Rizzardi Stampatore di Brescia, che possi esser stampato, osservando gli ordini in materia di Stampe, e presentando le solite Copie alle Pubbliche Librerie di Venezia, e di Padova.

Dat. li 9. Febbrajo 1760.

[*Angelo Contarini Proc. Rif.*

[*Bernardo Nani Rif.*

[*Francesco Morosini 2.º Cav. Proc. Rif.*

Registrato in Libro a carte 78. al num. 181.

Giacomo Zuccato Segret.

ERRA-

ERRATA CORRECTIONES.

EX PRÆFATIONE.

Pag. xii. l. 25.	substantia substantia	substantia
Pag. xix. l. 10.	hypothetica	hypothetica
Pag. xxi. l. 11.	dicretas his omnibus	dicretas : his omnibus
l. 27.	metaphysica necessariis	metaphysice necessariis
Pag. xxii. l. 34.	ab alias	ob alias
Pag. xxvii. l. 3.	præ essentialibus.	præ essentialibus?

EX LOGICA.

Pag. 3. l. 4.	eorum	eorum
5. 24.	SCHOLION	SCHOLION II.
5. 7.	& est, eadem sanitas	& est eadem sanitas
10. post lin. 5. pone hæc:	CAPUT PRIMUM	
	De natura Judicii.	
15. 36.	aliud iudicium est, singulare	aliud iudicium est singulare
16. 12.	si aqua aeri frigido exposita fuerit	si aqua aeri frigido exposita fuerit
19. 31.	duo iudicata	duo iudicia
21. 17.	ratiocinationis	ratiocinationis
21. 21.	tres,	tres res,
24. ult.	V	A
31. 35.	conclusio	conclusio
34. 9.	veribus	veribus
36. ult.	versari sumus	versari sumus
37. 24.	subiectum atqui	subiectum ; atqui
49. 40.	ab ab anima	ab anima
58. 7.	ergo ens a se ab æterno	ergo ens a se ab æterno
60. 26.	cur possit ebullire ab aquæ essentia	cur possit ebullire, ab aquæ essentia
61. 5.	essentialium attributorum	essentialium, attributorum
61. 36.	ad ostendendum veritatem	ad ostendendam veritatem
64. ult.	rei in determinatæ	rei indeterminatæ
65. 25.	moverentur	moverentur
66. 9.	animæ ratione	animæ nostræ
72. 27.	& in extime	& in ratione
72. 29.	cum ente proximo	cum ente proxime
73. 24.	sine illis interitu	sine illius interitu
73. 39.	ad ad aliam	ad aliam
75. 40.	unius omnino absoluti comparatio	unius omnino absoluti cum altero abso- luto comparatio
76. 2.	quantitatem est secundam	quantitatem, & secundam
77. 2.	componentes est attributum	componentes, est attributum
77. 11.	id, quod omne reipia	id omne, quod reipia
78. 2.	ideam rem ut compositam	ideam, aut rem compositam
80. 3.	extendat, cuiuscumque	extendat, & cuiuscumque
80. 35.	in singulis nec possunt	in singulis, nec possunt
82. 20.	non disjunctive	non disjunctive
92. 43.	& aliorum, quæ	& aliorum, qui
108. 10.	probamus	probamus
127. 5.	de necessitate assentiendi conclusioni	de necessitate assentiendi conclusioni
124. 12.	obiecto	obiectio
135. 10.	exercere mihi sum conscius, dum aliquorum me nitior	exercere mihi sum conscius, dum ali- quorum me nitior
140. 28.	quod ni ita, foret	quod ni ita foret,
147. 32.	mytheria idet	mytheria fidei
169. 14.	aue	aut
177. 52.	cupidus	cupidus
186. ult.	unam	unum
188. 7.	enextricabilibus	inextricabilibus
188. 35.	qui	quia
ult.	salvatecta	sarratecta
189. 32.	qui putant	qui putant
192. 25.	ervanda fuit	servanda fuit

INSTI-



INSTITUTIONES LOGICÆ

§. 1.

Divisio.



Grammaticæ latinæ finis est tradere quasdam regulas, quibus dirigimur in latine scribendo, aut loquendo; ita Logicæ finis est tradere quasdam præcepta, quibus nostra mens in cognoscenda veritate dirigatur. Cum autem mens humana res noscat tribus modis, quorum primus dicitur simplex Apprehensio, secundus Judicium, tertius Ratiocinium; idcirco Logica in tres partes dispelci solet, in quarum prima de simplici Apprehensione, sive Perceptione, in secunda de Judicio, in tertia de Ratiocinio disputatur. In totidem partes has dividimus Institutiones, quæ faciliores brevioresque Logicæ regulas complectuntur.

PARS PRIMA.

De simplici Apprehensione.

CAPUT PRIMUM.

De simplici Perceptione, ideis, ac terminis.

§. 2.

Definitiones.

Idea est imago rei in mente delineata; quia mens se habet uti speculum, in quo rerum imagines depinguntur. Simplex vero Perceptio est attentio mentis ad imagines rerum in se ipsa delineatas.

Tom. I.

A

nea-

neatas, sive ad res in se ipsa representatas. Unde idea prior est, apprehensio posterior, quia necessarium est, ut prius in mente sit imago, quam mens ad illam attendat.

§. 3. Definitiones.

Signum est id, quod præter cognitionem sui ducit quoque nos in cognitionem rei ab ipso distinctæ; ut fumus est signum ignis, quia præter cognitionem fumi, quem e camino erumpentem videmus, in notitiam quoque venimus ignis subiecti.

2. Homines alii alios ducunt in cognitionem suarum idearum adminiculo terminorum; hi autem ipsi per se sunt vel motus & percussio aeris, si ore proferantur, vel figura quædam, si calamo, digitis, aliove modo in oculos incurrente exprimentur. Sic vero definiuntur; termini sunt signa idearum, quia termini nos ducunt in notitiam idearum alterius; quæ ideæ sunt ab iis terminis sive visis, sive auditis distinctæ, tamquam res quæ in mente sunt, a rebus, quæ in corpore.

§. 4. Propositio.

Termini sunt signa etiam rerum; ut enim qui videt imaginem Petri in speculo, videt etiam & cognoscit Petrum, quia imago est eidem similis; ita qui nescit ideas Petri, etiam nescit & videt res, quæ ab iis ideis exhibentur. Sed dum Petrus loquitur, ipsius verba nos ducunt in cognitionem idearum ipsius §. 3. Ergo nos ducere debent etiam in cognitionem rerum, quæ ab ideis Petri representantur. Ex quo fit ut termini sint signa etiam rerum.

§. 5. SCHOLIUM I.

Si quisque nostrum ad ea, quorum sibi venit in mentem, se aliquantisper converterit, duobus potissimum modis res omnes, cuiuscumque generis sint, a se percipi deprehendet; primum seorsim & absolute, ita nimirum ut quid quæque res animo objecta ipsa in se sit, contempletur; deinde conjunctim & cum mutua relatione, quando scilicet res comparat inter se, earumque similitudinem, convenientiam, dissimilitudinem aliaque id genus meditat. Cum mens prior modo se gerit, dicitur simpliciter absoluteque percipere, eaque mentis actio simplex Perceptio a Philosophis nuncupatur. Cum autem secundo modo, idest in convenientiam rerum, aut non convenientiam attentionem defigit, tunc ajunt illam compositæ objecta intelligere, atque illi actioni compositæ perceptionis nomen imponunt. Quod ultimum duobus modis fit; aut enim solum inter duas res convenientiam aut repugnantiam intelligit, quemadmodum inter nivem & frigus, ita ut pronuntiare non dubitet, *nisivis est frigida*; aut etiam progreditur ulterius, & ex percepta inter aliquas convenientia, vel repugnantia, in cognitionem convenientiæ, vel repugnantia, quæ inter alias duas intercedit, manu quasi ducitur: ut si ab allata inter nivem & frigus convenientiæ perceptione in hujus, ergo *hyemis tempore nivis manu tractanda non est*, inducatur notitiâ.

Alte-

Alterum ex his cognoscendi modis, Judicium appellatur; alterum vero Ratiocinium. Hinc fit peripateticum tres esse mentis actiones, simplicem Perceptionem, Judicium, & Ratiocinium.

2. Quod attinet ad signa, celebris est divisio earum in naturalia, & artificialia, quæ a Peripateticis dicuntur etiam *ad placitum*. Artificialia pendent ex hominum arbitrio & voluntate, & conventionem, quæ inter ipsos inita est. Quod ut planius fiat, ante animadvertendum est ad illam nostræ imaginationis legem, quæ in eo sita est, ut si plura simul antea percepimus, & deinceps idea unius ex iis plaribus denuo in nobis excitetur, continuo reproducantur idem aliarum, quæ simul perceptæ fuerant; ut si ante aliquot dies interfui magnæ solemnitati in aliquo templo, ubi plures & plura vidi, & orationem atque musicæ concentum exaudivi, & nunc mihi aliquis eorum, quos vidi, occurrat, aut illud templum appellet, continuo sentio in me reproduci notiones omnium eorum, quæ simul ibidem ante percepi. Hoc posito fac Brixiam adventare Americanum, ejus linguam nemo nostrum intelligat, quique nostram ignoret. Qua ratione hic italicam linguam addiscit? Ante ipsius oculos ponitur panis, & profertur hoc nomen *il pane*; simile fit de vino, deque aliis rebus. Unde simul is acquirit duas ideas, alteram per oculos figuræ & formæ, coloris & aliarum in oculos incurrentium qualitatum panis, alteram per aures soni, qui in proferendo vocabulo *il pane* editur. Quare ob dictam legem simul ac denuo videt panem, excitatur in ipso idea soni *il pane*, & simul ac rursus sonum *il pane* exaudit, existit etiam idea figuræ, formæ, coloris, & aliarum qualitatum panis; & simile contingit in aliis omnibus rebus. Quorum primo fit, ut viso pane sciat quo sono sit exprimendus, altero, ut audito vocabulo *il pane*, ideam rei, quæ illi respondet, substituat; atque ita fit ut italicam linguam paulatim addiscat. Sed illud primum, ex quo cetera pendent, ut sonus *il pane*, & visio panis simul sint, & simul percipiuntur, ex libera pendet hominum voluntate, qui ad visionem panis edere poterant alium quemcumque sonum, ut *il vino*. Ex his apparet in quo conveniunt, & in quo discrepant signa naturalia & artificialia; nam in eo convenit inter ipsa, quod signum in genere est ea res, cujus idea excitat etiam ideam rei distinctæ; in eo vero discrepant, quia in artificialibus idcirco hæ notiones simul excitantur, quia hominum arbitrio & conventionem inter ipsos inita aliquando factum est, ut simul excitarentur, tamen nulla sit inter hujusmodi res necessaria connexio; in naturalibus vero id contingit non propter hominum aliquod pactum, sed ex eo quod illæ duæ res sunt inter se natura conjunctæ. Ut quia fumus est necessario connexus cum igne, & sæpe homines ignis & fumi ex eodem erumpentis notiones eodem tempore habuerunt, idcirco excitata idea fumi, quem e camino erumpentem videmus, etiam idea subiecti ignis excitatur.

3. Ex quibus etiam colligitur voces esse signa artificialia, si ab iis discesseris, quæ sonos aliquos dum significant, imitantur; cujusmodi sunt vocabula, quibus singulorum brutorum proprii soni exprimuntur.

CAPUT SECUNDUM.

De pluribus idearum divisionibus.

§. 6.

Divisio.

OMne idearum discrimen a duobus capitibus repeti potest, a discrimine & diversitate rerum, quas exhibent, & a discrimine modi, quo easdem etiam res menti offerunt contemplandas; ut imagines Petri, tabulæ, scamni in speculo discrepant inter se, quia res exhibitæ diversæ sunt; Petri autem imago depicta in nitidissimo speculo est diversa ab imagine ejusdem Petri, quæ in scabro & aspero depingitur, eo quod illa modo claro, hæc obscuro representatur, tametsi utraque eundem prorsus Petrum sub oculos ponat.

ARTICULUS I.

De divisionibus idearum a rerum discrimine petitis.

§. 7.

Definitio.

QUOD attinet ad primum caput, alia est idea verax, alia fallax; verax est quæ exhibet rem quæ aut est, aut esse potest; fallax, quæ exhibet rem quæ nec est nec esse potest; ut idea cæculi quadrati, Dei finiti.

§. 8.

Definitio.

Idea simplex est quæ rem sive objectum exhibet ita unum, ut hoc in plura objecta, quæ a pluribus iisque diversis ideis exhibeantur, non possimus partiri; ut idea entis: composita quæ exhibet objectum ex pluribus partibus constans, adeo ut ex partes a pluribus iisque diversis represententur; ut idea domus, quam in ideas atrii, cubiculorum, cœnaculi, culinae &c. partimur. Sive brevius simplex est ita una ut in plures diversas resolvi non possit; composita, quæ ex pluribus diversis ita, componitur, ut etiam in plures diversas resolvi queat.

§. 9.

Definitio.

Idea collectiva est quæ exhibet rem, quæ integra in pluribus est, non quidem singulis, idest in unoquoque, sed tantum una sumtis & conjunctim; ita se habet idea *hæc domus*, quæ rem exhibet ex pluribus officinis constantem, quæque integra in unaquaque earum sita non est; sed in iis tantum una & simul intellectis. Distribu-

va est quæ exhibet rem, quæ non solum in pluribus est, sed integra in quoque illorum, ut idea hominis; quia totius rei, quæ hoc termino significatur, participes sunt singuli homines, Petrus Paulus, Franciscus &c.

§. 10.

Definitiones.

Idea universalis est, quæ ex pluribus rebus in aliquo similibus omnes exhibet, ut si decem sint in gymnasio discipuli, & omnes intelligam hoc pacto *omnis huius gymnasii discipulus*. Singularis est, quæ ex pluribus rebus unam aut aliquas exhibet determinate, ut *hic discipulus, bi duo, bi tres &c. discipuli*: particularis denique, quæ ex pluribus rebus exhibet unam aut aliquas indeterminate, ut *aliquis discipulus, aliqui discipuli*.

§. 11.

Definitiones.

Idea absoluta est, quæ exhibet rem in se, sive exhibet rem, quæ intelligi potest, quin cognoscatur alia res ab ipsa distincta. Relativa quæ exhibet unam rem cum respectu ad aliam, sive rem, quæ intelligi nequit sine cognitione rei alterius distinctæ. Ex. gr. si nosco Petrum ut hominem, idea est absoluta, quia nosco Petrum in se, & Petrus, ut homo, a me potest intelligi sine cognitione rei a Petro distinctæ. At si nosco Petrum ut Patrem, vel ut Dominum, idea est relativa, quia nosco Petrum ratione habita filii, & servi, & Petrus ut Pater, vel ut Dominus, percipi nequit sine cognitione filii & servi, qui sunt res a Petro distinctæ.

§. 12.

SCHOLIUM.

Hic non motor eos, qui supervacaneam esse fortasse putabunt partitionem idearum in veraces atque fallaces ea de causa, quod cum Cartesio existimabunt fortasse non posse percipi, sive nequire intelligi tamquam convenientia ea, quæ repugnant, uti circulum, atque quadratum. Nam in Logica certis & evidentibus rationibus docebo id fieri posse aliquando. Satiùs esse reor meum explicare consilium in definitione ideæ simplicis atque compositæ; cur scilicet contentus non fuerint dicere ideam simplicem esse unam tantum ideam; compositam autem ex pluribus coalescere, sed addiderim priorem ita esse unam, ut in plures diversas resolvì nequeat. Itaque ajo aliud esse ideam esse unam tantum, aliud esse ideam in plures diversas non posse resolvì. Nam quæ corporis idea ad appulsum unius corporis ad sensus externos menti insculpitur, ea si per se consideretur, numero est una tantum, sed plures complectitur diversas ideas, scilicet ideas entis & differentiarum per se, & extensionis. Nam sicuti ens cum suis differentiis conjunctum atque ita ab iis determinatum, ut individuum sint, est unum tantum ens, suis tamen affectum omnibus quæ esse possunt, determinationibus, sine quibus ipsa existere nequit; ita idea entis hoc pacto determinati, & in mente excitata, simul ac illud ens in sensus incurrit, est una tantum idea entis, sed affecta ideis differentiarum, sine quibus nec ipsa in mente potest constare. Verum hæc idea ex. g. corporis quamvis sit numero una,

ta-

tamen plura objecta eaque diversa complectitur, scilicet substantiam & extensionem, quia corpus est substantia extensa; ens & differentiam per se, quia substantia est ens per se. Quamobrem hæc in diversas ideas *entis*, per se, *extensionis* resolvi poterit. Quod satis est ut composita dicatur ratione habita objectorum, a quorum diversitate differentiam idearum hoc loco repetimus: ut nunc mittam rationes, quæ ex præceptis circa ideas simplices atque compositas infra tradendis constabunt. Nam inde efficiemus hac in re potissimum esse habendam rationem idearum simplicium atque compositarum in sensu explicato, in quo simplices ideæ non sunt, nisi ideæ *entis* in genere, & primarum ipsius differentiarum *a se*, *ab alio*, *per se*, *in alio*, eo quod ens ex. g. nec mente disceptet potest in plura objecta, quæ a pluribus iisque diversis ideis exhibeantur.

ARTICULUS II.

De partitione idearum a diversis modis, quibus eadem res menti proponuntur, petita.

§. 13.

Definitio.

NOtæ rerum sunt interna, per quæ rem in se cognoscimus quid sit, & ab omnibus aliis distinguimus; ex. g. quia homo constat ex mente & corpore, idcirco eum in se cognosco, quid sit, & ab aliis rebus, quæ non sunt homo, distinguo; ab Angelis, quia corpore carent, a belluis, quia mente. Unde mens & corpus sunt hominis notæ.

§. 14.

Definitiones.

Idea clara est, per quam cognosco rem in se, & ab aliis omnibus interno; obscura est, per quam non agnosco rem in se, nec ab aliis omnibus distinguo. Ut si Petrum cominus videam, clara Petri idea in mea mente excitatur, quia nosco illum esse Petrum, & ab aliis omnibus prorsus distinguo. Si eminus, idea est obscura, quia etsi videam illum esse hominem, & idcirco ab iis, qui non sunt homo, distinguam; illum tamen a ceteris hominibus non interno; nec scio an sit Petrus, an Paulus.

§. 15.

Definitiones.

Idea est distincta, per quam non solum nosco rem, & eam ab aliis omnibus distinguo, verum & nosco ipsius notas easque distinguo inter se; ut idea hominis est distincta, quia cognosco notas hominis, scilicet mentem & corpus, & alteram ab altero distinguo. Confusa est, per quam notas rei non cognosco, nec eas inter se distinguo.

§. 16. Definitiones.

Adæquata est, per quam nosco notas notarum rei easque distinguo inter se; ex gr. idea hominis est adæquata, quia non solum cognosco hominem, & eum ab aliis omnibus distinguo, non solum cognosco notas hominis, idest corpus & mentem, & eas pariter internosco, verum etiam notas notarum, quia nosco animam esse illam, quæ duas habet facultates, intellectum, & voluntatem.

§. 17. Definitiones.

Completa est, quæ notas exhibet sufficientes ad rem semper & in omni statu noscendam, & ab omnibus aliis internoscendam; ut est idea hominis tamquam ex mente & corpore constantis. Incompleta est, quæ notas exhibet minime sufficientes &c.; cujusmodi est idea, quæ in homine solam exhibet rationem; per hanc enim homo distinguitur quidem a belluis, sed non ab Angelis, qui etiam utuntur ratione.

§. 18. Definitiones.

Idea positiva est, quæ exhibet rem possibilem sine negatione, ut rationalis; negativa, quæ exhibet rem possibilem cum negatione; ut non rationalis, sive irrationalis. Prima dicitur etiam finita, sive melius definita & determinata, quia repræsentat aliquid determinatum ens; secunda vero infinita, sive melius indefinita & indeterminata, quia nihil determinate exhibet, sed omnia præter id quod negatur.

§. 19. Definitiones.

Tandem idea concreta est, quæ exhibet rem possibilem & modo quo esse potest; ut justus: abstracta, quæ exhibet quidem rem possibilem, sed modo, quo esse non potest; ut justitia, quia exhibet justitiam, perinde ac si esse posset ipsa per se, cum tamen nisi in alia re esse nequeat.

§. 20.

SCHOLIUM III.

Operæ pretium hic foret enucleatius explicare notas rerum, atque unde repeti possunt, docere. Verum id in Logica suo præstabis loco. Unum hic addo distinguere aliud esse nihil, quam cognoscere unum non esse aliud, idque nos obtinere, cum alicui rei quædam inesse & convenire cognoscimus, quæ in illis non sunt, neque deprehenduntur. Ita novi Petrum non esse lapidem, quod in Petro corpus vivens & animam nosco, quæ in lapide nequaquam observo. Hoc distinguendi fundamentum notum est etiam ipsis de vulgo hominibus, qui ut res inter se similes, vel quarum discrimen non satis incurrit in oculos v. g. pullos in posterum distinguant, eas diversis inter se signis notare consueverunt. Igitur per quod rei inhaerens illa in se a nobis cognoscitur, per illud idem ab omnibus aliis, in quibus id non est, eandem internoscimus.

¶ 2. Pariter in Logica luculentius disputabimus de ideis adæquatis in primo gra.

gradu, in secundo, in tertio &c. & denique in summo, quemadmodum & de abstractis atque concretis. Quia vero hæc idearum, quæ sunt abstractæ & concretæ, definitiones novæ aliquibus videbuntur, eas hic aliquantum declaro. Cum plura in una re sunt necessario copulata, adeo ut separata consistere nequeant, ut in corpore hæc tria, *ens, per se, & extensio* §. 12., vel ita percipiuntur, perinde, ac si simul forent, aut saltem in potentia ut sint, vel ita perinde ac si separata exstarent. Si priore modo, idea concreta est, quia exhibet rem eo modo, quo esse potest; hujusmodi est, homo, Deus, corpus, extensum, justus &c. Si altero, idea est abstracta, quia exhibet rem eo modo, quo esse non potest; ut humanitas, Divinitas, corporeitas, extensio, justitia &c. Cum enim ex. g. cognosco hominem, eum exhibeo aut quatenus est conjunctus cum differentia individuali, sine qua esse nequit, ex. g. Petri, ut Petrus est homo, aut quatenus est in potentia, ut conjungatur, quia etsi eam cogitatione non includo, tamen nec excludo. Quamobrem tunc hominem percipio eo modo quo esse potest. At si percipio humanitatem, cogitatione mihi fingo naturam, humanam perinde, ac si sine ulla prorsus differentia ipsa per se consistere posset. Quod cum nullo pacto fieri queat, idcirco hæc idea abstracta est. Quantum vero discriminis sit inter utrumque percipiendi modum, vel ex hoc uno patet, quod si catholicus ajat *Deus est mortuus*, cum fidei veritate consentiat; sin autem *Divinitas est mortua*, ab eadem longissime aberret, eo quod ex altera parte Deus non est mortuus quatenus Deus, sed quatenus homo, & ex altera qui secundum profertur, Deum esse mortuum, quatenus est Deus, exprimeret.

CAPUT TERTIUM.

De terminorum divisionibus & proprietatibus.

§. 21.

Definitiones.

Mitto explicare eos terminos, quorum definitio est fere eadem, ac idearum quas exprimunt, & altera ab altera in alio non differt, quam mutatione verbi *exhibet* in *significat*. Nam si idea fallax ea est, quæ exhibet rem quæ nec est, nec esse potest, terminus fallax definiri debet ille qui significat rem quæ nec est nec esse potest. Cujus ratio ex eo petenda est, quia ideæ sunt similes rebus, termini autem nequaquam.

2. Venio autem ad illas definitiones quæ terminorum sunt propriæ. Ac primo terminus fixus is est, qui ad unam tantum rem significandam adhibetur; ut Deus. Vagus autem qui ad plures; ut mundus, qui & ad homines malos significando, & ad hanc rerum universitatem designandam usurpatur.

§. 22.

Definitiones.

Univocus est, qui in pluribus eandem omnino rem significat; ut homo, qui in Petro, Paulo, Francisco &c. eandem omnino expr-

primit naturam humanam; æquivocus, qui res omnino diversas significat, quemadmodum & vagus. Analogus autem, qui partim eandem rem in pluribus significat, partim diversam.

2. Analogus duplex est, attributionis & proportionis, ut ajunt; primus significat rem eandem in pluribus, quæ tamen diverso modo est in iisdem; ut sanus dicitur de corpore humano, de pulsu, de pharmaco, & est, eadem sanitas, sive recta fluidorum ac solidorum temperatura, quæ in omnibus significatur, sed in corpore tamquam in subjecto, in pulsu tamquam in signo, in pharmaco tamquam in causa efficiente.

3. Alter significat res ipsas in se diversas in pluribus, quæ tamen eodem modo sunt in iisdem, ut pes in scamno significat pedem ligneum, in homine carneum, in monte terreum aut lapideum, qui tamen omnes, etsi tam diversi inter se, eodem funguntur munere sustentandi.

§. 23.

Definitiones.

Cum termini ipsi per se sint aut percussio aeris si ore proferantur, aut figura quædam si calamo, digitis, aliòve modo in oculos incurrente exprimentur, & quatenus sunt signa, ideas sive res iisdem respondentes significant §. 3. interdum fieri potest, ut intelligentur pro illo sono, qui in iis proferendis editur, ut homo est vox bisyllaba; interdum ut pro re significata, ut homo est substantia ex mente & corpore constans. Hinc oritur proprietas terminorum quæ dicitur suppositio, quæque est acceptio termini pro se, aut pro re significata: duplex autem est, materialis, si terminus accipiat pro se, sive pro illo sono, aut figura; formalis, si pro re significata.

§. 24.

SCHOLION IV.

Mitto alias terminorum proprietates, quia & parvi momenti atque usus sunt, & cum verbo, tempore, ac secunda mentis operatione sunt implicatæ. Quod vero attinet ad allatas definitiones, primum adverto propter ea, quæ de signorum atque terminorum natura & origine disputavimus §. 5. terminos quidem esse posse vagos atque æquivocos, eo quod idem sonus ad diversas res significandas ab aliis aut etiam ab iisdem hominibus usurpari quit; ideas autem nequaquam, eo quod cum ideæ sint naturales rerum, iisque similes imagines, diversæ res eadem prorsus imagine representari non possunt, sed diversis exhibeantur necesse est; quemadmodum eadem pictura faciem Petri & dissimilem Pauli referre non potest. Difficultas esse potest in termino analogo, an pariter ideæ tales dici possint. Verum idea absoluta pedis ex. g. cum pedem hominis exhibet, est diversa ab idea absoluta pedis, cum pedem scamni, tametsi aliud sit de relativa, quæ est eadem in utroque, eo quod simile sustinendi munus in homine & scamno representat. Ex quo fit ideam pedis non posse analogam ap-

pellari. Quem vero usum in dirigendo intellectu habeant definitiones, quas hactenus attulimus, suis locis constabit in Logica. Nunc pergo ad secundam mentis operationem.

PARS SECUNDA.

De secunda mentis operatione sive de iudicio.

§. 25.

Definitiones.

Iudicium est actus mentis, quo mens percipit unam rem in altera esse, aut non esse, sive unam ideam alteri convenire, aut non convenire. Est autem duplex, aliud affirmans, aliud negans; affirmans, quo percipitur una res in altera esse, aut una idea alteri convenire; ut Deus est summum bonum; negans, quo percipitur una res in altera non esse, aut una idea alteri non convenire; ut Deus non est mortalis.

§. 26.

Propositio.

Ex quo patet tres ideas esse in iudicio, duas absolutas, & tertiam relativam; nam primo est idea rei, cui percipitur alia inesse, aut non inesse, sive convenire aut non convenire; secundo idea rei, quæ percipitur alteri inesse, aut non inesse, sive convenire aut secus; quæ duæ ideæ sunt absolutæ: tertio est idea convenientiæ vel non convenientiæ, sive discrepantiæ inter unam & alteram rem.

§. 27.

Corollarium.

Quare cum singulæ ideæ singulis terminis possint asserri, in significandis iudiciis tribus terminis uti debemus; vel saltem uno, qui vice trium fungatur. Id quod paulo post declarabimus.

§. 28.

Definitiones.

Propositio est trium terminorum conjunctio, quæ iudicia significat; affirmans est, quæ iudicia affirmantia, sive unam rem in altera esse, aut unam ideam alteri convenire; negans, quæ iudicia negantia, sive unam rem in altera non esse, aut unam ideam alteri non convenire significat. Unde quemadmodum termini sunt signa idearum, ita propositiones sunt signa iudiciorum.

§. 29.

Definitiones.

Subjectum propositionis significat ideam, cui percipitur alia idea convenire, aut non convenire, sive rem, cui percipitur alia inesse aut non inesse. Prædicatum significat rem sive ideam, quæ alteri inesse percipitur, aut non inesse, sive alteri convenire aut non convenire. Verbum autem est ille terminus, qui significat convenientiam

tiam

tiam vel non convenientiam inter unam & alteram rem. Ut in hac propositione *Deus est summum bonum*, *Deus* est subiectum, *summum bonum* est prædicatum, *est* autem verbum.

§. 30. Definitiones.

Verbum autem est duplex, substantivum, & adjectivum; primum est, quod aut convenientiam si solum sit, aut non convenientiam significat, si præfixam habeat particulam *non*. Est autem verbum *sum, es, est*; ut *Deus est summum bonum*, *Deus non est mortalis*.

2. Adjectivum est illud, quod præter verbum substantivum includit etiam prædicatum, quod a Grammaticis vocatur adjectivum, vel totum, ut in hac propositione *Deus vivit*, quia *vivit* significat *est vivens*, vel partem, ut in hac altera, *Deus habet immortalitatem*, quia *habet* est idem ac *est habens*, & *habens* est pars prædicati, cuius altera pars est illud *immortalitatem*.

3. Ex quo confirmatur tres terminos esse debere in qualibet propositione, vel saltem unum, qui trium obeat munus; ut *vivo*, quod idem est ac *ego sum vivens*.

§. 31.

SCHOLIUM V.

Ea est mentis humanæ vis & natura, ut multarum rerum ideas & imagines eodem in se ipsa tempore retinere, ac plures eodem tempore res iis notionibus representatas intelligere possit. Quo fit ut posteaquam internam & absolutam uniuscujusque ex duabus, aut multis exhibitis rebus naturam perspexit, tum comparer eas inter se, & alius aut cum alia convenientiam aut ab alia discrepantiam investiget ac perspece cognoscat. In hoc ultimo situ situm est iudicium, quod ad intellectum tamquam actus ab eodem elicitus pertinet. Ad eum vero finem, ut tyrones claris & perspicuis ideis assuescere incipiant, hac in re sunt distinguendæ propriæ loquendi formulæ ab iis, quæ metaphoricæ sunt. Propriæ sunt illæ, quas adhibuimus; nam iudicium vel refertur ad ideas, vel ad res, quæ ab ideis exhibentur; si primum, sunt hæ; actus mentis, quo percipitur una idea alteri convenire, cum est affirmans, & una idea alteri non convenire, cum est negans; si alterum, sunt hæ; actus quo percipitur una res alteri inesse in primo eventu, alteri non inesse in secundo. Aliæ vero in utriusque iudicii natura explicanda a Scholasticis usurpatæ, sunt metaphoricæ, atque ab iis, quæ in corporibus accidunt, ad mentis operationes translatae. Cujusmodi sunt, cum iudicium affirmans definiunt esse illud, quo unam rem sive ideam alteri rei, sive ideæ tribuimus, vel quo unam notionem cum altera copulamus; negans vero esse illud, quo unam rem sive ideam ab altera re, sive idea disjungimus. Quod enim pertinet ad res, nec propriæ eas mens per iudicium affirmans conjungit; nec propriæ alias ab aliis divellit per negans; sed quæ una sunt, aut saltem possunt esse in eodem subiecto, nihil facit aliud, quam ut simul cohererentia, aut inter se convenientia percipere. Quæ vero simul non sunt, aut esse non possunt, ea utpote jam separata non dirimit, sed solum tamquam seorsum posita intelligit ac dis.

discrepantia. Quod autem ad ideas, earum quædemumcumque sit in mente conjunctionem non esse ipsa propria affirmantis iudicii statuitur, ut negans illam sibi vindicare non possit. Quando enim ideam alteram alteri non convenire cognoscimus, in mente non minus una sunt, & suo modo junguntur, quam cum alteram alteri percipimus convenire.

2. Quispiam vero hic fortasse mirabitur, ab iis vocibus assensus atque dissensus, quæ sunt in omnium ore Dialecticorum, cum de iudicio loquantur, me prorsus abstinuisse, naturamque iudicii, quod pertinet ad intellectum, non in iisdem assentiendi & dissentienti actibus, sed in convenientiæ aut repugnantiz perceptione, quæ non videtur esse nisi perceptio composita, posuisse. Verum hic locus non est omnium enuntiationum asserre rationes, & omnibus iis quæ contradicuntur, occurrere. Tractationem rerum nimis accuratam Institutiones recusant. Nam illarum munus est facilioribus & magis obviis mentes adolescentium imbui, quæ possunt ad ea, quæ reconditiora sunt & magis abstrusa, suo demum tempore penetrare. In Logica, quæ fufius tradetur, & alia plurima & Iudicii definitionem ad examen revocabimus, & eam consilii nostri asseremus rationem, quam omnibus cordatis Philosophis probatum iri confidimus. Ceterum hic unum moneo aliud esse duas res eodem percipere tempore, quin tamen eas aut inter se convenientes, aut discrepantes intelligas; aliud vero non modo simul intelligere, verum etiam quatenus inter easdem convenientia, aut discrepantia intercedit. Primum est perceptionis compositæ; secundum vero illius perceptionis, quam iudicium intellectus vocamus.

3. Cum autem propositiones definierimus plurium terminorum conjunctionem, quæ iudicia significantur, advertendum hic censeo plures terminos posse copulari, quin iudicia significant. Nam ex quinque modis, quos verbo Grammatici attribuant, indicativo, imperativo, optativo, conjunctivo, & infinito; solum indicativum, aut adsummum conjunctivum, idoneos esse iudiciis proferendis patet; propterea quod imperativus & optativus actus exprimunt voluntatis, non intellectus, nec ullam inter res convenientiæ aut discrepantiæ perceptionem, ut *tu veni huc*, *utinam Deus mihi hoc tribueret*; infinitus autem subiectum aut prædicatum, ut *bonum est amare virtutem*, quod idem est, ac *amor virtutis est bonum*; conjunctivus autem iudicium quidem aliquod effert, sed non illud quod nunc fit, sed quod factum jam esse ponitur; ut cum essem Florentiæ, dabam operam litteris græcis. Nam illud *dabam operam litteris græcis* est iudicium, quod nunc profero, illud alterum, *cum essem Florentia*, exprimit iudicium quod antea ponitur factum, scilicet *fui Florentia*.

CAPUT SECUNDUM.

De proprietatibus iudiciorum & propositionum.

§. 32.

Definitiones.

Iudicium aliud est verum, aliud falsum; verum est, quod congruit cum re iudicata, & veritas iudicii est congruentia iudicii cum re iudicata: falsum autem, quod non congruit cum re iudicata.

ta. Unde iudicium affirmans est verum, cum percipio unam rem in altera esse, & revera una in altera est; falsum, cum unam rem percipio in altera esse, & revera non inest. Iudicium autem negans est verum, cum unam rem percipio in altera non esse, & revera non inest; falsum, cum unam rem percipio in altera non esse, & revera inest. Similiter propositiones veræ & falsæ definiendæ sunt.

§. 33. Definitiones.

Iudicium verum aliud est evidens per se, aliud obscurum; evidens per se est, in quo menti patet prædicatum aut inesse aut non inesse subjecto, simul ac eidem proponuntur ideæ prædicati & subjecti; ut totum est majus sua parte. Obscurum est, in quo menti non patet prædicatum aut inesse aut non inesse subjecto, etiam si mens utraque idea simul informetur, ut stellæ sunt numero pares, aut non sunt pares.

§. 34. Definitiones.

Item iudicium aliud est certum, aliud incertum & dubium; certum est id, in quo animi plane & prorsus assentitur aut convenientiæ inter subjectum & prædicatum, aut non convenientiæ; ut modo allatum est evidens iudicium. Incertum autem & dubium est illud, in quo anima non prorsus aut convenientiæ aut non convenientiæ assentitur, adeo ut si assentiatur convenientiæ, simul dubitet ne prædicatum subjecto non conveniat; si non convenientiæ, simul dubitet ne conveniat.

§. 35. SCHOLION VI.

Cum assensus aut dissensus, qui sequitur perceptionem convenientiæ aut non convenientiæ inter subjectum & prædicatum, per nos non ad intellectum, sed ad voluntatem pertineant, quemadmodum in Logica, ut paulo ante significatum est §. 31. conficiemus, nec certitudo aut incertitudo iudiciorum, quæ sunt eorundem actuum proprietates ad intellectum, cujus hic spectamus directionem, pertinebunt. Sed quia certitudo est effectus evidentæ & perspicuitatis iudicii, incertitudo vero eorundem obscuritatis, idcirco definitiones utriusque hic subjecimus.

CAPUT TERTIUM.

De pluribus Iudiciorum ac Propositionum divisionibus.

§. 36. Divisio.

TRia sunt in quolibet iudicio subjectum, prædicatum, quæ dicuntur materia iudicii & propositionis, & verbum §. 26, siue affirmatio & negatio, quæ dicitur forma. Ex his tribus capitibus plures propositionum divisiones oriuntur.

A R.

ARTICULUS I.

De divisione Judiciorum ratione habita formæ.

§. 37.

Propositio.

Ratione habita formæ non est nisi judicium aut affirmans, aut negans, quæ supra explicavimus. Hic anathem addo ad eum finem ut judicium negans sit, opus esse particulam cadere in verbum sive in perceptionem convenientiæ, eique verbo præfigi in propositione, eo quod usu factum est, ut neget id quod est post ipsam, non quod ante ipsam. Nam si post verbum ponatur, erit propositio affirmans habens loco prædicati ideam negantem, seu indefinitam.

§. 18. Ut bellua est non rationalis.

2. Multo magis id est observandum in propositionibus, quæ verbo adjectivo efferuntur; nam si post verbum ponatur, non negabitur totum prædicatum, sed solum ea pars quæ verbo subjicitur §. 30: num. 2. ut *lapis non vivit vita rationali* est propositio negans & vera; *lapis vivit non vita rationali* est propositio affirmans & falsa, quia de lapide affirmatur vivere, & solum vita rationalis negatur; lapis autem nulla vita præditus est.

§. 38.

SCHOLIUM VII.

Cum judiciorum divisio in affirmantia & negantia prima omnium & præcipua sit, ac ex ipsa judicii natura proxime oriatur, illam hic accuratius explicabimus. Quamvis enim propter ea, quæ §. 25. sunt dicta, non difficile videatur judicium affirmans a negante distinguere, tamen propter varias & inconstantes hominum voluntates, qui modo similibus loquendi formalis atque propositionibus dissimilia judicia, modo dissimilibus similia significant, propositiones affirmantes a negantibus internoscere non perinde facile est ac plurimi rentur. Itaque primo exponenda est fusius, quam §. 18. factum est, ideæ tum positivæ, tum negantis natura. Positivum est ens, sive quod potest esse, ut homo. Ex his positivis sive entibus alia in aliis sunt aut saltem possunt esse simul; alia vero simul una in sede consistere nequeunt, sed alterum ab altero pelletur: ut figura rotunda non potest in eodem corpore cum quadrata conjungi. Uni vero ex his entibus mens negationem præfigit, ut non figura quadrata, & tunc unum alteri quodammodo inesse & in eodem ente percipit reperiri, ut figura rotunda est non quadrata. Itaque idea positiva est, quæ exhibet ens, negativa, quæ non ens, mixta, quæ partim ens, partim negationem entis, ut idea figuram rotundam non quadratam exprimens, aut arborem viventem non vita rationali.

2. His ita explicatis ajo, cum etiam illa duo, quorum alterutrum sit non ens, aut utrumque sibi mutuo convenire possint, quædam judicia ad speciem quidem esse negantia, quod in iis aliquam non convenientiam percipiamus, et au-

tcm

tem vera esse affirmantia, quod veram inter duo entia negativa, vel alterum positivum, alterum negans convenientiam intelligimus: Hujusmodi sunt hæc judicia: figura rotunda est non quadrata, non Deus est non æternus, idest id quod non est Deus est id, quod non est æternum.

3. Verum tamen est judicium negans, quo inter duo entia positiva se vicissim excludentia: discrepantiam percipimus, ante existere in mente, quam hæc species affirmantium judiciorum, quibus convenientiam intelligimus ipse duo entia, quorum utrumque, vel alterutrum negans sit. Cum enim prius entia percipiamus singillatim, quam inter se comparemus, prius duo positiva in diversis entibus seorsim cognoscimus, tum alteri cum altero non convenire, demum ex hoc negativo judicio elicientes ideam vel negativam, & uni ex his particulam non appingentes, illud tamquam eam alio convenientis intelligimus. Quia vero res perinde se habet, sive inter duo positiva repugnantiam percipias, sive inter alterum ex dictis positivis & negationem alterius convenientiam, idcirco judicia, de quibus agimus, quavis affirmatione differant & negatione, alia in aliorum locum sine ullo discrimine substitui possunt.

4. Quod si una ex ideis judicii sit positiva & altera mixta, ut circulus est figura non quadrata, nulli profecto dubium esse potest, quin judicium affirmans sit, ea saltem parte, qua mixta ens verum & positivum exhibet; nam in illo ex. g. judicio latent hæc duo *circulus est figura, circulus est non quadratus*, quorum primum procul omni dubio est affirmans.

5. Atque hæc in discernendis judiciis sunt attendenda: nunc paucis videamus, quibusnam notis propositiones affirmantes sint a negantibus internoscendæ. Qua in re jam monui §. 37. usu factum fuisse ut particula non neget ut plurimum id quod est post ipsam, non quod ante, & idcirco verbo præponi oportere. Unde si accurate loqui velimus, hæc propositio *homo est non æternus*, est affirmans, tamen ob latens judicium negans n. 3. pro neganti possit haberi, si ad illud exprimendum ab homine eam usurpante referatur.

6. De propositionibus autem, in quibus subiectum aut prædicatum ideam mixtam significat, idem ac de judiciis, in quibus sunt hujusmodi ideæ, judicium esto.

ARTICULUS II.

De divisione judiciorum ac propositionum ratione habita solius subiecti, aut solius prædicati.

§. 39.

Definitiones.

Habita ratione solius subiecti aliud judicium est, singulare, aliud particulare, aliud universale. Singulare est, cujus subiectum est idea singularis §. 10. particulare, cujus subiectum est idea particularis §. cit., universale, cujus subiectum est idea universalis §. cit.

§. 40.

Definitiones.

Ratione vero habita solius prædicati aliud judicium est absolutum, aliud hypotheticum sive conditionatum. Absolutum est, in quo prædicatum

dicatum subiecto convenit necessario, adeo, ut numquam a subiecto, quamdiu permanet, possit abesse, uti sphaera est rotunda, quæ rotunditas ita necessario sphaeræ convenit, ut, salva sphaera, numquam possit abesse.

2. Hypothesis est, in quo prædicatum subiecto non convenit necessario, sed potest in eodem esse & ab eodem abesse sine illius intuitu, adeo ut aliquando sit, aliquando secus, sub una conditione conveniat, sub alia non, in aliquo statu in eadem reperiatur, in alio nequam. Ut in hoc iudicio *aqua est calida*, calor ita convenit aquæ, ut sine aquæ corruptione ab eadem possit abesse; interdum inest, interdum non inest: sub hac conditione si subiectus sit ignis, in aqua deprehenditur; sub hac alia vero, si aqua aeri frigido exposita fuerit, non observatur.

§. 41.

Definitiones.

Modalis propositio est, quæ exprimit modum, quo prædicatum de subiecto enuntiatur, ut necesse est sphaeram esse rotundam; contingens est aquam esse calidam; non modalis, quæ hunc modum non exprimit; ut sphaera est rotunda, aqua est frigida.

§. 42.

Definitiones.

Modi quibus prædicatum de subiecto enuntiatur, sunt quatuor, modus necesse, quo prædicatum necessario inest subiecto, ut non possit abesse, ut sphaeram esse rotundam necesse est; contingens, quo prædicatum ita inest, ut possit etiam abesse; v. g. contingens est aquam esse calidam; impossibile, quo prædicatum nec inest subiecto, nec potest inesse; ut impossibile est sphaeram esse quadratam; tandem possibile, quo prædicatum non inest subiecto, sed tamen potest inesse, uti possibile est aquam calidam fieri frigidam.

§. 43.

SCHOLIUM VIII.

Nunc explicandum foret, quænam sint ea prædicata, quæ de subiectis absolute, vel conditionate, necessario, vel contingenter, &c. enuntiantur. Verum hæc in præsentem definire non possumus imparati ab iis, quæ ad id definiendum sunt necessaria. In Logica id præstabimus, nonnullis ex Ontologia prælatis principiiis, sine quibus hac in re nihil statui potest.

ARTICULUS III.

De divisionibus iudiciorum ac propositionum a diversitate subiecti ac prædicati petitis.

§. 44.

Definitiones.

Iudicium simplex est, in quo reperitur unum tantum subiectum. & unum tantum prædicatum; compositum in quo aut plura subiecta,

jecta, aut plura prædicata, aut simul plura tum subiecta tum prædicata reperiuntur.

§. 45.

Definitiones.

Simplici iudicio respondet propositio simplex, composito autem composita, quæ iterum duplex est; alia composita expresse, in qua hæc plura subiecta & prædicata apparent; composita implicite, in qua plura subiecta aut prædicata latent.

§. 46.

Definitiones.

Inter compositas expresse est copulativa, in qua plura subiecta, aut prædicata conjunguntur particula &, si propositio est ajens, nec si est negans; ut Deus & Angeli sunt spirituales & immortales, nec Deus, nec Angeli sunt corporei & mortales.

2. Verum est alia copulativa implicite, estque universalis; nam hæc propositio *omnis discipulus hujus scholæ dat operam Philosophiæ*, æquivalet huic compositæ expresse, & *Petrus & Paulus, & Franciscus &c. dant operam Philosophiæ*.

§. 47.

Definitiones.

Compositis expresse adnumeratur etiam disjunctiva, quæ habet particulam disjunctivam *aut, vel &c.* vel cadentem in duo aut plura subiecta, vel in duo aut plura prædicata. Si cadat in duo subiecta, exprimit prædicatum alicui ex iis duobus convenire, sed non determinatur cuinam conveniat. Ut vel Petrus, vel Paulus sunt fures hujus rei. Si cadat in duo prædicata, enuntiat alterutrum ex his prædicatis subiecto convenire, sed non determinatur quodnam; ut tempus est aut nubilum, aut pluvium.

2. Est etiam aliqua disjunctiva implicite ratione habita subiectorum, estque particularis; nam hæc propositio *aliquis ex hisce discipulis est negligens*, æquivalet huic, *aut Petrus, aut Paulus &c. sunt negligentes*.

§. 47.

Definitiones.

Inter compositas implicite præter duas allatas primum obtinet locum exclusiva, quæ habet particulam exclusivam *solum, tantum dumtaxat &c.* vel cadentem in subiectum, vel in prædicatum. Si cadat in subiectum, excludit alia subiecta a participatione prædicati, ut *solus Deus est æternus* æquivalet hisce duabus *Deus est æternus, alia omnia non sunt æterna*. Si cadat in prædicatum, alia prædicata non convenire subiecto significat, ut *plantæ sunt tantum corporeæ*; quæ his æquivalet *plantæ sunt corporeæ, plantæ non sunt aliquid aliud*.

2. Succedit exceptiva, in qua de subiecto universali enuntiat prædicatum, demto per signa exceptiva aliquo, quod sub eo sub-

Tom. I.

C

élo

ho tamquam particulare continetur, ut omnis discipulus hujus scholae præter Antonium diligens est; quæ æquivaleret his tribus: *omnis discipulus hujus scholae, qui non est Antonius, est diligens, Antonius est hujus scholae discipulus; sed Antonius non est diligens.*

3. Tandem solet afferri restrictiva, in qua particulis restrictivis, prout, quatenus &c. restringitur significatus aut subjecti, aut prædicati, ex. gr. homo quatenus spiritu donatus cogitat, quæ his duabus æquivaleret; *homo cogitat, & non corpus, sed spiritus est qui cogitat.*

§. 49.

SCHOLIUM IX.

Cum judicium simplex sit tantum unum judicium, in composito vero plura sint, idcirco in primo unum tantum subjectum, & unum prædicatum reperiuntur oportet, in altero autem plura. Cum enim judicium positum sit in perceptione convenientiæ aut non convenientiæ inter subjectum & prædicatum, ubi sunt aut plura subjecta aut plura prædicata, perceptiones plurium convenientiarum existant necesse est. Nunc certæ regulæ tradendæ forent, ad quas si judicia exigenter, simplicia a compositis internosceremus. Idque eo diligentius faciendum est, quod, verbo abist invidia, non ea sunt a Philosophis hæc de re tradita, quæ sint ad hujusmodi judiciorum distinctionem satis. Veruntamen has leges in præsentem afferre multo difficilius est, quam ut in Logicæ rudimentis id præstare possimus. Quare certum est ad Dialecticam illas cum aliis pluribus differre. Veruntamen ne hic prorsus sejuni simus ab ea cognitione, quæ huic loco intelligendo perutilis est & propemodum necessaria, adverte in hoc discrimine cognoscendo, cum judicium est affirmans, prædicati potissimum habendam esse rationem, adeo ut si prædicatum sit idea simplex §. 8., judicium quoque pro simplici habeatur, tamen loco subjecti idea composita foret: sin vero prædicatum est idea composita, judicium quoque inter composita enumerandum, quamquam idea simplex subjecti munere fungeretur. Nam ut verum sit multa rei convenire, singula in eam cadere debent; & contra ut rei multis partibus compositæ aliquod unum conveniat, opus non est ut in singulis partibus insit, sed aut toti, aut uni ex illis inesse satis est. Quare si prædicatum est idea ex pluribus ideis composita; plura judicia intercedunt, quibus singulas ideas subjecto convenire percipimus. Ita judicium hoc, Petrus est substantia, ad speciem quidem simplex & unum est; re autem vera multiplex atque compositum. Cum enim substantia definiatur ens per se, atque idcirco duas ideas ens & per se includat, duo sunt in eo judicia, alterum, quo *ens*, alterum quo *per se* Petro convenire percipimus. Sin autem loco prædicati sit idea simplex, non opus est menti plures convenientias percipere, tamen subjectum ex pluribus ideis componatur. Quamquam enim uni tantum parti subjecti prædicatum inesset, soli tamen subjecto mens illud attribuere posset v. g. in hoc judicio, Petrus est ens, non necessario plura includuntur, licet homo mente & corpore constet. Possumus enim de Petro dictum prædicatum enumerare, tamen menti solum illud convenire perciperemus.

2. Verum hæc hætenus; venio ad propositiones quibus judicia significantur. Cum ex altera parte mens eodem tempore quamplurima cogitet, & maxima velo-

velocitate, & quodammodo temporis puncto ab aliis ad alias ideas migret; ex altera autem lingua humana unam tantum eodem tempore vocem ad ideas significandas possit proferre, & multo minori celeritate in vocabulis aliis post alia pronuntiandis feratur: huic incommodo homines consulere institutione terminorum, quorum quilibet plures ideas significaret. Hoc enim pacto tarditas linguæ in ideis exprimendis velocitatem mentis in iisdem formandis quodammodo assequitur, ut videre licet in his terminis ex. g. omnis discipulus, qui tot significant singulorum discipulorum ideas menti obversantes, quot quis voluerit. Atque hæc est terminorum compositorum origo. Inde quoque origo petenda est propositionum, quæ a Philosophis compositæ nuncupantur, quia quemadmodum quædam in scribendo compendia excogitata fuerunt, ut manus tarditas in ideis per figuras significandis majorem linguæ in iisdem per sonos exprimendis velocitatem assequeretur, ita quædam veluti loquendi compendia fuerunt inventa, quo lingua par fieret judiciis ea celeritate, qua eliciuntur ab anima, in medium producendis.

3. Quod attinet ad propositionem exclusivam, explicavi solum affirmantem propositionem; nunc etiam exponendam suscipio illam exclusivam, in qua reperitur particula negans. Si ergo particula *non* cadat in subiectum, tunc propositio duo judicia significat, quorum utrumque ajens est, primum, quia prædicatum subiecto expresso percipitur convenire; alterum, quod aliis etiam saltem aliquibus subiectis idem prædicatum convenire cognoscimus; unde hæc propositio, *non solus homo est extensus*, his duabus æquivaleret; *homo est extensus, aliquid etiam aliud est extensum*. Sin autem excludens particula prædicatum afficiat, tunc particula excludendi vim habens non solum significat prædicatum propositione significatum subiecto convenire, verum etiam aliquid aliud cadere in idem subiectum: ex. g. Si dum Petrus loquitur simul & ludit, hæc proferam verba: *Petrus non ludit tantum*, duo mentis judicia significo, quorum primo ludum, secundo aliquid etiam aliud, scilicet locutionem Petro convenire percipio. Est alia exclusiva propositio, in qua particula *non* cadit in verbum, & exclusiva particula subiectum afficit, tumque significantur duo judicia, alterum negans, quo prædicatum propositionis subiecto expresso non convenire percipiamus, alterum affirmans, quo illud prædicatum aliis subiectis convenire cognoscimus, ut hæc propositio *solus Deus non est in tempore*, hisce duabus æquivaleret *Deus non est in tempore, alia omnia sunt in tempore*.

PARS TERTIA.

De Ratiocinatione & argumentatione.

CAPUT PRIMUM.

De Natura Ratiocinationis & principiis, quibus innisitur:

§. 50. **Definitio.**

SI propositio est obscura, & ideo mens non cognoscit, utrum prædicatum subiecto insit atque conveniat nec ne §. 33. mens
C 2 in-

investigat, utrum tam prædicatum, quam subiectum insit alteri rei; nec ne, & hoc invento in cognitionem venit vel prædicatum inesse subiecto ope hujus principii, five evidentis propositionis

- 1 Si A est in C
& C est in B,
etiam A est in B

in quo A significat prædicatum propositionis obscuræ, B subiectum, & C aliud ens, in quo prædicatum insit, & quod insit in subiecto B, vel prædicatum non inesse subiecto adminiculo horum duorum

- 2 Si A non est in C
& B est in C,
A non est in B
- 3 Si C est in A
& C non est in B
A non est in B.

2. Nam primo si A est in C, totum A reperiri debet saltem in aliqua parte ipsius C. Et si etiam C est in B, totum C reperiri debet saltem in aliqua parte B. Ergo etiam totum A reperiri debet saltem in aliqua parte B.

Secundo si A non est in C, saltem aliqua pars entis A debet esse extra C. Et si B est in C, totum B esse debet saltem in aliqua parte C; ergo saltem aliqua pars A non potest esse in B. Si enim totum A foret in B, esset quoque in C, quia totum B in C reperitur.

Tertio si C est in A, totum C esse debet saltem in aliqua parte A, & si C non est in B, saltem aliqua pars C debet esse extra B; ergo saltem aliqua pars A debet esse extra B; nam si totum A foret in B, etiam totum C, quod totum in A reperitur, in B esse deberet.

3. Ut rem exemplis illustrem fac me scire Petrum habere plures filios a me de facie non cognitos, idque solum tenere natu maximum esse juris peritum, non medicum; natu minimum esse medicum, non juris peritum: fac præterea natu maximum mihi obviam fieri, & aliquem mihi ad aures insufurrare, ille homo est filius natu maximus Petri; ex his ego statim venio in cognitionem primum hujus propositionis affirmantis, *ille homo est juris peritus*, ope primi principii hoc pacto:

Filius natu maximus Petri est juris peritus;

Sed ille homo est filius natu maximus Petri;

Ergo ille homo est juris peritus:

Deinde hujus negantis, *ille homo non est medicus* hoc alio pacto vi secundis

Filius

Filius natu maximus Petri non est medicus;
 Sed filius natu maximus Petri est ille homo;
 Ergo ille homo non est medicus:

tertio ejusdem quoque negantis hoc alio pacto in tertio:

Ille filius Petri qui est medicus, est natu minimus;
 Sed ille homo non est filius Petri natu minimus;
 Ergo ille homo non est medicus:

4. Dum hoc pacto se gerit mens dicitur ratiocinari.

§. 51. Corollarium.

Unde in quolibet ratiocinio tria sunt judicia & tres ideæ absolutæ. Prob. 1. pars. Primo est judicium, quo prædicatum propositionis obscuræ conjungitur cum alia re; deinde judicium, quo subiectum cum eadem copulatur; tertio judicium, quo prædicatum & subiectum inter se copulantur. Nam ex. g. in affirmante ratiocinio primo est judicium, quo percipimus A esse in C, deinde alterum, quo B esse in eodem C, demum tertium, quo A esse in B.

2. Secunda pars patet ex prima; quia vis ratiocinationis in eo sita est, ut prædicatum & subiectum obscuræ propositionis inter se aut affirmatione, aut negatione copulentur, eo quod uno ex his tribus modis cum eodem ente, non cum duobus copulata fuerunt. Ergo si sunt tantummodo tres, tres quoque tantum sint ideæ repræsentantes oportet.

§. 52. Definitiones.

Unde ratiocinatio est actus mentis, quo ex duobus judiciis ideam communem habentibus tertium infertur, in quo conjunguntur ideæ, quæ in prioribus erant diversæ: ut *filius natu maximus Petri est juris peritus; sed ille homo est filius natu maximus Petri*, en duo judicia ideam communem, idest *filius natu maximus Petri* habentia; ergo *est juris peritus* en tertium, in quo conjunguntur ideæ *ille homo*, & *juris peritus*, quæ in prioribus judiciis erant diversæ.

2. Argumentatio sive syllogismus est oratio significans ratiociniam: Quare syllogismus debet constare tribus propositionibus, & tribus terminis, sicuti ratiocinium constat ex tribus judiciis, & tribus ideis absolutis §. 51. Primus terminus dicitur majus extremum, quod est prædicatum propositionis obscuræ; secundus minus extremum, quod est subiectum ejusdem; tertius medius terminus, qui significat illud ens, quicum conjunguntur tum prædicatum, tum subiectum propositionis obscuræ ad eum finem, ut cognoscamus convenire aut non convenire inter se.

3. Prima syllogismi propositio vocatur major, quæ est illa, in qua

qua prædicatum propositionis obscuræ cum medio termino jungitur, secunda minor in qua subjectum cum eodem medio copulatur; tertia conclusio, in qua prædicatum & subjectum inter se conjunguntur.

4. Cum vero medius terminus possit esse tum subjectum, tum prædicatum in præmissis, quatuor oriuntur figuræ syllogismorum; 1. est, in qua medius terminus est subjectum in majori & prædicatum in minori; 2. in qua est prædicatum in utraque; 3. in qua est subjectum in utraque; 4. in qua est prædicatum in majori, subjectum in minori.

§. 53.

SCHOLIUM X.

Mirabitur fortasse aliquis, quod hac in re communem non sequar Dialecticorum morem, qui duo statuunt principia, quibus totam rationis vim inniti arbitrantur. Primum his verbis effertur. Quæ sunt eadem uni tertio, sunt eadem & inter se, sive quæ conveniunt cum uno tertio, conveniunt & inter se. Alterum vero his aliis. Si ex duobus unum convenit cum uno tertio, alterum non; illa duo non sunt eadem, sive non conveniunt inter se. Quibus ut satisfaciam, primum ajo, cum ex hisce duobus principiis singulas rationum leges non semel conatus essem deducere, mihi semper aquam hâsisse. Quo factum est ut ad rem, quæ de agitur, ita saltem confuse & generatim expolita non sufficere suspicarer, & de aliis Principiis excogitandis meditarer. In quorum cognitionem cum per Artem inveniendi suo loco exponendam venissem, illa de eo, quod antea solum ex conjecturis subolueram, certiores reddiderunt. Quamobrem operæ pretium arbitror ea singillatim exponere. Sed prius in autecessum adverto me ex iis rationem eliciisse, cur peccent allata Principia Aristotelæorum, quæ in eo posita est, quod ex altera parte in his exprimitur quidem prædicatum & subjectum inesse alteri tertie rei, aut unum inesse, aliud non, sed non significatur modus, quo debent aut utrumque inesse, aut alterum inesse, alterum non inesse, & ex altera parte ad hoc ut percipiamus prædicatum aut inesse subjecto, aut non inesse, satis non est qualemcumque eorum cum tertio conjunctionem haberi, ut ex iis, quæ mox disputabimus, conficietur.

2. Itaque si habeam duo entia A & B, & nesciam utrum A sit in B, nec ne, scire tamen possim utrum A & B sint, vel non sint in alio tertio C, vel aliud tertium C sit vel non sit in A & B; primum id quatuor modis fieri potest. Nam primo vel A est, aut non est in C, & C est aut non est in B. 2. vel tum A, tum B est, aut non est in C. 3. vel C est aut non est in A, tum in B. 4. vel C est, aut non est in A, & B est, aut non est in C; qui modus est primo contrarius. Hi autem modi dicuntur figuræ.

3. Quia vero est differentia tum esse, tum non esse, sive tum affirmatio- nis, tum negationis, quæ sit ut quilibet modus octies variari possit, inde existunt triginta duo modi, quos secundum ordinem quatuor modorum subjiciamus, adeo ut primi octo pertineant ad primum modum, sive figuram, secundi octo ad secundam &c.

I

- 1 Si A est in C legitimus
& C est in B absolute
er. A est in B
- 2 Si A non est in C illeg.
& C non est in B absolute
er. A non est in B
- 3 Si A non est in C illeg.
& C est in B absolute
er. A est in B
- 4 Si A non est in C illeg.
& C non est in B absolute
er. A est in B
- 5 Si A non est in C illeg. per
& C est in B se, legit.
er. A non est in B virtute
alterius
- 6 Si A est in C illeg.
& C non est in B absolute
er. A non est in B
- 7 Si A est in C illeg.
& C non est in B absolute
er. A est in B
- 8 Si A est in C illeg.
& C est in B absolute
er. A non est in B
- II
- 9 Si C est in A illeg.
& C est in B absolute
er. A est in B
- 10 Si C non est in A illeg.
& C non est in B absolute
er. A non est in B
- 11 Si C non est in A illeg.
& C est in B absolute
er. A est in B
- 12 Si C non est in A illeg.
& C non est in B absolute
er. A est in B

- 13 Si C non est in A illeg. per
& C est in B se, legit.
er. A non est in B virtute
alterius
- 14 Si G est in A leg.
& C non est in B absolute
er. A non est in B
- 15 Si C est in A illeg.
& C non est in B absolute
er. A est in B
- 16 Si C est in A illeg.
& C est in B absolute
er. A non est in B
- III
- 17 Si A est in G illeg. per
& B est in G se, legit.
er. A est in B virtute
alterius
- 18 Si A non est in C illeg.
& B non est in C absolute
er. A non est in B
- 19 Si A non est in C illeg.
& B est in C absolute
er. A est in B
- 20 Si A non est in C illeg.
& B non est in C absolute
er. A est in B
- 21 Si A non est in C leg.
& B est in C absolute
er. A non est in B
- 22 Si A est in C illeg.
& B non est in C absolute
er. A non est in B
- 23 Si A est in C illeg.
& B non est in C absolute
er. A est in B
- 24 Si A est in C illeg.
& B est in C absolute
er. A non est in B

	IV	illeg. per			illeg. per
25	Si C est in A & B est in C er. A est in B	se, legit. virtute alterius	29	Si C non est in A & B est in C er. A non est in B	se, legit. virtute alterius
26	Si C non est in A & B non est in C er. A non est in B	illeg. absolute	30	Si C est in A & B non est in C er. A non est in B	illeg. per se, legit. virtute alterius
27	Si C non est in A & B est in C er. A est in B	illeg. absolute	31	Si C est in A & B non est in C er. A est in B	illeg. absolute
28	Si C non est in A & B non est in C er. A est in B	illeg. absolute	32	Si C est in A & B non est in C er. A non est in B	illeg. absolute

4. Ex his vero modis videndum, quinam legitimi sint, quinam fallaces. Quem in finem primum ajo ad hoc, ut ens A sit in ente B, opus esse, ut totum A, nulla ejus parte demta, sit in aliqua saltem parte entis B; ad hoc vero, ut non sit, satis esse, ut aliqua saltem pars entis A reperiatur extra ens B, tametsi alia intra foret.

5. Quo posito dico in prima figura primum modum esse legitimum; nam si ens A est in C, totum erit in aliqua saltem parte C; item si ens C est in B, totum erit, nec illa demta parte, in qua A reperitur num. 4. ergo pariter A totum erit in B. Unde ad primum modum adscribe *legitimus*.

6. Si vero nec A sit in C, nec C sit in B, aut e contrario, non idcirco aut A non erit, aut erit in B, cum possit esse, & non esse, ut per se liquet. Quare illegitimi sunt omnes, in quibus 1. & 2. loco reperitur particula *non*, idest 2, 4, 10, 12, 18, 20, 26, 28.

7. Si vero A non sit in C, & C sit in B, non inde necessario sequitur aut A non esse in B, aut esse, quia potest inesse, aut non inesse; inesse, quia C potest reperiri totum in una parte B, & A in alia parte; quo casu A non erit in C, & tamen erit in B; non inesse, quia potest A nec reperiri in aliqua parte C, nec in aliqua parte B; unde sunt illegitimi modi 3, & 5.

8. Si vero A sit in C, totum A erit in aliqua parte C; ut vero C non sit in B, satis est si cum aliqua ipsius parte non sit in B. Quomobrem fieri potest ut ea pars entis C, in qua est A, reperiatur in B, atque idcirco etiam A in B inest. Falsus est ergo modus 6, in quo ponitur non esse A in B ex eo, quod A sit in C, & C non sit in B. Quia tamen potest etiam non esse, quia fieri potest ut C nulla sui parte reperiatur in B, atque ideo nec A in B, inter fallaces etiam 7 ponendus est. Unde in prima figura 1. tantum est legitimus, eo quod etiam 8 sit illegitimus, quia si A sit in C, & in B, non necessario sequitur A non esse in B, cum e contrario ex modo primo confici debeat A esse in B.

9. In secunda figura si C reperiatur tum in A, tum in B, non idcirco V repe-

reperitur in B, quod C reperiri potest in aliqua parte A, cujus aliae partes sunt extra B; unde intelligimus modum 9 peccare.

10. Item si C non sit in A, & C non in B, non ideo efficitur, aut A esse in B, aut non esse, quia potest esse & non esse: esse, quia ut C sit in B, satis est esse in aliqua parte B; nihil ergo vetat, quin A possit esse in aliis partibus B, quamvis C non sit in A; non inesse, quia potest A nec esse in illa parte B, in qua est C, nec esse in aliis partibus. Unde illegitimus modus 11, & 13.

11. At si ex modo 14 C sit in A, & idem C non sit in B, A non erit in B. v. g. si hic puteus sit in hac domo, & hic puteus non sit in hac urbe, domus hæc non erit in urbe. Nam ut verum sit prædicatum in subiecto non esse, aliquam tantum prædicati partem in nulla subiecti parte reperiri satis est num. 4. Quare ut A esse in B vere negemus, satis est aliquam partem A non esse in B. Sed cum totum C sit in aliqua saltem parte A num. 4, & saltem aliqua pars ejusdem C non reperiatur in B, saltem illa entis A pars, in qua reperitur pars entis C, quæ in B non est, in eodem B non invenitur. Igitur modus 14 legitimus est.

12. Reliqui duo 15, & 16 sunt illegitimi: nam fieri potest ut vel totum C sit in aliqua parte A, & idem C non sit in B, quin tamen A sit in B; vel C sit tum in A, tum in B, quin tamen A non sit in B; nam ex. 3. hic puteus est tum in domo, tum in urbe, tamen domus est in urbe. Generatim vero omnes modi, in quibus in antecessum negatio reperitur, & in fine affirmatio, aut e contrario, pro illegitimis habendi, cujusmodi sunt 19, 23, 24, 27, 7, & 32.

13. Quod attinet ad modum 1. figuræ tertiz; is pariter illegitimus est: nam ut A sit in C, satis est A esse in aliqua parte C num. 4; item ut B sit in C, satis est esse in aliqua parte C, quæ potest esse alia, ac pars, in qua reperitur A. Cum ergo A, & B in diversis partibus esse queant, non inde consequitur A esse in B; ita rationale est in hoc homine, corporeum est in hoc eodem homine, non tamen rationale est in corporeo; quod hæc duo aliud in alia hominis parte sunt.

14. At 21 est legitimus. Nam quemadmodum si puteus non sit in hac domo, & hic hortus sit in hac domo, hic puteus non erit in hoc horto, ita si ens A non sit in ente C, & B sit in ente C, ens A in ente B non invenitur. Nam si ens A non est in ente C, totum A non reperitur in aliqua parte C; at si B sit in C, totum B in C erit. Ex quo fit ut nec totum A sit in ea parte C, in qua totum B continetur. Quod si ita esset, totum A foret in C, contraquam ponimus. Ita conficitur totum A non esse in B.

15. 22 vero est illegitimus. Quamvis enim puteus A sit in domo, & urbs B non sit in domo C, tamen puteus A potest esse in urbe, quia ut urbs B non sit in domo C, satis est aliquam urbis partem esse extra domum; quare aliqua potest esse in domo, & continere partem illam domus, in qua puteus est. Unde consequens est etiam puteum totum in urbe inveniri:

16. In 4 tandem figura præter eos, qui jam tamquam illegitimi explosi sunt, illegitimus est etiam modus 1. illius figuræ, sed in serie 25. Nam si C est in aliqua parte A, & B in aliqua parte C, non idcirco totum A continetur in aliqua parte B.

17. Tum modus 29, quod si tota urbs C non est in horto A, sed solum aliqua ipſius pars ſit extra hortum, & tota domus B. ſit in urbe, hæc domus B poteſt eſſe in illa parte urbis, quæ complectitur hortum. Quo ſit ut totus hortus A poſſit eſſe in domo B. Ergo non ſequitur A non eſſe in B.

18. Similiter illegitimus eſt modus 30. Nam ſi totus hortus C ſit in domo A, & tota urbs B non ſit in horto C, quod aliqua illius pars extat, non continuo verum eſt totam domum A non eſſe in urbe. Quamobrem in 4 figura nullus modus eſt legitimus.

19. Igitur tres tantum ſunt modi ipſi per ſe legitimi, unus affirmans in 1. figura, & alii duo negantes in 2., & 3.

1	Si	A	eſt in C
	&	C	eſt in B
	er.	A	eſt in B.
<hr/>			
2	Si	C	eſt in A
	&	C non eſt in B	
	er.	A non eſt in B.	
<hr/>			
3	Si	A non eſt in C	
	&	B	eſt in C
	er.	A non eſt in B.	

20. Dixi hos modos tantum ipſos per ſe eſſe legitimos; nam alii ſunt, qui cum ad hos redigi poſſint, non ipſi per ſe, ſed iſtorum virtute pro legitimis haberi queunt. Ad id autem declarandum, quoniam hic agimus de ſyllogiſmis in propoſitionibus ſingularibus, primum adverto ad eum finem ut propoſitio ſit ſingularis, neceſſarium eſſe, ut ſubjectum ſit idea ſingularis §. 39. non vero ut prædicatum, quamquam etiam prædicatum eſſe huiusmodi poſſit; nam non minus eſt ſingularis hæc propoſitio *Torquatus Taſſus eſt bonus Poeta*, in qua prædicatum *bonus Poeta* non eſt terminus ſingularis, quam hæc altera, *Torquatus Taſſus eſt auctor libri de Jeruſalem liberata*, in qua etiam prædicatum eſt ſingulare. Deinde conversionem propoſitionis, adeout prædicatum migret in locum ſubjecti, & ſubjectum in locum prædicati, in ſingularibus propoſitionibus, ſalva veritate propoſitionis, fieri poſſe ſolum, cum etiam prædicatum eſt ſingulare, non autem ſi tale non ſit; unde dici non poteſt *bonus poeta eſt Torquatus Taſſus*, quia *bonus poeta* etiam in alios convenit, eoquod non eſt terminus ſingularis; bene vero quit affirmari, *Auctor libri de Jeruſalem liberata eſt Torquatus Taſſus*, quia cum hoc prædicatum ſolum inſit Torquato Taſſo, tamquam ſubjecto, etiam Torquatus Taſſus tamquam prædicatum ineſt ſolum auctori libri &c. tamquam ſubjecto.

21. Quibus poſitis liquet in prima figura eſſe terminos ſingulares minus extremum B, & medium C, quia ſunt loco ſubjecti, non autem neceſſario debet eſſe majus extremum A, quia tam in majori, quam in conſequenti eſt loco prædicati. Unde ſola minor converti poterit. Videamus quid contingat conversione minoris in uno ex iis modis, qui habet unam ex præmiſſis negantem, & conſuſionem pariter negantem, nam alii, in quibus aut utraque præmiſſa eſt negans, aut aliqua negans, & conſuſio affirmans, ſunt absolute illegitimi. Sit quintus

Si

Si A non est in C, & G est in B

A non est in B,

hic ob allatam rationem conversione minoris converti potest in hunc,

Si A non est in C, & B non est in C,

A non est in B,

qui est tertius ex legitimis. Unde hic *filius natu maximus Petri non est medicus; sed ille homo est filius natu maximus Petri; ergo ille homo non est medicus*, convertitur in hunc legitimum tertie figuræ *filius natu maximus Petri non est medicus, sed filius natu maximus Petri est ille homo. Ergo ille homo non est medicus*. In altero vero, qui est sextus, si A est in C, & C non est in B, A non est in B, nec conversione minoris ad aliquem ex tribus legitimis redigitur. Unde fallax est hic syllogismus. *Filius natu maximus Petri est medicus; sed ille homo non est filius natu maximus Petri; ergo ille homo non est medicus*, quia ille homo medicus esse potest, quamvis non sit filius natu maximus Petri. Et revera si convertatur minor, non redigitur ad aliquem ex tribus legitimis.

22. Pariter in secunda figura, decimustertius Si C non est in A, & C est in B, ergo A non est in B, pro legitimo potest haberi ex. gr. hic syllogismus. *Filius natu maximus Petri non est medicus; sed homo ille est medicus; ergo ille homo non est filius natu maximus Petri*, ad legitimos redigi potest, quia cum subiectum, & prædicatum conclusionis sint singularia, eoque loco subiecti in præmissis reperiuntur, conclusio converti potest in hanc; ergo *filius natu maximus Petri non est ille homo*; qua conversione syllogismus redigitur ad secundum legitimum, quia tunc A fit minus extremum, & B majus.

23. Similiter in tertia figura ad legitimos redigi potest decimusseptimus

Si A est in C, & B est in C,

Ergo A est in B,

Nam C & B debent esse singularia, quia C est in præmissis singularibus loco subiecti, & B est in eodem loco in conclusione; ergo ob allatam rationem minor poterit converti in hanc Si C est in A. Ita fit ut redigatur ad primum ex legitimis ex. g. *Filius natu minimus Petri est medicus, sed filius natu minimus Petri est ille homo, ergo ille homo est medicus* redigi potest ad hunc; *Filius natu minimus Petri est medicus; sed ille homo est filius natu minimus Petri; ergo ille homo est medicus*.

24. Demum in quarta figura est legitimus 25

Si C est in A, & B est in C,

Ergo A est in B

Quia cum in illo in majori reperiatur A loco subiecti, in minori C, in conclusione B, omnes termini sunt singulares, atque idcirco singulæ propositiones converti possunt, qua conversione majoris atque minoris syllogismus redigitur ad hunc primæ figuræ, qui est primus ex legitimis, Si A est in C, & C est in B, etiam A est in B. ex. g. *Torquatus Tassus est auctor libri de Jerusalem liberata; sed auctor libri de Jerusalem liberata est Princeps Poetarum Italarum; ergo Princeps Poetarum Italarum est Torquatus Tassus*; qui syllogismus in hunc primum ex legitimis potest converti, *Auctor libri de Jerusalem liberata est Torquatus Tassus; sed Princeps Poetarum Italarum est auctor libri de Jerusalem liberata; ergo Princeps Poetarum Italarum est Torquatus Tassus*.

25. In eadem figura est pro legitimo 29,

Si C non est in A,

Et B est in C

Ergo A non est in B;

nam ob allatam rationem omnium terminorum singularium potest in hunc converti conversione majoris

Si A non est in C,

Et B est in C,

Ergo A non est in B,

qui est tertius ex legitimis ex. g. *Dantes Aligherius non est auctor libri de Jerusalem liberata, sed auctor libri de Jerusalem liberata est Torquatus Tassus; ergo Torquatus Tassus non est Dantes Aligherius*, pro legitimo habetur, quia converti potest in hunc tertium ex legitimis

Auctor libri de Jerusalem non est Dantes Aligherius,

Sed auctor libri de Jerusalem liberata est Torquatus Tassus,

Ergo Torquatus Tassus non est Dantes Aligherius.

26. Similiter in eadem 30 ad legitimos pertinet. Nam modus

Si C est in A

& B non est in C,

ergo A non est in B;

ob allatam rationem converti potest in hunc

Si C est in A

& C non est in B

ergo A non est in B,

qui ad legitimos redigitur, scilicet ad tertium ex legitimis

27. Unde in syllogismis singularibus modi legitimi sunt novem, tres per se, sex autem virtute aliorum, eoquod ob allatam rationem propositiones aliquæ pro natura figuræ, quæ adhibetur, converti possunt, quin veritas aliquod detrimenti capiat.

28. Ex quibus apparet quænam regulæ observandæ sint in syllogismis singularibus, scilicet hæc duæ pro terminis

Terminus est triplex, major, mediusque, minorque

Nequaquam medium capiat conclusio oportet;

atque hæc tres pro propositionibus ratione habita affirmationis vel negationis.

Ambæ affirmantes nequeunt generare negantem.

Præmissa sequitur conclusio rite negantem.

Utraque si præmissa neget, nihil inde sequetur.

28. Constat etiam syllogismos singularibus constantes propositionibus legitimos esse non eam ob causam, quod quemadmodum aliqui putant, suam ab universalibus vim mutuentur, cum potius universalium leges ex iisdem eliciantur, ut infra docebimus, sed quia facti sunt ad illorum normam principiorum, quæ proprie cadunt in res propemodum singulares. Et revera quis jure potest inficiari aut non esse singulares illas duas propositiones §. 51. *Filius natus maximus Petri est juris peritus, ille homo, qui obviam fit, est filius natus maximus Petri*, aut mentem ex iis non venire in cognitionem alterius; ergo ille homo est juris peritus?

29. Qua ratione ratiocinio explicato satisfat etiam eorum calumpniæ, qui totam

tam hanc a Dialecticis traditam syllogismorum artem tamquam futilem & inanem explodunt, ea ducti ratione, quod cum ratiocinii ope mens ex cognitis atque perceptis ad cognitionem eorum, quæ adhuc ipsam latent, perveniat, syllogismorum ars nos potius ex incognitis ad cognita ducit. Cum enim in vera sententia originis idearum, quam a sensationibus esse petendam suo loco defendemus, prius mens particularia quam universalis, & quod minus universale est, quam quod magis, cognoscat; syllogismi e contrario a præmissis universalibus ad conclusiones singulares, aut a magis universalibus ad minus universales deducunt. Qua ratione nos non astringimur, qui volumus atque docemus dari ratiocinia, & syllogismos, in quibus ex cognitione duarum propositionum penitus singularium mens cognitionem haurit alterius pariter singularis, quæ antea minime cognoscebatur. Ita multo magis compertum fit aliam, ac Aristotelæi fecerunt, viam in hoc negotio esse insistendam.

CAPUT SECUNDUM.

De regulis syllogismorum universalibus.

§. 53.

Definitiones.

Regulæ syllogismorum universales sunt illæ, quæ, in quacumque figura syllogismus conficiatur, necessario observandæ sunt, ut syllogismus sit legitimus, sive ut conclusio rite inferatur. Tunc autem syllogismus rite confectus est, cum positus ut veris majori & minori, etiam consequens verum est; tunc vero legitimus non est, cum etiam si major & minor veræ sunt, conclusio tamen falsa esse potest.

§. 54.

Propositio.

Regulæ vel pertinent ad ipsos terminos, vel ad modum quo disponuntur in tribus syllogismi propositionibus. In syllogismis singularibus regula pro terminis est una tantum hoc versiculo comprehensa

Terminus est triplex, major, mediusque minorque quia tota syllogismi vis in eo posita est ut duo A & B per affirmationem, aut negationem jungantur inter se, eo quod cum eodem tertio C conjuncta fuere. Ergo uti sunt tantum tres res, ita tres tantum termini eas significantes esse debent. Unde peccat hic syllogismus. Homo est vox bisyllaba; Franciscus est homo; ergo Franciscus est vox bisyllaba, eo quod *homo* in majori significat sonum, qui editur in proferendo termino *homo*, in minori autem substantiam ex mente & corpore coalitam.

§. 55.

Propositio.

Quod pertinet ad modum, quo termini sunt disponendi, regulæ obler-

observandæ in syllogismis singularibus in eo positæ sunt, ut syllogismi fiant in aliquo ex modis legitimis qui sunt 9.

Duo in prima figura

1 Si A est in C, & C est in B, etiam A est in C

2 Si A non est in C, & C est in B, etiam A non est in C.

Nomine A intelligitur majus extremum, nomine B minus extremum, C medius terminus.

Duo in secunda

3 Si C est in A, & C non est in B, A non est in B

4 Si C non est in A, & C est in B, A non est in B

Duo in tertia

5 Si A non est in C, & B est in C, A non est in B

6 Si A est in C, & B est in C, A est in B

Tres in quarta

7 Si C est in A, & B est in C, A est in B

8 Si C non est in A, & B est in C, A non est in B

9 Si C est in A, & B non est in C, A non est in B

2. Ex quibus modis legitimis tres regulæ deducuntur pro qualitate propositionum, an debeant esse affirmantes, vel negantes.

Ambæ affirmantes nequeunt generare negantem.

Præmissam sequitur conclusio rite negantem.

Utraque si præmissa neget, nihil inde sequetur.

Ratio primæ regulæ est, quia si ego ex. g. percipio majus extremum A inesse medio termino C, & medium terminum C esse in minori B, percipiam necesse est majus extremum A inesse minori B; quod est elicere conclusionem affirmantem.

3. Ratio secundæ est, quia si ex. g. percipio majus extremum A non esse in medio termino C, & medium C esse in minori extremo B, debeo percipere A non esse in B.

4. Ratio tertiæ est, quia si nec A, nec B sint in C, aut e contrario, non idcirco A nequit esse in B; ex. g. calor & ignis non sunt in nive, & tamen calor in igne reperitur.

§. 56.

Propositio.

Pro syllogismis universalibus, in quibus nimirum aut omnes, aut aliquæ propositiones sunt universales, regulæ sunt eadem, ac in singularibus. Nam hic syllogismus *omnis homo est rationalis; atqui Petrus est homo; ergo Petrus est rationalis*, idcirco est legitimus, quia ex altera parte est confectus secundum primum modum in prima figura, & ex altera si vera est propositio universalis *omnis homo est rationalis*, vera est etiam singularis, *hic homo est rationalis*, quia uni-

universalis æquivaleret omnibus singularibus particula & copulatis
 §. 46. Unde qui dictum format syllogismum, habet in mente
 etiam hunc, *Hic homo est rationalis, sed Petrus est hic homo; ergo Petrus est rationalis*, qui ad primum legitimum modum exactus est.

§. 57.

Propositio.

Ut vero syllogismi universales ad singulares redigi possint, hæ
 generales regulæ præter allatas observandæ sunt.

Pro terminis

1. Latius hunc, quam præmissæ, conclusio non vult
2. Aut semel, aut iterum mediam generaliter esto

Pro propositionibus hæ aliz

3. Nil sequitur geminis ex particularibus umquam
4. Præmissam sequitur conclusio particularem.
2. Ratio primæ est, quia si aliquis terminus plura significaret in conclusione quam in præmissis, fieret duplex ratio significationis, quia tum res in præmissis significatas, tum alias quoque exprimeret; quod est contra primam regulam terminorum §. 36. Unde constat etiam ratio quartæ; quia si aliqua ex præmissis foret particularis, & conclusio universalis, aliquis terminus in præmissis plura significaret, quam in conclusione particulari.
3. Ratio secundæ est, quia si medius terminus acciperetur particulariter in utraque præmissa, posset fieri duplex ratio significatus; nam in altera præmissa exprimere posset aliquas res, in altera alias ex quo sequitur etiam ratio tertiæ & quartæ.

§. 58.

Propositio.

Regulæ vero speciales pro singulis figuris sunt hæ

Pro prima duæ

Sit minor affirmans, major vero generalis

Pro secunda duæ

Præcat una negans, nec major sit specialis

Pro tertia duæ

Sit minor affirmans, conclusio sit specialis

Pro quarta tres

Major ubi affirmat, generalem sive minorem

Si minor affirmat, conclusio sit specialis

Cumque negans modus est, tunc major generalis.

2. Ad rationes autem harum & antecedentium legum penitus cognoscendas, advertendum est in universali affirmante prædicatum habere significationem particularem, ut *omnis homo est rationalis* idem

idem est ac *omnis homo est aliquod rationale*; quia ut rationale vere inest homini, non est necesse ut omne rationale in eodem sit; in negante autem etiam prædicatum sumi universaliter, ut *nullus homo est lapis*, idem est ac *nullus homo est nullus lapis*.

§. 59.

SCHOLIUM XI.

Fortasse cuiquam veniet in mentem oleum & operam nos perdidisse, qui de singularibus ratiociniis tot protulerimus. Ut quid enim in iis tamdiu immoratus sum, in quibus Philosophia, propter quam Logicam tradimus, parum versatur? Siquidem nullus fere in ea syllogismus occurrit, in quo terminus aliquis universalis non sit. Huic hominum generi primum respondemus Dialecticam ad mentis cogitationes dirigendas in cognoscenda veritate non illarum modo rerum, quæ sunt propriæ Philosophiæ, verum & aliarum omnium, quæ ad alias pertinentes facultates, spectare: aliquas vero esse, præsertim historiam sacram atque prophanam, in quibus quamplurimis circa singularia ratiociniis est opus. Nam ut alia exempla præteream, nonne ad vindicandam celebritatem illius Danielis prophetiæ de septuaginta hebdomadibus veritatem usque ad Christum Ducem Religionis Christianæ valde interest definire quisnam ille fuerit Persarum Rex, a quo exiit sermo ut iterum ædificaretur Jerusalem, & a quo proinde illæ hebdomades incipiendæ sunt? Cum enim aliunde ex historia prophana compertum sit, quoniam circiter anni inter Persarum Reges, & inter Augustum, quo Imperatore natus est Christus, intercesserint; ex his multum fidei dictæ Prophetiæ, ut docti viri fecerunt, conciliari potest etiam apud Christianæ Religionis hostes, qui alioquin sacras Litteras & argumenta inde petita susdeque habent. At hæc non propositionibus universalibus, sed notis tantummodo temporum, actionum, & adjunctorum singularibus confici possunt. Quisnam vero in illis recte versari poterit, nisi leges etiam singularium ratiociniorum apprimè calleat? Si res, de quibus agimus, paterentur, animus esset propositis exemplis docere, quot in ἀλογισίας in memorata, & in aliis similibus disputationibus viros ceteroquin acutos & doctos ignoratio dictarum legum a nemine, quod sciam, expositarum impulerit. Verum alio nos advocat institutum nostrum. Quapropter secundo reponimus leges singularium syllogismorum, etsi non alii essent ului, quam legibus universalium ostendendis, tamen ex hoc solum capite dignas fuisse, ut in iis exacte tradendis operæ pretium facere arbitraremur. Quod ita se habere, tum constare potest ex eo, quod quemadmodum iudiciorum compositorum, qualia sunt universalia §. 46. veritas a singularium veritate pender, & sine illa cognosci non potest: ita veritas syllogismorum compositorum, qualia sunt universalia, a veritate singularium proficiscitur, & sine illa prorsus intelligi nequit; tum supra confecimus & in sequentibus magis planum faciemus.

2. Nam in hoc v. g. primæ figuræ syllogismo

*Omnis homo est ens ratione donatum,**atqui Petrus est homo;**ergo Petrus est ens ratione donatum.*

propositio minor æquivalet huic *Petrus est aliquis homo*; quia in affirmante prædicatum particulariter subjecto tribuitur. Ut enim Petrus sit homo, necesse non est esse omnem hominem, sed unum tantum. Rursus hæc æquivalet uni

ex

ex his, Petrus est vel hic homo, vel iste, vel ille, vel &c. §. 47. talem enim vim habet signum particulare. Quare si verum est Petrum esse aliquem hominem, verum est etiam Petrum esse hunc hominem, qualicumque tandem hic homo sit. Et ecce quomodo propositio minor, *Petrus est homo*, æquivalet singulari qua ex subiecto, qua ex prædicato *Petrus est hic homo*.

Rursus major universalis & affirmans his æquivalet, & hic homo, & ille, & iste, & ita singulos enumerando, est ens ratione donatum §. 46. Quare si hæc universalis vera est, vera quoque erit illa singularis, in qua subiectum est idem homo, qui ut prædicatum in minori tribuitur; nimirum *hic homo est ens ratione donatum*.

Sed ex his duabus propositionibus singularibus

Hic homo est ens ratione donatum

atque Petrus est hic homo

tertia rite inferri potest

ergo Petrus est ens ratione donatum §. 53. n. 19.

Ergo etiam ex illis duabus

Omnis homo est ens ratione donatum

atque Petrus est homo;

tertia illa

ergo Petrus est ens ratione donatum

legitime concludetur; at propter vim singularium. Non enim ideo prædicatum *ens ratione donatum* in subiecto Petro est, quia illud in omni homine, nimirum tum in homine, qui est in Petro, tum &c. reperitur, sed eam ob causam præcise, quod in illo singulari homine, qui est in Petro, invenitur. Quo fit, ut mens innixa principio

Si A est in C,

& C est in B,

etiam A est in B,

ens ratione donatum in Petro esse concludat. Propositio autem universalis *omnis homo est ens ratione donatum* id muneris habet, ut in cognitionem illius singularis, quæ desideratur, mentem ducat.

2. Sin autem quælibet syllogismi propositio sit universalis, v. g. *omne ens spiritum donatum est rationis capax;*

atque omnis homo est ens spiritu donatum;

ergo omnis homo est rationis capax:

tunc quemadmodum singulæ propositiones tot æquivalent, quot sunt singularia a singulis tribus subiectis expressa; ita etiam tot syllogismi singulares existent, a quibus omnibus veritas universalis pendebit. v. g.

1. Hoc ens spirituale est rationis particeps; atque hic homo est hoc ens spirituale; ergo hic homo est rationis capax.

2. Illud ens spirituale est rationis capax, atque ille homo est illud ens spirituale; ergo ille homo est rationis capax.

3. Istud ens spirituale est rationis capax; atque iste homo est istud ens spirituale; ergo iste homo est rationis capax.

4. Atque ex his syllogismis tot possunt distingui, quot sunt tum entia singularia spiritu donata, quæ a subiecto majoris universalis *omne ens spirituale* significantur, tum homines singulares, quos universale minoris subiectum *omnis ho-*

Tom. I.

E

mo

no significat. In horum autem singulis conclusionibus eam ob causam præcise prædicatum *rationis capax* vere est in tali definito subiecto v. g. *hic homo*, quia tum prædicatum *rationis capax* in tali definito & singulari medio v. g. *hoc ens spiritale*, reperitur; tum tale definitum ac singulare medium in tali conclusionis subiecto deprehenditur. Igitur veritas syllogismi undequaque universalis a veritate singularium pendet.

5. Porro ex his facile est etiam genuinam demonstrationem elicere legum earum, quæ in syllogismis universalibus circa universalitatem, & particularitatem propositionum, atque terminorum a Dialecticis præscribuntur his vasis comprehensæ

Aut semel, aut iterum medium generaliter esto.

Parte in postrema nullus sit terminus umquam.

Qui sibi plura velit illis, quæ expresserat ante.

Nil sequitur geminis ex particularibus umquam.

Prima, cujus sensus ex versiculo satis perspicuus fit, ita ostenditur. Ad recte concludendum majus, & minus extremum inter se conjungi debere satis non est, ut unum cum uno singulari, alterum cum altero jungatur §. 54. Sed cum medium non est aliquod singulare rem unam & certam significans, sed quidpiam, quod in pluribus singularibus singillatim reperitur; fieri potest, ut si in utraque præmissa particulariter accipitur, majus extremum cum medio jungatur, quatenus in aliquo ex suis singularibus est, minus vero cum medio, quatenus in alio est: tunc autem majus, & minus extremum cum duobus singularibus componeretur. Ergo medius terminus saltem semel universalem significationem habere debet. Hinc peccat hic syllogismus. Aliquod ens rationale est virtute donatum; atqui omnis homo est ens rationale; ergo omnis homo est ens virtute donatum. Medium enim *ens rationale* particulariter accipitur, id est quædam tantum singularia significat tum in majori, quia propositionis particularis subiectum est; tum in minori, quia propositionis quidem universalis, sed affirmantis est prædicatum §. 58.

6. Nunc accipe demonstrationem secundæ, cujus hic sensus. Ut syllogismus legitimus sit, nec majus, nec minus extremum debent in conclusione significare plura singularia, quam in præmissis significaverint. Tota enim vis syllogismi in eo posita est, ut majus, & minus extremum inter se connectantur, proptereaquod cum eodem medio connexa fuerunt §. 54; nam si v. g. minus extremum plura, quam in minori præmissa, in conclusione significaret, qua parte exprimeret in conclusione solum illa, quæ in præmissis ab eodem fuerant significata, cum medio componeretur; sed qua parte alia primitus non expressa signaret, cum eodem medio nequaquam conjungeretur. Quapropter legitime concludi non potest totum minus extremum, utramque nimirum ex his partibus cum medio conjungi: Igitur nec majus, nec minus &c.

Hoc vitio laborat sequens syllogismus

Omne ens virtute donatum est habendum in pretio;

sed aliqui Christi fideles sunt ens virtute donatum;

ergo omnes Christi fideles sunt habendi in pretio.

Nam in minori te *Christi fideles* tantum quosdam significat, & quatenus quosdam significat, vere cum medio conjungitur; at in conclusione significat omnes. Tertiæ demonstrationem infra dabimus num. 12.

6. Quod attinet ad rationes regularum in singulis figuris, in antecessum ad-
verto duo esse genera legum, alias, quæ pertinent ad affirmationem, vel nega-
tionem, alias quæ ad universalitatem, vel particularitatem. Illud autem mira-
bile est, & maxime rationem, quam hic inivi, confirmat, quod cum affirma-
tio & negatio etiam ad judicia singularia pertinent, primarum rationes eli-
ciuntur ex ipsismet modis, quos in ratiociniis singularibus esse servandos §. 55.
docuimus. Nam in prima figura quilibet ex duobus legitimis modis minorem
habet affirmantem, ex quo patet ratio regulæ *sit minor affirmans* §. 58. In se-
cunda unus ex duobus modis habet minorem negantem, alter maiorem pariter
negantem; unde elicitur ratio regulæ *Præcat una negans*. In tertia uterque mo-
dus habet minorem affirmantem; quod manifestam facit rationem regulæ *sit
minor affirmans*. Cum vero ob rationem allatam §. 53. num. 24. tum major
tum minor possint esse tum ambæ affirmantes, tum alterutra affirmans, & al-
terutra negans in quarta figura, idcirco, quod valde notandum, nulla datur regula
pro affirmatione & negatione per se sumtis, sed tantum ratione habita uni-
versalitatis aut particularitatis in eadem figura.

7. Venio ad leges ratione habita universalitatis & particularitatis. Ratio re-
gulæ *major vero generalis* pro prima figura patet ex supra dictis; nam si ma-
ior foret particularis, medius terminus particularem haberet significationem tum
in majori, quia foret subiectum propositionis particularis, tum in minori, quia
esset prædicatum affirmantis §. 58. n. 2. qualis minor esse debet.

8. In secunda major generalis esse debet. Nam in hac duo tantum sunt mo-
di §. 55. In primo fiat hic syllogismus cum majori particulari

Aliquod rationale est animal

Nullus Angelus est animal

Ergo aliquis Angelus non est rationalis,

& advertatur discrimen inter particularem affirmantem atque negantem, quod
particularis affirmans, salva veritate, converti potest; nam si aliquod rationale
est animal, etiam aliquod animal est rationale, negans autem nequaquam; nam
etsi verum sit *aliquod compositum non dividitur*, non tamen verum est, *aliquod
quod dividitur, non est compositum*. Quo constituto si convertatur major, habebimus
syllogismum in prima figura sane vitiosum, quia minorem habet negan-
tem. Dices posse converti etiam minorem, quæ est universalis negans §. 58.
num. 2. Quo in eventu fieret syllogismus *Aliquod animal est rationale, sed nul-
lum animal est Angelus; ergo aliquis Angelus non est rationalis*, qui est in ter-
tia, sed in nullo ex duobus legitimis modis, quia in utroque minor sit affir-
mans necesse est.

In altero vero fiat hic alius

Aliquod rationale non est animal

Omnis homo est animal

Ergo aliquis homo non est rationalis,

in quo potest converti major, quo syllogismus evaderet primæ figuræ cum ma-
iori particulari; id quod esse non potest num. 7.

9. In tertia conclusio debet esse particularis; nam in primo modo fiat hic syllogismus.

Nullus homo est irrationalis;

Atqui omnis homo est animal;

Ergo nullum animal est irrationale;

Convertantur enim major & consequens negantes, & syllogismus in hunc abiret primæ figuræ. Omnis homo est animal; sed nullum irrationale est homo; ergo nullum irrationale est animal, qui legitimus non est, quia minor est negans num. 6. In eadem fiat hic alter in secundo modo.

Omnis homo est rationalis

Atqui omnis homo est animal

Ergo omne animal est rationale;

in quo syllogismo animal in minori sumitur particulariter, in conclusione vero generalem habet significationem; quod cum legibus supra explicatis pugnat.

10. In quarta ratio primæ regulæ clara est, quia si major affirmat, prædicatum §. 58. atque idcirco etiam medius terminus, qui eum occupat locum, particulariter sumeretur; ergo ut saltem semel generalem habeat significationem, quemadmodum leges postulant, minor, in qua munere fungitur subiecti, sit generalis oportet. Secundæ ratio eadem est, ac allata in syllogismo secundo tertie figuræ, quia minus extremum sumeretur particulariter in minori affirmante, in qua prædicati locum tenet, in conclusione autem generaliter, si conclusio generalis foret. Quod pertinet ad tertiam regulam, cum in quarta figura sint duo modi negantes, §. 55. syllogismus in primo cum majore particulari

Aliquod sensitivum non est homo

Omnis homo est animal

Ergo aliquod animal non est sensitivum

legitimus non est, eo quod idcirco in hoc hujus figuræ modo syllogismus legitimus est, quia major converti potest, qua conversione redigitur ad tertium ex legitimis absolute §. 53. num. 25. Major vero negans & particularis converti nequit, bene vero si sit universalis & negans §. 58. num. 2. Ergo dictus syllogismus cum majore particulari negante peccat.

11. Fiat nunc alter syllogismus in secundo modo §. 53. num. 26.

Aliquod rationale est homo

Sed nullus homo est purus spiritus

Ergo aliquis purus spiritus non est rationalis,

in quo tribus modis conversio fieri potest vel solius majoris, vel solius minoris, vel utriusque; si fiat conversio solius majoris, redigitur ad hunc

Aliquis homo est rationalis

Sed nullus homo est purus spiritus

Ergo aliquis purus spiritus non est rationalis,

qui est in secunda, sed minime legitimus ob majorem particularem num. 8. Si tandem major simul & minor convertuntur, fit syllogismus in prima figura cum minori negante, atque idcirco illegitimus. Ex quibus rationes omnium regularum ita perspicue hunc, ut aliud nihil desiderari posse videatur.

12. Omnium legum difficillima demonstratu mihi semper visa est illa, quæ vetat ambas præmissas esse particulares. Nam si ex universali propositione alia universalis propositio bene deducitur, quid ni ex particulari quoque particularis jure eliciatur? Verum ex principiis hic constitutis methodo, quam hætenus adhibuimus, clara & evidens ratio hujus quoque legis elicitur. Si quis periculum fecerit syllogismos faciendo cum binis præmissis particularibus in singularibus quatuor figurarum modis, conversione propositionum, quæ illam admittunt, hujus, quod asserimus, certiore se faciet. Nos qui jam satis superque verba sumus in his trices, ad alia properamus.

PRÆ-

P R Æ F A T I O
I N
U N I V E R S A M P H I L O S O P H I A M
C A P U T U N I C U M.

De definitione Philosophiæ, Objecto & Partibus ejusdem.

§. 60. Definitiones & Propositio.

Propositiones evidentes sunt illæ, quæ aut per se tales sunt §. 13., aut factæ fuerunt ope syllogismi rite confecti, sive inferendo eas ex aliis evidentibus propositionibus in aliquo ex dictis §. 55. legitimis modis. Nam si ex g. evidens sit prædicatum A alicujus propositionis obscuræ inesse medio termino C, & medium terminum C inesse subjecto B ejusdem propositionis, evidens quoque est A esse in C.

§. 61. Definitiones.

Unde cognitio duplex est, alia intellectualis, alia scientifica; intellectualis est cognitio propositionis per se evidētis, quæ dicitur etiam primum Principium, ut *totum est majus sua parte*. Scientifica est cognitio propositionis per se obscuræ, quæ facta est evidens ope syllogismi eam inferendo ex aliis propositionibus evidentibus; ut minor in prima figura debet esse affirmans. §. 58.

§. 62. Propositio.

Cognitio evidens est etiam certa; nam judicium est certum, cum mens plane assentitur aut convenientiæ aut non convenientiæ prædicatum inter atque subjectum atque propositioni claræ & evidenti, tamquam bono evidenti & perfectioni suimetipsum, mens omnino assentitur, quia verum est intellectus bonum, sive perfectio; ergo mens cognitioni evidenti plane assentitur, atque idcirco cognitio evidens est etiam certa.

§. 63. Corollarium.

Quare cognitio scientifica est cognitio certa & evidens rei per suas causas, atque rationes; quia præmissæ, ex quibus aliqua propositio colligitur, sunt ratio, propter quam illa vera est. Cognitio vero intellectiva est evidens quidem & certa, sed non per suas causas atque rationes.

De-

§. 64.

Definitiones.

Habitus est facilitas alicujus rei per se difficilis efficiendæ, quæ repetitis actibus comparatur, ut loquendi, scribendi, pulsandi instrumenta &c. Scientia est habitus propositiones demonstrandi, sive inferendi eas ex principiis sive propositionibus evidentibus & certis per legitimam consequentiam, servatis scilicet regulis syllogismorum jam traditis. Unde inter cognitionem scientificam & scientiam datur discrimen, quale est inter actum ex. g. scribendi, & potentiam scribendi, quæ potentia semper reperitur, licet quis reipsa non scribat.

§. 65.

Definitiones.

Scientia vero duplex est; alia speculatrix, alia practica; speculatrix contemplatur ea quæ sunt & fiunt, esse & fieri possunt, ut Deus est summum Bonum; practica vero considerat ea quæ fieri debent; ut Deus est diligendus.

§. 66.

Definitiones.

Objectum scientiæ est id omne quod a scientia consideratur. Objectum vero aliud est materiale, aliud formale. Cum enim scientia sit non simplex perceptio, sed cognitio propositionum, idest convenientiæ subiectum inter & prædicatum: materiale est illa res, quæ tamquam subiectum a scientia consideratur; formale autem est illa res, quæ tamquam prædicatum. Ut corpus humanum laborans est objectum materiale medicinæ; quatenus sanabile, est formale.

2. Quia vero uni rei plura prædicata convenire possunt, alio modo subiectum inspicitur, cum aliquod ejus prædicatum contemplamur, alio modo, cum aliud; hac de causa objectum formale definitur etiam modus, quo scientia considerat suum objectum materiale. Ex quo fit ut idem objectum materiale sub diversis prædicatis consideratum possit esse plurium scientiarum objectum, ut corpus humanum, quatenus sanabile, consideratur a medicina; quatenus in suis motibus dirigendum, ab arte saltatoria.

§. 67.

Definitiones.

Objectum primum est id quod a scientia consideratur ratione sui, secundarium quod ratione alterius a scientia cognoscitur. Ut corpus humanum ægrotum est materiale primum; quatenus sanari potest, formale primum: herbarum vero sunt materiale secundarium, & quatenus sanare possunt corpus humanum, formale secundarium, quia medicina cognitionem herbarum, & virtutis, qua utuntur in restituenda sanitate, refert ad corpus humanum ægrotans, & ad sanitatem illi restituendam.

De-

§. 68.

Definitiones

Integrum &, ut vocant, totale objectum est id omne quod a scientia primario & ratione sui consideratur; parziale est aliqua tantum pars ejus, quod &c. Ut corpus humanum omnibus morbis laborans est integrum materiale objectum medicinæ; quatenus sanari potest ab omnibus morbis, est integrum formale: corpus vero humanum feбри laborans est aliqua tantum pars materialis; quatenus autem a feбри sanari potest, est aliqua formalis.

§. 69.

Definitio.

Quibus positis ajo Philosophiam esse scientiam rerum omnium, quæ cognosci possunt per suas causas atque rationes, quatenus per suas causas atque rationes cognosci queunt. *Res omnes quæ Sc.* sunt objectum materiale, primum & integrum Philosophiæ; *quatenus vero per suas Sc.* sunt objectum formale primum & integrum.

§. 70.

Definitiones.

Pro tribus vero entium generibus, quorum cognitio nobis ante inest, quam ad Philosophiam accedamus, corporum, quorum notitiam per sensus haurimus, animæ, cujus quisque sibi conscius est, dum ad ideas per sensus illapsas attendit, atque Dei, in cujus cognitionem tamquam auctoris animarum & corporum adminiculo cognitionis eorundem venimus, tres primo existunt partes Philosophiæ, Physica, Theologia, atque Psychologia.

2. Physica est pars Philosophiæ, quæ considerat corpus, quatenus corpus per suas causas atque rationes cognosci potest.

3. Theologia est Philosophiæ pars, quæ considerat Deum, quatenus Deus per suas causas atque rationes cognosci quit.

4. Psychologia est Philosophiæ pars, quæ contemplatur animam humanam, quatenus anima per suas causas atque rationes cognosci quit.

5. Psychologia dispescitur in Speculatricem & Practicam; Speculatrix est ea Psychologiæ pars, quæ considerat ea quæ sunt & fiunt, esse & fieri possunt in anima, quatenus ea quæ sunt & &c. per suas causas cognosci queunt. Practica est altera Psychologiæ pars, quæ considerat ea, quæ ab anima humana fieri debent, quatenus ea quæ fieri debent, per suas &c.

6. Cumque sint in anima duæ facultates, altera intellectus, cujus objectum est verum cognoscendum, altera voluntas, cujus objectum est bonum sive perfectio amanda; inde existit duplex Psychologia practica; altera est Logica, quæ est Psychologiæ practiciæ pars, quæ contemplatur ea quæ ab anima faciendæ sunt in actibus intellectus ad verum dirigendis, quatenus ea, quæ ab anima &c.

per

per suas causas atque rationes cognosci queunt.

7. Altera Moralis, quæ est Psychologiæ practicæ pars, considerans ea quæ ab anima facienda sunt in actibus voluntatis ad bonum dirigendis, quatenus ea quæ ab anima &c. per suas causas cognosci possunt.

8. Denique cum Deus animæ & corpora sint ens, multa autem sint omnibus his entibus communia; inde exoritur altera Philosophiæ Pars, quæ considerat ens in genere, quatenus ens in genere per suas causas atque rationes cognosci potest.

§. 71.

SCHOLIUM XII.

Locus hic non postulat ut a capite accessamus rationes definitionum, quas hætenus tradidimus. Nondum enim ea sunt constituta principia, ex quibus eadem repeti possunt. Aliqua tamen summis labiis attingemus, quo traditas definitiones aut luculentius explicemus, aut vindicemus ab Adversariorum objectis. Quod pertinet ad definitionem habitus & scientiæ, illud adverto habitus, qui intellectus dicuntur, pendere ab ea lege imaginationis, cujus mentionem fecimus §. 5. num. 2, quæ in eo posita est, ut si plura simul antea percepimus, & inde unius ex iis pluribus idea reproducitur, continuo reproducantur etiam rerum aliarum notiones: quod eo facilius fit; quo majore cum animi attentione simul cogitatz fuerunt, quo pluries id factum est, & quo minus temporis inter cognitionem illorum simul, & renovationem unius ex illorum ideis inrecredit. Ut habitum Institutionum Logicæ acquisivit, qui simul ac unum ex iis, quæ ibi tractata sunt, menti ipsius occurrit, ex. g. regulæ syllogismorum, statim omnium recordatur aliorum, quæ una cum regulis Logicæ cogitavit. Id quod eo facilius experietur, quo minus temporis effluxerit, & majori cum diligentia diutius & sæpius animum ad eadem attenderit.

2. Quod vero attinet ad definitiones scientiæ speculatricis & practicæ, objecti scientiarum & partium Philosophiæ, non moror nugæ & tricas Aristotelæorum, qui libros inferciunt nullius plane momenti quæstionibus, qualis est illa, qua diligentissime disputant de nomine Logicæ imponendo, scientiæ speculatricis, an practicæ, sive artis, an scientiæ. Cum enim scientiam speculatricem eam definiant, quæ in contemplatione objecti conquiescit, practicam vero quæ tendit ad opus, aliqui ex iis volunt Logicam esse scientiam tantummodo, alii artem tantum, alii vero artem simul & scientiam. Primi eo maxime nituntur, quod praxis est actus alterius potentiz, quam intellectus, & opus ad quod tendit scientia practica & ars, non debet esse opus ejusdem intellectus, quales sunt divisiones, & definitiones, & argumentationes, de quibus faciendis regulæ in Logica traduntur. Alteri vero maximam in eo vim faciunt, quod Logicæ finis est tradere regulas, quibus operationes intellectus in vero cognoscendo diriguntur, id quod est proprium disciplinæ practicæ & artis. Quod si etiam rationes regularum afferuntur, id non postulat Logica, quæ solis regulis contenta est, illique suo munere dirigendi intellectus optime fungitur, tametsi eas rationibus non confirmet. Tertii denique, Logicam, quatenus leges aliquas docet, nomine artis donant; quatenus vero eas suis confirmat rationibus, nomine scientiæ. Verum tam celebris quæstio de solo nomine esse vide.

detur; est enim in cuiusque Philosophi potestate operi, ad quod scientia practica tendere dicitur, eam notionem velle subjectam, quæ aut complectatur etiam definitiones & argumentationes, aut easdem reculet. Ceterum ex his, quæ suo loco de natura definitionum docebo, constabit, repudiari non posse meas definitiones scientiæ practiciæ & speculatricis, & in sensu a me explicato Logicam esse artem simul & scientiam, sive uno verbo scientiam practicam.

3. Nunc reliquum esset ut docerem qua ratione in Philosophia tradenda versari oporteat. Verum ob allatam a primo rationem de illa mihi integrum seruo in Dialectica. Id unum adverto ex illa generali methodi regula, quod ea præmittenda sunt, per quæ cetera intelliguntur ac demonstrantur, consequens esse Ontologiam atque Psychologiam Logicæ præire oportere. Nam quod attinet ad Ontologiam, res manu propemodum tangi potest. Quotum enim quodque cogitationum in veri cognitione dirigendarum præceptum a nobis in Institutionibus datum est, quod non aliquo Ontologiæ principio nitatur? Relegantur potissimum caput de divisione propositionum ratione habita prædicati §. 40. & seq. & alterum de Principiis Artis ratiocinandi, in quibus omnibus ens & ejus attributa generatim considerantur; deinceps ad Dialecticæ leges inde elicitas animus advertatur. Nullus dubito quin omnes mihi sint assensuri. Ut nunc mittam generalem rationem, qua conficitur eam ante omnes alias Philosophiæ partes esse tractandam, in eo positam, quod cum hæc ens in genere ejusque primaria attributa rebus omnibus convenientia consideret §. 70. num. 7. aliæ vero partes in alicujus particularis entis contemplatione versentur §. cit., ante non poteris intelligere ac demonstrare attributa rerum particularium, quam prædicata enti cuilibet convenientia tibi perfecta fuerint.

4. Hac eadem ratione Psychologiam Speculatricem Logicæ præire oportere conficitur; quia cum Logica eo spectet ut mentis & intellectus operationes in vero cognoscendo dirigat; hæc autem dirigi nequeant, nisi quid sint, & quomodo eliciantur ante perceperis; Psychologia Speculatrice opus est, quæ considerans ea quæ sunt & fiunt & esse ac fieri possunt in anima §. 70. num. 5. naturam & indolem trium intellectus operationum investigat.

5. Veruntamen ob aliud caput Logica ceteris esse præmittenda videtur. Cum enim ex altera parte omnes scientiæ veritatis cognitionem sibi propositam habeant §. 64. ad eam vero cognoscendam tribus mentis operationibus tamquam instrumentis utamur, & ex altera instrumenta prius limanda atque polienda esse ratio suadeat, quam opus, ad quod adhiberi debent, quis aggrediatur; Philosophi esse videtur primo loco præcepta Logicæ tradere, quibus tres mentis cogitationes ab erroneis ac præjudicatis infantis & vulgi opinionibus vindicantur, atque exiguntur ad veritatem.

6. Ceterum in his contrariis rationum momentis mihi verius est satisfacere utrique; quod exsequar præmittendo nonnulla ex Ontologia atque Psychologia petita principia, sine quibus Dialecticæ regulæ intelligi ac demonstrari non queunt. Hoc enim pacto & rationes hujusmodi legum satis percipi poterunt, & ante instrumenta polientur, quam iisdem utamur in Ontologiæ ac Psychologiæ scientiis copiose & accurate tractandis.

7. De ordine vero quo ceteræ Philosophiæ partes sunt percurrendæ, in singularem principio quidpiam præfabimur.

P R Æ F A T I O I N L O G I C A M.

§. 72.

Definitiones.

Logica alia est innata, alia acquisita; innata est illa facultas quam habet mens, statim ac est, dirigendi tres mentis operationes in vero cognoscendo. Acquisita est quam ipsa trium mentis operationum directione paulatim acquirit.

2. Acquisita alia est vulgaris, alia artificialis; vulgaris est quæ ab anima acquiritur usu communi loquendi, & obscura plerumque regularum Logicæ cognitione. Artificialis est, quæ in scholis comparatur clara & distincta regularum explicatione.

3. Artificialis alia est docens, alia utens; docens, quæ tradit regulas, quibus intellectus dirigitur, utens, quæ ad usum deducit regulas in aliquo exemplo. Ut hæc regula, *terminus est triplex, major, mediusque minorque*, pertinet ad Logicam docentem; hic syllogismus, *omne summum bonum est amandum, Deus est summum bonum, ergo Deus est amandus*, pertinet ad utentem.

4. De Artificiali docente intelligenda est supra tradita definitio §. 70. num. 6. ex qua colligitur objectum materiale primum & integrum Logicæ esse illa omnia, quæ ab anima fieri debent in operationibus intellectus dirigendis in cognitione veri §. 66. & seq. formale vero pariter primum & integrum esse quatenus ea quæ ab anima fieri debent in operationibus intellectus dirigendis in cognitione veri, cognosci possunt per suas causas atque rationes.

LOGICA

43

PARS PRIMA.

De Simplici Perceptione.

CAPUT PRIMUM.

*De nonnullis Ontologiæ Principiis ad regulas Logicæ
intelligendas necessariis.*

ARTICULUS I.

*De duobus Principiis contradictionis & rationis sufficientis,
& de necessario & contingente.*

§. 73. Definitio.

Prinzipium contradictionis est hoc: *Impossibile est idem simul
esse, & non esse.* Unde id omne quod simul affirmat rem esse,
& negat esse, est impossibile, & e contrario id omne quod est
impossibile, simul affirmat rem esse & negat esse. Id enim quod po-
nit tantum rem esse, aut tantum non esse, est possibile.

2. Impossibilitas alia est manifesta per se, in qua ponuntur duo,
quorum alterum evidenter negat alterum; ut circulus est rotundus &
quadratus; nam *quadratus* evidenter negat *rotundus*; alia vero obscura,
in qua per se non patet alterum alterius negationem continere,
sed ratione & syllogismo id probandum est. Ut *nil sequitur gemi-
nis ex particularibus umquam*; nam §. 57. ratione confecimus id
fieri non posse servata legitima forma.

§. 74. Definitio.

Ratio sufficiens est id per quod intelligi potest, cur res potius
sit quam non sit; ut ignis est ratio sufficiens, per quam intelligi
potest, cur aqua potius ebulliat, quam secus. Principium rationis
sufficientis est hoc: *Nil est absque ratione sufficienti, per quam &c.*
Effectus vero est id quod oritur a sufficienti ratione.

§. 75. Propositiones.

Eædem rationes sufficientes gignunt eodẽ effectus, diversæ di-
versos; & e converso iidem effectus oriuntur ab iisdem rationibus
sufficientibus, & diversi a diversis. Nam si aut eædem rationes di-
versos effectus progignerent, aut diversæ eodẽ, aut iidem ef-

F 2

fe-

fectus a diversis rationibus, aut diversi ab iisdem gignerentur; hæc omnia forent absque sufficienti ratione, per quam intelligi posset, cur tales effectus potius forent, quam secus; identitas enim non potest esse ratio diversitatis, aut diversitas identitatis. Quod ni ita foret, ens posset esse ratio negationis entis, quod prorsus repugnat. Quare nec identitas potest esse ratio diversitatis, quæ primæ negationem includit.

2. Maximus isque tutus hujus principii usus est in rebus necessariis & in iis eventibus in quibus duo aut plura esse possunt, sed non simul, eo quod unum eorum negationem alterius in eodem ente includit, & alioquin impossibile est idem simul esse & non esse §. 72. Si enim sint in iis duobus omnia prorsus æqualia, & non sit major ratio in uno, quam in altero, per quam intelligi possit cur illud potius sit quam alterum, neutrum ex iis esse potest. Ut corpus moveri potest tum versus ortum, tum versus occasum, sed non simul, eo quod motus versus unam plagam includit in eodem corpore negationem motus versus contrariam. Quare si una vi pellatur versus ortum, & altera prorsus æquali versus occasum, versus neutram partem movebitur, eo quod omnia sunt ultro citroque æqualia, nec est major ratio pro motu versus unam, quam pro motu alteram versus.

§. 76.

Definitiones.

Necessarium est id quod non potest aliter esse, sive cujus contradictorium est impossibile; contingens autem, quod potest aliter esse, sive cujus contradictorium est possibile.

2. Necessarium aliud est absolutum, aliud hypotheticum, sive conditionatum. Absolutum est, quod in omni statu est necessarium adeo ut numquam aliter esse queat; ut absolute necessarium est circulum esse rotundum; hypotheticum est, quod in aliquo statu non potest aliter esse, bene vero in aliis. Ut si homo currit, movetur; nam motus homini necessario inest in eo statu atque conditione quod currat, non vero in alio statu, ut si sedeat.

3. Rursus necessarium tam absolutum quam hypotheticum, duplex est, aliud Methaphysicum est, aliud Physicum; Metaphysicum est, quod ita necessarium est, ut nullo modo neque per infinitam Dei potentiam aliter esse queat; ut accidit in duobus allatis exemplis. Physicum est, quod non potest aliter esse servato naturæ ordine, sed tamen aliter esse quit eo non servato per summam Dei potentiam; ut ignis, servato naturali ordine, necessario comburere debet corpus humanum; at eo divina virtute transgresso tres pueros in fornace Babylonica non combussit.

§. 77.

§. 77.

Propositiones.

Necessarium Physicum fit necessarium metaphysicum, sed hypotheticum sub hac conditione, si ordo naturalis servetur; nam potest quidem Deus id efficere, ut ignis non comburat, sed tunc ordinem naturæ non servat, eo quod talis ordo postulat ut ignis corpora humana comburat. Quamobrem si ordo naturalis servetur, Physicum necessarium fit Metaphysicum.

§. 78.

SCHOLIUM XIII.

In eo, quod ponimus id esse possibile quod affirmat tantum rem esse, nulla difficultas esse potest, eo quod ens esse potest; at in altero quo affirmamus esse possibile etiam id quod tantum negat rem esse, non levis difficultas occurrat. Siquidem hæc propositio *Deus non existit* includit contradictoria adeout impossibile sit Deum non existere, & tamen in ea non est nisi negatio existentie, sive entis. Ad id refellendum ajo possibilitatem, aut impossibilitatem esse in propositionibus attendendam, quæ aut affirmant aut negant rem esse; adeo ut illud ens quod ex subiecto simul & prædicato, aut solo cum propositio est affirmans, aut una cum particula *non*, si est negans, constat intelligitur, dici debeat aut possibile aut impossibile; impossibile, si eidem subiecto ostendatur convenire prædicatum, quod in propositione affirmante alterius negationem includit, & in negante alterius affirmationem; aut non convenire aliud, quod in affirmante alterius affirmationem, & in negante alterius negationem cohibeat. Ex. g. si dixerò circulus est quadratus, hoc ens *circulus quadratus* est impossibile, quia circulo convenit aliud prædicatum *rotundus*, quod alterius negationem includit; ex quo fit ut affirmetur circulus esse simul quadratus & non quadratus: item si dixerò circulus non est rotundus, hoc alterum ens *circulus non rotundus* est impossibile, quia circulus est genitus ductu circini in gyrum, quod alterius affirmationem includit; ex quo sequitur simul affirmari circulum esse rotundum & non rotundum. Possibile autem si nullo ex his modis possit elici propositio, in qua simul eidem subiecto idem prædicatum conveniat, & non conveniat. Ex quo sequitur etiam propositiones negantes includere ens omnino possibile, si subiecto conveniat tantum illius prædicati negatio, non vero elici queat etiam convenire affirmatio. Cum autem ens a se complectatur omne verum ens, ut in Theologia Naturali docebimus; inde fiet ut omnes propositiones negantes, in quibus aliquod verum ens de hoc Ente a se, sive de Deo negatur, contradictoria contineant, eo quod illud ens, quod negatur, enti a se convenire debet. Cujusmodi est etiam existentia. Quamobrem hæc propositio *Deus non existit* contradictoria contineat necesse est. Unde negationes entis sive non entia sunt possibilia quidem, sed solum in rebus a Deo creatis, quæ nec necessario exstant, nec omne ens in se cohibent.

2. Hoc autem contradictionis principium communi Philosophorum calculo comprobatur; verum non ita res se habet de altero sufficientis rationis; refragantur enim multi iique gravissimi viri. Nam inter alia, quæ ab iis contradicuntur, liberum nostræ voluntatis arbitrium in eo positum esse videtur, ut quamvis in altero duorum quæ sunt contraria, major ratio non sit, quam in altero, alterutrum tamen pro libito possit voluntas appetere. Id quod dicto ad-

ver-

versatur principio; ex quo sequitur, si ex duobus neutrum existat, utrumque tamen existare possit, sed non simul, eo quod aliud aliis negationem includit, nec major ratio pro alterutro sit, eoquod omnia sunt ultro citroque prorsus eadem, neutrum eorum posse constare, eo quod ubi omnia sunt eadem, inde diversa prodire non possunt §. 74.

3. Cui difficultati primum occurri potest, animam non velle, nisi quod sibi bonum, idest ad maiorem sui perfectionem pertinere crediderit; nihil nolle, nisi quod malum sibi esse suæque perfectioni adversari judicaverit, atque ex duobus bonis, quæ simul assequi non potest, alterum alteri non anteponeere, nisi unum sibi esse majus bonum fuerit arbitrata: velle autem, a quo te perfici credis, nolle a quo te imperfectum fieri putas, malle quod tibi majoris perfectionis causam esse arbitraris, sine ratione sufficienti non esse: qui vero hæc cum animæ vera libertate & indifferentia ad utrumque ex contrariis convenient, in Psychologia & in Theologia Naturali demonstrari.

4. Verum in præsentī non confugio ad hanc solutionem, propterea quod ex altera parte hæc multa complectitur difficilia & obscura, quæ pro virili parte nunc explicari non possunt, & ex altera nunc minime necessarium est late patentem huic principio significationem tribuere, ut etiam ad divinæ & humanæ voluntatis actus pertineat. Satis enim est & superque, id unum velle ut complectatur effectus, qui necessario modo a suis causis atque principiis existunt, ut ex ejusdem usu in iis, quæ sequuntur, constabit. In quo sane convenit inter omnes Philosophos, qui si statim æqualibus lancibus & æqualiter a jugo distantibus æqualia pondera imponuntur, neutram esse descensuram colligunt, eoquod soliditas virgæ ex cujus extremis lances appensæ fuerunt, utriusque descensum simul impedit, & cum omnia utrumque sint prorsus æqualia, major ratio non est cur alterutra deprimatur.

5. Ceterum sive agatur de effectibus, qui a causa necessaria progigni debent, sive de iis, qui a libera, duo esse moneo attendenda quo principium hujusmodi recte usurpemus: alterum duo sive plura esse posse, sed non omnia simul, eoquod aliud aliis sive aliorum negationem in eodem subjecto complectitur. Si enim hæc plura esse nequeunt, frustra quaeremus rationem, cur unum potius quam alia usuveniant. In hoc autem Cartesianos, dum vacui possibilitatem inter corpora ob eam causam impugnant quod non esset major ratio, cur Deus mundum in hac potius infiniti inanis parte, quam in alia quacumque posuerit, offendere suo loco docebimus, quia cum inane non sit actualis extensio, sed solum potentia recipiendi extensa, nullæ sunt in eo partes extra partes, in quarum aliqua potius, quam in aliis, mundus collocari queat. Alterum autem ad eum finem ut tuto colligere possimus nihil ex pluribus esse posse, non satis esse argumenta negantia in eo posita, quod nullam in aliquo eorum cognoscamus maiorem rationem, cur præ aliis sit, sed agentia desiderari, in eo posita, quod in iis pluribus quæ esse possunt, omnia esse prorsus æqualia noscimus. Primum enim nequaquam sufficere ex eo colligitur, quod nostra finita mens hanc maiorem rationem, tamen si revera sit, ignorare potest; ut accidit in Deo, in quo est major ratio eaque necessaria cur Personæ Divinæ sint tres potius, quam duæ, aut quatuor, aut &c. sed nostram mentem eadem lateat. Secundum autem satis esse ex eo planum sit, quod cum ex altera parte perfecta æqualitas sit identitatis, & ex altera identitatis causa diversitatis esse nequeat §. 74., constat nul-

lam

lum eorum plurium, in quibus omnia perfecte æqualia sunt, esse posse, quemadmodum in allato statere exemplo contingit.

ARTICULUS II.

De essentia, attributis, accidentibus & modis Entium.

§. 79.

Definitiones.

EX iis pluribus prædicatis, quæ cuilibet enti conveniunt, alia sunt prædicata necessaria, alia contingentia; necessaria sunt, sine quibus illud ens permanere non potest, ut rotunditas circulo necessaria est, quia sine rotunditate circulus esse non potest. Contingentia vero, sine quibus ens permanere quit. Unde contingentia possunt inesse enti & ab eodem abesse sine illius corruptione. Ita est motus in corpore, qui potest esse & abesse a corpore, quin corpus inteat.

§. 80.

Definitiones.

Prædicata necessaria alia sunt essentialia, alia vero attributa; essentialia sunt prædicata necessaria, sed ab aliis internis non pendent & oriuntur, immo sunt ratio sufficiens omnium aliorum, quæ in ente necessario sunt. Attributa sunt prædicata necessaria, sed ab aliis interioribus, idest ab essentialibus oriuntur. Ut in ente composito ex pluribus partibus tam necessario insunt plures partes, quam divisibilitas in partes; sed primum est essentia, secundum attributum, quia plures partes ab alio interno prædicato entis compositi non profluunt, sed sunt ratio sufficiens, cur idem compositum in partes dividi queat.

§. 81.

Definitiones.

Prædicata contingentia alia sunt accidentia, alia modi; accidentia sunt prædicata contingentia, sed absoluta, sive aliquod absolutum significantia; modi sunt contingentia sed relativa, idest relationem significant sive inter ejusdem entis plures partes, sive inter unum & alterum ens. Ut vis motrix est accidens in corpore, motus est modus, quia illa significat absolutum aliquod corpori inhærens, quod est causa motus; hic aliquod relativum, idest relationem corporis moti ad spatium ab eo percursum.

2. Accidentia sive modi alii sunt primi, alii secundi, alii tertii &c. Primi sunt, qui ut sint in ente, non postulant alios modos ante in eodem existere. Ut vis motrix est accidens primum corporis. Modi secundi, qui ut sint in ente, postulant alios modos an-

te in eodem existentes, ut motus esse non potest in corpore, nisi ante sit vis, a qua motus oritur, tamquam effectus a causa. Modi tertii, qui ut sint in ente, postulant modos primos atque secundos in eodem ante existentes. Simili ratione definiantur modi quarti, quinti &c.

§. 82.

Definitiones.

Essentia vero entis duplex est, alia primaria & substantialis, alia secundaria & accidentalis. Primaria & substantialis complectitur ea prædicata essentialia, quorum nullum ab aliis disjungi potest, quin totum ens intereat. Ita est substantia extensa in corpore; nec enim fieri potest ut a corpore auferatur extensio, & maneat substantia, sed si hæc tollitur, totum corpus in nihilum abeat necesse est.

2. Accidentalibus & secundaria complectitur ea prædicata, quæ disjungi non possunt, quin pereat ens ex iis compositum, sed possunt separata permanere; ut homo constat ex mente & corpore simul conjunctis tamquam partibus essentialibus, adeo ut iis separatis intereat homo, sed nihilominus corpus & anima seorsim perseverant.

§. 83.

Definitiones.

Attributa tandem alia sunt propria entis, alia vero communia. Propria sunt ea, quæ illi soli enti conveniunt, communia, quæ & cadunt in illud ens, & etiam in aliud essentiali diversæ. Ut potentia cognoscendi est attributum commune hominis, quia non est in homine tantum, sed etiam in Angelo, cujus essentia est diversa. Potentia motus est propria corporis, eo quod in solo corpore est, non autem in substantia, quæ corpus non sit.

2. Pariter essentialia alia sunt propria entis, quæ illi soli conveniunt, alia communia quæ reperiuntur etiam in ente essentiali diversæ, ut in corpore quod est substantia extensa, substantia etiam in spiritu est, extensio autem in corpore solo.

§. 84.

Propositio.

Si duo entia habent eadem essentialia, habent etiam eadem attributa; & si essentialia sint diversa, attributa quoque diversa sunt; & e converso si in duobus entibus sint eadem aut diversa attributa, eadem quoque aut diversa essentialia reperiuntur. Nam eadem rationes sufficientes gignunt eodem effectus, diversæ diversos, & iidem effectus ab iisdem rationibus, diversi a diversis oriuntur §. 74. Atqui essentialia sunt rationes sufficientes attributorum, & attributa sunt effectus §. 79. Ergo si duo entia &c.

§. 85.

Propositio.

Attributa quæ vel ab omnibus essentialibus entis, vel ab essen-

tia-

tiali proprio illius oriuntur, sunt propria; quæ vero ab aliquo tantum communi, sunt communia.

Prob. 1. pars. Attributa propria sunt ea, quæ illi soli enti conveniunt, non aliis diversæ essentiz §. 82; sed ea quæ vel ab omnibus entis essentialibus, vel ab aliquo ejusdem proprio proficiuntur, illi soli enti, non alteri essentiz diversæ conveniunt; quia ubi sunt dicta attributa, sunt etiam aut omnia essentialia entis, aut illud quod est proprium ejusdem §. 83. atque idcirco etiam ens talis essentiz, quæ est id quod præcipui in ente reperitur, non vero, esse potest ens essentiz diversæ, ubi est dictum attributum. Ergo attributa quæ vel ab omnibus essentialibus entis, vel ab aliquo illius proprio ducunt originem, sunt entis propria.

2. Prob. 2. pars. Attributa, quæ oriuntur ab aliquo essentiali communi illi enti cum aliis essentiz diversæ, reperiuntur & in illo ente, & in aliis in quibus est idem essentialiale; quia ubi sunt eadem essentialia, sunt etiam eadem attributa, §. 83. Ergo hæc attributa erunt communia. Ut potentia cognoscendi quia profuit a sola mente, est attributum commune hominis cum Angelo, in quo mens reperitur; quia vero potentia motus proficiscitur ab extensione, quæ est essentialiale solius corporis proprium, in solo corpore est.

3. Adverte tamen hæc etiam esse propria illius essentialis, a quo oriuntur, & ideo etiam entis in quo est illud tantum essentialiale, quia positis iisdem rationibus ponuntur iidem effectus, & positis iisdem effectibus ponuntur eadem rationes.

§. 86.

SCHOLION XIV.

Doctrina, quam tradimus de necessitate essentialium essentiz primitivæ, nova aliquibus videbitur, & fortasse periculosa, quod inde consequens est nec mentem in homine, nec Verbum Divinum in Christo ad essentiam pertinere; nam utrumque possunt ab eo, quicquid junguntur, disjungi, quin alterum pereat.

2. Ut huic difficultati satisfaciamus, animadvertendum est multa esse non essentialia & necessaria substantiæ, quia possunt ab illa separari sine ejusdem interitu; esse tamen necessaria accidenti, sine cujus interitu abesse nequeunt. Ut sex plana quadrata & æqualia non sunt necessaria corpori, quia corpus manere potest etiam si angulis obtundendis illa figura corrumpatur; sunt tamen necessaria figuræ cubicæ, quæ sine dictis planis esse non potest. Hinc est quod apud Physicos, quibus corpus contemplandum propositum est, sint vera æcidentia, apud Geometras autem, quibus quantitas atque figura, sint ipsamet essentialia. Cum autem vinculum, quo anima & corpus alstringuntur, sit accidens sive modus, quia nec potest existere ipsum per se, & abesse potest ab anima & corpore salvis utrisque; homo est res coalita ex substantiis simul, scilicet anima & corpore, & ex modis, scilicet ex modo, quo hæc copulantur.

tur. Quare anima non est essentialis corpori, sed homini tantum, idque non quatenus homo est substantia, sed quatenus etiam ex accidentibus coalefcit. Idem esto iudicium de Christo, habita tamen ratione eorum, quæ circa modum copulationis Verbi cum humana natura fides docet. Sed horum essentialium connexionis necessitas ita stricta & arcta non est, quemadmodum ea, quæ supra a nobis tradita fuit. Nam ex. g. inter *ens* & differentiam *per se* tam intima necessitudo intercedit, ut si in rebus consideretur, scilicet postquam conjuncta fuerunt, multi ex Philosophis nullam reapse distinctionem interesse putent. Ab hac autem valde procul est necessitudo connexionis mentis cum corpore. Quoniam vero tantum intercedit discrimen, & diversitas vocabulorum ad notionum diversitatem exprimendam inducta est, quid ni duobus nominibus, quemadmodum supra factum est §. 81. essentias, quarum necessitas tam diversa est, significabimus?

3. Hoc expenso quod attinet ad essentialia, venio ad attributa, & ajo definitiones attributorum communium atque propriorum ita, ut in scholis facere consueverunt, nude traditas, nulli propemodum ului esse Philosophis, non quidem illam ob causam, quod ex præscripto legum definiendi confectæ non sint, sed quia per eas tantummodo satis in quoque eventu intelligi nequit, quod cuique rei attributum ita inhæreat, ut illi soli conveniat, quod secus. Igitur etiam notæ tradendæ sunt, per quas in usu definitionis illud dignoscei queat. Perspicacissimus Wolphius hunc defectum vidit in hac atque in aliis scholasticorum definitionibus, quas proinde steriles jure ac merito persæpe vocavit, quod in consiciendis propositionum demonstrationibus ului non sunt. Quare cum ad universam Philosophiam restaurandam animum adiecisset, hanc maxime ægram ac prope depositam ejus partem suscepit, & definitiones accuratiores, atque, ut ipse vocat, sæcundas, quod multarum demonstrationum quodammodo parentes sint, in Philosophiam inducere conatus est. Quemadmodum autem nullum cordatum Philosophum puto dubitaturum, utrum illi in pluribus res ex voto successerit, ita qui dubitet an aliquando in seopum non colimarit futurum arbitror neminem. Exemplo sunt inter alia quæ afferri possent, attributorum propriorum atque communium definitiones, quas homo ut vulgarium definitionum defectum impleteret, excogitavit. Cum enim quæ attributa ab omnibus entis essentialibus profluunt &, ut ipse vocat, determinantur, propria entis esse voluerit §. 66. Log. Wolphii, quæ vero ab aliquibus tantum, communia iisdem esse affirmavit, profecto non optimam, ut infra ostendemus, attulit medicinam, nec hanc materiem penitus fuisse affecutus videtur. Quod hic & alibi contigisse homini puto, quia, pace tanti viri dictum sit, de cujus laude quidquam detractum nolumus, nec velle debemus, qui nostrorum in Philosophia profectuum, si quid tamen profecisse videmur, illum uti primum auctorem fateamur, quia, inquam, in solis propositionum demonstrationibus conquivit, nec fere umquam in iis, quæ contradici possent, investigandis refutandisque versatus est. Nam in Philosophia, cujus quæstiones intricatiores sunt & multo majoribus, quam in Mathesi, difficultatibus implicatæ, quamplurima occurrunt, quæ si ipsa per se considerentur, quamquam re ipsa falsa & incerta, tamen specie certitudinis ac veritatis in animos nostros facile obrepunt; si vero eam oppositis conferas argumentis, qualia intus sunt, dignoscuntur. Quoties posteaquam jam mihi vilis essem propositionem aliquam ad evidenciam ostend-

ostendisse, dum quid contradici posset investigarem, vel investigatum refutare contenderem, quoties, inquam, mihi asuvenit aut omnino mutare sententiam, aut ex parte, aut saltem eam novis circumscribere conditionibus, id ipsis objectionibus postulantis, quæ aut falsitatis, aut non satis accuratæ determinationis illam coarguebant? Illud idem, opinor, accidisset & Wolphio, viro ceteroquin summi ingenii atque in mathematicis & philosophicis disciplinis contrito, tum in aliis bene multis, tum in hac re, quam tractamus. Nam pro acuminis ingenii profecto vidisset id, quod ejus evertit definitiones, quædam attributa propria ab aliquibus tantum entis essentialibus, idest a differentiis specificis proficisci, ut paulo post ostendam.

ARTICULUS III.

De possibilitatibus accidentium atque modorum.

§. 87.

Propositio.

Possibilitates accidentium atque modorum sunt prædicata enti in aliquo statu necessaria; 2 non vero sunt essentialia, 3 sed attributa.

Prob. 1. pars. Quod possibile est, id est necessario absolute possibile; quod enim nullam contradictionem includit §. 72. fieri non potest ut aliquando simul affirmet rem esse & non esse. Ergo cur ens possit aliquid accidens ab alio suscipere, aut in alio ente generare, illud erit eidem necessario conveniens.

2. Prob. 2. Essentia est illud primum quod in ente est, quodque ab alio non pender, sed ipsum est ratio omnium aliorum, quæ in ente necessario sunt §. 79. Sed prius est actu esse aliquid, quam posse aliquem modum acquirere, aut in alia re generare. Id enim quod actu est, est ratio illius, quod esse potest. Ergo possibilitates accidentium atque modorum non sunt essentialia.

3. Prob. 3. Quod necessario inest enti, & non est illius essentia, debet esse attributum ab essentia profectum; si enim nec foret essentia, nec ab ea profueret, cum essentia atque idcirco cum ente necessario connexum non foret. Atqui possibilitas est necessaria enti num. 1. nec tamen illius essentia est num. 2. Ergo possibilitates modorum atque accidentium sunt entis attributa.

§. 88.

Objectio.

Possibilitas secandi in ferro non semper inest; ergo possibilitates modorum & accidentium non sunt enti necessariae, nec illius attributa. Prob. ant.; possibilitas secandi non est in ferro obruso; ergo possibilitas secandi in ferro non semper inest.

G 2

§. 89.

§. 89.

Responsio.

Dist. antecedens. Non est in ferro obtuso in statu proximo co. in statu remoto ne. Ergo possibilitates absolutæ non semper sunt in ente ne. conditionatæ, subdistinguo; in statu proximo co. in remoto ne. Nam possibilitas in statu proximo ea est, cui ad consequendum suum actum ad quem refertur, aliud nihil deest, quam alterius entis ad alterum applicatio: ut ignis, five corpora calida habent potentiam calefaciendi manum in statu proximo, quia nihil aliud deest, quam manus ad ignem aut ad aquam calidam admotio. Possibilitas autem in statu remoto ea est, cui ad suum actum consequendum præter unius entis ad aliud applicationem desideratur etiam ut in ente sit aliquod accidens aut modus, sine quo illa possibilitas ad actum redigi nequit. Talem habet aqua frigida possibilitatem calefaciendi, quia satis non est manum ad illam admoveere, sed opus est etiam, ut aqua calorem, qui est accidens, prius suscipiat.

2: Inde oritur duplex genus possibilitatis; alia enim est absoluta, alia conditionata; absoluta quæ ut sit in ente in statu proximo, non pendet ab aliquo modo, sed solum ab essentialibus, uti est in ferro duro possibilitas suscipiendi aciem, quæ possibilitas pendet a solis ferri essentialibus; & huiusmodi est univærse quælibet possibilitas modi primi. §. 81. num. 2. Conditionata est, quæ ut sit in ente in statu proximo, pendet ab aliquo modo, uti est possibilitas secandi in ferro, quæ ut sit in statu proximo, pendet ab acie, quæ est modus ferri, atque uti est univærse quælibet modi secundi, tertii &c. possibilitas.

3. His positis ajo possibilitatem secandi esse conditionatam, & in ferro obtuso, in quo acies non sit, non reperiri quidem in statu proximo, sed esse in remoto. Quare possibilitates modorum & accidentium semper insunt enti, suntque eidem necessariæ in aliquo statu indeterminate, eo quod esse debent aut in statu proximo, aut in remoto; quemadmodum corpori nulla determinate figura necessaria est, non quadrata, quia potest esse rotunda; non rotunda, quia potest esse quadrata, sed tamen aliqua indeterminate necessario inesse debet.

§. 90.

Instantia.

Atqui possibilitates conditionatæ non sunt necessariæ enti nec in aliquo statu indeterminate; ergo nulla distinctio. Prob. min. subsumta. Ut sint necessariæ enti, ab essentialibus profluere debent §. 87. num. 3.; atqui possibilitas ex. g. secandi in ferro duro non profluit ab essentialibus. Ergo &c. Prob. min. Possibilitas secan-

pro-

di profluit ab acie; atqui acies est modus. Ergo &c.

§. 91.

Responsio.

Dist. maj. Ipsa sectio profluit ab acie co. possibilitas secandi ne. & dist. conf. Possibilitas secandi non pendet immediate ab essentialibus co. mediate ne. Ut distinctionis utriusque ratio intelligatur, advertendum est magnum esse discrimen inter ipsos modos sive accidentia, & inter possibilitates modorum. Ipse modus secundus, uti est sectio, pendet a modo primo sive ab acie; at possibilitas modi secundi, sive sectionis non pendet ab actuali acie, sed solum a possibilitate suscipiendi aciem. Sed possibilitas suscipiendi aciem est absoluta, atque ut sit in statu proximo, a solis essentialibus ferri profiscitur. Ergo etiam possibilitas secandi non quidem immediate, sed ope absolutæ possibilitatis suscipiendi aciem ab essentialibus ferri oritur, atque idcirco cum iis tamquam attributum necessario copulata est. Ut in catena ex clavo appensa non solum primus annulus cum clavo necessario cohereret, sed etiam secundus adminiculo primi, quicum secundus est necessario conjunctus. Atque ex hoc magis magisque patet, cur omnes possibilitates in aliquo statu sint attributa entis ab essentialibus necessario profecta.

§. 92.

Instantia.

Atqui possibilitas conditionata nec mediate profluit ab essentialibus; ergo nulla dist. Prob. min. subf. Ideo per nos possibilitas conditionata mediate profluit ab essentialibus, quia ducit originem a possibilitate absoluta; sed aliqua possibilitas conditionata non ducit originem ab absoluta, sed ab alia conditionata; ergo &c. Prob. min. In ferro molli, quale educitur a fucina, possibilitas secandi oritur a possibilitate suscipiendi aciem idoneam ad secandum. Sed possibilitas suscipiendi aciem ad secandum idoneam est pariter conditionata in ferro molli; nam pendet a temperatura, qua ferrum candens in aquam frigidam immersum induratur, quæque temperatura est modus ferri mollis; ergo &c.

§. 93.

Responsio.

Dist. conf. possibilitas conditionata pendet ab alia conditionata, non ab absoluta proxime co. remote in primo gradu, vel in secundo, vel &c. ne. Nam possibilitas modi primi pendet proxime ab essentialibus; possibilitas secundi pendet proxime a possibilitate modi primi, & remote in primo gradu ab essentialibus; possibilitas tertii pendet proxime a possibilitate secundi, remote in primo gradu a possibilitate primi, remote in secundo ab essentialibus; possibilitas quarti pendet proxime a possibilitate tertii, remote in primo gradu a possibilitate

litate secundi, remote in secundo gradu a possibilitate primi, remote in tertio ab essentialibus. Unde quælibet possibilitas conditionata plus vel minus remote pendet a possibilitate absoluta, & hujus adminiculo ab essentialibus. Unde in ferro molli possibilitas secundi pendet proxime a possibilitate conditionata suscipiendi aciem; possibilitas suscipiendi aciem pendet a possibilitate conditionata suscipiendi temperaturam; possibilitas hæc ex parte pendet a possibilitate, qua ferrum in se potest suscipere ignem ita ut candens fiat, quæque proxime oritur ab essentialibus. Ergo etiam prima ope interpositarum ab essentialibus oritur, & cum iis tamquam attributum necessario copulata est, quemadmodum quintus ex ex. g. catenæ annulus adminiculo interjectorum cum primo, & idcirco etiam cum clavo firmiter coheret.

§. 94.

SCHOLIUM XV.

In hac doctrina possibilitatum, & distinctione inter conditionatas interque absolutas, inter eas, quæ sunt in statu proximo, interque alias, quæ sunt in aliquo statu plus vel minus remoto, multum momenti est ad solutionem multarum quæstionum, ut suis locis perspicuum fiet. Nunc aliquæ forent tradendæ notæ ad essentialia entis ab attributis ejusdem internoscenda necessariæ. Hac enim in re sæpe sæpius contra ipsa prima principia peccatur ab iis, qui metaphysicis subtilitatibus toti se dediderunt. Quot enim acutissimi viri ex. g. essentiam corporis posuerunt in exigentia, ut ipsi ajunt, extensionis aut impenetrabilitatis, sive in eo, quod postulat extensionem aut impenetrabilitatem? Jam vero quod attinet ad extensionem, vel ipsi putant hanc posse a corpore separari, quin corpus in nihilum abeat, vel secus. Si primum, inde sequitur in corpore esse aliquid aliud ante extensionem, quodque illam postulet, sitque ipsius fundamentum & ratio. Ergo hoc potius erit corporis essentia §. 79. non vero possibilitas inde profecta extensionis, quæ saltem per divinam omnipotentiam a corpore possit disjungi. Nec ajant se quoque aliud nihil velle, cum essentiam corporis in eo collocant, quod postulat extensionem. Hoc enim pacto solum univærse significant essentiam corporis esse ponendam in eo, quod est ratio omnium aliorum quæ in corpore sunt, id quod ex sola generali essentia notione jam notum erat, non vero indicant, quod se facturos pollicebantur, quid sit hoc prædicatum essentialia corporis, quod extensionem postulat atque requirit. Quæ eadem dici possunt adversus eos, qui essentiam corporis ponunt in impenetrabilitatis exigentia, ut nunc mittam, quod seorsim iis obijci potest, ipsammet impenetrabilitatem esse non aliquod reipsa existens, qualis essentia esse debet §. 87. num. 2., sed negationem possibilitatis penetrationis, quæ negatio proinde aliquod postulat esse in corpore positivum, quod illius sit fundamentum. Sin autem putant extensionem a corpore nullo pacto posse disjungi, quidni potius in ipsamet extensione, quæ reipsa necessario inest, quam in ejusdem exigentia, corporis essentiam reponunt? Quamobrem ne quis in posterum offenderet hac in re, opus esset, ut modo dicebam, notas aliquas tradere hujusmodi rerum necessariis prædicatis internoscendis accommodatas. Verum paulo post commodior de hac re disputandi locus se offeret.

ARTICULUS IV.

De existentia Entis a se, & ipsius aternitate.

§. 95.

Propositio.

UT vero. circa essentialia, attributa, & modos entium quædam alia regulis Logicæ explicandis apprimè necessaria statuere possim, prius mihi ostendendum esse video existere Ens a se. Quod ita exsequor. Si existit aliquod ens, existit ens a se; atqui existit aliquod ens; ergo existit ens a se. Minor patet, quia dum quisque noscitur se noscere quædam, certus est se existere, cum id quod non existit, nihil facere atque ideo nec cogitare possit. Unde prob. maj. vel illud ens quod existit, est a se, vel ab alio secundo; si a se, constat quod propositum est; si ab alio secundo, de hoc secundo quæro, an existat a se, an ab aliquo tertio; si a se, rursus constat quod propositum; sin minus, de hoc tertio denuo quæro utrum existat a se, an ab alio quarto, atque ita progredi possim, quantum quis voluerit. Ergo ne in infinitum progrediamur, tandem sistendum est in aliquo ente a se, quod omnium aliorum sit ratio sufficiens. Sed ex solutione objectorum accuratior existentia entis a se demonstratio elicietur.

§. 96.

Objectio.

Nulla ratione probatur existere ens a se; ergo non existit ens a se. Prob. ant. Si qua ratione id posset ostendi, maxime demonstraretur illa, quæ ducitur ab existentia entium ab alio; atqui nec illa ratione, quæ ducitur ab existentia entium ab alio, conficitur existere ens a se; ergo &c. Prob. min. Si entia ab alio sunt infinita, nulla est ratio, quæ inde concluditur pro existentia entis a se: atqui entia ab alio infinita esse queunt. Ergo &c. Prob. maj. Nostra ratio postulat entia ab alio esse numero finita; ergo si &c.

Num. 2.

Responsio.

Dist. conf. Si entia ab alio sunt infinita, nulla est ratio quæ inde concluditur pro existentia entis a se, si concludatur eodem modo, ac quando entia ab alio sunt numero finita co. si diverso ne. Nam si entia ab alio sunt infinita, hoc alio pacto probatur existere ens a se, a quo illa infinita entia ab alio procedant. Si non existeret ens a se, a quo illa infinita entia ab alio originem ducerent, illa collectio & series entium, quorum aliud ab alio procederet, foret simul a se, & non foret a se; foret a se, quia ponitur ab
ad-

adversariis eam collectionem & seriem infinitorum entium ab alio non oriri ab alio ente extra illam collectionem & seriem posito; non foret a se, quod in eorundem sententia nullum ex iis entibus foret a se, sed singula ab alio. Sed impossibile est idem simul esse & non esse §. 73. Ergo etsi entia ab alio sunt infinita, non potest fieri ut non existat ens a se, a quo ducant originem, atque idcirco nihilominus concluditur ens a se in hac rerum universitate constare.

Num. 3.

Instantia & Responso.

Atqui nec hac ratione probatur existere ens a se; ergo nulla distinctio. Prob. min. subf. Nulla sequitur contradictio ex collectione infinitorum entium ab alio sine ullo ente a se; ergo &c. Prob. ant. Nulla sequitur contradictio, si esse a se conveniat iis entibus in uno sensu, non esse a se conveniat in altero sensu; atqui esse a se convenit iis infinitis entibus ab alio in uno sensu, idest una conjunctis, non esse a se convenit iisdem in altero, idest singulis & seorsim acceptis. Ergo &c.

2. Dist. min. esse a se convenit in uno sensu, non esse a se in altero, si esse a se possit convenire entibus una conjunctis, quin conveniat iisdem singulis & seorsim acceptis co. si non possit ne. Nam prædicatum a se non potest convenire entibus una conjunctis, quin iisdem seorsim acceptis conveniat.

Num. 4.

Instantia & Responso.

Sed prædicatum a se potest convenire infinitis entibus ab alio una conjunctis, quamvis nulli eorum seorsim conveniat; ergo nulla distinctio. Prob. min. subf. Figura sphaerica convenit partibus sphaeræ simul junctis, non vero iisdem divisis; exercitus convenit militibus & ducibus una sumtis, non vero iisdem seorsim acceptis; ergo a pari prædicatum &c.

2. Dist. conf. Ergo a pari prædicatum a se &c. si prædicatum a se foret relativum co. si absolutum ne. Nam in ente composito ex pluribus entibus sive partibus duo sunt, partes, quæ sunt aliquid absolutum, & partium conjunctio, quæ est aliquid relativum. Prædicata vero enti composito convenientia, alia sunt in partibus singillatim acceptis sine dependentia ab ipsarum conjunctione, adeo ut reperiri possint etiam in iis separatis, suntque prædicata absoluta; alia sunt quæ originem ducunt a conjunctione, adeo ut esse possint solum in partibus copulatis, non vero in iisdem disjunctis, suntque prædicata relativa; nam qualis causa, talis est etiam effectus § 75. Sed conjunctio partium est aliqua inter partes relatio. Ergo a conjunction-

junctione partium oriri non possunt, nisi prædicata relativa, & relationem inter partes significantia. Primi generis est vis motrix & gravitas in corpore, quæ cum non significet relationem inter plures partes, ex quibus corpus componitur, reperitur etiam in partibus divisis, & si non sit in partibus seorsim inspectis, nec in iis simul copulatis esse quit. Secundi est figura, quæ est relatio situs inter plures partes corpus componentes, quæque idcirco est in partibus copulatis, non in iisdem, si disjungantur.

3. Quibus positis ajo prædicatum a se esse non solum absolutum, verum etiam omnium maxime tale, eo quod quamcumque relationem entis a se ad alia entia & ab iisdem dependentiam excludit. Ergo si prædicatum a se non est in aliquo ex infinitis entibus ab alio, ex allata doctrina sequitur esse non posse nec in iisdem entibus ab alio conjunctis, utpote quod ab eorum copulatione ducere nequit originem.

§. 98.

Instantia.

Atqui licet prædicatum a se sit aliquid absolutum, tamen in infinitis entibus ab alio conjunctis esse potest, non in iisdem seorsim acceptis; ergo nulla distinctio. Sonus est prædicatum non significans relationem inter unam partem & aliam tubæ, sed procedit a vi motrice, quæ est aliquid absolutum. Atqui sonus est in partibus tubæ conjunctis, non autem in iis divisis si tuba in minuta fragmenta dividatur. Ergo licet &c.

§. 99.

Responsio.

Dist. min. Sonus non est in partibus tubæ divisis ita magnus ut a tuba editur co. non est debilis & exiguus ne. Cum sonus sit positus in tremitu & oscillatione minimarum corporis particularum, hic tremitus in singulis minimis tubæ partibus flatu generatur, qui valde debilis in singulis est; sed quia ex altera parte particulari percussæ tubæ sunt innumerabiles, & ex altera in ipsa continuatæ & conjunctæ sunt, magnus sonus, qui possit exaudiri, ab iisdem ita copulatis editur. At si tubam in multa fragmenta comminas, & in singula ex iis fragmentis insuffles, gignitur quidem minimus particularum tremitus & ideo sonus, qui tamen, eo quod cum aliis non conjungitur, aures multum percellere nequit. At in singulis entibus ab alio tantum abest ut aliqua vel minima pars prædicati a se reperiatur, ut potius contrarium & ejusdem existat negatio. Quamobrem qui fieri potest ut ex collectione infinitorum entium ab alio prædicatum a se exoriat? nisi quis velit ex infinitarum ferri molecularum, in quibus singulis nulla auri vel mi-

Tom. I.

H

ni-

nima particula sit, collectione aurum existere posse.

§. 100.

Propositio.

Ens a se ab æterno necessario fuit, & in æternum duraturum est, adeo ut numquam interire possit.

Pro. 1. pars. Si ens a se ab æterno non fuisset, numquam posset existere; atqui ens a se existit & multo magis potest existere. Ergo ens ab æterno necessario fuit. Prob. maj. Si ens a se ab æterno non fuisset, numquam existentiam habere potuisset nec a se, nec ab alio; non ab alio, quia tunc non foret a se; non a se, quia eodem instanti quo inciperet existere, foret & non foret existens; foret, quia daret sibi existentiam atque idcirco ageret & operaretur; causa enim quæ agit, eo instanti quo agit, existere debet; non foret existens, quia sibi daret existentiam, atque ideo illo instanti eam non haberet; quod ni ita foret, eam sibi dare non posset. Igitur si ens a se ab æterno non fuisset, numquam potuisset habere existentiam, nec a se nec ab alio.

2. Prob. 2. pars. Quod aliquando fuit possibile, impossibile fieri nequit; atqui si ens a se interiret, fieret impossibile, quia ut modo probavi, esse non posset amplius nec a se, nec ab alio. Ergo ens a se numquam interire potest, atque idcirco in æternum necessario duraturum est.

§. 101.

Corollarium.

Ex quo sequitur existentiam entis a se esse prorsus & absolute necessariam; contraquam contingit in entibus ab alio, quorum existentia contingens est, quia & aliquando non fuerunt, & etiam in nihilum reverti possunt.

§. 102.

SCHOLION XVI.

Multa hic supersunt animadvertenda, ad systema Atheorum magis magisque labefactandum. Verum de his mihi integrum servo in Naturali Theologia, quæ sibi hunc vindicat locum, quem hic summis labiis attigimus in eum finem, ut quædam circa rationes essentialium, attributorum, atque accidentium possumus statuere. Id quod nunc aggredimur.

ARTICULUS IV.

De ratione essentialium attributorum atque accidentalium.

§. 103.

Propositio.

Nulla dari potest vera ratio a priori, ut ajunt, entis a se, nec quod attinet ad possibilitatem, nec quod attinet ad existentiam. Quod enim est primum omnium entium, & omnium aliorum

rum est ratio sufficiens, non potest habere ante se aliud ens, quod sit illius vera ratio a priori. Atqui ens a se est primum omnium entium, & est ratio, cur esse queant etiam cetera entia, quæ ab illo proficiuntur. Ergo non potest ante se habere aliud ens, quod sit illius vera ratio a priori. Jam vero si ante se non potest habere aliud ens, quod sit illius ratio a priori, nulla potest dari vera ratio entis a se. Ergo nulla dari potest vera ratio a priori entis a se, nec quod attinet ad possibilitatem, nec quod attinet ad existentiam.

2. At enim saltem afferri potest vera ratio, cur sit possibile, quia scilicet ens a se non repugnat, sive non includit contradictoria.

§. 73. Nam ratio possibilitatis est non repugnantia.

3. Respondeo non repugnantiam duorum prædicatorum, ut entis, & a se, in hac re, qua de agimus, esse ipsammet possibilitatem, non autem possibilitatis sufficientem a priori rationem. Vera igitur ratio possibilitatis alicujus entis debet esse in alio ente, quod virtute primi generandi præditum sit; quia possibilitas non est substantia quæ per se possit existere, sed attributum, atque idcirco in aliqua substantia reperiatur necesse est. Atqui in nullo alio ente potest esse possibilitas entis a se §. 100. Ergo nulla vera ratio a priori possibilitatis entis a se dari potest.

§. 104.

Propositio.

In ente ab alio non est interna ratio nec possibilitatis, nec existentiae ipsius essentiae, sed solum est exterior in ente a se vel proxime, vel remote. Prob. 1. pars. Nam possibilitas essentiae entis ab alio est attributum entis, quod habet illius creandi virtutem: atqui essentia entis a se est ratio attributorum ipsius. Ergo essentia entis a se est quoque ratio possibilitatis essentiae entis ab alio.

2. Prob. 2. pars. Libera Dei voluntas, ut in Theologia conficimus, est ratio sufficiens vel unica & proxima, vel adminiculo alterius entis ab alio, cur existat aliquid ens ab alio. Ergo ratio cur existat essentia entis ab alio, in ipso non est, sed in ente a se. Confirmatur utraque pars ex eo, quod essentia cujuslibet entis est illud primum prædicatum, quod est ratio omnium aliorum, ipsum vero ab alio interno non pendet §. 80.

§. 105.

Propositio.

Dari potest ratio interna cur in ente sint attributa. Nam essentialia sunt ratio attributorum §. 80.; atqui essentialia entis sunt aliquid in ente positum. Ergo in ente est ratio interna attributorum ipsius.

2. Cum possibilitates modorum & accidentium sint attributa saltem in aliquo statu §. 87. & seq., in essentialibus erit eorum interna ratio, sive essentialia sunt ratio sufficiens, cur esse possint modi in aliquo ente.

3. Si possibilitas sit absoluta, sive modi primi §. 93. habebit sui rationem in solis essentialibus, cur sit in statu proximo §. 91.; si sit possibilitas modi secundi, cur sit in ente in remoto primi gradus, habebit rationem in solis essentialibus, cur vero in proximo, in modo etiam primo §. 93.; si modus sit secundus, ejus possibilitas in statu remoto secundi gradus a solis essentialibus proficiscetur, in statu remoto primi, etiam a modo secundo, in proximo etiam a primo. Similiter de aliis rationem conclude.

§. 106.

Propositio.

Cur in ente A reipsa existant modi omnium primi, ratio petenda est ab ente externo B, quod modum & accidens gignat in ente A. Prob. Nihil est absque sufficienti ratione §. 75., sed modus primus nec potest existere a se §. 100. p. 1. nec potest oriri & sui rationem habere ab ente aliquo interno; ergo illius ratio cur existat, ab ente externo petenda est. Prob. min. In ente quolibet non sunt nisi essentialia, attributa, & modi §. 80. & seq., sive accidentia; atqui modus primus non oritur, nec ab essentialibus aut ab attributis entis, quia si oriretur, necessario inesset, quod repugnat naturæ modi §. 81.; nec ab aliis modis, quia ponitur esse primus §. 81. n. 2. Ergo ratio cur modus primus existat in ente A, ab externo ente B petenda est. Exempli loco ratio, cur aqua ebulliat, ab igne petenda est; cur possit ebullire ab aquæ essentia.

2. Cum vero ens externum nequeat eum gignere modum in alio ente, nisi hoc sit illius capax, & essentia sit ratio cur inodi esse possint §. 105. inde fit rationem modorum esse petendam etiam ab essentia, idest ab hac cur possit esse, ab ente externo cur actu sit.

§. 107.

Propositio.

Cur in ente A existat modus secundus, ratio petenda est a modo primo, vel solo, vel una cum ente externo; quia modus secundus non potest esse in ente, nisi sit etiam modus primus §. 81. num. 2. Posito vero modo primo aliquando existit continuo etiam modus secundus, interdum vero opus est alio externo, quod illum modum gignat; ex. g. motus est modus secundus, qui postulat in corpore modum primum, scilicet vim motricem; sed hac posita statim sequitur motus, qui est effectus vis. Ut vero ferrum reipsa fecer, acies in eo desideratur; sed posita acie, non continuo est sectio, verum

verum opus est etiam alio externo ente, scilicet manu, quæ vim cum ferro communicet.

2. Similiter res se habet in modis secundis, tertiis, quartis &c.

§. 109.

SCHOLIUM XVII.

In his quæ de rationibus essentialium attributorum, & accidentium disputamus, multum momenti est tum in ea Logicæ parte, quæ agit de investigatione medii idonei ad ostendendam propositionum, quæ obicurrunt, veritatem, quia pro natura propositionum & prædicati in iis contenti fontes indicat, unde hæc media apta & accommodata monstrandæ connexioni inter subiectum & prædicatum haurienda sunt, tum ad multos vitandos errores, in quos labuntur etiam viri ceteroquin acuti. Exempli loco sit illa celebris quæstio de continuo extenso, in qua plurimi tum veteri tum recenti memoria contuderunt ingenium in elicienda interiori ratione, qua continuum extensum componitur; sed irritò semper conatu, quia cum extensio sit primum rei continuæ extensæ prædicatum, quod a nullo alio pendere potest, sed ipsum est omnium aliorum, quæ in huiusmodi substantia necessario sunt, interior ratio sufficiens, ut tom. 1. Physicæ Gen. docuimus, & in hisce Elementis etiam docebimus; frustra est quicumque rationem internam extensionis, quæ nullam habet, investigare contendit. In medium quoque potest produci præjudicata illa Peripateticorum opinio; quæ in aliorum etiam Philosophorum scholas irrepsit, esse posse quamdam interioream possibilitatem positam in eo quod nullam completatur contradictionem illud ens quod possibile dicitur, quin tamen hæc possibilitas in aliquo ente existenti reperiatur. Ita volunt eductis omnibus ex cubiculo corporibus intra idem esse possibilitatem recipiendi corpora extensa, quin tamen sit aliqua substantia, in qua hæc possibilitas insit. Sed quantum eos sua fallat opinio, & suo loco seorsim docebimus quod attinet ad vacuum, & hic universe liquet ex constitutis eo quod vera possibilitas, utpote non substantia, ipsa per se esse nequit, sed in aliquo ente tamquam illius attributum reperiatur necesse est. Id quod aliam nobis suppeditabit rationem existentie Entis a se; nam ex altera parte planum faciemus ens a se esse possibile; & ex altera si ens a se non existat, nullum esse posse aliud ens, in quo hæc possibilitas insit, quodque virtutem habeat eam ad actum redigendi; unde si non exstet, nec fore possibile conficiemus.

2. Nec minus momenti est in ea doctrina possibilitatum atque modorum & accidentium primi, secundi, tertii, & aliorum graduum. Ex illa enim colligitur quod opus sit ad ostendendam veritatem propositionis, cujus prædicatum sit accidens, aut modus, essentia videlicet ex qua possibilitas pendet, & entis alicujus externi actione; si sit modus primus; modo etiam primo vel solo vel una cum actione entis alterius externi, si sit modus secundus; modo etiam secundo, si sit tertius &c.

CAPUT SECUNDUM.

De nonnullis Psychologiæ principiis ad regulas Logicæ intelligendas necessariis.

ARTICULUS I.

De ente indeterminato & determinato, & de origine idearum sum singularium & universalium, sum corporum & animarum.

§. 110.

Definitio.

Explicatis aliquibus Ontologiæ Principiis, quibus ad regulas Diælecticæ intelligendas opus est, restant quædam Psychologiæ Principia, quæ pariter ad eundem finem necessaria sunt. Ac primo ens omnino indeterminatum est illud, quod aliud nihil percipitur esse nisi ens, adeo ut ex omnibus contradictoriis, quæ percipi possunt, unum, scilicet aut ens aut negationem entis suscipere possit, quin amittat aliquid quod antea inesse percipiebatur. Ens vero omnino determinatum est id, quod ex omnibus contradictoriis, quæ percipi possunt, alterutrum habet, aut ens aut entis negationem, ita ut nihil novi eidem accedere possit, quin aliquid ex iis, quæ ante inerant, sive inesse percipiebantur, decedat. Ens vero partim determinatum, partim indeterminatum est illud, quod ex aliquibus contradictoriis alterutrum habet, ex aliis neutrum habere intelligitur, ita ut ratione habita primorum aliquod novi supervenire nequeat, quin amittat id quod prius inerat, ratione vero secundorum aliquid novi eidem accedere queat sine detrimento priorum.

2. Ens in genere consideratum est omnino indeterminatum, adeo ut non ex aliquibus tantum, sed etiam ex omnibus contradictoriis, quæ percipi queunt, unum suscipere possit, quin rationem entis amittere percipiat; ut ens quin desinat esse ens, potest esse vel a se, vel non a se, vel extensum, vel non extensum, vel vivens, vel non vivens &c.

3. Petrus autem est ens omnino determinatum, quia ex omnibus contradictoriis, quæ percipi possunt, unum habet, vel ens, vel negationem entis, ex. grat. ex illis contradictoriis vel *a se*, vel *non a se*, habet negationem, scilicet non est a se; ex illis aliis vel *vivens*, vel *non vivens* habet ens, scilicet est vivens, & ita de omnibus aliis, adeo ut nihil novi acquirere possit, quin amittat id,

id, quod antea percipiebatur inesse, idest non possit acquirere novum aliquod ens, uti motum, quin amittat negationem ejusdem, idest non motum, sive quietem, quæ prius inesse intelligebatur; non possit comparare negationem entis, idest non motum, sive quietem, quin amittat ens, scilicet motum.

4. Corpus autem est ens partim determinatum, partim indeterminatum, quia ex his duobus contradictoriis est *substantia*, vel *non substantia*, habet unum idest substantiam; ex his aliis est *ensum*, vel *non ensum*, pariter habet unum, scilicet extensionem, adeo ut ratione habita horum nihil novi queat accedere, quin decedat id quod prius inerat; ex his vero aliis est *vivens*, vel *non vivens*, est *rotundum* vel *non rotundum* &c. nullum adhuc habere intelligitur, ita ut alterutrum ex singulis duobus suscipere possit, quin amittat ea quæ antea inerant, scilicet substantiam & extensionem.

5. Individuum autem est ens omnino determinatum quod scilicet ex omnibus contradictoriis &c.

§. 111.

Propositio.

Quidquid existit, est ens omnino determinatum, & idcirco individuum. Nam quidquid existit, ex omnibus contradictoriis, quæ percipi possunt, habet alterutrum, scilicet aut ens, aut negationem entis; ergo quidquid existit est ens omnino determinatum & individuum. Prob. ant. Si ex. g. aliquid existens nec foret substantia, nec foret non substantia, foret simul substantia, & non substantia, quia duæ negantes particule *nec foret non substantia* faciunt affirmationem; atqui impossibile est idem simul esse, & non esse §. 73. Ergo quidquid existit, ex omnibus contradictoriis, quæ percipi possunt, habet alterutrum, scilicet aut ens, aut negationem entis.

§. 112.

Propositio & Definitiones.

Ubinam ergo sunt entia omnino, vel ex parte indeterminata? In mente nostra. Quod quomodo fiat accipite. Individua corpora in corpus nostrum incurrentia motum aliquem gignunt in quinque sensibus externis, idest in subtilissimis nervis, qui a cerebro ad omnes tum exteriores, tum interiores corporis partes diffunduntur; illa commotio per nervos usque ad cerebrum defertur, & fit quædam in cerebro impressio; ab hac vero excitatur, sive hanc consequitur aliqua in anima sensatio, seu idea rei singularis & individue atque extensæ, quemadmodum singulare & individuum atque extensum est illud corpus, quod impetum in nervis & in cerebro facit. Atque hoc pacto mens acquirit ideas rerum singularium & extensarum.

2. Anima vero circa hujusmodi ideas plura facere potest. Habet enim quatuor facultates, seu vires; ac primo vim attendendi ad hujusmodi singulares notiones, quæ est vis, qua anima potest ex pluribus ideis, quas simul habet, in una potius, quam in aliis suam cognitionem defigere, & eam sibi magis claram efficere; 2 vim reflectendi, quæ est facultas, qua non solum cognoscit rem, verum cognoscit se cognoscere, sive suam nescit cognitionem & ideam rei; 3 comparandi, quæ est vis cognoscendi non solum absolute, eodem tempore plures res, verum etiam alias ratione habita aliarum, sive cum relatione ad alias; 4 præscindendi, sive abstrahendi, quæ est vis, qua anima ex pluribus, quæ simul in eadem re etiam inseparabilia cognoscuntur, unum tantum aut aliquam considerare potest; propterea quod mens in unum ex iis attentionem ita dirigit, ut alia non noscat, vel etiamli norit, quod verum est in inseparabilibus, eorum tamen rationem habere nolit, & illud solum tamquam objectum primarium respiciat; ut ii qui brachio metiuntur corpora, brachii longitudinem ab altitudine atque latitudine abstrahunt, eamque solum considerant tamquam objectum primarium, tametsi aliæ duæ extensiones a prima disjungi non possint.

3. His facultatibus prædita mens vi reflectendi & intimo sensu nescit se a pluribus objectis uti a tribus ignibus ex parte eodem modo affici, & ex parte diverso; eodem, quia experitur eandem sensationem caloris in semetipsa excitari; diverso, quia sentit alios in aliis locis, alios alius figuræ, alios alius magnitudinis &c. idest in pluribus ignibus cognoscit ea, in quibus conveniunt, & ea in quibus differunt; vi attendendi & præscindendi suam potius cognitionem defigit in iis contemplantis, in quibus tres ignes conveniunt, nec considerat, idest rationem non habet eorum, in quibus discrepant, & in iisdem ignibus tamquam primarium cognitionis objectum sibi proponit solum id, quod eandem excitat sensationem caloris. Atque hoc pacto in mente existit idea rei indeterminatæ; nam id quod excitat sensationem caloris, potest novum aliquod suscipere, idest esse magnum, vel parvum, hujus, vel alterius figuræ, in hoc, aut in illo existere loco, quin amittat id, quod antea percipiebatur inesse, scilicet sensationis caloris excitationem.

4. Eodem pacto & tempore idea quoque universalis & distributiva existit; nam idea distributiva est idea rei, quæ in pluribus reperitur, sed integra in unoquoque §. 9. & universalis, quæ ex pluribus exhibet omnia representando rem, quæ in singulis integra est §. 10. Sed idea rei in determinatæ est idea rei, quæ in pluribus in-

te-

tegra distributa est. Nam est idea illius, in quo plura conveniunt, quodque in pluribus est distributum; ut id, quod in anima excitat sensationem caloris, tam est in primo igne, quam in secundo, quam in tertio. Ergo hoc eodem pacto per vim attendendi & præfciendi ex ideis singularibus ideæ universales eliciuntur.

5. Ex ideis etiam ingressis per sensus rerum singularium & extensarum anima sibi comparat ideas rerum spiritualium non extensarum vi reflectendi. Dum enim ad ideam aliquam excitatam per sensus reflectit, nescit se noscere, ideoque suimet intellectus cognitionem acquirit, pariterque venit in cognitionem suæ voluntatis: Ex cognitione vero suimetipsius, & ex ideis universalibus eruit etiam cognitionem entis a se, sive Dei, adminiculo illius propositionis *si existit aliquid ens, existit etiam ens a se*, a quo entia ab alio originem ducant §. 95.

§. 113.

Propositio.

Non dantur ideæ innatæ, quas Deus excitet ipse per se, quin per sensus ingrediantur. Nam nullæ sunt ideæ innatæ si omnes oriuntur a sensibus; atqui omnes oriuntur a sensibus; ergo &c. Prob. min. quod ad ideas rerum singularium & extensarum. Continua experientia id omnibus patere potest. Ut vero aliquid efficacius promamus, quod rem sub oculos ponit, cæci nati, de quibus in Psychologia fufius, & detractis cataractis ex improvifo videre incipientes, ad insolitum hujus mundi & colorum spectaculum obstupuerunt, & nihil propius est factum quam ut aliqui pene nimio gaudio moverentur, falsi deinde nullas, se umquam tales visus ideas habuisse; & revera P. Ardizzoni cæcus a nativitate dum Philosophiam in nostra Congregatione explicaret, omnes negabat colores, de quibus nullam se habere ideam confirmabat. Quæ historiæ & aliæ plures quæ afferri possunt, argumento sunt nullas rerum singularium & corporearum ideas sine ope sensuum aut a Deo proxime excitari, aut ab anima sua virtute gigni, sed omnes per sensus in animam se insinuare.

2. Prob. nunc supradicta minor quod attinet ad ideas suimet ipsius; nam plane constat ex reflexione ad ideas rerum corporearum per sensus ingressas animum acquirere cognitionem suæmet ideæ, & aliarum actionum non solum intellectus in cognoscendo vero, sed etiam voluntatis in amando bono jam cognito, quæ ideas per sensus ingressas consequitur.

3. Prob. quod ad ideas universales. Si quis advertat ad suas ideas universales, deprehendet eas non esse nisi ideas singulares aut re-

rum corporearum, quæ proxime per sensus ingrediuntur; aut spiritalium, quæ ex ideis ingressis per sensus virtute reflectendi acquiruntur, sed abstractas a suis differentiis, idest non habita ratione differentiarum, tametsi eas cognoscat. Atqui tales ideæ singulares aut proxime, aut remote per sensus acquiruntur; Ergo etiam ideæ universales per eisdem sensus comparantur, atque idcirco ab iisdem ducunt originem.

4. Restat idea Dei, quæ cum acquiratur ope idearum tum animæ ratione, tum universalium, quas ab ideis sensuum oriri jam docuimus, liquet eam quoque tametsi in gradu magis remoto ab iisdem proficisci.

§. 114.

Objectio I.

Dantur ideæ innatæ, si ideæ universales non possunt acquiri per sensus; atqui ideæ universales per sensus acquiri non possunt; ergo &c. Prob. min. Quæ ideæ ingrediuntur per sensus, sunt singulares; ergo &c.

§. 115.

Responsio.

Dist. conf. Ergo ideæ universales non possunt acquiri per solos sensus co. per sensus simul & per vim attendendi ac præcindendi ne. Nam quæ ideæ proxime excitantur in anima per sensus & per impressionem aliquam in iisdem factam, sunt singulares, rerum scilicet omnino determinatarum, singularium & individuarum. At cum ex altera parte in his ideis & objectis per illas exhibitis sint quædam, in quibus plures singulares ideæ pluraque singularia objecta conveniunt, & quædam alia, in quibus differunt; ex altera vero anima vim habeat præcindendi, considerandi scilicet unum sine alio, quamvis necessario conjuncta sint; hinc eadem omnino singulares ideæ, præcis, sive non consideratis differentiis, indeterminatæ & universales evadunt. Quare mens ut universalem ideam formeret, non debet novam ideam diversam ab ea, quæ per sensus excitata est, cudere, sed solum ab ea, quæ cum omnibus suis determinationibus & differentiis ingressa est, differentias & singulares determinaciones separare debet, idest non cognoscere, sive melius, quamvis cognoscat, earum rationem non habere, & in ideis singularibus solum id, in quo conveniunt, tamquam objectum primum suæ cognitionis contemplari. Qua in re se gerit uti sculptor, non uti pictor. Primus enim ut statuam e marmore ducat, nihil novi marmori addit, sed tantum supervacaneas partes ex eodem scalpello decedit, quousque statua Petrum exempli causa referens existat. Alter autem ad Petri formandam imaginem telæ colores,

&c.

& coloribus alios colores inducit , quoad imago Petro similis est formetur .

§. 116.

Instantia.

Atqui neque per sensus & vim præscindendi potest anima ex singularibus ideis universales elicere; ergo nulla distinctio. Prob. min. subf. Non potest vi præscindendi eas elicere, nisi ante sit informata idea identitatis universali ab iisdem sensibus & vi præscindendi minime profecta; ergo &c. Prob. ant. Idcirco mens ex singularibus ideis ideam elicit universalem, quia sentit se eodem modo affici a tribus ignibus; atqui nequit sentire se eodem modo affici, nisi cognoscat identitatem modi; idea vero identitatis modi est universalis. Ergo &c.

§. 117.

Responsio.

Dist. min. atqui nequit sentire se a tribus ignibus eodem affici modo, nisi habeat ideam experimentalem identitatis, idest experiatur effectum identitatis co. nisi habeat ideam universalem ne. Aliud est habere ideam universalem alicujus rei, aliud est in semetipso experiri effectum illius intimo sensu, & vi reflectendi. Habet ideam universalem identitatis, qui noscit eam esse convenientiam prædicatorum in duabus rebus; at anima per actionem trium ignium intimo sensu experitur eandem sensationem caloris, licet prius in illa non fuerit ulla identitatis universalis idea, & vi reflectendi ex hac experientia etiam universalem ejusdem notionem elicere potest.

§. 118.

Instantia.

Atqui non potest intimo sensu sentire & experiri se a tribus ignibus eodem affici modo absque idea quadam universali. Ergo &c. Prob. min. sub. Nequit id sentire nisi per illationem; sed quælibet illatio postulat ideam universalem; nam aut semel aut iterum medius terminus generaliter sumi debet in præmissis. Ergo &c. Prob. maj. Nequit sentire se simul affici eodem modo a tribus ignibus, nisi hoc pacto se gerat; *primus ignis efficit in me talem sensationem, secundus talem, tertius talem*; ergo *hi tres ignes efficiunt in me eandem sensationem*; atqui hoc pacto efficit illationem; ergo &c. Prob. min. Per sensus nequit experiri nisi de tribus ignibus seorsim, sed ut ex tribus seorsim colligat tres conjuncte, illatio requiritur; ergo &c.

§. 119.

Responsio.

Dist. per sensus solos nequit experiri nisi de tribus ignibus seorsim co. per sensus simul & per vim comparandi ne. Hinc dist. min.

sed ut ex tribus seorsum colligat tres simul, requiritur illatio singularis co. universalis ne. Nam in anima est etiam vis comparandi §. 112. num. 2. cognoscendi scilicet plura non solum eodem tempore, verum etiam aliud relate ad alia. Quamobrem hac una vi comparandi potest anima trium ignium sensationes invicem comparare & intimo sensu videre in quo similes sint, eo quod ex parte eodem afficitur modo, & in quo dissimiles, eo quod ex parte diverso. Quare ad transitum illum a tribus seorsum ad tres simul aut opus non est aliqua illatione, aut si qua solum intuitiva & singulari. Hæc enim difficultas nititur præjudicata illa Philosophorum communi sententia, quod dentur solum universales ratiocinationes. Quæ tantum abest a vero, ut potius illationes singulares sint universalium fundamentum & ratio, quemadmodum §. 56. luculenter docuimus.

§. 120.

Obiectio II.

Ex ideis per sensus ingressis elici non possunt ideæ rerum spiritualium atque simplicium. Ergo non omnes ideæ oriuntur a sensibus, sed aliquæ sint ingenitæ necesse est. Prob. ant. Ideæ per sensus ingressæ sunt ideæ rerum corporearum atque compositarum; sed ex ideis rerum corporearum & compositarum ideæ spiritualium atque simplicium elici nequeunt. Ergo &c. Prob. min. Ut ex ideis rerum corporearum ideæ spiritualium elici queant, necesse est ideas spiritualium in ideis corporum reperiri & contineri; nam ut ex puteo ex. g. hauriatur aqua, necesse est & eandem in puteo contineri: atqui in ideis rerum corporearum & extensarum idea rei spiritualis & inextensæ non continetur. Ergo &c. Prob. ant. idea corporis repræsentat corpus, non spiritum; ergo &c.

§. 121.

Responsio.

Dist. ant. Idea corporis considerata directe repræsentat corpus, non spiritum co. considerata reflexe ne. Nam idea corporis in mente per sensus excitata consideratur directe, quando mens cognoscit corpus, quod ab ea repræsentatur; consideratur autem reflexe, cum mens intimo sensu cognoscit se cognoscere corpus §. 112. num. 2. idest se illam corporis notionem habere. Unde ideæ directæ corporis obiectum est ipsum corpus; ideæ vero reflexæ non est ipsum corpus, sed idea corporis. Jam vero corpus est res extensa, & ideo rem spiritalem non continens: neque ex ejus idea considerata directe ego ob allatam in objectionem rationem possum ideam rei spiritualis elicere. At idea corporis non est corpus, nec res extensa, sed spiritualis & simplex. Ergo ex cognitione reflexa ideæ corporis

poris ego venio in cognitionem rei spiritalis, sive animæ facultate cognoscente donatæ, & aliarum, quæ in anima sunt, quemadmodum supra docuimus.

2. Ex quibus constat duos esse idearum fontes, sensus nimirum, per quos excitantur ideæ rerum singularium & corporearum, & attentionem animæ, per quam ope vis præcindendi acquiruntur ideæ universales §. 115. ope vis reflectendi ideæ rerum spiritalium.

§. 122.

Instantia.

Atqui omnes rerum spiritalium ideæ, quas habemus, nec ex ideis corporum reflexe consideratis elici possunt; ergo &c. Prob. min. subf. Nos habemus ideam Dei; atqui idea Dei ex cognitione idearum animæ nostræ elici nequit. Ergo &c. Prob. min. Ut idea Dei ex cognitione idearum animæ nostræ elici possit, idea Dei in ideis animæ contineatur oportet; atqui idea Dei in ideis animæ non continetur; ergo &c. Idea rei infinitæ & summe perfectæ non continetur in idea rei finitæ & imperfectæ; atqui Deus est ens infinitum & summe perfectum; corpora vero & animæ sunt res imperfectæ & finitæ. Ergo &c.

§. 123.

Responsio.

Dist. idea positiva rei infinitæ & summe perfectæ non continetur in idea rei finitæ & imperfectæ co. negativa ne. Cognoscere positive rem est cognoscere quid res sit; cognoscere negative est cognoscere quid non sit. Ut qui cognoscit lapidem esse durum, cognoscit lapidem positive quid sit, qui nescit non esse sensitivum, intelligit negative quid non sit. Itaque nostra mens non intelligit ens infinitum & summe perfectum positive, quia cum sit finita, non potest omnia illa infinita, quæ in infinito sunt, nec omnes infinitas entis summe perfecti perfectiones agnoscere, sed solum negative, quatenus in ente infinito & summe perfecto, quantumvis multa cognoscat, nescit tamen se non omnia quæ in eo sunt, agnoscere, nec umquam ad finem eorum, quæ in eodem nosci queunt, posse pervenire. His positis idea quidem positiva infiniti & summe perfecti non continetur in idea finiti & imperfecti, quia majus in minori, nedum infinite majus in infinite minori contineri nequit, sed idea negativa contineri quit, eo quod hæc non est major idea finiti & imperfecti, sed solum ab ea discrepat in negante particula, quam ante finitum repræsentat. Ergo ex idea rei finitæ & imperfectæ facile mens elicere potest ideam infiniti & summe perfecti per solam particulam *non* adjectionem.

§. 124.

Instantia.

Ex concessis idea positiva Dei sive entis infiniti non potest elici ex ideis rei finitæ & imperfectæ. Atqui nos habemus ideam positivam Dei. Ergo hæc idea non potuit elici ex ideis rerum spirituum & corporearum. Prob. min. Nos cognoscimus quid Deus sit; ergo habemus ideam Dei positivam. Prob. ant. nos cognoscimus Deum habere intellectum, habere voluntatem; ergo. &c.

§. 125.

Responsio.

Dist. ant. cognoscimus positive intellectum & voluntatem & alia attributa Dei demta eorundem attributorum infinitate co. inclusa ne. Aliud enim est cognoscere Deum noscere res, aliud noscere res infinitas. Idea positiva primi mens nostra donatur, non autem idea positiva secundi, quia noscimus quidem positive Deum cognoscere objecta, non vero positive cognoscimus divinæ cognitionis infinitatem, sive infinita objecta, quæ divina cognitio complectitur. Similiter rationem concludimus de aliis Dei attributis. Jam vero cognitionem positivam intellectus & voluntatis Dei aliorumque similitum haurimus ex cognitione attributorum animæ nostræ, & ex eo quod quæ perfectiones sunt in ente ab alio, illas esse oportere in ente à se tamquam in causa novimus. Jam vero ideæ attributorum animæ nostræ ex ideis sensationum ratione supra explicata ducunt originem. Ergo etiam idea positiva attributorum Dei ex ideis sensationum si non proxime, saltem remote oritur necesse est.

§. 126.

SCHOLIUM XVIII.

Ex iis quæ hætenus disputavimus, constat duos esse omnium idearum fontes, quinque sensus, & dictas animæ facultates. A quinque sensibus oriuntur omnes ideæ absolutæ, ab animæ vero facultatibus relativæ. Siquidem ubi anima per sensus plurium rerum acquisivit imagines, quibus objecta singula repræsentantur, earum convenientiam & discrepantiam percipere potest, ideas conjunctas, quæ repræsentant objecta simul re ipsa conjuncta, perinde ac si separatæ forent, seorsim cognoscere, quæ vero disjunctæ sunt, & res exhibent separatas, simul cognoscere perinde ac si res ab una idea repræsentatæ in rebus, quæ ab aliis exhibentur, inessent, & alia hujusmodi, quæ omnia non ideis absolutis, sed solum relativis repræsentantur. Non iverim tamen inficias aliquas etiam ab anima absolutas ideas formari diversas ab iis, quæ in sensus incurrunt, sed quæ non ad corporum qualitates pertineant, sed solum quæ ad ejusdem animæ interiores actus ac facultates. Sunt autem illæ, quæ a reflexione animæ circa suos actus oriuntur. Nam illa idea, qua mens suammet ideam rei alicujus per sensus illapsæ cognoscit, est idea absoluta non minus quam illa, quæ corpus aliquod repræsentat, eo quod illius objectum, sive idea corporis, ipsum per se, non ratione habita alterius ideæ exhibetur, & simul animæ virtute genita, eo quia per sensus proxime excitatur solum idea corporis, non vero idea ideæ corporis, & anima ex idea corporis solum occasionem arripit eli-

eliciendæ reflexæ ideæ circa ideam corporis. Multo magis id apparet in ideis reflexis eorum, quæ ad actus pertinent voluntatis. Nam excitata per sensus alicujus rei cognitione anima sua virtute rem eandem aut appetit aut averfat. Tum elicit absolutam ideam, qua cognoscit, se illam rem aut appetitu aut averfatione prosequi, cujus objectum ipsum per se consideratum est ipsiusmet animæ actus volendi. Eademque ratione cognoscit virtutes & vitia, quæ ad volentem pertinent facultatem. Quamobrem cum omnes ideæ a sensibus oriri ajo, non ita intelligi id volo, perinde ac si omnes ideæ per sensus proxime excitarentur, & omnium objectum foret aliquid corporis affectum qualitatibus, sed in eo tantum sensu accipi debere contendo, ut quamvis in anima sint aliæ plurimæ ideæ, quæ per sensus proxime non generantur, quarumque objectum non est nec coloratum, nec lapidum, nec figuratum, nec ulla qualitate sensibili affectum, tamen eadem ab anima eliciuntur solum occasione idearum, quæ per sensus proxime ingressæ sunt, virtute scilicet reflexionis ad hujusmodi proxime ingressas notiones. Unde cum Cartesius & ejus astipulatores qualdam ideæ menti ingenitas esse contendunt, eas scilicet, quarum objectum nulla sensibili qualitate est affectum, respondemus ingenitam quidem esse vim, qua tales eliciuntur ideæ, sed eam se non posse explicare, nisi prius adminiculo sensuum quædam aliæ corporum excitentur.

2. Sed hæc hætenus de satis celebri quæstione, originis idearum, in qua nemo mihi videtur posse jure ac merito dissentire a sententia, quam defendo in sensu modo explicato, & accuratius etiam explicando in Psychologia, ubi rem a capite arcessam. Nunc autem paucis observo me semel & iterum jam adhibuisse meum illud principium de singularibus ratiocinationibus. Primo enim in institutionibus §. 53. & seq. perspicuum feci syllogismos singulares esse fundamentum atque rationem universalium. Hic vero §. 119. docui ratiocinationem singularem exstare in mente, priusquam hæc aliqua universali idea donata sit. Quod nobis in posterum suppeditabit rationem gravissimæ in sententia communi dissolvendæ difficultatis, qui fiat ut animæ brutiorum ratiocinentur, quemadmodum innumerabiles monstrant observationes, & nihilominus rationis & idearum universalium, quibus illa potissimum nititur, sint expertes.

ARTICULUS II.

De speciebus, generibus ac differentiis.

§. 127.

Definitiones.

Aque hæc entia indeterminata & universalia dicuntur a Philosophis species aut genera. Species est similitudo individuorum quod attinet ad omnia essentialia: differentia individualis est id, per quod unum individuum differt ab alio ejusdem speciei; ut ficus est species, quia plures individua ficus in omnibus essentialibus conveniunt; talis ficus est differentia individualis, per quod hæc ficus differt ab aliis.

2. Si mens in pluribus speciebus offendit id, in quo conveniunt, & id in quo differunt, existit genus infimum, & differentia specifica; illud est similitudo specierum, hæc est id, in quo una species differt ab altera. Ut *ficus* est arbor fructifera producens *ficus*, to *arbor fructifera* est genus infimum, quia per id species ficum convenit cum aliis speciebus pomorum, pyrorum, vinearum &c. to *producens ficus* est differentia specifica, per quam species ficum differt ab aliis arborum fructiferarum speciebus.

3. Si mens in pluribus generibus infimis invenit id, in quo conveniunt, & id in quo differunt, existit genus superius primi gradus, & differentia generica infima; ut arbor est genus superius primi, quia est id, in quo genus infimum, scilicet arbor fructifera, convenit cum alio genere infimo arboris infructifera; fructifera vero est differentia generica infima, per quam arbor fructifera differt ab ea, quæ fructus non gignit.

4. Si mens in pluribus generibus superioribus primi gradus invenit id, in quo conveniunt, & id in quo differunt, existit genus superius secundi gradus, & differentia generica superior primi, ut arbor definitur corpus vivens; to *corpus* est genus superius secundi gradus, quia in hoc etiam corpora non viventia conveniunt, to *vivens* est differentia generica superior primi, quia per hanc arbores ab aliis corporibus vitæ expertibus discrepant.

5. Atque hoc pacto mens alia facit genera superiora, & altiores differentias, quousque perveniat ad genus summum, quod est id in quo omnia conveniunt, estque ens omnino indeterminatum, sive ens in genere §. 110. n. 2. quia omnia sunt ens, & in extime. entis nulla res ab aliis differt & ad differentias summas, quæ cum ente proximo copulantur. Differentiæ vero summæ sunt quatuor, a se, & ab alio, per se, & in alio, quarum prima cum ente conjuncta facit Deum, secunda creaturam, tertia substantiam, quarta denique accidens.

6. Unde hæc ficus quatenus individuum, differt ab omnibus, quatenus ens, cum omnibus convenit; per alia vero intercepta cum aliquibus convenit, ab aliquibus differt; quæ convenientia cum eo paucioribus est, & differentia ab eo pluribus, quo genera & differentiæ sunt individuo propiores, & majori intervallo absunt ab ente.

§. 128.

Corollarium.

Ex qua genesi specierum & generum constat individuum in se continere tamquam partes essentielles, speciem, genus infimum, genus

nus superius primi gradus &c. usque ad summum, atque idcirco etiam omnes dictas differentias; speciem autem continere genus infimum, superius primi gradus &c. & similiter inferiora in scala generum continere omnia superiora.

2. Constat etiam superiora non continere inferiora, sed tantum posse cum hoc aut cum illo inferiori conjungi.

§. 129.

Propositiones.

Hæc genera & differentia dicuntur gradus metaphysici, suntque adeo inter se necessario connexa, ut unum ab aliis separari non possit, quin totum ens intereat; v. g. in corpore quod est substantia extensa, nec substantia, quæ est genus, separari potest ab extensione, quin totum in nihilum redigatur, nec extensio, quæ est differentia, sejungit quit a substantia, quin totum similiter corrumpatur.

2. Atque hæc eadem genera & differentia sunt essentia entis, adeo ut species, quæ est similitudo individuorum quod ad omnia essentialia §. 127. num. 1. contineat tamquam duas partes essentielles, genus infimum, quod est pars communior essentia, eo quod genus proximum reperitur etiam in alia specie diversa, & differentiam specificam, quæ est pars specialis & propria talis speciei. Unde attributa, quæ profluunt a genere, sunt attributa communia §. 85.; quæ vero a differentia specifica, sunt propria.

3. Hinc intelligitur discrimen inter differentias, attributa & modos, sive accidentia. Nam differentia in eo discrepant ab attributis, quod attributa ab essentialibus ipsa in individuo determinantur ac profluunt; at differentia non determinate fluunt a genere, sed solum indeterminate; nam v. g. substantia nec debet esse necessario spiritalis, quia potest esse corporea, nec determinate corporea, quia potest esse spiritalis, sed solum indeterminate, quia cum nihil indeterminatum exstare queat §. 111. saltem aliqua ex his cum genere conjungi debet. In eo vero discrepant ab accidentibus, quod postquam aliqua differentia cum genere conjuncta est, ex. g. substantia spiritalis est facta, tunc hujusmodi differentia separari amplius non potest; contraquam contingit in accidentibus, ut in vi motrice, quæ a corpore sine illis interitu disjungi quit.

4. Ex his & ex iis quæ §. 103. & seq. diximus, colligitur essentiam esse id quod actu inest, sive tamquam genus, sive tamquam generis determinatio, & omne attributum esse possibilitatem alicujus accidentis aut modi, sive rei, quæ actu non est.

5. Cum vero res in se considerata sit ratio cur tali modo ad ad aliam referatur, colligitur essentiam rei absolutæ §. 11. in ab-

solutio esse ponendam, non in relativo, quod ad summum est attributum, saltem ipsius possibilitas.

§. 130.

SCHOLIUM XIX.

Ex quibus colligitur peccare Wolphium, & aliis occasionem peccandi præbere, cum ait essentialia esse illa, quæ possunt quidem simul esse, non tamen simul necessario sunt. Si enim ita foret, qui essentialia internoscerentur ab accidentibus, quæ pariter cum aliis essentialibus conjungi queunt, nec tamen simul necessario sunt? Distinguendus est igitur duplex status generis, alter meræ possibilitatis, alter vero existentie; Genus consideratum in statu possibilitatis non debet necessario conjungi cum illa determinata differentia, quia potest existere copulatum cum altera, at postquam cum alterutra conjunctum existere cœpit, non est in alicujus potestate eam a genere ita separare, ut nihilominus genus existere pergat, aut solum, quod pugnat cum iis, quæ §. 111. docuimus, aut conjunctum cum alia differentia, quod cum iis, quæ de substantiali essentia §. 82. differuimus. Atque hac nota uti sumus tom. 1. *Phyf. Gen.* §. 115. in definienda corporis essentia, & ab eadem eliminandis non paucis, quæ ob non satis evolutam essentiam primariæ & substantialis notionem eadem, qua veteres, qua Recentiores Philosophi attribuerunt, inter quos aliqui ab hac eadem Wolpii definitione in fraudem inducuntur sunt. Unde differentia si accipiamur determinate, non profuit a genere, nec cum illo necessario conjungi debet, eo quod genus cum altera differentia conjungi potest; ut extensio non debet necessario copulari cum substantia, quia substantia connecti potest cum inextensione; & in hoc differentia differt ab attributo, quod ipsum in individuo & determinate ab essentia profuit; indeterminate tamen aliqua ex differentis cum genere jungenda est, quia nihil indeterminatum existere potest; uti substantia ut existat, debet esse vel extensa vel inextensa. Postquam vero juncta fuit, amplius avelli non potest neque per Deum, ut postquam existit substantia extensa, nec substantia ab extensione, nec extensio a substantia sejungi potest, & in hoc differt ab accidentibus, quæ disjungi queunt ab ente.

2. Colligitur etiam contra eundem Wolphium esse quædam attributa propria, quæ ab uno tantum entis essentiali proficiuntur §. 86. n. 3. illa scilicet, quæ a differentia specifica, quia cum hæc in illa sola specie, non in aliis reperitur, etiam attributum ab ea profectum in ea sola specie invenitur necesse est. Nec aliquis ajat hominem definiri animal rationale, in qua definitione animal est genus, & rationale differentia, & tamen per rationale homo differt quidem a belluis, non autem ab omnibus aliis, uti ab Angelis. Siquidem hæc, alique non paucæ in scholis tritz definitiones peccant in multis quemadmodum etiam alibi significavimus. Quod si auditores Philosophiæ in Elementis Euclidis satis versati forent, cum animum appellunt ad Dialecticam, non aliunde exempla tam pro definitionibus, quam pro aliis Logicæ, Ontologiæ, atque Psychologiæ propositionibus illustrandis peti deberent, eo quod quæ inde promuntur, certa omnino sunt ac determinata, nec in ulla incurrunt difficultates. Si quis exempli gratia scalam specierum ac generum illustrare vellet, hoc posset ex Geometricis depromere exemplum, quo etiam propositæ difficultati satisfacimus. Quadratum est parallelogrammum quatuor angulis rectis & quatuor lateribus æqualibus constans; in qua definitione *parallelogrammum* est

est genus infimum, alia sunt specifica differentia, quia in primo quadratum convenit cum rhomboidibus & cum reſtanguſis altera parte longioribus; in ſecundo ab utriſque & ab omnibus aliis figuris differt. Parallelogrammum eſt quadrilaterum habens latera oppoſita æquidistantia; in qua definitione *quadrilaterum* eſt genus ſuperius primi gradus, in quo parallelogrammum, quod eſt genus infimum, convenit cum trapeziis; *habens latera oppoſita parallela*, ſive *æquidistantia*, eſt differentia generis infimi, per quam parallelogrammum differt a trapezio. Quadrilaterum deſinitur figura plana reſtilinea quatuor lateribus conſtans; in qua *figura plana reſtilinea* eſt genus ſuperius ſecundi gradus, quia per figuram planam reſtilineam quadrilaterum convenit cum triangulis & aliis figuris planis reſtilineis; *quatuor lateribus conſtans* eſt differentia generica primi gradus. Figura plana reſtilinea deſinitur figura plana, quæ reſtis lineis concluditur; in qua definitione *figura plana* eſt genus ſuperius tertii gradus, quia per hanc convenit etiam cum circulo & aliis figuris planis, quæ lineis curvis concluduntur; alia verba ſunt differentia generica ſecundi gradus, quia per illa figura plana reſtilinea differt a circulo & ab aliis. Figura plana deſinitur figura cui ex omni parte linea reſta aptari poteſt; in qua definitione *figura* eſt genus ſuperius quarti gradus, eo quod in ea re figura plana etiam cum figuris curvis convenit; alia verba ſunt differentia generica tertii gradus, quia per id figura plana a curvis differt. Figura deſinitur ſuperficies undique terminata; in qua *ſuperficies* eſt genus ſuperius quinti gradus, quia in hoc figura convenit etiam cum ſuperficiebus non clauſis & terminatis; reliqua ſunt differentia generica quarti gradus. Superficies tandem deſinitur ſpatium, ſive extenſio in longum & latum; in qua *extenſio* eſt genus ſuperius ſexti gradus, eo quod in ea re ſuperficies convenit etiam cum linea, & ſolido; alia ſunt differentia generica quinti gradus. Quæ extenſio eſt ratione habita Geometriæ genus ſummum, eo quod omnia, quæ a Geometris conſiderantur, extenſa ſunt, & idcirco in eo conveniunt.

3. Sed hæc pro ſcala generum magis magisque declaranda; nunc venio ad id, quod propoſitum eſt. Si quis pro differentia ſpecifica quadrati ſumat tantum aut reſtitudinem quatuor angulorum, aut quatuor laterum æqualitatem, non habebit quadrati diſcrimen ab omnibus aliis figuris, at ſi utrumque, id certe obtinebit. Quamobrem nego rationale eſſe differentiam ſpecificam hominis, qui aliter deſiniendus eſt, ut ſuo loco patebit. Manet ergo differentiam ſpecificam eſſe in illa ſola re, cujus dicitur differentia, & idcirco attributa, quæ inde proficiſcuntur, eſſe ejusdem propria.

4. Quo vero præter ea, quæ in ſuperioribus tradita ſunt, aliquas tradamus notas ad internoscenda eſſentialia ab attributis, plura genera relatiſorum eſſe diſtinguenda contendo. Nam aliud eſt relativum primi gradus, aliud eſt relativum ſecundi, aliud tertii &c. Relativum primi gradus eſt relatio, ſive ordo, quæ inter duo omnino abſoluta intercedit, ſive eſt unius omnino abſoluti comparatio. Relativum ſecundi gradus eſt relatio inter duo relativa primi; relativum tertii eſt relatio inter duo relativa ſecundi, & ita procedendum eſt. Unde relativum primi nullam relationem ante ſe poſtulat, relativum ſecundi unam, relativum tertii duas, relativum quarti tres &c. Quæ omnia illuſtrantur diverſis comparandi modis, qui inter quantitates inſtituuntur. Nam una quantitas eſt aliquid abſolute ſpectatum; ratio geometrica inter unam quantitatem & alteram, quæ eſt modus quo altera quantitas alteram continet, aut ab ea con-

tinetur, est relativum primi gradus; proportio geometrica & relativum secundi gradus, propterea quod in ea ratio inter primam quantitatem est secundam, quæ est relativum primi, comparatur cum ratione inter tertiam & quartam, quæ pariter est relativum ejusdem gradus. Si vero ponantur hi sex numeri cum

2 4 8

suis exponentibus 10, 5, 8, 2, 80, 10, dicaturque rationem quinti ad sextum esse æqualem producto ex ratione primi ad secundum & ex ratione tertii ad quartum, quia 80 est octuplus 10, uti 4 ductus in 2 facit 8, tunc existit relativum tertii gradus.

5. Quibus constitutis ajo absolutum esse rationem sufficientem relativi primi gradus, relativum primi gradus rationem relativi secundi, relativum secundi esse rationem relativi tertii, & ita procedendo. Nam quia res talis est in se ipsa considerata, idcirco tali modo ad aliam refertur, v. g. est eadem, atque illa, aut non eadem, similis aut dissimilis, æqualis aut inæqualis. Absolutum autem est res in se ipsa considerata §. 11. relativum autem primi gradus est eadem res absoluta ad aliam absolutam relata. Ergo quia in re tale absolutum existit, idcirco in eadem est hujusmodi relativum primi gradus. Eadem ratione conficitur etiam secundum & alia; nam relativum primi gradus potest considerari & ipsum in se, & habita ratione alterius relativi; Ergo quia relativum primi gradus tale est in se consideratum, idcirco tali modo ad aliud refertur ex. g. est simile, aut dissimile, æquale, vel inæquale &c. Ex quibus conficitur quod proposuimus.

6. Inde vero colligitur essentiam entis omnino absoluti, quale solum ens a se posse dici monstratur in Naturali Theologia, in aliquo prorsus absoluto esse ponendam; entis vero relativi primi gradus in relativo pariter primi gradus, cujusmodi sunt substantiæ creatæ, scilicet primitiva corpuscula & animæ, quæ necessarium ab ente a se effluxum tum in prima existentia tum in ejusdem conservatione complectuntur; relativi secundi pariter in relatione secundi gradus, cujusmodi sunt composita ex primitivis corpusculis, quorum essentia posita est in duobus, in primitivis corpusculis, quæ tametsi ob explicatam rationem sunt relativa, tamen ut absoluta considerari possunt, quia singula ex ipsis nullam necessario relationem ad alias creatas substantias includunt, & in modo quo corpuscula inter se conjunguntur, quia hic modus est pariter relativum secundi gradus, quemadmodum est etiam compositum ex pluribus corpusculis primitivis.

7. Concluditur etiam relativum primi gradus ratione habita omnino absoluti, relativum secundi ratione habita relativi primi, relativum tertii ratione habita relativi secundi ad summum esse posse attributa. Dixi ad summum; nam fieri potest ut sint etiam modi. Ad quod internoscendum animadvertere necesse est in relativo ex. g. secundi gradus relationem ad eas a se esse essentielles; talem pariter esse relationem secundi gradus; relationem autem tertii profectam a relatione secundi esse attributum, si sit inter partes ipsum ens componentes, modum vero, si inter ens relativum secundi & aliud ens ab eo distinctum. Exempli causa in triangulo tres anguli sunt æquales duobus rectis, & unum latus est minus aliis duobus simul. Essentia trianguli posita est in tribus lateribus & in modo, quo tria latera copulantur, qui situs est in eo, ut tria latera spatium undique claudant. Ab hoc modo conjunctionis laterum na-

scitur

scitur unum ex ipsis esse minus aliis duobus; quamobrem hæc relatio, quæ est inter partes triangulorum componentēs est attributum, quia quemadmodum semper in triangulo sunt necessario tria latera, & eo modo conjuncta, ita semper & necessario est illa inde profecta relatio. Ut vero tres anguli trianguli sint duobus rectis actu æquales, necessarium est extra triangulum esse duos hujusmodi angulos rectos. Cum vero triangulum extare possit, quamvis extra ipsum hi duo recti non reperiantur, patet hanc actualem æqualitatis relationem semper & necessario non reperiri, atque idcirco esse modum, cujus sola possibilitas erit attributum §. 87.

8. Tandem ex his & ex iis, quæ §. 109. disputavimus, planum fit essentiam esse id, quod omne re ipsa in ente est, sive rationem teneat generis, eo quod variis modis esse potest, sive rationem differentiz, eo quod est ipsa generis determinatio, dummodo tamen sit tale, ut cum agitur de essentia substantiali & primitiva, aliud ab alio neque per divinam omnipotentiam separari possit; omne vero attributum esse possibilitatem alicujus rei, quæ non semper inest in ente, sive sit accidens absolutum, sive sit modus, adeo ut non solum verum sit omnes accidentium atque modorum possibilitates esse attributa §. 87. verum etiam convertendo omnia attributa esse possibilitates accidentium aut modorum. Nam quod actu & necessario inest, vel est genus, idest id quod variis modis esse ac determinari potest, vel ipsamet generis determinatio num. 1. : si primum; genus ab aliis sive a differentiis, quas suscipere potest, non profluit ac pendet; sin autem secundum, profluit quidem a genere, sed indeterminate, non autem determinate num. 1.; attributa vero determinate & in individuo ab ente proficisci debent, adeo ut etiam in statu possibilitatis ipsa cum ente necessario conjuncta, & ab eo profecta intelligantur. Ut cum ente composito, quod habet plures partes, determinate & necessario intelligitur esse copulatum hoc attributum, possibilitas divisionis in partes. Ergo id quod actu & necessario inest, debet esse essentiz pars, aut communior, quæ est genus, aut specialior, quæ est differentia, non vero attributum esse quicquid. Ex quo tandem conficitur omnia attributa esse debere possibilitates eorum, quæ non semper necessario insunt, scilicet accidentium atque modorum.

CAPUT TERTIUM.

De divisione idearum habita ratione objecti exhibitæ, & de terminis ad illas pertinentibus.

ARTICULUS I.

De ideis simplicibus & compositis.

§. 131. Definitiones & Propositiones.

His ex Ontologia & Psychologia prælatis venio ad primam mentis operationem, atque ad ideas; & quod attinet ad ideas simp-

simplices atque compositas, quas in Institutionibus definivi, ajo, ideam rem ut compositam in primo gradu esse illam, quæ ex simplicibus coalescit, compositam in secundo, quæ ex compositis in primo, compositam in tertio, quæ ex compositis in secundo &c. Partes vero dicuntur proximæ, ex quibus res proxime componitur, remotæ in primo, ex quibus coalescunt proximæ in secundo &c.

2. Dantur vero hujusmodi simplices ac omnium graduum compositæ ideæ. Nam idea entis & primarum ejus differentiarum a se, ab alio, & per se simplices sunt, quia in ipsarum objectis mens plures partes, quæ a pluribus ideis representantur, invenire non potest. Idea substantiæ est composita in primo gradu, quia substantia est ens per se atque idcirco duas habet simplices ideas. Idea corporis est composita in secundo gradu, quia corpus est substantia extensa; idea arboris est composita in tertio, quia arbor est corpus vivens; idea arboris fructiferæ est composita in quarto, quia est arbor producens fructus; idea ficus est composita in quinto, quia ficus est arbor fructifera producens ficus; idea talis ficus est composita in sexto, quia coalescit ex idea ficus, & ex idea singularium determinationum.

3. Ex quibus constat partes compositas in altiori gradu, ut in quinto, continere in se omnes in demissiori usque ad simplices, sed non e contrario partes & res compositas in demissiori continere partes in majori compositas.

§. 132.

Objectio.

Idea entis non est simplex, si semper est conjuncta cum ideis differentiarum; atqui semper est conjuncta cum ideis differentiarum; ergo &c. Prob. min. Nostra mens numquam habet folium entis ideam, sed semper affectam idea cujusdam differentiæ; ergo &c.

§. 133.

Responsio.

Dist. conseq. Idea entis considerata concrete semper est conjuncta cum aliqua differentiarum idea co. abstracte considerata ne. Itaque concedo ideam entis si consideretur concrete, id est eo modo quo est & esse potest §. 19. semper, ut experimur, affectam reperiri cujusdam idea differentiæ. Nam quemadmodum ens per se indeterminatum numquam existit §. 111. ita neque idea entis per se sola & indeterminata sine ideis differentiarum constat. Immo sicuti individuum ex. g. primitivum corpusculum a Deo creatum est unum tantum, quamvis ex generibus & differentiis coalescat, propterea quod hæc sunt inseparabilia; ita idea nostræ mentis individuum representans est una tantum, quamvis in ea sint plura ob-

sta

ita representata, eo quod ideæ differentiarum sunt cum idea generis ita copulatæ, ut una & eadem idea dici possint. Verum id non prohibet, quominus idea entis aliorumque generum possit abstracte considerari, idest eo modo quo esse non potest, sive præcindi a suis differentiis, quibuscum necessario conjuncta est, non quidem nullam differentiarum cognitionem habendo, sed eas negligendo, & ideam entis tamquam primarium ejusdem objectum considerando §. 112. n. 2. Ergo idea entis abstracte considerata simplex est.

§. 134.

Instantia.

Atqui entis idea non est simplex nec abstracte considerata; ergo nulla distinctio. Prob. min. subf. In ente abstracte considerato sunt plura objecta, scilicet esse, veritas & bonitas; ergo &c.

§. 135.

Responsio.

Dist. conf. in ente abstracte considerato sunt plura objecta, si consideretur absolute ne. si relative subdist. sunt plura objecta, quorum unum tantum sit essentialiale, alia sint attributa co., quorum plura sint essentialia ne. Nam si ens in genere ipsum in se & absolute consideretur, mens in eo non offendit nisi unum prorsus objectum, sive ens; at si referatur ad entia particularia, quæ facultate cognoscendi & volendi prædita sunt, ex. g. ad nostras animas, ens potest cognosci, in quo est sita veritas entis, & potest amari, in quo bonitas & perfectio. Sed hæc utpote aliquid relativum §. 129. n. 5. & possibilitates §. cit. n. 4. non sunt essentia entis, sed ipsius attributa. Quare si ad solam entis essentiam animum advertamus, illius abstracte considerati idea simplex erit.

§. 136.

Instantia.

Atqui in ente sunt plura objecta essentialia; ergo &c. Prob. min. subf. In ente est genus & differentia; ergo &c. Prob. ant. In ente est id, in quo convenit cum nihilo, & est, id in quo a nihilo differt; ergo &c. Prob. ant. Ens potest cognosci, nihil potest cognosci; rursus ens est aliquid reale, nihil non est aliquid reale. Ergo &c. Quo argumento etiam evincitur ens non esse genus summum, sed id, quod potest cognosci esse tale genus.

§. 137.

Responsio.

Dist. nihil potest cognosci idea absoluta & directa ne. idea relativa & reflexa subd. & cum nihil hoc pacto cognoscitur, aliquid intelligitur contentum sub ente tamquam species sub genere co. aliquid diversum ab ente ne. Itaque nihil cum nihil sit, illius absolute spectari imago esse non potest. Ex quo fit ut mens cognitione directa illud attingere nequeat, contraquam contingit in ente, cujus

cujus imago in anima delineatur, ad quam idcirco mens se convertere potest. At si mens reflectat ad semetipsam, cognoscit se cognoscere unum ens alteri non convenire, & idcirco negativas ideas quæ in ipsa sunt. Si vero has negativas ideas ad infinitum quodammodo extendat, cujuscumque entis sibi negationem repræsentet, in ipsa existit idea nihili. Sed in eo non percipit verum nihil ab ente diversum ei quæ contrarium, sed negativam ideam, quæ in ipsa est. Jam vero negantes ideas non sunt aliquid ab ente diversum, sed solum aliquod particulare ens sub ente in genere contentum. Quare id quod cognoscitur, non est verum nihil, sed negatio entis, quæ in mente reperitur. Ergo solum ens, non autem nihil cognoscitur. Unde fit ut in ente sit solum id, per quod convenit cum omnibus, non vero id, per quod ab aliquo differat. Quo confirmatur ens esse genus summum.

§. 138.

Propositio.

Ut alia de ideis compositis tradamus, has ex Ontologia propositiones præmittam. Essentia rei ex pluribus partibus composita est in duobus, in partibus, & in modo, quo partes conjunguntur. Nam essentialia sunt illa prædicata interna, quæ ab aliis internis non proficiunt, sed ipsa sunt omnium aliorum ratio sufficiens §. 80. Jam vero partes componentes nec ab aliis internis nec a se invicem proficiuntur, eo quod una pars absque aliis esse potest, & similiter modus quo conjunguntur, a partibus non oritur, eo quod vel partes possunt esse disjunctæ, vel alia ratione copulatæ. Deinde a partibus oriuntur omnia attributa, quæ in singulis sunt, a modo quo conjunguntur, ea quæ pendent a conjunctione. Ergo &c. Ita hæc duæ voces *amor*, & *bene* essentiam habent diversam, quia ex diversis partibus sive litteris coalescunt, hæc vero duæ *amor* & *mora*, quia eadem litteræ diverso modo copulantur. Verum hæc essentia non est primaria ac substantialis, sed accidentalis & secundaria, si tales sint partes ut possint disjungi, & separatæ permanere ut litteræ.

§. 139.

Propositio.

Prædicata quæ sunt in singulis partibus, & si non sint in singulis nec possunt esse in iisdem conjunctis, sunt prædicata absoluta non significantia relationem inter unam partem & alteram; prædicata vero, quæ licet non sint in singulis partibus, tamen in iisdem copulatis sunt, & a conjunctione partium oriuntur, sunt prædicata relativa, sive relationem inter unam partem & alias exprimentia. Vide rationem quam dedi §. 96. n. 4.

§. 140.

Propositio.

His positis ajo compositas ideas sui rationem habere in ideis, ex quibus coalescunt usque ad simplices, & in convenientia aut discrepantia, quæ inter idearum partes percipiuntur. Ex. g. idea composita in quinto gradu rationem habet sui proximam in ideis compositis in quarto, remotam primi gradus in ideis compositis in tertio, remotam secundi in compositis in secundo, remotam tertii in compositis in primo, remotam quarti sive ultimam in simplicibus, quod simplices in alias partes & ideas resolvi non possunt. Ratio patet ex dictis de ente composito, quia ideæ simplices & minus compositæ sunt partes idearum quæ magis compositæ sunt, & perceptio convenientiæ vel discrepantiæ inter duas ideas est modus, quo illæ in anima conjunguntur.

§. 141.

Corollarium.

Igitur ut perfectam rerum compositarum per suas rationes, quemadmodum scientia desiderat §. 63. cognitionem habeamus, opus est idearum, ex quibus eæ coalescunt, usque ad simplices notitiam habere.

2. Verum cum hæc usque ad simplices ideas progressio non in omnibus fieri possit, in pluribus conquirendum est in aliqua idea, quæ sensibus proxime acquisita & experimentis certior facta, nisi in se, nobis saltem irrefolubilis sit, uti factum est in definitione Logicæ, quæ §. 70. num. 6. definita fuit pars Psychologiæ quæ considerat &c Psychologia vero num. 4. definita pars Philosophiæ, quæ & c. Philosophia §. 69. scientia rerum &c. scientia §. 64. habitus propositiones demonstrandi; habitus tandem §. eod. facilitas aliquid efficiendi, quæ solum experimentis & exemplis fuit illustrata; tunc enim habitus a nobis amplius resolvi non poterat, ut in Psychologia faciemus.

§. 142.

Propositio.

Quod attinet ad terminos, unico termino, quantum fieri potest, significare debemus singulas ideas tam simplices quam compositas. Hoc enim pacto facilius & citius finem assequimur, propter quem termini sunt instituti. Hic siquidem finis in eo est, ut in aliis nostras ideas excitemus §. 3. Nostra vero mens in ideis formatis velocissima est; in terminis vero proferendis lingua maxime tarda est. Quamobrem ut citius nostras ideas in aliis excitare possimus, & linguæ tarditatem ad celeritatem mentis accommodemus, satius est unico termino ideas ex pluribus compositas repræsentare, quod & loquentibus & audientibus facilius erit, quia minor hoc pacto vocabulorum copia erit memoriæ mândanda.

Tom. I.

L

A R.

ARTICULUS II.

De aliis ideis ratione habita objecti representati.

§. 143. Definitiones & Propositiones.

DE ideis absolutis ac relativis hic unum addo, dari ideas relativas primi gradus, secundi, tertii, quarti, quarum definitiones facillime intelliges ex iis, quæ §. 130. num. 4. & seq. disseruimus. Ex quibus etiam intelliges ideas absolutas esse rationem relativarum primi gradus, relativas primi rationem relativarum secundi &c. Verum quia id in scholio explicavimus, ajo ideam relativam 1. gradus esse illam, quæ exprimit relationem inter duo absoluta, relativam 2. quæ exhibet relationem inter duo relativa 1. gradus; relativam 3, quæ relationem inter duo relativa 2.

§. 144. Definitiones.

Quod attinet ad universales ideas, multa hic a Peripateticis disputantur malo prorsus omine, eo quod in re nullius prorsus utilitatis per longum tempus detinentur. adolescentes, & a saniori Philosophandi methodo deterrentur. Sed ne in tritis questionibus sint prorsus hospites & peregrini, aliqua brevi perstringam. Universale itaque definitur, quod est unum in se & respicit plura distributive, idest tum hoc, tum illud, non disjunctive, idest vel hoc, vel illud. Si hoc pacto repræsentet plura, dicitur universale in repræsentando; si significet plura, in significando; si insit pluribus, in essendo sive metaphysicum; si ut prædicatum tribuatur pluribus, in prædicando sive Logicum; si tandem efficiat plura, in causando, uti est sol.

2. Unitas vero triplex statuitur, numerica, qua quidpiam dicitur unum in individuo, ut Petrus; specifica, qua quidpiam dicitur unum specie, ut homo; generica, qua in genere, ut corpus. Prima est propria, reliquæ sunt improprie, eo quod conjunctæ sunt cum pluralitate, sive potius sunt similitudines individuorum, aut specierum & generum §. 127.

§. 145. Propositio.

Idea generis ex. g. entis si accipiat concrete, non est universalis in repræsentando; nam idea entis accepta concrete, scilicet ut est re ipsa §. 133. semper est cum idea alicujus differentie, uti a se, conjuncta; nam est una idea quæ exhibet ens, & afficitur idea differentie a se. Atqui si est conjuncta, non est universalis, quia re-
præ-

præsentat solum ens in quo est illa differentia. Ergo &c.

2. Potest tamen esse universalis & plura distributive repræsentare, si abstracte accipiatur; quia ens potest esse tam in ente a se, quam in ente ab alio. Hoc eodem pacto terminus ideæ generis respondens est universalis in significando.

§. 146.

Propositio.

Genus & species, uti corpus, sunt universalia in essendo & in prædicando, quia revera insunt pluribus, ut homo inest tum Petro, tum Paulo &c., & ideo etiam pluribus distributive tamquam prædicata tribui possunt; sed improprie, quia ipsorum unitas impropria est §. 144. num. 2.

§. 147.

Propositio.

Hæc vero universalia sunt quinque, genus, differentia, species, attributum & accidens. Sunt enim quinque modi, quibus aliquid pluribus convenit; nam vel convenit necessario, vel contingenter §. 79.; si contingenter, est accidens; si necessario, vel ut essentia vel ut attributum §. 80., & ecce attributum. Si ut essentia, vel ut essentia tota, & ecce species §. 127. quæ est similitudo individuum quod ad omnia essentialia, vel ut pars essentiæ, quæ vel est genus, si sit pars indeterminata, quæ variis modis determinari potest §. 129. num. 2. & dicitur etiam pars communior essentiæ, eo quod per genus res cum pluribus convenit §. cit. vel est pars determinata, sive ipsa determinatio, & ecce differentiam, quæque dicitur etiam pars essentiæ specialior, eo quod per eam res differt ab aliarum specierum individuis. Ergo hæc universalia sunt quinque &c.

§. 148.

Propositio.

Species, genus infimum, superius in primo gradu, superius in secundo & omnia genera usque ad summum, uti & omnes differentiæ suos habere debent terminos, quibus significantur. Nam ideæ diversæ inter se terminos pariter diversos habere debent, in eum scilicet finem ut quisque suas ideas cum altero communicare possit §. 3. Atqui species, genus infimum, superius in primo gradu &c. sunt ideæ inter se diversæ & diversa objecta repræsentantes. Ergo species, genus &c. Neque dicendum est ideam individui esse unam tantum & in se omnia genera & differentias continere §. 133. Nam satis est eas esse diversas abstracte consideratas, quia cum duo sint genera idearum, aliæ quæ per sensus proxime excitantur, aliæ vero quæ proficiuntur ab animæ attentione & reflexione §. 121. n. 2. termini esse debent, quibus etiam ideæ secundi generis repræsententur, inter quas locum obtinent etiam abstractæ.

Multum est in hac regula momenti ad res clare distincteque cognoscendas. Quod ut doceam, res altius petenda est, & videndum quid univeler conferant termini ad mentis operationes. Cum mens paulatim affuefcit cum singulis rebus, quæ in sensus incurrunt, & idcirco ideis illas exhibentibus simul terminum aliquem tamquam ipsarum signum cognoscere, virtute legis imaginationis fit, ut simul ac ipsa cuiusdam rei ideam format, termini quoque respondentis, idest vel soni, vel figuræ ideam in semetipsa excitari sentiat, & simul ac termini, ideam quoque rei a semetipsa formati experiatur §. 5. Hoc vero pacto duo sibi mens comparat instrumenta, quibus ideas rerum eliciat, alterum naturale, alterum autem artificiale. Naturale in eo positum est, quod cit. §. explicavimus, ut si ex. g. ante aliquot dies in templo fuerim, ubi concionem audiverim & musicæ concentum, plures homines & plura viderim, aliaque simul perceperim, & deinceps aliquid ex iis, uti templum, aut aliquis homo, de quo in sensus incurrat, continuo in mea mente reproducantur ideæ rerum aliarum, quæ simul antea perceptæ sunt. Artificiale autem in eo situm est, quod cum ideæ rerum quas in templo simul habui, simul cum respondentium terminorum ideis mentem affecerint, si alicujus termini eas ideas representantis idea post aliquod tempus reproducat, continuo rei respondentis idea & aliz cum hac simul formatæ rursus gignantur.

2. Hoc vero artificiale instrumentum, quod potius mixtum appellari potest, eo, quia est artis & arbitrii humani, quatenus cum hac idea hunc potius sonum quam alium simul cognoscere cæpi, naturæ vero ob dictam imaginationis legem, quatenus postquam semel aut iterum has ideas conjungere cæpi, easdem simul habere pergo, hoc, inquam, instrumentum magis accommodatum est ad habitum memoriæ acquirendum. Nam termini valde magis in promptu sunt, quam res, quæ sæpe a sensibus remotæ sunt & inter se valde disjunguntur, nec omnes simul cogi possunt in illud spatium, ex quo sensus lacessere queant: cum e contrario termini innumerabiles, & rerum innumerabilium ideas excitantes in unum sermonem, & multo magis in unum librum cogi possint. Ita fit, ut anima eos diutius ac sæpius continuata locutione, lectione & scriptione, simul cogitet, atque idcirco habitum non facile obliterandum atque facilius acquirat ad excitationem ideæ unius ideas aliorum reproducenti, & eorum adminiculo habitum quoque reproducenti ideas rerum, quas cum iis cogitare consuevit. Proprium est enim legis imaginationis, ut quæ diutius ac sæpius simul antea cogitavimus, eorum ideas eo facilius reproducamus statim ac idea unius eorum rursus in mente excitatur.

3. Quod si termini tanti sunt usus in ideis rerum, quæ per sensus in anima proxime excitantur, multo majoris sunt in iis aliis, quæ ab attentione & reflexione mentis proficiscuntur, quales sunt ideæ universales & abstractæ, & ideæ quoque rerum, quæ ad actus pertinent facultatis volentis, ut nullus mirer hominem de quo agit Wolphius in Psychologia Rat. §. 461. nosque suo loco disputabimus, ab infantia in sylvis procius ab omni aliorum commercio educatum usque ad ætatem annorum circiter decem, rationis usum minime comparasse, ut ex eo colligitur, quod cum postea linguam eorum, qui eum invenerant, didicisset, & ulum rationis comparasset, interrogatus, qualem in sylvis degisset vitam, respondit se nihil scire, perinde ac nos eorum, quæ in

in.

infantia cogitavimus, ac gessimus, ob eandem causam non meminimus. Hæ siquidem ideæ per sensus proxime excitari non possunt, sed opus est ut anima ad ideas per sensus generatas attendat, atque reflectat, eorum, in quibus plura conveniunt, ideas præscindat ab iis, in quibus eadem inter se discrepant, idque pluries faciendo, ut §. 127. docuimus, ab individuis ad species, a speciebus ad genera infima, a generibus infimis ad superiora primi gradus, & ita paulatim procedendo usque ad summum perveniat. Habitum vero transeundi ab aliis generibus ad alia facillime acquirit, si cum singulorum ideis ideam soni aut figuræ diversæ copulare didicerit. Advertendum est enim vi distæ legis non solum fieri, ut ad excitationem ideæ unius eorum, quæ per sensus in animam proxime ingressa sunt, etiam aliorum ideæ reproducantur, verum etiam ut illæ rursus generentur ideæ, quas eodem tempore & occasione aliarum anima virtute reflexionis elicit. Hac de causa si anima cum singulis universalibus ideis & aliis quoque a reflexione profectis ideas terminorum, quibus illæ exprimantur, simul cogitare assuescat, ob allatas supra rationes facillime habitum comparat eas singulas, prout opus fuerit, eliciendi, eo quod habitum acquisivit eliciendi ideas terminorum, quorum occasione eadem excitantur. Præterquamquod cum ex altera parte termini, utpote aut soni, aut figuræ, per sensationes, si præsentis sint, aut si absentes, per imaginationem animam pellant; ex altera vero sensationes & imaginationes eandem animam fortius, quam ideæ spirituales & a reflexione pendentes, afficiant; conjunctio diversorum terminorum cum singulis quibusque abstractis & vi reflectendi genitis ideis multum conducit ad eum finem, ut ad earum discriminationem mens nostra magis attendat, atque hoc pacto easdem sibi magis claras atque distinctas efficiat. Ex quibus luculenter efficitur multum esse momenti in ea regula, quæ præcipit, ut singulis ideis abstractis & universalibus, & ceteris quoque omnibus a reflexione profectis proprii termini ad eas significandas respondeant.

CAPUT QUARTUM.

De divisione idearum ratione habita modi representandi.

ARTICULUS I.

De ideis claris, distinctis & adequatis, definitione ac divisione.

§. 150.

Propositiones.

NOTÆ rerum sumendæ sunt 1. vel ab essentialibus; 2. vel ab attributis propriis; 3. sed satius est eas ab essentialibus, quam ab attributis, repetere; 4. non vero ab attributis communibus; 5. nec ab accidentibus sive modis. Prob. 1. & 2. pars. Internum per quod ens in se cognoscitur, & ab aliis distinguitur, cujusmodi sunt notæ §. 13. desumendum est ab ea re, quæ constanter inest toti eique

eique soli convenit. Nam id, quod constanter inest, efficit ut rem semper in se cognoscamus; quod vero illi soli convenit, ut eam ab aliis omnibus internoscamus. Atqui tam essentialia, quam attributa propria & constanter insunt enti, & illi soli conveniunt §. 80. 83. Ergo notæ rerum sumendæ sunt vel ab essentialibus, vel ab attributis propriis.

2. Prob. 3. Prima conditio, nempe rem in se cognoscere, melius obtinetur per essentialia, quæ sunt id quod primario in ente reperitur §. 80. 120. num. 4., quam per attributa, quæ sunt aliquid ab essentia profectum & significans potentiam ejus quod actu non est §. 129. n. 5. uti causa melius cognoscitur ipsa in se, quam per effectum, qui ab ea generatur.

3. Probatur 4. & 5. pars. Attributis communibus deest secunda conditio, quia in entibus diversæ speciei reperiuntur §. 83. accidentibus autem saltem prima, quia hæc possunt inesse & abesse a subiecto §. 81. Unde quando non erunt, per illa res ab aliis rebus distingui non poterit. Neque dicas dari accidentia, quæ naturaliter semper insunt, ut gravitas in corporibus. Nam per divinam omnipotentiam possunt abesse; quo in eventu res adminiculo accidentis ab aliis rebus internosci non quiret.

§. 151.

Propositio.

Res composita, sicut & individuum, species, genera, quæ habent aliud supra se, notas habent, per quas cognoscantur. 2. Res sive idea simplex, uti & genus summum, ac summæ differentię nequaquam.

Prob. 1. pars. Res composita habet partes, quæ sunt ratio cur talis sit §. 140. individuum autem, species & genera, quæ habent aliud supra se, ex genere & differentia, tamquam ex partibus, coalescunt §. 127. Ergo &c.

2. Prob. 2. pars. In objecto simplici, cujusmodi est ens, vel differentia a se, plura objecta saltem essentialia non sunt, quæ a pluribus ideis exhiberi queant §. 131. Ergo res simplex, uti est genus summum, notas saltem plures non habet, atque idcirco ens non cognoscitur nisi per ens, & ab eo, quod non est ens, non distinguitur nisi per ens.

§. 152.

Propositio.

In duplici eventu possumus habere ideam claram, quæ distincta non sit, primo in idea objecti simplicis, 2. in ideis sensationum; primum quia in idea simplici non sunt plures notæ, quæ inter se distinguantur, quemadmodum ad ideam distinctam necessarium est

§. 153.

§. 15. secundum, quia in ideis ex. g. colorum hæ notæ a nobis non cognoscuntur; attamen utraque idea clara est, quia tam ex. g. differentiam a se ab aliis simplicibus differentiis, quam colorem ex. g. rubrum ab aliis coloribus internoscimus.

§. 153. Definitiones.

Idea adæquata in primo gradu est, per quam cognoscimus notas notarum & eas inter se distinguimus; in secundo, per quam cognoscimus notas notarum notarum; in tertio, per quam notas notarum notarum notarum; in quarto &c. Tandem adæquata in summo, per quam cognoscimus notas notarum usque ad simplices.

ARTICULUS II.

De definitione.

§. 154. Animadversio.

Quamquam definitionis ac distinctionis tractatio ad secundam Logicæ partem attineat; tamen quia inter scalam generum

§. 127. ideas simplices atque compositas §. 131. ac ideas adæquatas §. 153. interque has magna necessitudo intercedit, de his quoque nunc differemus.

§. 155. Definitio.

Definitio est propositio, quæ loco subjecti habet rem definiendam, & loco prædicati notas sufficientes ad illam rem cognoscendam & ab omnibus aliis distinguendam. Unde hæ notæ nec pauciores esse debent iis, quæ ad eum finem sufficiunt, nec plures; quia si pauciores, id adversaretur fini primario, propter quem definitio ab hominibus instituta est, scilicet ut res cognoscerentur, & inter se distinguerentur; si plures, fini secundario, quia ut memoriæ consulerent, eam esse quambrevissimam voluerunt.

§. 156. Corollarium.

Cum optimæ notæ sint essentialia, attributa propria sint sufficientes, tamen non ita bonæ, §. 150. num. 1. & 2. nullo vero modo aliqua tantum attributa communia, aut accidentia num. 3., inde colliges primo definitionem tradi posse per attributa propria; secundo satius tamen esse, si per essentialia tradatur; tertio nulla vero ratione tradi posse per aliqua attributa communia, aut per accidentia.

§. 157. Corollarium.

In definitione, quæ traditur per essentialia, non debent enumerari attributa propria, & vicissim, quia per sola essentialia, aut per
so-

sola attributa propria obtinetur finis definitionis, scilicet res in se cognoscitur, & ab omnibus aliis distinguitur.

§. 158.

Corollarium.

Definitio tradi debet per genus infimum sive proximum, & differentiam specificam sive ultimam, uti & rei compositæ definitio per partes proximas, & modum quo partes proximæ copulantur, tradenda est.

Prob. 1. pars. Definitio tradi debet per eas notas, quæ ad rem clare distincteque noscendam sufficiunt, & simul brevissimæ sunt §. 155. Atqui genus infimum & differentia specifica sunt notæ ad id sufficientes §. 129. & simul brevissimæ, quia continent in se omnia superiora genera & differentias usque ad ens. At si tradatur per genus aliquod superius, aut differentiam genericam, vel enumerantur inferiora, idque est contra finem secundarium definitionis, idest breviter, vel non enumerantur, idque adversatur primario, quia per sola genera superiora & similes differentias non satis res cognoscitur & ab aliis distinguitur, cum inferiora in superioribus non contineantur §. 128. num. 2.

2. Prob. secunda pars simili ratione, quia partes & modus, quo partes conjunguntur sunt essentialia rei compositæ §. 138. & partes proximæ in se continent alias omnes usque ad simplices §. 131. num. 2.3.

3. Ita a nobis Logica definita fuit §. 70. n. 6. pars *Psychologia Practica*, quæ &c. non autem pars *Psychologia*, aut pars *Philosophia*, quia simul ac ponitur esse *Psychologiae Practicæ* pars, intelligitur esse quoque *Psychologiae*, quia practica est pars *Psychologiae*, & etiam *Philosophiæ*, quia una ex hujus partibus est *Psychologia*.

§. 159.

Corollarium.

Definitio converti debet cum definito ea ratione, ut fiant duæ propositiones universales affirmantes & ambæ veræ, quarum prima loco subiecti habeat rem definiendam, & loco prædicati notas ejusdem, secunda loco subiecti notas, & loco prædicati rem definiendam. Ut si hæc definitio *triangulum est figura plana tribus lineis rectis constans*, est bona, sint veræ necesse est hæc duæ universales affirmantes propositiones, *omne triangulum est figura plana tribus lineis rectis constans*, *omnis figura plana tribus lineis rectis constans est triangulum*. Ratio plana est, quia in definitione enumerandæ sunt notæ, quæ illi soli rei conveniunt §. 155. & 150.

§. 160.

Corollarium.

Objectum simplex definiri non potest. Nam definitio instituta est ad id explicandum, quod ob breviter loquendi uno signifi-

ca-

catur nomine, tametsi ad illud percipiendum pluribus ideis opus sit, quæ deinceps in definitione pluribus vocabulis exprimi possunt. At in objecto simplici, ut in ente, non sunt plures ideæ, sed una tantum, saltem essentialis §. 151. num. 2. Ergo objectum simplex definiri non potest.

§. 161.

Definitio.

Circulus in definiendo committitur, cum primus terminus definitur per secundum, & deinceps secundus per primum, idest cum in definitione primi positi loco subiecti utor secundo posito loco prædicati, & deinceps in definitione secundi positi loco subiecti primum similiter usurpo. Ex. caussa si primum ita definitio diem; *dies est spatium 24 horarum*, & deinde horam; *hora est vigesimaquarta pars diei*. Qui circulus committitur etiam, cum non ita proxime primum per secundum, & inde secundum per primum definitio, sed magis minusve remote primum per secundum, secundum per tertium &c. deinde hoc ultimum explico per primum v. g. *digitus parisiensis est duodecima pars pollicis, pollex est duodecima pars pedis, pes autem est mensura continens 144 digitos*.

§. 162.

Propositio.

Hic circulus est vitiosus in definitione. Nam ille circulus est vitiosus quo finem primarium definitionis, sive claram distinctamque rei definitæ cognitionem §. 155. non assequimur; re autem vera hoc circulo hunc finem nequaquam assequimur. Nam cum definitio, sive declaro primum per secundum, pono secundum mihi esse notum ante primum, sive absque primo; res siquidem obscura declarari debet per id, quod mihi aliunde cognitum est: cum vero definitio secundum per primum, ob eandem rationem pono secundum non esse mihi notum ante primum & absque illo. Jam vero impossibile est, ut secundum sit notum ante primum & absque illo, & non sit. Ergo hic circulus in definiendo est vitiosus. Et revera per dictas definitiones nemo potest in cognitionem venire aut digiti parisiensis, aut pollicis, aut pedis; bene vero si primum definit digitum; *digitus est mensura equalis grano bordeaceo*.

§. 163.

Definitio.

Definitio nominalis est, in qua nondum constat rem definitam esse possibilem, sive simul esse quire notas definitione contentas. Realis autem, si id constet.

§. 164.

Quæstio.

Hic autem quærimus, an definitionibus uti possimus, tamquam certis principiis, ad inde inferendas propositiones. Invaluit enim

Tom.I.

M

apud

apud Scholasticos illud adagium ; *unusquisque ex suis principiis bene ratiocinatur* .

2. Ad id autem definiendum primo advertendum est aliquando definiri & explicari rem quæ a mente cognoscitur ex. g. Petrum , qui per oculos in mente sui excitat ideam , aliquando autem terminum , & hunc in duobus eventibus , primo cum eum intelligo jam determinatum ad rem sive ideam aliquam significandam .

3. Secundo cum eum accipio in se , prout sonus est , & quatenus nondum a me intelligitur , ut arbitrio hominum determinatus ad aliquid significandum .

§. 163.

Propositio.

Ut bona sit definitio rei , vel nominis ad rem significandam determinati , enumerari debent vel omnia illius essentialia , vel attributa propria ; quia sola essentialia , vel attributa propria illius rei sunt bonæ notæ §. 150.

2. Ut vero bona sit definitio nominis sive termini , qui nullam adhuc intelligitur habere significationem , satis est enumerare notas aliquas , quæ possint simul esse , & quarum una ab aliis determinate non proficiatur . Nam cum definitur terminus , qui nullam adhuc ponitur habere significationem , a definitione eam primum accipit . Atqui si eam primum accipit a definitione , ad eum finem ut bona sit definitio , satis est afferre notas aliquas , quæ possint simul esse . Ergo &c. Prob. min. Bona est definitio , quæ traditur per essentialia aut per attributa propria ; atqui ex altera parte notæ possibiles sunt essentialia vel attributa propria alicujus vel individui , vel speciei , vel generis , vel saltem accidentis , quia quæ sunt accidentalia substantiæ , sunt essentialia accidenti v. g. quatuor latera æqualia sunt accidentalia corpori quadrato , necessaria tamen figuræ quadratæ ; & ex altera terminus per eas definitus significat hujusmodi ens. Ergo &c.

3. Ex quo colligitur propositæ quæstionis solutio . Nam uti possumus definitionibus tamquam certis principiis , si saltem compertum sit eas continere notas , quæ simul esse queant , non vero si id lateat .

ARTICULUS III.

De Divisione.

§. 166.

Definitio.

Divisio est propositio, quæ loco prædicati habet resolutionem subiecti in suas partes, ex quibus componitur; ut hæc propositio, homo dividitur in corpus & animam. Hæc divisio est propria, & dicitur divisio resolutionis.

2. Divisio impropria, quæ dicitur compositionis, quia potius est compositio, est propositio, quæ loco prædicati habet distributionem generis, aut speciei in suas differentias, quibuscum componitur; ut animal dividitur in rationale, & irrationale, sive animal aliud est rationale, aliud irrationale.

§. 167.

Propositio.

Res in utraque divisione prius dividenda est in partes proximas; tum proximæ in remotas primi gradus, deinde remotæ primi in &c. Ut syllogismus prius dividendus est in tres propositiones, deinde singulæ propositiones in subiectum, prædicatum & verbum: item ens prius dividendum est in substantiam, & accidens; deinde substantia in substantiam a se, & in substantiam ab alio. Hoc enim pacto constituuntur partes proximæ, remotæ in primo gradu, in secundo, in tertio, quod adeo ad plura necessarium est, & maxime ad ideas adæquatas §. 153, & ad exactas simul brevesque definitiones §. 158. num. 2.

§. 168.

SCHOLION XXI.

Quantum momenti sit in hisce regulis definitionum, & præsertim in iis, quæ ad nominales pertinent atque ad reales, vel colligi potest ex multis iisque gravissimis erroribus, in quos inciderunt vel magni nominis Philosophi, cum ad has leges animum non adverterunt. Ut id doceam & simul quæ in superioribus tradita sunt, luculentius confirmem, operæ pretium arbitror huc transferre, quæ Tomo 1. Phyl. Gen. §. 214. disserui adversus Cl. auctorem Anglum, qui utramque Cartesii & Leibnitii circa mensuram virium sententiam conciliare conatus est. Sunt autem hæc., Hactenus Anonymus in referenda Cl. Angli sententia, ad quam examini subijciendam mihi primum opus esse video expendere quæstionem hanc dialecticam, an definitionibus uti possimus tamquam certis atque evidentibus principiis, unde alia eruere ac demonstrare liceat. Dum enim auctor pronunciat virium mensuram definitione contineri oportere, non expremittis aut ratiociniis ostendi, nullam nominis definitionem posse esse falsam, veram esse utramque Cartesii & Leibnitii virium æstimationem, illam sumpta velocitate pro mensura earundem, hanc posito velocitatis quadrato, mihi suspi-

cionem ingerit homini saltem ex aliqua parte probari principium quoddam quod in ore Scholasticorum audiui : *unusquisque juxta sua principia bene discurret* . Quod quatenus intelligi oporteat, ne in palmares incidamus errores, propozitæ solutione quæstionis faciam perspicuum. Hoc igitur in antecessum constituto definitionem nominis esse illam , in qua non constet, utrum simul esse possint notæ, quæ ad aliquid cognoscendum ipsum in se , & ab aliis omnibus inter-noscendum assumuntur; quæ saltem duæ esse debent, proptereaquod objectum omnino simplex unaque simplici notione percipiendum, uti est ens generatim inspec-tum, ipsum per se intelligi quidem potest, explicari autem non potest; definitionem vero rei, in qua constet eandem notas simul esse posse; ajo pri-mum in quacumque definitione ante opus esse ut vel ex se constet vel osten-datur notas ea contentas simul esse posse, quam ut illa tamquam certo ad alia elicienda principio abutamur. Si enim id non liqueat, fieri potest, ut ex no-tæ simul esse non queant, atque idcirco quod ex illis coalitum ponitur, sit impossibile atque ideo nec ens, nec ullis entis attributis donatum. Quo posito nihil eorum, quæ inde inferrentur, certum esset & exploratum; immo quid-quid efficere-tur, esset falsum & impossibile, si notarum copulatio inter ea, quæ esse nequeunt, recenseretur. Exemplo esse potest communis illa vacui definitio, spatium omni corpore destitutum, quæ omnibus imposuit Philosophis tum iis, qui vacui possibilitatem defendunt, tum iis, qui impugnant, illis, quia cum clare & perspicue viderent possibilitatem omnium corporum e cubiculo educen-dorum, quin alia succederent, & parietes moverentur, crediderunt restare spa-tium simul extensum, & omnis expert corporis extensæque substantiæ, indeque intulerunt extensionem non soli substantiæ creatæ extensæ convenire, & alia quamplurima, quæ a communibus abhorrent notionibus, ut suo loco notatum est; his autem, quia cum extensionem cum negatione substantiæ extensæ com-poni non posse viderent, etiam possibilitatem omnium corporum ex aliquo spatio educendorum præstare negarunt, tamen ea clarissimis notionibus contineretur. Ex iis autem, quæ §. 8. & seq. Phys. Gen. disputavimus, nemo non colligit illa duo, spatium extensum, & negationem cujuscumque substantiæ ex-tensæ, in una sede morari non posse, & ex hac præjudicata opinione, quam definitio vacui insinuavit, factum esse, ut alterutrius sententiz Patroni se in-ex-tricabilibus nodis astringerent. Sic ex definitione extensæ continui originem du-xisse reor omnes tricas atque angustias, in quas se conjecerunt Philosophi in ejusdem proprietatibus explicandis. Nam extensum continuum definientes id quod habet partes extra partes, inter quas nulla alia interponi posset, qua definitio-ne ideam imaginariam contineri docuimus §. 21. n. 9. citati libri, toti in eo fuerunt, ut qua ratione ex partibus continuum coalesceret, docerent, & ex-tensionis continuæ rationem in iisdem partibus quærerent. In quo quantum a scopo aberrarint, planum fecimus, cum illud ostendimus partes re ipsa distin-ctas in vero continuo non esse, ac tantum abesse, ut hæ sint extensionis ra-tio, ut potius extensio ante omnes etiam infinitas partes reperiatur §. 19. & 20. ibid. Hujus vero & aliorum, quæ hinc consequuntur, errorum fons & origo sunt illa duo, quæ perinde ac si una in sede morari possent, simul con-junguntur, extensio continua eaque ex partibus re ipsa distinctis & se proxi-me contingentibus constans. Mitto alia exempla, quæ afferri possent; cum ex ratione nuper allata, & ex iis, quæ attulimus, satis liqueat id, quod propo-situm

tum est, in qualibet definitione opus esse, ut notas illa comprehensas posse simul copulari ante peripicuum fiat, quam illam veluti certum & exploratam principium in aliis concludendis usurpemus.

2. Quo confutito adverto posse definiri vel rem, quæ per sensus in animum illabitur, uti arborem, quam video, vel nomen, quod imaginatione percipio, illudque in duplici statu; vel enim nondum determinatum est ad aliquid significandum, vel jam determinatum est. Si definitio rem, ut arborem ante oculos positam, aut nomen jam ad rem significandam determinatum, ut arborem, cuius nomine a me & ab aliis ea intelligitur, quæ talem in sensus impressionem antea fecit, illud statuo non satis esse enumerare notas aliquas, quæ simul esse possint, sed opus esse illas asserre, quæ sunt propriæ ejusdem, idest vel essentialia vel attributa propria. Cum enim ex altera parte definitio instituta & comparata sit ad eum finem, ut res ipsas in se cognoscamus, ex altera vero solæ notæ propriæ seu vel omnia essentialia rei, vel attributa propria nobis utrumque præstare possint §. 22. num. 40. & seq. & num. 6. & 23. ib. evidenter consequitur non satis esse in definitione rei quascumque possibiles notas asserre, sed illas in medium adduci oportere, quæ sint propriæ ejusdem, cuiusmodi sunt sola essentialia & attributa propria. Quod valet etiam in definitionem nominis ad rem significandam determinati, quia perinde est definire rem & definire nomen, quod ad illam significandam jam restrictum est.

3. At si nomen nullum adhuc significatum habet, aio satis esse in illo definiendo duas asserre notas, quæ simul esse queant, iisque notis optimam definitionem formari. Nam nomen adhuc indifferens a definitione suum significatum primum accipit, ab eaque determinatur ad aliquod ens significandum. Ergo bona erit, si proprias ejusdem notas enumerabit. Duo vero, quæ possunt simul esse, constituunt aliquod ens, cum possibile & ensidem sit, suntque ejusdem essentialia, vel attributa propria. Nam eatenus non erunt essentialia aut attributa, quatenus poterunt esse accidentia; eatenus vero non erunt propria, quia communia. At ipsamet accidentia etsi non substantiæ, tamen illi accidenti necessaria sunt, illudque tamquam essentia vel attributum componunt, uti quatuor latera æqualia sunt accidentia corpori, essentialia tamen figuræ quadratæ, quæ corpori accidit. Quæ autem sunt communia individuis, sunt propria speciei, quæ communia speciei, sunt propria generis infimi, quæ communia generi infimo, sunt propria generis superioris primi gradus & ita porro. Quare illa duo possibilia, quæ definitio complectitur, erunt essentialia vel attributa propria si minus substantiæ, saltem accidentis, si minus rei determinatæ, saltem indeterminatæ, idest vel speciei, vel generis infimi, vel superioris primi gradus &c. uno verbo illius entis, ad quod significandum nomen a definitione determinatur. Igitur definitio nominis ad rem aliquam significandam nondum determinati bona erit certumque principium, si modo notas, quæ simul esse possunt, complectatur.

4. Ex his multæ eæque maximi usus definitionum regulæ oriuntur, quas mihi nunc esse prætereundas video, ne a proposito magis aberrem, atque ut propius accedam ad id, cuius gratia hunc in locum excurri. Si definienda sulciatur mensura vis, nemo non videt hic definiri nomen jam determinatum ad aliquid significandum; nam nomine vis intelligitur ea, qua cientur corpora, cum moveri conspiciamus, quam aliquid esse absoluti & permanentis & a mo-

tu

tu distincti suo loco probavimus §. 119. ibid. nomine autem mensuræ id, quod aliquoties repetitum aut per solos integros numeros, aut per integros simul & fractos rem, quæ est metiendæ, exæquat §. 43. num. 4. & seq. ibid. Quamobrem ex iis, quæ hæcenus disputavimus, compertum fit non satis esse notas aliquas possibiles in ejus definitione numerare, sed opus esse, ut quæ asseruntur, sint propriæ mensuræ vis. Unde suo non funguntur munere nec Cartesiani, cum simpliciter sumunt mensuram vis esse materiam, quæ movetur, ductam in velocitatem, nec Leibnitiani, cum materiam ductam in quadratum velocitatis, sed utrisque incumbit id ita esse aut rationibus aut experimentis evincere, cum secundi adversus primos dicere possint, ut dicunt, eam esse mensuram quantitatis motus, qui vi generatur, non vis, quæ illum generat; primi autem reponere, ut reponunt, eandem esse mensuram causæ & effectus, qui ab illa est. Quamobrem fallitur auctor & contra Logicæ regulas peccat, dum virum mensuram simplici definitione contineri, non autem monstrari oportere contendit. „

5. Atque hæc sunt quæ citato differuimus loco, quorum adminiculo & speciatim mihi videor ultimam imposuisse manum quæstioni de viribus vivis in sententiam Leibnitii, & univèrse compertum feci multorum eorumque maximi momenti errorum fontem & originem esse non satis evolutas definitionum leges. Quo easdem magis magisque declarem, operæ pretium arbitror hic quædam adjungere, quod attinet ad definitiones nominales. Ac primum adverto non esse quidem sine causa discendum a communi verborum significatione, ne suis quisque scriptor novis vocabulis novique significationibus memoriam legentium onerando, cognitionem rerum longiorem & difficiliorem efficiat, sed non idcirco definitionem contra regulam hujusmodi traditam in genere definitionis peccare, si modo notas complectatur possibiles, & auctor terminum ita definitum non in alio sensu, quam in sensu definitionis accipiat. At enim etsi definitio contineat rem possibilem, fieri potest ut non bene tradatur, quia scilicet possit enumerare vel aliqua solum essentialia, vel aliqua tantum attributa communia, vel etiam accidentia. Ergo ex ea ut non bene tradita nihil effici possit. Verum est in promptu responso, quam etiam citato loco dedi. Nam aliqua tantum individui, ut Petri, essentialia, ut corpus vivens, sunt omnia essentialia vel speciei, vel generis infimi, vel superioris gradus cujusdam. Unde ad summum definitio peccaret, quia recederet a recepto verborum significato, non quia non possent alia inde tuto concludi. Hoc idem responderetur, si res per aliqua tantum attributa communia definiatur. Cum enim attributa communia sint propria illorum essentialium, a quibus proficiuntur §. 85. n. 3. solum entis, in quibus illa essentialia tantummodo forent, definitionem haberemus. Si vero accidentia ponerentur, esset definitio bona non speciei essentialis, qualem §. 127. definivimus, sed accidentalis. Unde in quolibet eventu possumus uti definitione, tamquam certo principio ad alia inferenda, si tamen, ut dixi, subiectum non acceperimus nisi in sensu, qui per definitionem determinatus fuit.

6. Neque dicas hinc consequens esse quamlibet definitionem, quæ notas possibiles contineat, esse bonam, quod experientiæ adversatur, & regulis definitionum, quæ frustra a Philosophis asseruntur. Responderetur enim omnem quidem notas possibiles continentem definitionem esse bonam, si auctores non intelligat

gant subjectum nisi in sensu definitionis, & ad aliquid aliud non determinant; non autem si subjectum accipiunt alio in sensu, vel ad quidpiam in particulari determinant. Nam si ex. g. definiendo hominem per corpus vivens, aliud vocabulo hominis non intelligam nisi corpus vivens, reprehendar, eo quod ab usu communi loquendi recedo, non vero quia in definiendo peccem, aut ex illa nequeam inferre homini ita accepto convenire quæcumque in corpus vivens convenire ostenduntur. At si nomine hominis intelligam id, quod omnes per illud sibi volunt, vel hoc nomen determinem ad individua, ut Petrum, Paulum &c. & iis revera tribuam, mea definitio est vitiosa, quia hominis ita accepti *corpus vivens* notæ sufficientes non sunt. Cum enim individua quælibet habeant omnia determinata, scilicet essentialia, attributa & modos, non est in mea potestate notas eorum mutare, aut quas velim etiam non sufficientes ad rem cognoscendam asferre. Primam ob causam peccat hæc Euclidæ parallelarum definitio *lineæ parallele sunt quæ in infinitum productæ numquam concurrunt*; siquidem ex altera parte nomine parallelarum auctor intelligit eas, quæ ita appellantur ab aliis Geometris, quæ semper æqualiter distant, & ex altera lineis parallelis hoc sensu intellectis attribuit pro nota attributum, quod etiam cadit in alias lineas minime æquidistantes, quales sunt a ymtotus & hyperbola. Quamquam excusari potest Euclides ex eo quod tunc in animo habuerit definire solum lineas rectas parallelas, quarum est proprium, ut etiam si producantur in infinitum, numquam concurrant. Unde Euclidis definitio ita essenda est; *lineæ rectæ parallele sunt rectæ, quæ numquam concurrunt*. Hæc enim duo, *rectæ quæ numquam concurrunt*, in solas conveniunt rectas æquidistantes.

7. Atque ex his infero solutionem celeberrimi illius quæstionis, quæ occasione quarundam Euclidis definitionum paucis ab hinc annis Italarum Geometrarum torfit ingenia, an scilicet definitio sit arbitraria nec ne. Dummodo enim notas, quæ simul esse possint, contineat, arbitraria est, si nec ante definitionem, nec post restringitur ad aliquod aliud significandum præter illud ens, quod ex iis notis coalescit; non vero si id fiat.

8. Verumtamen est definitiones aliquas quamvis possibiles notas contineant, in eo peccare, quod eadem notæ sunt exigui, aut nullius usus ad rem in se cognoscendam & ab omnibus aliis internoscendam, & ad cetera, quæ in eadem conveniunt, inde elicienda. Cujusmodi sunt definitiones illæ Aristotelæorum perfectionis puræ, quam ipsi vocant simpliciter simplicem, & mixtæ, quam appellant secundum quid. Cum enim in constituenda differentia inter utrumque perfectionum genus sibi propositum habeant ostendere ac definire, quænam in Deum cadant, & quænam secus; ad hunc finem consequendum quid prodest dicere perfectionem puram esse illam, *quæ est melior ipsa, quam non ipsa*, mixtam vero *quæ est melior non ipsa, quam ipsa*? Periculum faciant, & compertent se illarum adminiculo nihil in hoc negotio posse proficere. Quod si illis substituamus has alias, pura est *quæ est solum ens, nihilque negantis includit*; mixta, *quæ præter ens aliquid etiam negantis sive non entis includit*, ex his facile suo loco eruemus, quænam ex singulis tum animæ nostræ, tum corporum perfectionibus in Deum conveniant, qui cum sit ens a se, a quo omnia alia proficiuntur, omne verum ens in se habeat oportet, atque ideo sit purum ens nihilque negativi complectatur. Eodem vitio laborare arbitror definitiones quæ vulgo traduntur, *lineæ rectæ*. Sunt enim hujusmodi, ut nemo

potuerit etiamnum ex iis rationem elicere præcipue legis naturæ in corporum motu, ex qua tamquam ex capite ceteræ oriuntur, cur scilicet corpus *unica* vi pulsum lineam rectam percurrat. Et sane tomo III. Phys. Gen. §. 183. vidimus Cl. Buschovichium negare id fuisse ab aliquo demonstratum, aut demonstrari posse, propterea quod quæ una ratio ducitur ex illa ceteris meliori definitione *linea recta est omnium brevissima, quæ inter duo puncta duci possunt*, nihil omnino conficit, nisi prius ostendatur, quod non sit, nec fieri potest, naturam amare & seligere brevissimam viam. At si animum advertamus ad illam lineæ rectæ proprietatem, quam ibi num. 9. examinavimus, in eo positam, quod quæcumque linea a recta diversa inter duo puncta ducatur, altera æqualis, similis & similiter posita inter eadem duci quit, & inde eruamus hanc lineæ rectæ definitionem, *linea recta est ea, quæ unica est inter duo puncta, adeo ut alia nulla æqualis, similis similiterque posita inter eadem duci possit*, ex eadem adminiculo tamen rationis sufficientis principii, quod in causis cognitione carentibus obtinere certo certius est §. 77. num. 5., diæz legis ratio, quemadmodum ibi docuimus, facile eruitur, & huic prope depositæ ac desperatæ Physicæ parti succurritur.

9. Hæc & alia, quæ hinc effici possunt, si a Philosophis diligenter animadvertantur, futurum spero, ut non solum facilius sibi ab erroribus caveant, verum etiam majores in universa Philosophia, & in metaphysicis præsertim disciplinis faciant progressus; ego certe si quid in iis profeci, quod sentio quam sit exiguum, eadem mihi magno fuisse adjumento sentio ac profiteor.

CAPUT QUINTUM.

De veritate & falsitate idearum.

§. 169.

Definitio.

Veritas ideæ est convenientia ideæ cum objecto percepto, ut re ipsa est, aut esse potest; falsitas est non convenientia ideæ &c.

§. 170.

Propositio.

Puræ ideæ in quibus non percipitur convenientia inter unam & aliam rem, sunt semper veræ, numquam falsæ. Nam vel sunt simplices, vel compositæ; si simplices, illæ vel repræsentant totum objectum, vel nulla ex parte, quia in objecto ideæ simplicis non sunt plures partes, quarum una exhiberi possit, non aliæ §. 131. Si totum exhibent, sunt cum illo conformes; si nulla ex parte, nec possunt dici diffformes ab objecto percepto, eo quod erunt conformes cum alio simplici objecto. Ut si pictor conductus ad Cæsaris imaginem formandam, Antonii imaginem formet, hæc imago non erit falsa imago Cæsaris, sed nulla Cæsaris & vera Antonii.

2. Sin autem sint compositæ in primo gradu, singulæ simplices erunt conformes cum sua objecti parte; si compositæ in secundo, singulæ.

singulæ compositæ in primo cum sua parte objecti convenient &c., si in tertio &c. Ergo puræ ideæ in quibus non percipitur convenientia inter unam & aliam rem, sunt semper veræ, numquam falsæ.

§. 171.

Propositio.

Si vero in idea composita non solum percipiamus eodem tempore duo, sed etiam alterum tamquam alteri conveniens, idea composita est falsa in duobus eventibus; primo cum percipit posse convenire illa, quæ repugnant, sive simul esse nequeunt; 2. cum percipit reipsa & actu convenire quæ reipsa & actu non conveniunt. Nam in primo eventu percipit convenientiam, quæ non est, nec esse potest; in secundo tamquam actu convenientia, quæ actu non conveniunt. Ergo est difformis ab objecto percepto.

§. 172.

Objectio.

Nulla est ratio, qua probatur ideam compositam in secundo eventu esse falsam. Ergo in secundo eventu idea composita non est falsa. Prob. ant. Ratio a nobis allata in eo posita est, quod idea composita repræsentet duo inter se non convenientia; atqui etiam si repræsentet duo inter se non convenientia, tamen non est falsa. Ergo &c. Prob. min. Non est falsa in se & difformis ab objecto percepto, sed solum fallax, sive falsa ratione sequentis judicii, cui præbet occasionem errandi. Ergo &c. Prob. ant. Speculum & pictura etsi repræsentent res minime convenientes, ut asinum volantem, tamen non sunt falsa in se, sed solum fallacia ratione sequentis judicii, quod in errorem inducunt. Ergo &c. Prob. conseq. Speculum & pictura respectu rerum, quas exhibent, ita se habent, uti composita idea respectu rerum, quas pariter repræsentat. Sed ex concessis speculum & pictura &c. Ergo ex concedendis &c.

§. 173.

Responsio.

Dist. maj. Ita se habent, cum idea composita exhibet tantum duo non convenientia simul, sed minime tamquam convenientia co. cum exhibet tamquam actu convenientia illa, quæ re ipsa non conveniunt ne. Hinc dist. con. Ergo etsi idea composita repræsentet duo non convenientia, non est falsa in se, si exhibeat illa simul, non tamen tamquam convenientia co. si exhibeat tamquam convenientia ne. Discrimen est inter speculum atque picturam, interque ideam compositam, quod speculum & pictura exhibent quidem simul & eodem tempore res non convenientes, ut asinum volantem, sed non tamquam inter se convenientes. At idea composita aliquando solum exhibet simul & eodem tempore duo non con-

venientia, aliquando vero etiam tamquam convenientia. Unde in primo eventu est similis speculo & picturæ, ideoque non est falsa in se & difformis ab objecto percepto, ut ostendimus §. 170. At cum exhibet convenientiam inter duo non convenientia, differt a speculo & pictura, & est falsa in se, & difformis ab objecto percepto, non ratione habita singularum partium objecti, sed ratione habita earum, quatenus ad se invicem referuntur, & secunda percipitur conveniens primæ, quamvis revera nequaquam conveniat.

§. 174.

Instantia.

Atqui licet idea composita rerum convenientiam exhibeat, tamen non est falsa in se & difformis ab objecto percepto. Ergo &c. Prob. min. sub. Est conformis cum objecto tunc revera percepto. Ergo &c. Prob. ant. Cum mea idea repræsentat ex. g. remum in aqua inflexum, & inflexionem tamquam actu convenientem remo, tunc objectum revera perceptum non est remus præsens, sed alius remus; atqui alius remus, revera inflexus esse potest. Ergo idea composita est conformis cum objecto revera percepto.

§. 175.

Responsio.

Dist. maj. Cum mea idea &c. objectum perceptum non est remus præsens, sed alius remus, si idea non determinetur ad exhibendum remum præsentem adjectione particularum *hic, iste, ille* co. si determinetur ne. Hinc dist. conseq. Ergo idea composita est conformis cum objecto revera percepto, si objectum perceptum non solum contineat duo non convenientia, verum nec convenire potentia ne. si contineat duo ipsa quidem non convenientia, sed tamen convenire potentia sub. eadem ratione, ac major distincta est. Nam vel agitur de duobus inter se repugnantibus, quæ nec conveniunt nec convenire possunt, ut circulus quadratus, triangulum habens tres angulos minores duobus rectis: & tunc idea composita, quæ inter hæc convenientiam percipit, est difformis ab objecto revera percepto, quia ex altera parte objectum revera perceptum est ex. g. triangulum, & habens tres angulos minores duobus rectis, & ex altera alterum tamquam alteri conveniens percipitur; quod nec est, nec esse potest. Vel agitur de duobus quæ actu non conveniunt, sed tamen convenire possunt, ut remus in aqua inflexus: & tunc vel mens percipit sine particulis *hic, iste, ille*, vel cum hisce particulis. Si primum, tunc non est difformis ab objecto percepto, quia objectum perceptum non est remus præsens, sed aliquis tantum remus, cui perceptioni occasionem præbet remus ille præsens, qui in aqua inflexus apparet. Cum vero in aliquem remum in aqua

po.

positum inflexio cadere possit, perceptio convenientiæ inter aliquem remum, & inflexionem cum objecto revera percepto conformis est: Sin autem secundum, tunc iis particulis idea determinatur ad remum præsentem in aquamersum exhibendum, & quia cum illo remo inflexionem tamquam reipsa convenientem intelligit, idcirco ab objecto revera percepto difformis est.

§. 176.

Instantia.

Quando percipiuntur tamquam convenientia duo, quæ repugnant, idea non est difformis ab objecto revera percepto. Ergo nulla diff. Prob. min. sub. Cum mens percipit circulum tamquam quadratum, aut non habet ideam circuli, aut non habet quadrati, sed intelligit alia duo, inter quæ convenientia esse potest. Ergo &c. Prob. ant. Duo repugnantia nequeunt percipi tamquam convenientia. Ergo &c. Prob. ant. Percipere duo repugnantia, tamquam convenientia, idem est ac percipere non ens, sive negationem entis tamquam convenientem enti ex. g. percipere circulum quadratum est idem ac percipere non rotundum, tamquam conveniens rotundo; atqui mens non potest percipere non ens, sive negationem entis, tamquam convenientem enti. Ergo &c.

§. 177.

Responsio.

Percipere duo repugnantia, tamquam convenientia, est idem ac percipere non ens tamquam conveniens enti, si contradictio sit manifesta co. si lateat ne. Hic sunt duæ sententiæ omnino contrariæ, altera Peripateticorum absolute-affirmantium quæcumque impossibilia ab intellectu vi reflexionis posse percipi tamquam convenientia; altera Cartesii Sæctatorum, qui id absolute inficiantur. Sed neutris omnino lis adjudicanda est; nam distinctis duabus conditionibus, sub prima falsa est primorum sententia, & vera secundorum, sub altera vero e contrario. Nam cum loquimur de iis, quæ manifeste repugnant, qui fieri potest ut ex. g. percipiam figuram rotundam tamquam triangulo convenientem, cum figura rotunda diserte neget triangularem? Atque sub hac conditione verum est quod obijcitur, eum qui triangulum tamquam rotundum perciperet, aut trianguli aut figuræ rotundæ notionem minime habere.

2. At si contradictio implicita sit, minimeque cognita, uti contingit, cum percipio triangulum tamquam habens tres angulos duobus rectis minores, quæ contradictio in Geometria rudibus incognita est, quis inficias ibit me posse habere veram essentiæ ideam trium angulorum, qui simul sumti sint duobus rectis minores, & alteram ideam tamquam alteri convenientem percipere? Nam contradictio impli-

N 2

cita

cita atque ab intellectu ignorata perinde est, ac si non foret ratione habita intellectus, qui eam ignorat, ideoque ipsius cognitionem impedire non potest.

§. 178.

SCHOLIUM XXII.

Mirum est in rebus adeo clavis inter se digladiari Philosophos, quorum aliis placet omnes ideas esse posse falsas, aliis vero nullas, nec eas ipsas, quibus convenientia aut discrepantia percipitur inter duas res. Quod attinet ad posteriores, rem mihi videor ad vivum reseculisse iis variis distinctionibus, quas usurpavimus in solutione objectorum, & quarum ultima spero futurum, ut finis imponatur illi Scholasticos inter atque Cartesianos agitatae quaestioni. Nec enim expecto dum aliquis exoritur, qui neget esse quaedam contradictoria, quae lateant intellectum. Nam ex iis quae de essentialibus, attributis & modis cap. 1. disputavimus, compertum fit possibilitates omnium modorum & accidentium esse attributa cum essentialibus necessario conjuncta, atque ideo ea, quae possibilitatibus contraria sunt, cum essentialibus quoque pugnare. Jam vero fieri potest, ut aliquos cujusdam rei modos ignoremus. Ergo etiam fieri quit, ut nobis lateant aliquae ejusdem possibilitates. His vero non cognitis necesse est ignoremus etiam contradictionem, quae intercedit inter illius rei essentiam, interque illa, quae dictis possibilitatibus adversantur. Ita fit ut hoc esugium omnino pracludatur.

2. Quod vero attinet ad primos, non erit abs re quaedam adjungere ad quaestionem hanc luculentius declarandam. Nam vel agitur de ideis, quae per sensus proxime ingrediuntur, vel de iis aliis, quae pendent a reflexione §. 121. n. 2. Si primum, illae quidem non exhibent res eo modo, quo sunt; nam ut constat ex Physicis, corpora & eorum proprietates valde aliae sunt, ac sensibus apparent. Sed hac de causa falsitatis arguendae non sunt, eo quod ex altera parte cum nullam convenientiam percipiant inter id quod in mente apparet, & inter id, quod extra mentem reipsa existit, ad rem praesentem exhibendam ipsae per se non determinantur, & ex altera omne id, quod per sensus animam movet sub specie cujusdam corporei plantasmatis, saltem possibile est. Quamobrem hujusmodi ideae cum objecto tunc revera percepto congruunt, quia objectum tunc perceptum non est illud praesens, sed occasione praesentis, quod incurrit in sensus, aliud, quod revera esse potest §. 175.

3. Sin autem secundum, ex ratione §. 170. allata & ex eo, quod impossibile debet continere duo, quorum aliud aliis negationem complectatur §. 72. manifestum fit ipsas ideas simplices a suo objecto dissentire non posse; ex ea vero, quae modo explicata est, nec illas ideas, quae licet compositae, tamen ut aliquod unum per sensus in animam ingressae sunt §. 153. Praestat ergo ut videamus an possint cum objecto pugnare illae aliae, quae vi mentis conjunguntur. Jam vero perspicuum est, quotiescunque mens uno tempore duo cognoscit etiam contradictoria, quin tamen eadem tamquam convenientia percipiat, nihil percipi, quod ab objecto revera dissentiat, cum singulae ideae cum suo objecto convenient, & convenientia minime percepta, quae vi mentis relativi, quod reipsa non sit, intelligatur. Ergo omnes ideae, quae a reflexione pendent, sunt cum suo quoque objecto congruentes, si convenientiam inter plura nequaquam attingant.

4. Non

4. Non inficior tamen ideas, quæ per sensus in anima imprimuntur, multorum errorum occasionem menti præbere, eo quod homines sæpissime judicant non solum esse posse res quæ apparent, & eo modo quo apparent, verum etiam tales, cujusmodi videntur, reipsa extra mentem existere. Unde Logicæ munus foret quasdam tradere regulas, quibus observatis ab hujusmodi erroribus cavere possimus. Ego sane non paucas easque non exigui, ut mihi quidem videtur, momenti ex intimiori Psychologiæ & Physiæ penu depromsi. Verum ob id ipsum, quod ex principiis pendent, quæ hic explicari non possunt, nunc omittendæ sunt, & conquietendum in regulis pro superiori intellectu parte, cujus directionem sibi potissimum Dialectici proposuere. Quamquam ne hanc rem prorsus intactam relinquam, nonnulla de iisdem in fine Logicæ sim traditurus.

PARS SECUNDA.

De Judicio.

§. 179.

Animadversio.

HÆc idea composita, qua convenientiam aut discrepantiam inter duo percipimus, quam esse posse falsam docuimus, aliud non est, quam judicium intellectus, sive secunda intellectus operatio, ut mox ostendemus.

CAPUT PRIMUM.

De Natura judicii.

§. 180.

Propositio.

Judicium, quod est actus intellectus, positum est in percipienda convenientia aut non convenientia prædicatum inter atque subiectum; assensus aut dissensus, qui convenientiæ aut discrepantiæ perceptionem sequitur, sive actus, quo convenientiæ assentimur, aut dissentimur, est actus voluntatis, quem non valde repugnamus si velint appellare judicium, dummodo adjungant, voluntatis. Prob. Ille actus pertinet ad voluntatem, qui cum volitione conjunctior est nihilque habet intellectiōis. Atqui assensus est conjunctior cum volitione, nihilque habet intellectiōis. Ergo assensus qui perceptionem convenientiæ inter unam & alteram ideam sequitur, est actus voluntatis, atque idcirco judicium, quod sit actus intellectus, nequit esse positum nisi in perceptione convenientiæ, aut non convenientiæ. Prob. min. Actus voluntatis intrinsecus non sunt cognitio, sed
eam

eam ante se postulant, quia mens non potest velle aut nolle, nisi quod cognoscit: actus autem intellectus intrinsecus sunt cognitio. Sed ille assensus intrinsecus non est cognitio, sed eam solum postulat ante se. Nihil enim in propositione cognoscit. Siquidem in prædicato & subiecto duo solum cognosci possunt, primum ipsa in se absolute considerata, alterum eadem ad se vicissim relata. Atqui absolutæ ideæ jam norunt ipsa per se considerata, idea relativa, qua convenientiam aut non convenientiam percipimus, novit eadem relative considerata. Ergo per actum assensus, qui sequitur, anima nihil in propositione cognoscit, atque idcirco ille assensus intrinsecus non est cognitio, sed eam solum postulat ante se. Ex quo fit, ut sit actus voluntatis, non intellectus.

§. 181.

Obiectio.

Assensus est conjunctior cum actibus intellectus, quam cum actibus voluntatis; ergo est actus intellectus. Prob. ant. assensus est conjunctior cum obiecto intellectus, quam cum obiecto voluntatis; ergo &c. Prob. ant. Obiectum intellectus est verum, voluntatis bonum; atqui assensus convenientiæ subiectum inter & prædicatum est conjunctior cum vero, quam cum bono. Ergo. &c.

§. 182.

Responsio.

Dist. maj. obiectum intellectus est verum cognoscendum co. verum appetendum seu volitione prosequendum ne. Similiter distinguo minorem. Bonum quod appetit nostra voluntas, est id omne quod intelligitur reddere perfectiorem nostrum statum sive corporis, sive animæ; malum quod averfatur & odit, est id omne, quod imperfectiorem efficere creditur. Sic anima vult sanitatem, quia statum corporis perfectiorem facit; non vult, sive averfatur morbum, quia reddit imperfectiorem. Cum ergo verum sit intellectus perfectio, falsum autem imperfectio, anima vult & amat verum, quod idem est ac eidem assentiri; averfatur falsum, quod est idem ac dissentiri. Unde assensus est volitio veri, & dissensus averfatio a falso. Et sane quod verum sit id, circa quod voluntas potest versari, nonne patet ex læticia voluntatis, cum aliquam veritatem intelligimus aut detegimus, ex moerore, cum nos in errore aliquando fuisse deprehendimus?

183.

Instantia.

Atqui assensus convenientiæ prædicatum inter atque subiectum non est conjunctior cum vero appetendo; ergo &c. Prob. min. sub. Si esset conjunctior cum vero appetendo, assentiri foret idem ac velle verum, tamquam intellectus perfectionem. Atqui assentiri

non

non est idem; ac velle verum; ergo &c. Prob. min. Anima assentitur veritatibus etiam exigui momenti, ut culex est animal, attramen eas non vult; ergo &c. Prob. ant. quod attinet ad secundam partem; voluntas non vult nisi perfectionem; atqui veritas exigui momenti non est ipsius perfectio; ergo &c.

§. 184.

Responsio.

Dist. Veritas exigui momenti non est perfectio immediata voluntatis co. mediata ne. Perfectio immediata voluntatis sunt virtutes morales, iustitia, temperantia &c. quia proxime perficiunt actus ipsius. Perfectio mediata est id omne, quod perficit aliquid cum voluntate conjunctum. Ut sanitas est perfectio corporis, sed quia corpus est cum anima & cum voluntate conjunctum; idcirco sanitas in animæ quoque perfectionem redundat. Jam vero anima non solum ea vult, quibus voluntas perfectior proxime redditur, sed etiam illa, quibus aliquid aliud, sed cum voluntate copulatum, veluti sanitatem. Ergo similiter potest velle & appetere verum, immo & multo magis, quia cum intellectus cum voluntate sit valde conjunctior, quam corpus cum anima, multo etiam plus perfectio intellectus, cujusmodi est verum, in perfectionem voluntatis redundat.

§. 185.

Instantia.

Atqui anima assentitur quibusdam veritatibus, & tamen eas non vult neque tamquam intellectus perfectiones; ergo &c. Prob. min. sub. Homo pius assentitur huic propositioni *peccavi*, & tamen eam non vult; ergo &c.

§. 186.

Responsio.

Dist. non vult peccatum co. non vult ipsam cognitionem peccati ne. Nam aliud est peccatum, aliud cognitio peccati; anima iusti peccatum averfatur, utpote ipsius imperfectionem; cognitionem vero peccati vult & appetit, quiaposito peccato est intellectus perfectio: & revera etiam in Deo reperitur.

§. 187.

Instantia.

Atqui anima ipsam quoque peccati cognitionem averfatur, & tamen eidem præbet assensum; ergo &c. Prob. min. sub. Homo scrupulosus circa peccata præterita ipsam quoque averfatur cognitionem & peccatorum memoriam, eoquod eum habet sollicitum; at tamen ipsi cognitioni assentitur. Atqui voluntas non potest velle & nolle eandem rem. Ergo assensus cognitioni datus non est actus voluntatis, quia si foret, anima vellet & noller eandem peccatorum cognitionem.

Ref-

§. 188.

Responsio.

Dist. voluntas non potest velle & nolle eandem rem sub eadem ratione co. sub diversa ne; & distinguo alteram propositionem. Scrupulosus averfatur cognitionem peccatorum, quatenus est intellectus perfectio ne. quatenus voluntati molestiam creat subd. tamquam causa per accidens co. per se ne. Multa sunt quæ sub una ratione appetuntur, sub alia odio habentur. Ut æger febris laborans & æstuans siti, aquam ut ad sitim restinguendam idoneam vult & appetit; ut noxiam saluti, febrisque calorem augmentem averfatur & odit. Idem usuvenit etiam in veritatibus, quæ voluntati molestæ sunt. Cognitionem earum, ut intellectus perfectionem, anima vult, iisque idcirco præbet assensum, qui est actus, quo eas vult; ut voluntati autem molestam averfatione prosequitur. Advertendum est tamen peccatorum cognitionem per se bonam esse, & non gignere nisi bonos effectus, at per accidens esse posse malam, & malos gignere effectus in homine scrupuloso, eoquod ipse male affectus est.

§. 189.

SCHOLION XXIII.

Etiā in hac quæstione inter se digladiantur philosophi, quorum maxima pars a Cartesio dissentit, cuius sententiam sumus amplexi. Verum allata a me ratio rem omnino persuadere ac cogere mihi videtur, præsertim si advertamus ad id unde petitur est fundamentum distinguendi actus animæ nostræ. Cum enim hæc sit simplex, atque idcirco partibus careat, fundamentum distinguendi a diversis actibus, qui ab illa eliciuntur, sumtum est. Illi enim etsi non diversas partes, tamen diversas facultates requirunt. Cum vero attentione ad nosmetipsos constaret nos & percipere verum, & amare ac velle bonum, eique assentiri; factum est ut duas in anima præcipuas facultates intellectum ac voluntatem distingueremus. Quamobrem il actus ad intellectum sunt referendi, quibus aliquid cognoscimus, ii vero ad voluntatem, qui possunt quidem cognitionem ante se, sed intrinsecus non sunt cognitio. In hoc autem ratio quam protulimus, posita est, quæ majus accipit robur ex solutionibus objectorum, eo quod iisdem manifestum sit, quomodo verum sit objectum, circa quod voluntas versatur, & clare monstratur assentiri esse idem ac velle verum, quatenus est intellectus perfectio. Qua ratione explicati assensus atque dissensus clarissime percipiuntur quid sint, cum e contrario si eos ab actibus volendi & nolendi sejunxeris, vix intelligas quid sint, & clarissimæ veritatis luci tenebras obducas. Id autem confirmabitur etiam aliarum quæstionum quæ circa hujusmodi assensum atque dissensum moventur, solutione, quæ ex Cartesiana sententia a nobis propugnata maximam lucem mutuantur. Interim patet judicium quod sit actus intellectus, esse positum in perceptione convenientiæ aut non convenientiæ prædicatum inter atque subiectum, omnesque illas loquendi formulas *affirmare aliquid, tribuere prædicatum subiecto, aliterum cum altero conjungere* & similes metaphoricæ aliud non sibi velle, quod attrinet ad intellectum, quam perceptionem convenientiæ prædicatum in-

qcr

ter atque subiectum; quod vero attinet ad voluntatem, aliud nihil quam actum volendi hanc convenientiam tamquam intellectus perfectionem: illas autem alias negare, *prædicatum a subiecto disjungere* & similes in intellectu significare perceptionem non convenientiæ, in voluntate actum volendi convenientiam tamquam intellectus imperfectionem; tandem *enunciare prædicatum de subiecto* esse vocem indifferentem, quæ significat vel percipi convenientiam, vel percipi non convenientiam inter utrumque.

2. Ceterum hic prætereunda non est quædam ratio, qua una Cl. Hallerus in adnotationibus ad Prælect. Acad. Boerhavi sententiam Cartesii se posse evertere credit. Sic enim scribit ad §. 586. in adnot. ad verbum *judicium*. *Non quero quid iudicium sit, ne in questionem metaphysicam incidam. Id volo quænam sit corporis conditio, ex qua iudicium nascitur. Judicare voco duas ideas cogitare simul, & percipere absque actione mentis, num utrumque sit eadem, an potius una cogitatio ab altera diversa sit. Quero num eadem sit figura trianguli & circuli. Omnes respondebitis, minime, addetis rationem, quod nempe modus quo triangulum cogitatur, alius sit a modo, quo cogitatur circulus. Exinde conficio iudicium non esse actum voluntatis, assensum vel largientis, vel venientis, quæ Cartesii est definitio. Nemo enim dum sana mentis est, poterit dicere duo & tria facere quatuor, & si aliud dixeris, non eris sibi credulus. Nam iudicium est idearum simul identitas, aut diversitas, ideoque ab ipsa idearum natura pendet, non a nobis; & posita ea identitate aut diversitate cogeris, velis nolis, percipere unam esse, si una sunt, duas esse, si sunt duo. . . . Dum de hac identitate iudicasti, nihil dedisti de tuo, neque liberum dedisti assensum: verum perceptio sola totum hoc iudicium absolvit.*

3. Verum hæc ex aliqua parte non adversantur nostræ sententiæ, qui volumus iudicium, quod sit actus intellectus, esse positum in perceptione convenientiæ aut discrepantiæ inter duas ideas. Ex ea vero, qua videtur ponere assensum voluntatis liberum esse debere, respondemus id quidem a nobis admitti, cum veritas adhuc incerta est & obscura, non vero cum certa & evidens est. Nam in hono appetendo, quod ita apparet sub specie boni, ut etiam contrarium aut contradictorium sub specie boni apparere possit, voluntas libertate donatur; non autem in eo, quod ita perspicue apparet sub specie boni, ut contrarium aut contradictorium tale apparere nequeat. Veritas autem dubia & obscura prima ratione sub specie boni & perfectionis intellectus menti representatur; veritas autem certa & evidens secunda ratione, quia aut ignoratio veri evidentis, aut evidenter falsum sub specie perfectionis intellectus apparere non potest. Ergo assensus, qui a voluntate datur propositionibus incertis, est liber; qui vero certis & evidentibus, est necessarius.

CAPUT SECUNDUM.

De variis propositionum ac iudiciorum speciebus.

§. 190.

Definitiones & Propositio.

Duo sunt modi, quibus prædicatum inest subiecto, necesse & contingens; duo vero quibus non inest, possibilis, & impos-

Tom. I.

O

fi.

sibilis. Necessè est, cum necessario inest, ut non possit abesse salvo subjecto; contingens, cum ita inest, ut tamen possit abesse; possibilis, cum non inest, sed tamen esse potest; impossibilis denique, cum nec inest, nec esse potest; ad quorum modorum aliquem omnia prædicata redigi possunt.

2. Prob. 1. pars. Prædicata quæ insunt subjecto, sunt vel essentialia, vel attributa, vel modi sive accidentia §. 79. 80.; essentialia & attributa necessario insunt ut salvo subjecto abesse nequeant §. 80. modi autem ita conveniunt, ut possint etiam abesse §. 81. Ergo duo sunt modi, quibus prædicatum subjecto inest, necesse & contingens.

3. Prob. 2. pars. Prædicata quæ rei non insunt, vel contradictionem includunt cum subjecti essentialibus & attributis, & tunc non possunt eidem inesse, qui est modus impossibilis; vel nullam cum iis contradictionem habent, & possunt esse, qui est possibilis. Inde fit quatuor esse propositiones modales, quas his exemplis declaramus; aquam esse corpus est necesse, esse frigidam est contingens, esse calidam est possibile, esse inextensam est impossibile.

§. 191.

Propositiones.

Si loco prædicati sint aut essentialia aut attributa subjecti, propositio est absoluta & affirmans; si sint ea, quæ cum essentialibus aut attributis contradictionem includunt, est quoque absoluta sed negans.

Sin autem sint modi, propositio est conditionata aut affirmans, si insint; aut negans, si absint.

Prob. 1. pars. Propositio est absoluta in qua prædicatum necessario aut inest, aut non inest. §. 40. n. 1. Atqui essentialia & attributa necessario insunt, §. 80. quæ cum his pugnant, necessario absunt §. 190. Ergo &c.

2. Prob. 2. pars. Propositio hypothetica est, in qua prædicatum aut inest subjecto aut non inest, non semper & in omni statu, sed solum aliquando, & in aliquo statu, & sub aliqua conditione §. 40. n. 2. Atqui si modi sunt in subjecto, reperiuntur quidem sed non semper & in omni statu, sed solum in aliquo & sub certa quadam conditione; & pariter si non sunt, non semper absunt; quia ut modi sint reipsa in ente, opus est actione externi entis, a quo ii modi gignantur §. 106. & seq. Unde si ens illud operetur in aliud ens existunt modi; si non operetur, minime existunt; ut si ignis suam in aqua vim explicet, aqua calida est; si non explicet, calore non imbuitur. Ens autem externum potest esse, & non esse, aut potest ope-

operari, & non operari. Ergo si prædicata sint modi, propositio est hypothetica, sive conditionata, aut affirmans, aut negans.

§. 192.

Definitiones.

Hic non differo de aliis propositionum generibus, propterea quod de iis satis accurate differuimus in Institutionibus; & solum tra-
do definitiones earum, quæ a Geometris usurpantur. Propositio alia est per se nota §. 60. alia obscura. Propositio per se nota est vel axioma, vel postulatum; axioma est propositio per se nota & speculatrix, ut *impossibile est idem simul esse & non esse*; postulatum est propositio per se nota, & practica; ut *a puncto ad punctum recta linea ducenda est*. Propositio obscura est vel theorema, vel problema; theorema est propositio obscura & speculatrix, ut *ens a se existit*; problema est propositio obscura, sed practica, ut in prima figura minor debet esse affirmans §. 58.

CAPUT TERTIUM.

De veritate & falsitate propositionum.

§. 193.

Propositio.

Omnis propositio aut determinate vera est aut determinate falsa. Nam impossibile est idem simul esse, & non esse §. 72.; ergo aut prædicatum inest subiecto propositionis, & tunc affirmans est vera, & negans falsa §. 32., aut non inest, ac tunc affirmans est falsa & negans vera.

§. 194.

Objectio.

Sunt quædam propositiones tum veræ, tum falsæ; ergo non omnis propositio aut vera, aut falsa est. Prob. ant. Si quis cum antea nullum verbum protulerit, ex abrupto ajat, mentior, hæc propositio est simul vera & falsa; ergo &c. Prob. ant. quod attinet ad primam partem, quia secundam concedimus. Est vera, si tunc mentitur, atqui tunc mentitur; ergo &c.

§. 195.

Responsio.

Dist. min. tunc mentitur, si eodem tempore, quo profert propositionem, judicet se non mentiri co. si judicet se mentiri ne. Nam proferens hanc propositionem vel eodem instanti judicat se non mentiri, vel judicat se mentiri. Si primum, judicium est falsum; quia mendacium illi revera convenit; mentiri enim est aliud judicare & in animo habere, aliud verbis proferre. Ergo qui judicat se non mentiri, & se mentiri significat, revera mentitur, & ideo

falsum judicat. Si secundum, judicium pariter falsum est, quia judicat se mentiri, & revera non mentitur; nam idem, quod in animo habet, verbis significat. Ergo judicium mente conceptum semper falsum est, numquam verum; veritas autem aut falsitas proprie in judicio mentis reperitur; in propositione autem, quæ est signum judicii, solum tamquam in signo.

§. 196.

Instantia.

Atqui in hypothesi quod mens eodem tempore judicet se mentiri, illud judicium *ego mentior* est falsum simul & verum; ergo &c. Prob. min. sub. Est falsum, ut concedimus; est verum, ut probamus. Ergo &c. Prob. añs. Si falsum est me mentiri, verum dico; atqui si verum dico, judicium respondens est verum. Ergo &c.

§. 197.

Responsio.

Dist. maj. Si falsum est me mentiri, verum dico in sensu morali & quod attinet ad voluntatem co. in sensu logico & quod attinet ad intellectum ne. Nam veritas moralis est posita in congruentia propositionis prolatae cum judicio mentis, cujus veritatis prolatio est actus virtutis posita in voluntate; veritas logica est convenientia judicii cum re judicata, estque posita in intellectu. Jam vero qui cum antea nihil dixerit, profert hanc propositionem *mentior*, & eodem tempore judicat se mentiri, profert propositionem veram in sensu morali, eo quod cum judicio congruit mentis, falsam autem in sensu logico, eo quod illud judicium cum re judicata non convenit; cum nec antea mentitus fuerit, nec eo tempore, quo effert propositionem, mentiatur.

§. 198.

Instantia.

Atqui illud judicium *mentior* est verum in sensu logico; ergo &c. Prob. min. sub. Per nos judicium negans *non mentior* est falsum; ergo si falsum foret etiam affirmans *mentior*, falsa forent duo judicia contradictoria; *non mentior*, & *mentior*. Est autem impossibile esse falsa duo judicia contradictoria, quia impossibile est idem simul esse & non esse; ergo &c.

§. 199.

Responsio.

Dist. Est impossibile esse falsa duo judicia contradictoria, si judicia, prout sunt affirmantia vel negantia, non mutarent ipsam rem, de qua judicatur co. si mutarent ne. Nam mendacium proficitur ab ipfomet judicio mentis, cui si congruit propositio prolata, non est mendacium; si non congruit, mendacium committitur. Jam vero si ego judico me non mentiri, & me mentiri significo, hoc judicium negans facit, ut dum profero propositionem ajentem *men-*
tior,

rior, revera mentiar, quia propositio enuntiata cum iudicio mentis non convenit. Si autem iudicem me mentiri, iudicium efficit ut non mentiar, quia verbis cum mente convenit. Cum itaque asseritur duo iudicia contradictoria esse non posse aut utraque falsa, aut utraque vera, id intelligendum est de iudiciis, quæ pro natura affirmationis aut negationis ipsam rem de qua iudicatur, non mutant, non vero de iis, quæ hanc mutationem inducunt. Nam idcirco non possunt esse falsa duo iudicia contradictoria, quia impossibile est idem simul esse & non esse. Quare si iudicia rem non mutant, res est eadem, sive fiat iudicium negans, sive affirmans, & ideo in re iudicata prædicatum vel inest subiecto, vel non inest sine ulla a iudicio mentis dependentia. Unde ex duobus contradictoriis iudiciis alterum debet esse verum, alterum falsum. Hæc autem ratio non est in nostris iudiciis *mentior*, *non mentior*, quæ ipsam rem mutant. Nam iudicium negans *non mentior*, facit ut propositio prolata *mentior* cum illo non congruat, atque ideomentiar. Quamobrem in utroque iudicio res iudicata diversa est. Ex quo concluditur, falsum utrumque esse posse.

§. 200.

SCHOLIUM XXIV.

Academici, qui ullam rem certo percipi posse negabant, magnam in tota Dialectica atque Philosophia stragem edere se posse credebant hac una propositione *mentior*, nec immerito, quia ut videre licet apud Ciceronem l. 4. Acad. Quæst. num. 30., contrariæ sectæ Philosophi ab illa Dialectica regula, quod enuntiatio quælibet aut vera, aut falsa est, postulabant ut hæc exciperentur, quæ ab ipsis inexplicabilia, a Scholasticis autem insolubiles propositiones appellata sunt. Hi siquidem hanc exceptionem ab iis non impetrabant, qui iure ac merito agebant, si quæ propositio nec vera nec falsa sit, aut simul vera & falsa, de omnibus aliis in dubium posse vocari, an idem contingat. Quo tota corrui ratiocinandi Ars, atque adeo Philosophia. Mihi videor rem hanc tetigisse acu, tamque inextricabilem nodum solvisse iis præsertim duobus, quod veritas & falsitas logica, quæ proprie sunt in iudicio mentis, sive in ipsius cum re iudicata convenientia aut a re iudicata discrepantia, a veritate & falsitate morali distinguendæ sunt, & quod tam iudicium negans, *non mentior*, quam affirmans *mentior* falsa sunt, quin tamen sequatur aliquid contra receptum Principium *impossibile est idem simul esse & non esse*, eoquod alia est res, de qua iudicium proferitur, cum illud est negans, alia vero, cum ajens. Major difficultas mihi esse videtur in hoc iudicio, *ego iudico falsum*. prolato ab eo, qui nihil antea iudicavit. Nam si ajas hoc esse falsum, esse quoque verum fatearis necesse est, & e contrario. Si enim falsum est me iudicium proferre falsum, sequitur verum esse me iudicium proferre verum, propterea quod inter iudicium verum & falsum nihil intercipitur in eventu, quod aliquod iudicium, ut hic usuvenit, proferatur. Verum ajo iudicium huiusmodi in posito eventu proferri non posse, atque ita conficio. Ex iis, quæ §. 177. disputavimus, liquido constat mentem non posse percipere convenientiam inter ea, quæ

quæ manifeste repugnant, ut circulum inter atque quadratum. Est autem manifesta pugna inter hæc duo *ego*, & *judicans falsum*, in eventu, quod nullum aliud eliciam aut paulo ante elicuerim judicium. Sicut enim manifeste repugnat dari reflexam ideam sine directâ, ad quam refertur, ita aperta contradictio est dari judicium reflexum sine directo, ad quod pariter necessario referendum est. Ut enim non possum cognoscere me cognoscere, nisi prius aliquid noscam; ita non possum cognoscere me cognoscere convenientiam aut discrepantiam inter aliqua duo, in quo judicium positum est, nisi hujus convenientiæ aut discrepantiæ cognitio præcedat. Jam vero hoc judicium *ego sum judicans falsum*, est judicium reflexum, quia judico me judicare falsum. Ergo si mens nullum aliud eliciat aut elicuerit judicium, non potest judicare se judicare falsum, sive inter *ego* & *judicans falsum* convenientiam percipere. Quo corrui proposita difficultas, quæ hoc judicium a mente formari ponit, & simul constat aliud nullum in dicto eventu proferri posse judicium, quam hoc *ego non judico falsum*, quod certe verum est, quia cum nullum tunc eliciatur directum judicium, nec verum, nec falsum judicium menti convenire potest.

2. Quod autem diximus de hac enuntiatione *ego judico falsum*, convenire potest etiam in alteram, quam supra examinavimus, *ego mentior*, & aliam suppeditare respondendi rationem ad argumentum quod inde a Philosophis deductum est. Non enim quo tempore profert eam propositionem, cum antea nihil pronuntiasset, eo potest judicare aut se mentiri, aut se non mentiri, eo quod utrumque non minus aperte falsum & impossibile est, quam circulum esse quadratum; primum quia si judicaret se non mentiri, plane cognosceret se revera mentiri, eo quod verba proferret cum judicio mentis non congruentia; alterum quia si judicaret se mentiri, plane videret se nequaquam mentiri, eo quod verba secundum mentem proferret. Ergo si mens non potest tamquam convenientia percipere quæ manifesto repugnant, judicare nequit se aut mentiri, aut non mentiri, dum ex abrupto illa verba *ego mentior* pronuntiat. Ubi vero nullum est mentis judicium, ibi nec falsum, nec verum judicium est. Cum autem veritas aut falsitas ipsa per se non in propositione sita sit, sed in judicio mentis, ad quod illa tamquam signum refertur, ex hac enuntiatione *mentior* nihil effici potest contra certam sententiam, quod omne judicium aut verum aut falsum est. Quamquam illud etiam dici potest hæc verba *mentior* inposito eventu propositionem non esse; cum enim ex altera parte propositionis natura in significando judicio posita sit, & ex altera mens judicium his verbis *ego mentior* respondens ob allatam causam elicere nequeat, sequitur hæc eadem verba ad speciem quidem esse propositionem, re autem vera non esse. Ex quo multo magis concluditur nullum esse quod inde colligitur argumentum ad id monstrandum, quod non omnis propositio aut vera aut falsa est.

3. Academici, ut ex Ciceronis loco citato compertum sit, altero contra communem sententiam utebantur firmissimo telo, quod retundere non poterant tum temporis Philosophi dogmatici præ inscitia modi, quo Deus cum liberis animæ actionibus concurrat. Confugiebant enim ad enuntiationes circa futuram aliquam animæ liberam actionem, ut Petrus cras navigabit, quam non esse nec veram, nec falsam acerrime contendebant, eo quod ipsius objectum nondum determinatum est, ne scilicet liberæ actiones fatalis necessitatis lege astingantur. Verum facilis & expedita est responsio Christianis Philosophis,

phis, qui norunt res liberas, quæ futuræ sunt, esse saltem in causa prima si-
ve in Dei voluntate jam determinatas, quin tamen humana libertas aliquid
detrimenti inde capiat. Verum de his mihi integrum servo in Naturali Theologia.

CAPUT QUARTUM.

De Propositionibus contradictoriis atque contrariis.

§. 201.

Definitio.

Propositiones contradictoriæ sunt, quæ habent idem omnino sub-
jectum, & idem omnino prædicatum, sed altera est affirmans,
altera est negans. Unde ex duabus contradictoriis una includit tan-
tum negationem ejus quod ab altera affirmatur, & nihil aliud aut
affirmat, aut negat: ut Petrus est doctus in Philosophia, Petrus
non est doctus in Philosophia.

2. Contrariæ sunt in quibus contradictoriæ quidem inclusæ repe-
riuntur, sed etiam aliquid amplius: ut lapis vivit vita rationali,
lapis vivit non vita rationali; nam in his includuntur hæ duæ con-
tradictoriæ *lapis habet vitam rationalem, lapis non habet vitam ratio-
nalem*, sed in utraque lapidi vita tribuitur.

§. 202.

Propositio.

Ex duabus contradictoriis altera necessario vera est, altera fal-
sa; ex contrariis autem utraque falsa esse potest, sed non utraque
vera. Prima pars patet ex eo, quod quælibet propositio aut vera
est, aut falsa, eoquod impossibile est idem simul esse aut non ef-
se §. 193. Cum ergo una ex contradictoriis affirmet prædicatum
convenire subjecto, altera neget, alteram esse veram, alteram fal-
sam necesse est.

2. Quod attinet ad secundam, patet utramque contrariam veram
esse non posse, eo quod veræ forent etiam contradictoriæ, quæ in
contrariis continentur, quod repugnat; posse tamen esse falsam,
primam omnino affirmantem, quia illius prædicatum potest non
convenire subjecto, secundam, in qua est contradictoria negans, ob
illud amplius in ea contentum, quod pariter in subjectum non ca-
dit. Unde falsa est utraque ex allatis propositionibus, quia vita
nulla ratione in lapidem cadit.

§. 203.

Regula.

In propositionibus, quæ verbum habent adjectivum, particula
non est præponenda verbo, quo sint contradictoriæ. Cum enim ex
altera parte secundum communem loquendi usum particula *non* ne-
get

get id quod est post ipsam, non quod ante, & ex altera in verbo adjectivo sit inclusa saltem aliqua prædicati pars; particula *non* si post verbum poneretur, non inficiaretur prædicati partem in verbo inclusam, atque idcirco non negaret id omne quod in prima ajente affirmatum est. Unde contradictoriæ non sunt hæ duæ Socinianorum, qui hoc pacto mysterium SS. Trinitatis se putabant evertere; *aut Trinitas demonstratur possibilis ratione naturali, aut demonstratur non possibilis.*

§. 204.

Regula.

Ut propositiones modales sint contradictoriæ, in negante non solum prædicatum de subiecto negandum est, sed etiam modus, quo prædicatum subiecto tribuitur, quia modus constituit partem prædicati, quæ idcirco neganda est, quo id omne quod affirmatur in prima, in altera negetur. Quare contradictoriæ non sunt hæ duæ; *hæc pagina est necessario alba, hæc pagina est necessario non alba.* Et revera contra naturam contradictoriarum utraque falsa est.

§. 205.

Regula.

Dux propositiones, altera in modo necessario, altera in contingenti, sunt contrariæ, non contradictoriæ, quia hæ ver. g. *neceffe est lapidem habere vitam, contingens est lapidem habere vitam*, æquivalent his, lapis habet vitam necessario modo, lapis habet vitam non necessario modo, in quarum utraque affirmatur vita, & in negante solum negatur necessarius modus. Ob eandem rationem sunt contrariæ, non contradictoriæ dux, altera in modo necessario, altera in impossibili; *ut necesse est hominem esse doctum, impossibile est hominem esse doctum.*

2. Dux vero, altera in modo impossibili, altera in possibili æquivalent contradictoriis; *ut possibile est hominem esse doctum, impossibile est hominem esse doctum.* Dixi autem æquivalent, quia si stricto sensu accipiamus possibile pro eo quod non est, sed potest esse, ut distinguamus a contingente, quod est, sed tamen potest non esse §. 190. n. 1. utraque falsa esse potest, & idcirco non contradictoriæ; unde si Petrus sit reipsa doctus, falsa erit tam propositio *impossibile est Petrum esse doctum*, quam altera *possibile est Petrum esse doctum.*

§. 206.

Regula.

Dux propositiones, altera universalis & affirmans aut negans, altera particularis & negans aut affirmans contradictoriis æquivalent; *ut omnis homo est doctus, aliquis homo non est doctus*, quia sunt eadem ac hæ contradictoriæ *homo est doctus quod ad omnia individua; homo non est doctus quod ad omnia individua*; dux vero universales, alte-

altera affirmans, altera negans sunt contrariæ, non contradictoriæ, ut *omnis homo est doctus*, *nullus homo est doctus*; quia fieri potest ut doctrina aliquibus individuis hominibus conveniat, aliis non; atque hanc ob causam non sunt contrariæ, nec contradictoriæ hæc duæ particulares, altera affirmans, altera negans; *aliquis homo est doctus*, *aliquis homo non est doctus*, quæ dicuntur subcontrariæ, & vera utraq; vera esse potest.

§. 207.

SCHOLIUM XXV.

Quamvis ea, quæ de propositionibus contradictoriis disputantur, ita clara sint, ut nemo in iisdem dijudicandis falli posse videatur; tamen nescio quo pacto nobis inscientibus obrepunt propositiones contrariæ specie contradictoriarum, & in negantem quidpiam se insinuat, quod non est in agente affirmatum. Cujus rei possem asserere exempla non pauca, ex quibus comportum fiat sæpius uluvenire, ut enuntiationes contrariæ & ambæ falsæ accipiantur pro contradictoriis, quarum altera cum vero congruat, altera ab eodem dissentiat. Sed ad rem illustrandam satis erit unum aut alterum proferre. Si quis contra nostram sententiam, quam in Ontologia defendemus, possibilitatis cubuli omnino vacui, & nihilominus extensione carentis, ita rationem concludat, *vel parietes cubuli se contingunt, vel a se invicem absint; non autem se contingunt; distant igitur; distantia vero inter duo postulat interpositam extensionem*; sive hoc alio pacto contra vacui possibilitatem assumendo alteram dilemmatis partem; *non autem distant, se ergo contingunt*; fortassis arbitraretur duas illas enuntiationes esse contradictorias, atque idcirco alteram a veritate stare, alteram ab eadem abesse, & in conclusione rationis fuisse bene processum. At sua illum opinio valde falleret; nam veræ contradictoriæ sunt *se contingunt, non se contingunt*, quia aliud aliud est pura negatio; unde alterutrum verum est, scilicet non contactus. At illud *distant*, non est pura negatio contactus, sed præter eam infirmationem affirmat relationem distantiam inter parietes, sive contactus remoti duorum parietum per interpositum corpus, quod uterque contingat, cum contactus parietum de proximo intelligatur. Unde illæ duæ enuntiationes *parietes se contingunt, parietes distant*, hoc alio pacto possunt efficii sine variatione sententiarum iisdem subjectis. *Parietes habent relationem inter se contactus proximi, parietes habent relationem contactus non proximi, sed remoti*, quarum secunda non negat id omne, quod in prima affirmatum fuit, sed affirmat relationem contactus, & solum negat proximum, dum remotum inducit. Ex quo sequitur utramque esse falsam, propterea quod parietes, inter quos nullum corpus, quod ab utroque possit contingi, interponitur, nullo modo se contingunt nec proxime, nec remote. Ita qui volunt tempus constare ex instantibus, & tempus præsens esse verum instans, itaque rationem concludunt, *aut homo vere vivit in instanti, aut non vivit; si non vivit, ergo cessat vivere; nunc autem non cessat vivere; ergo in instanti vere vivit*, pro contradictoriis habere videntur has duas propositiones *aut homo in instanti vivit, aut vivere cessat*. Quod falsum est; sunt enim contrariæ, propterea quod cessare a vita non est contradictorium vitæ; nam includit affirmationem ætus, quo vita amittitur, ut manu quodammodo tangere licet in hisce, *aut lapis vivit, aut cessat vivere*,

Tom.I.

P

quo-

quorum utrumque abhorret a vero, quia lapis non est aptus nec vitæ habenda, nec ei quam non habet, amittenda. Instans autem non est capax ut aliquis in eo vivat, sed solum ut incipiat vivere, aut pergat, aut desinat. Cum his quoque necessitudinem habet, quod scribit Gellius l. 16. Nōt. Attic. c. 2. Cum enim observasset legem esse Dialecticæ disciplinæ, si de quapiam re queratur disputeturque, atque ibi quid rogere, ut respondeas, tum ne amplius quid dicas quam id solum, quod ea rogatus, aut ajas, aut neges, hæc litteris tradit. Sed enim esse quadam videntur, in quibus si breviter. Et ad id quod rogatus fueris, respondeas, capiare. Nam si quis his verbis interroget, desisteris ne facere (homicidium) an non: utrumque dialectica lege respondeas, siue ajas, siue neges, hærebis in captione tam si te dicas (homicidam) quam si neges. Tum ad aliud transit exemplum. Quid autem leges istius propugnatoris in illa captiuncula facient, in qua hære eos necessum est, si nihil amplius quam quod rogati erunt, responderis? Nam si ita ego istorum aliquem rogem: Quidquid non perdidisti, habebas ne, aut non habebas? posulo ut ajas, aut neges. Utrumque breviter responderis, capietur. Nam si non habere se negaveris quod non perdidisti, colligetur oculus eum non habere, quos non perdidit. Sin vero habere se dixeris, colligetur eum habere cornua, quæ non perdidit. Rectius igitur cautiusque ita respondebis. Quidquid habui; habeo, si id non perdidit. Sed huiusmodi responsio non fit ex lege, quam diximus. Plus enim quam quod rogatus est, respondet. Et propterea id quoque ad eam legem addi solet non esse captiosis interrogationibus respondendum. Verum si quis animum advertat ad legem illam, qua statuimus in contradictoriis propositionem negantem debere tantum inficiari id, quod in agente affirmatur, his interrogationibus non verebitur simpliciter respondere. Nam propositis iis duabus aut desisti facere homicidium, aut non desisti, quid obstat quominus negantem veram esse dicamus, si tamen sensum omnino negantem, nihil agentis habentem eidem assignamus? Nam si illa concessa quis inde colligat, ergo homicidium adhuc patras, quis non videt in illa non desisti interrogantem includere non solum & puram negationem desisti, verum & positivum in sensu agentis homicidii principium quod includendum non est, si illæ propositiones contradictoriæ sunt, & altera earum id solum neget, quod altera ait. Siquidem non definire ab homicidio in sensu pure neganti acceptum cadit in eum, qui nec facere incœpit, atque idcirco nec ab incepto cessare potuit. Eodem recidit alterum, quod attulit Gellius. Nam si quis me interroget utrum cornua amiserim, an non, me amisisse negarem in sensu tamen omnino neganti, qui convenit in illum, qui numquam habuit cornua, ideoque nec amittere quivit. Porro ex his aliisque exemplis, quæ possent afferri, satis perspicuum fit, oleum & operam non perdi, si in accurate evolvendas propositionum contradictoriarum notiones incumbamus.

De Ratiocinio & argumentatione

CAPUT PRIMUM.

De Syllogismis conditionaris aliisque.

§. 208. Definitio.

IN scholis usui sunt quædam ratiocinandi formulæ, quæ videntur quidem a syllogismis differre, re autem vera aliud non sunt, quam syllogismi. Tales sunt syllogismi conditionati, in quibus est propositio hypothetica, in qua prædicatum propositionis probandæ enuntiatur de subiecto sub conditione si aliquid aliud verum est: ut si existunt animæ, existit ens a se; atqui existunt animæ; ergo existit ens a se. Antecedens est illa pars propositionis hypotheticæ, in qua reperitur particula conditionalis si, ut si existunt animæ; consequens est altera pars, quæ priori subjungitur, ut existit ens a se.

§. 209.

Propositio.

Quatuor sunt modi syllogismi hypothetici; duo legitimi, duo vero illegitimi.

- 1 Si est antecedens, est & consequens; atqui est antecedens; ergo & consequens.
- 2 Si est antecedens, est & consequens; atqui non est consequens; ergo nec antecedens.
- 3 Si est antecedens, est & consequens; atqui non est antecedens; ergo nec consequens.
- 4 Si est antecedens, est & consequens; atqui est consequens; ergo & antecedens.

Nam hic syllogismus primi modi, si lapis ab alto demittitur, celeriter movetur, atqui hic lapis ab alto demittitur; ergo hic lapis celeriter movetur, æquivaleret huic simplici, omnis lapis qui ab alto demittitur, celeriter movetur; atqui hic &c. qui est legitimus in prima figura §. 55. num. 1. & §. 58.

2. Similiter hic alius secundi, si lapis ab alto demittitur, celeriter movetur, atqui hic lapis non movetur celeriter; ergo ab alto non demittitur, æquivaleret huic alteri pariter simplici, omnis lapis qui ab alto demittitur, celeriter movetur, atqui hic lapis &c. qui est in secunda figura legitimus §. 55. num. 3.

3. Hic vero alius tertii *si lapis ab alto demittitur, celeriter movetur; atqui lapis manu iactus celeriter movetur, ergo lapis manu iactus demittitur ab alto*, æquivalet huic simplici *omnis lapis qui ab alto demittitur, celeriter movetur; atqui lapis &c.*, qui est illegitimus pariter in secunda figura; in qua una ex præmissis debet esse negans §. 55. num. 3 & 4, & §. 58., in hoc autem utraque est affirmans.

4. Tandem hic alius quarti *si lapis ab alto demittitur, celeriter movetur, atqui lapis manu iactus non demittitur ab alto, ergo lapis manu iactus non movetur celeriter*, æquivalet huic simplici, *omnis lapis, qui ab alto demittitur, celeriter movetur; atqui lapis manu iactus &c.*, qui est illegitimus in tertia figura, eo quod minor est negans §. 55. num. 5. 6., & §. 58.

§. 120. Definitio & Propositio.

Inter syllogismos compositos est etiam disjunctivus, in quo reperitur propositio quædam disjunctiva. Ut hic; *aut sol, aut terra movetur in gyrum, atqui non movetur sol; ergo movetur terra; vel hic alter; aut sol, aut terra movetur; atqui movetur terra; ergo non movetur sol.*

2. Qui syllogismus vim habet ab aliquo syllogismo simplici mente retento, scilicet ab hoc conditionato, quem scimus in syllogismum simplicem resolveri §. 209. Si ex duobus aut pluribus unum debeat esse verum, aliud, vel alia falsa, posito primo ut vero aliud vel alia debent esse falsa, & posito primo ut falso, aliud vel alia debent esse vera; atqui ex his duobus aut pluribus unum debet esse verum, aliud vel alia debent esse falsa, & revera primum verum est, aut primum falsum est; ergo ex his duobus aut pluribus aliud vel alia debent esse falsa, vel aliud vel alia debent esse vera. Ita ex mundi phenomenis colligitur aut solem, aut terram in gyrum revolvitur; ergo si doceamus solem moveri, sequitur terram quiescere, & si probemus terram in orbem torqueri, sequitur solem quietum manere.

3. Ex quibus manifestum fit regulam in hisce syllogismis observandam in eo positam esse, ut ex duobus, aut pluribus, quæ sub disjunctione enuntiantur, unum verum sit, aliud vel alia sint falsa. Alias omitto syllogismorum species, quæ usu facilius, quam regulis addiscuntur.

§. 211.

SCHOLIUM XXVI.

Sunt non pauci hique doctissimi viri, qui putant non omne argumentandi genus ad syllogismos posse reduci; quos egregie refutat. tom. 1. Suppl. ad Nov.

Nov. Aët. Evad. Lipf. Cl. Harenbergius in Commentario inſcripto *Demonſtratio de Ratiocinatione, ſyllogiſmi experie. ad ſogomachias referenda, vel ſupervacaneis inventis numeranda*, qui exſtat etiam tom. VII. Excerpt. ex iſdem Aëtis edit. Venet. pag. 440. Iſ inter alia cum obiectum fuiſſet non poſſe ad ſyllogiſmos reduci aut hanc ex. g. hypotheticam ratiocinationem: *Si ſenſus fallunt, tum in cognitione humana nulla exſtat certitudo; atqui verum eſt prius ſecundum dogmata nonnullorum; ergo etiam poſterius*, aut hanc diſjunctivam, *Aus bene locutus ſum, aut male; ponitur prius; ergo tollitur poſterius*; primam ad hunc redigit ſyllogiſmum. *Quidquid inniſitur ſenſibus hominum, quatenus fallacibus, eſt incertum; atqui omnis cognitio humana inniſitur ſenſibus hominum, quatenus fallacibus ſecundum dogmata nonnullorum; ergo omnis cognitio humana eſt incerta ſecundum dogmata nonnullorum*: alteram autem ad hunc *Qui bene locutus eſt, non eo ipſo ſimul male locutus eſt; atqui ego bene locutus ſum; ergo non eo ipſo ſimul male locutus ſum*. Verum opus non eſt in exemplis immorari ad oſtendendum ad quem quæque ratiocinatio ſyllogiſmum redigi queat, cum in promptu ſit ratio, qua id univerſe efficiatur. Cum enim tertia mentis actio neceſſaria ſit in cognoscenda veritate propoſitionis obſcuræ, in qua per ſolâs ideas etiam claras prædicati & ſubjecti & per reflexionem ad ipſas proxime non intelligitur utrum prædicatum conveniat ſubjecto, nec ne, tunc alius non ſuperſerit in eam cognitionem veniendi modus, niſi remotus, qui in eo poſitus eſt, ut videamus, an tum prædicatum, tum ſubjectum inſit euidam tertiz rei, aut alterum inſit, alterum nequaquam aliquo ex iis legitimis modis, quos §. 35. enucleate explicavimus; quemadmodum ſi quidam catenæ annulus proxime cum primo copulatus non ſit, ad cognoscendum utrum cum primo ſit conjunctus nec ne, nullus alius eſt reliquus modus, niſi ut in cognitionem veniamus an uterque cum aliquo tertio interpoſito co hæreat. Id vero eum in noſtra mente contingit, illa oportet actio in eadem exiſtat, quæ dicitur ſyllogiſmus; eo quod cum eadem tertia idea duæ aliæ per affirmationem aut negationem conjunguntur, & inde in cognitionem venimus an per affirmationem, aut negationem illæmet idæ ſint copulandæ. Quare qui contendunt in aliquibus argumentandi generibus, quæ ad ſpeciem differunt a ſyllogiſmo, ſyllogiſmum non reperiri, ſive duarum idearum cum tertia in duobus judiciis & earundem duarum inde illatam in tertio iudicio conjunctionem inter ipſas, ſimili jure contendere poſſunt in quolibet iudicio non eſſe duas ideas, & perceptionem convenientiæ aut diſcrepantiæ inter ipſas, eo quod in nonnullis propoſitionibus id clare non conſtat. Quemadmodum autem quod attinet ad propoſitiones, reſpondetur in omnibus mentis judiciis ſua inſe prædicata & ſubjecta, & convenientiæ aut diſcrepantiæ inter ipſa perceptiones, ſed cum efferuntur totidem ſingulis terminos & verba non reſpondere ob rationem, quam §. 49. n. 2. explicavi, ut huic, quæ una videtur propoſitio, ſolus Deus eſt æternus, duo reſpondent in intellectu iudicia, *Deus eſt æternus, reliqua omnia non ſunt æterna*: ita quod attinet ad aliquas argumentationes, quæ diſcrepare videntur a ſyllogiſmo, idque ob eandem a brevitate loquendi ductam rationem, reſpondendum eſt iſdem in mente verum reſpondere ſyllogiſmum, aut unum aut plures, ſcilicet tria illa iudicia & aliquo ex legitimis modis connexa, quamvis eadem conceptis verbis non exprimentur.

2. Non deſunt alii, qui ob allatas rationes dant quidem nihil recte ex aliis

effici

effici posse, quod syllogismo non concludatur, tamen syllogismorum artem quæ in scholis traditur, utpote nullius usus atque adeo inutilem esse eliminandam contendunt. Inter alios Cl. Joannes Gualbertus de Soria in excellenti libro inscripto *La Scienza dell' Uomo . . . part. second. in Lucca 1750. pag. 113.* & seq. hanc artem eo nomine reprehendit, quod & minime satis sit ad veras enuntiationes aut ostendendas, & ea servata falsum certissime colligi possit, & revera colligatur, si præmissæ falsitate laborent. Quod confirmat exemplo Peripateticorum, qui cum tot sæculis imperium in scholis tenuissent, & syllogismorum regulas quammaxime excoluissent, tantum abest, ut aliquod verum produxerint, ut ipsum communem sensum prætrinxerint, & scientiarum progressui quammaxime obsuerint. Quamobrem syllogismus, qui etiam offendunt, in eo quod demonstrationes, iisdem adhibitis, nimis in longum producerentur, vult esse substituendos sorites, qui in eo positi sunt, ut data qualibet propositione demonstranda, cum subiecto ejusdem conjungatur aliquod prædicatum, quod cum eodem evidenter copulatum intelligitur, cum prædicato hujus tamquam subiecto conjungatur aliud prædicatum, quod pariter in eodem inesse clare cognoscimus, itaque semper progrediamur, quoad cum prædicato ultimæ tamquam subiecto prædicatum ostendendæ propositionis evidenter conjungi noscamus. Cujus rei hoc exemplum producit. Demonstranda proponatur hæc propositio. Ambitiosi miseri sunt, tametsi corpore bene valentes, & affluentes fortunæ bonis; itaque procedatur. Ambitiosi semper cupide optant novas & majores dignitatum & honorum gradus. Qui hæc ita desiderat, numquam satur est, estque semper irrequietus; qui vero est hujusmodi, continuata ægritudine & sollicitudine animi laborat; qui semper hisce affectibus agitatur, numquam sua sorte contentus est, quique numquam est sua contentus sorte, semper est miser, quamvis sit sanus & opibus affluat ex optimæ miseriæ definitione. Ergo ambitiosi tametsi sani & divites, miseram degunt vitam. Q. E. O.

3. Verum etsi sortitico argumentandi generi multum in scientiis tradendis atque excolendis tribuam, tamen syllogismorum artem & formam, saltem prout eam in Institutionibus doceo, non esse omnino repudiandam existimo. Quis enim aut inficias eat totam demonstrandi obscuras propositiones vim positam esse in iis principiis & modis, quæ §. 54. & seq. descripsimus, aut ajat esse fere nullius usus noscere pauca illa principia, & paucas illas regulas, quibus etiam ipsa natura duce mens nostra in cognoscendis obscuris propositionibus utitur? Quamquam si rem ad vivum resceremus, sorites tam parum differt a syllogismo, ut qui primum usurpat, alterum quoque usurpare censendus sit. Vel enim in sorte omittitur aliquis ex syllogismi præmissis, vel solum aliqui consequentes. Si primum non obtinebitur illa quam vult de Soria, proxima & evidens alterius ab altera antegressa propositionis consecutio. Nam ob supra allatas rationes una ex præmissis satis non est ad conclusionem inde inferendam sed utraque postulatur. Et revera in exemplo in Institutionibus allato pro pro singularibus syllogismis, antequam ego cognoscam hominem, qui mihi obviam sit, esse medicum, duas hæc propositiones noscam oportet, primam filium natu maximum Petri esse medicum, secundam hominem qui mihi sit obviam, esse filium natu maximum Petri. Quod si quis diceret aliquas ex præmissis facile intelligi posse, tametsi supprimantur, responderem saltem in pluribus satius esse omnia ex quibus mens conclusiones deducit, conceptis ex-

pri-

primi verbis, tum ne aliquid non omnino clarum & certum subrepat, ut facile fit, tum ut mens eam acquirat profunditatem & acumen, quod, observante citato in Aëtibus Lipsiensibus auctore, comparat usu continuato resolvendi ideas atque judicia in omnia illa simpliciora, ex quibus eadem deducuntur. Sin autem soli, ut revera fit ob allatam rationem, consequentes reticeantur, quale tandem erit hoc syllogismorum & sortitum discrimen, ut illorum regulas nullo fere in pretio habere, his autem contenti esse debeamus? Positis enim præmissis consequens ipsum per se in mentem incurrit, præsertim in prima figura ob illud tam evidens principium *si A est in C, & C in B, etiam A est in B*, ut saltem in pluribus supervacaneum sit illud conceptis verbis efferre: Res autem ita se habet in allato sortite. Post primam & secundam propositionem, reticetur consequens syllogismi in prima figura. *Ergo ambitiosi numquam sunt salutes, suntque semper irrequieti*. Post secundam & tertiam reticetur alterum consequens, *Ergo qui novus honorum & dignitatum gradus cupide optat, continuata aegritudine & sollicitudine animi laborat*. Post tertiam & quartam hoc tertium: *Ergo qui numquam est satur & est semper irrequietus, numquam sua sorte contentus est*. Ex quo tandem & ex definitione miseræ colligitur ambitiosus semper esse miseros, etiamsi corpore bene valeant, & opibus affluent. Ad difficultates ab homine propositas facile est respondere. Nam quod attinet ad primam, dico aliud esse regulas syllogismorum satis non esse ad propositiones demonstrandas, aut detegendas, aliud eas tamquam supervacaneas haberi oportere. Duo enim sunt necessaria ad eum finem, ut propositio obscura demonstretur, primum duæ propositiones veræ, in quarum altera cum termino conjungatur prædicatum ostendendæ propositionis, in altera vero subiectum cum eodem copuletur; secundo idoneus modus, quo hæ prædicati & subiecti cum medio termino conjunctiones fiant, quemadmodum ad ictum idoneum ad aliud quod durum corpus transfodiendum duobus est opus, primum apta materia, ex qua stilus fiat, tum forma pariter apta ad eundem finem: Ad veras autem propositiones noscendas, præsertim si sint ex primis, quas ante novimus, quam ratiocinemur, aliis Logicæ adminiculis opus habemus præter regulas syllogismorum, quæ solum necessariæ sunt ad modos idoneos ab iis, qui apti non sunt, internoscendos. Quamobrem regulæ syllogismorum satis quidem non sunt veris propositionibus aut demonstrandis, aut eliciendis, sed tamen utiles sunt, immo necessariæ, nisi quod principia, quibus innituntur, adeo ipsa per se clara sunt atque perspicua, ut sua veluti sponte se in mentem insinuent, quæ solum naturalem habitum ratiocinandi usu communi loquendi acquisierit. Id vero est causa, cur magis accurata eorum expositio, quæ in Dialecticis fit, adeo necessaria non videatur.

4. Quod vero addit de falsis conclusionibus quæ ex præmissis falsis certissime colliguntur, fundamentum habet in fere communi præjudicata opinione, quæ tamen abhorret a veritate; nam præmissæ falsæ sunt instar præmissarum negantium indifferentes ad conclusiones aut veras aut falsas inde eruendas. Nam in hoc ex. g. syllogismo *omnis lapis est rationalis; atqui Petrus est lapis; ergo Petrus est rationalis*, servatur legitima forma, utraque præmissa falsa est, & nihilominus conclusio est vera non virtute præmissarum, in quibus putantur quidem Petrus & rationalis convenire cum lapide, sed revera nequaquam conveniunt, ex quo fit ut sint veluti duæ negantes præmissæ veræ, ex quibus nul-

la conclusio legitime elici quit, sed ob aliam causam, & quia cum alio medio termino, scilicet cum homine vere conjungi possant. Quare verum quidem est propositionem, servata legitima forma, ex duabus veris collectam esse necessario veram, non autem e converso si vera sit conclusio, veras quoque esse præmissas ex quibus elicitur, eoquod aut utraque falsa esse potest, ut in allato syllogismo, aut saltem una, ut in hoc; *omne animal est rationale, Petrus est animal, ergo Petrus est rationalis*. Ex primo sequitur, si conclusio falsa sit, aut utramque præmissam, aut alterutram esse falsam, quia si utraque vera foret, etiam conclusio inde illata consentiret cum veritate. Id autem satis est ad eum finem, ut methodo indirectæ demonstrationis, de qua paulo post, sine ullo errandi periculo uti possimus. Quamobrem etsi præmissæ sint falsæ, tamen conclusio ex iis legitime illata vera esse potest. Ceterum etsi conclusio hujusmodi semper a vero abhorreret, id nihil detrahit arti syllogismorum, in qua non solum idoneam formam, idest legitimum aliquem concludendi modum, sed etiam aptam materiam, idest præmissas veras postulari jam docuimus.

5. Quod denique pertinet ad Aristotelæos, assentior quidem eos in quampluribus a vera philolophandi methodo discessisse; verum nego id vitio vertendum esse syllogisticæ arti, quæ ipsa per se mentem manu quasi ducit ad veri agnitionem, sed hominibus, qui hoc artificio sunt abusi non ad verum inveniendum aut ostendendum, sed quod iis temporibus magno habebatur in pretio, ad adversarios in disputationibus quoque modo capiendos, & ad incitas redigendos. Qui enim est ipse per se naturalis modus, quo mens pervenit ad eorum, quæ ipsam latent, cognitionem; idem ipse per se nequit esse causa, cur eadem mens in multis offendant. Res vero ita se habet, ut supra docuimus. Ergo ars syllogistica ipsa per se ad veri cognitionem deducit. Fortasse dicet Cl. Auctor non ipsam syllogismorum artem, sed modum, quo syllogismos proponunt qui in ea toti sunt, a se coargui. Nam in demonstranda superiori propositione *ambitiosi sunt miseri, etsi bene valentes ac divites*, sic procederet Syllogista. Qui semper novos honorum & dignitatum gradus desiderant, sunt miseri; atqui ambitiosi novos semper honorum & dignitatum gradus desiderant, ut patet. Ergo ambitiosi sunt miseri. Prob. maj. Qui numquam sua sorte contentus, semper est miser, ut patet; sed qui semper novos honorum & dignitatum gradus desiderat, numquam sua sorte contentus est; ergo &c. Prob. min. Qui continuata ægritudine & sollicitudine animi laborat, numquam sua sorte contentus est ut patet; sed qui novos semper honorum & dignitatum gradus desiderat, continuata ægritudine & sollicitudine animi laborat; ergo &c. Prob. min. Ille qui numquam est satur, sed semper est irrequietus, continuata ægritudine & sollicitudine animi laborat, ut patet. Sed qui novos semper honorum & dignitatum gradus desiderant, numquam sunt satures, sed semper irrequieti, ut pariter liquet. Ergo &c. Qua in ratione quis non videt præter circuitum valde longiorem, quam in sorte, viam insisti parum naturalem, & longius distantem ab ea, qua mens utitur dum ab aliis cognitis ad alia incognita transit? Siquidem ex altera parte mens prius ab altera cognitione transmittit ad alteram, quicum proxime & evidenter conjuncta est, quam ad eam, quæ longius abest ab ipsa, quæque cum prima conjuncta est solum adminiculo plurium aliarum, quemadmodum in cognoscenda plurium catenæ annulorum connexionem cum primo, ante connexionem noscimus secundi cum primo, quam

ter.

tertiū cum eodem, eo quod conjunctio tertiū cum primo non proxime habetur, sed solum ope secundi: ex altera vero in sorte prima ratione proceditur num. 2, in methodo vero syllogistica artis secunda.

6. Huc adversarium volebam; nam in hujus solutione difficultatis tam perspicuum faciam, quanti sit facienda syllogistica ars, & modus; quo ipsa progreditur, ut nisi a suis ipse velit principiis desciscere, summam ipsius utilitatem, immo necessitatem fateri debeat. Is enim cum omnibus Recentioribus analyticam methodum summopere extollit tamquam eam, cujus præsidio mens verum incognitum investigat, & sæpissime invenit, cum synthetica potissimum accommodata sit ad alios veritates jam detestas docendos. Jam vero examine-mus quid intersit inter sortiticum modum ab ipso adhibitum in demonstranda superiori propositione, & inter syllogisticum a me usurpatum. Certe si animum intendamus, aliud nullum videbimus esse discrimen, quam in primo a simplicioribus ad magis composita procedi, atque idcirco syntheticam methodum, ut infra videbimus §. 243, adhiberi; in altero autem contra a magis compositis ad simpliciora mentem transire, atque idcirco analyticam usurpari. Ergo si analyticæ methodi utilitatem ac necessitatem in vero investigando fatetur, idem quoque de arte syllogistica concedat oportet. Immo cum idæ rerum, quæ per sensus in animam ingrediuntur, sint omnino determinatæ §. 112. n. 1. atque idcirco maxime compositæ, indeterminatæ autem, ac minus compositæ & simpliciores fiant attentione, & mentis ad res per sensus illas reflexione, ac præscindendi virtute, qua eadem donata est §. 115. & seq., cumque prius nostra mens res cognoscat per sensus, quam ad eas suam dirigat attentionem, & aliquibus rerum ideis afficiatur; inde consequens fit analyticam methodum, atque idcirco syllogisticam artem, quæ illius vestigiis insitit præ synthetica & sorte magis se se accommodare naturæ & indoli mentis & rationi, qua ipsa ab aliis rebus cognitis ad alia non cognita pedetentim transmittit. Quibus arbitror luculentissime satisfactum Cl. de Soria & iis omnibus, qui syllogisticam artem & modum, quo ipsa procedit, coarguunt.

7. In hoc eodem de syllogismis loco aliquantum inter se digladiati sunt Cl. Philosophi Hanschius, atque Christianus Wolphius in Actis Erud. Lips. ad an. 1728. Men. Oct. & Decem. tom. VI. Excerpt. edit. Ven. pag. 646, & 657. Primus contra Wolphiū docet magis naturaliter rationem concludi in reliquis figuris, quam in prima, quam unam retineri oportere, & ad quam unam omnes prorsus syllogismos redigi posse idem Wolphius contendit; qui sic respondet pag. 659. *Ego nullibi negavi Logica naturali utentes subinde incidere in syllogismos secundæ & tertiæ figuræ; sed rationem prorsus reddidi a priori ex ipsa hominis natura, cur id fieri debeat. Quod tamen hoc non obstante iis carere possumus evidentiæ amantes docui. Si aliqua conclusio in 2^a & 3^a figura concludi posset, quam in prima inferre absolute impossibile fuerat; eam ego absolute necessariam pronuntiarem; sed cum talis nulla detur, sola omnino figura prima contentos esse posse etiam nunc affirmo, qui unius rationis ope ejusque communis maximam in ratiocinando evidentiā conservare velint. In scientiis in primis non multum esse posse usum figuræ secundæ & tertiæ rationibus stabilituri §. 40.*

8. Quid ego sentiam in hac inter summos viros disputatione, paucis expedio. Ego in syllogismis singularibus jam distinxī §. 53. tres illos modos, qui per se & absolute legitimi sunt, ab iis sex qui per se sunt illegitimi, & so-

Tom. I.

Q

lum

luna conversione alicujus propositionis ad legitimos rediguntur. Certe negari non posse videtur primos esse illos, in quos primo incidit mens natura fere duce & sola reflexione ad principia, quibus eisdem inniti jam docuimus: quamquam, ut verum fatear, valde clarius est principium, cui innititur primus modus in prima figura, quam principia, quibus alii duo in secunda & tertia. Siquidem ad intelligendam aliorum, etiam negantis in prima figura legitimam formam, præter reflexionem ad aliquod ex tribus principiis opus est etiam cognitione illius quod ubi prædicatum est terminus singularis, propositio converti potest, & propositione aliqua ita conversa, reductione ad aliquem ex tribus absolute legitimis modis. Positis vero duobus in prima figura modis, altero affirmante num. 1. altero negante num. 6, inquirendum suscipio an alii omnes ad unum ex his redigi possint. Numero 20 dicti §. 53. jam ostendi modum negantem conditionate legitimum in prima figura redigi ad tertium ex legitimis per se, qui est in tertia figura. Ergo etiam tertius ex legitimis per se tertiæ figuræ, & omnes alii conditionate legitimi, qui ad hunc reducuntur, ad modum negantem ipsius primæ figuræ redigi queunt. Secundus autem per se legitimus

Si C est in A

& C non est in B

Ergo A non est in B

ad negantem primæ figuræ nec proxime, nec remote reduci potest. Nam ob rationem ibi allatam solum consequens converti potest, eo quod A & B debent esse singularia, C vero potest tale non esse. Qua conversione peracta, & posito B pro majori extremo, A pro minori, & C pro medio termino, hunc habebimus

Si C non est in B

& C est in A

Ergo B non est in A

qui pariter modus est secundæ figuræ, uti superior. Ergo modus absolute legitimus secundæ figuræ, & alii omnes, qui ad eum tantummodo redigi possunt, ad modum aliquem primæ figuræ redigi nequeunt. Et revera hic syllogismus *Ille homo qui mihi fit obviæ, est medicus, sed filius natu maximus Petri non est medicus; ergo ille homo, qui mihi fit obviæ, non est filius natu maximus Petri*, nullo pacto ad syllogismum primæ figuræ redigi potest, eo quod sola conclusio converti quit, non vero præmissæ, utpote quæ prædicatum habent minime singulare. Qua conversione non mutatur syllogismi figura, sed solum obtinetur, ut major præmissa in minorem abeat, & minor vicissim in majorem. Ergo ex iis præmissis mens cognitionem conclusionis haurire potest solum vi secundæ figuræ. Id quod cadit etiam in aliquos ex syllogismis universalibus ejusdem figuræ. Quamquam enim hic syllogismus *Omnis homo est rationalis; sed nullus lapis est rationalis; ergo nullus homo est lapis*, conversione minoris & consequentiæ in syllogismum primæ convertat; tamen hic alter *Omnis homo est rationalis; sed aliquod animal non est rationale; ergo aliquod animal non est homo*, non potest a secundâ ad primam migrare figuram, eo quod nulla ipsius præmissa converti quit. Ex quo sequitur univérse verum non esse, quod Wolphius contendit, syllogismos cujuscunque figuræ ad syllogismos primæ posse reduci. Cujus ratio jam constat in singularibus syllogismis

ad

ad quos redigi universales §. 59. jam docuimus. Ex hoc vero etiam apparet quantum ad omnes difficultates solvendas momenti sit in ea nostra ratione, qua syllogismorum principia stabilivimus in Institutionibus.

CAPUT SECUNDUM.

De necessitate assentiendi conclusioni cum mens dat assensum præmissis.

§. 212.

Definitiones.

Quæstionem hic tractare aggredior in Scholis quidem celebrem, sed non magni momenti, ut sine damno posset omitti. Sed quia multa hic à Scholasticis involvuntur præsertim ob defectum notionis claræ & evidentis circa assensum atque dissensum, abs re non esse arbitror in ea solvenda aliquantum morari. Tria esse possunt in anima quod pertinet ad actus voluntatis circa aliquam rem. Potest eam velle, potest nolle, & potest nec velle nec nolle, sed inter utrumque suspensa manere. Velle & nolle sunt actus contrarii & diversæ speciei, quia unus includit negationem alterius, sed non solam, verum etiam aliquid aliud §. 201. Velle, non velle sunt contradictoria, quia non velle includit tantum negationem alterius.

2. Hoc posito tunc dicitur anima habere libertatem contradictionis & exercitii, quando potest velle & non velle, idest non ponere actum voluntatis; necessitatem vero contradictionis, quando ita debet velle, ut non possit abstinere ab hoc actu, & suspensa manere. Tunc autem dicitur habere libertatem contrarietatis & specificationis, quando potest velle, & ponere etiam actum contrarium, idest nolle; necessitatem vero, quando potest solum aut velle, aut nolle, ita ut nequeat elicere actum contrarium.

§. 213.

Propositio.

His constitutis ajo eodem tempore, quo mens assentitur præmissis, eandem cogi ad assensum in conclusionem utraque necessitate tum contradictionis tum contrarietatis, adeout nec possit ponere actum contrarium, idest dissensum, nec suspensa manere sine ullo aut assensu, aut dissensu. Prob. 1. pars. Qui vult primum, eodem tempore vult etiam secundum, quod est necessario connexum cum primo, adeout non possit ab hoc actu voluntatis abstinere; ut qui vult trahere primum catenæ annulum, vult trahere etiam secundum, qui est ærèissime cum primo conjunctus; atqui assensus & dissensus sunt actus, quibus anima vult verum tamquam sui intel-

lectus bonum & perfectionem, averfatur falſum tamquam imperfectionem §. 180. & ſeq. & alioquin conclusio eſt neceſſario connexa cum præmiſſis, ut conſtat ex principiis, quibus regulæ inniuntur ſyllogiſmorum. Ergo eodem tempore, quo mens aſſentitur præmiſſis, etiam conclusioni aſſentiatuſ oportet ita ut ab hoc actu nequeat abſtinere.

2. Prob. 2. par. Mens non poteſt eodem tempore velle & nolle eandem omnino rem; ſed ex prima parte liquet mentem quo tempore aſſentitur præmiſſis, neceſſario debere aſſenſum præbere conclusioni. Ergo eo tempore, quo aſſentitur præmiſſis, diſſentiri non poteſt, nec idcirco actum contrarium elicere.

§. 214.

Objeſto.

Mens non debet aſſentiri propoſitioni ab ipſa non cognitæ; atqui mens poteſt cognoscere præmiſſas, quin conclusionem cognoscat. Ergo poteſt aſſentiri præmiſſis, quin aſſentiatuſ conclusioni.

§. 215.

Reſponſio.

Diſt. maj. Mens non debet aſſentiri propoſitioni incognitæ aſſenſu explicito co. implicito ſubd. ſi non aſſentiatuſ alteri, quicum illa neceſſario connexa eſt co. ſi aſſentiatuſ ne. Et diſt. conſeq. Poteſt aſſentiri præmiſſis quin aſſentiatuſ conclusioni aſſenſu implicito ne. explicito ſubd. ſi eam non cognoscat, aut illius neceſſariam cum præmiſſis connexionem co. ſi utrumque cognoscat ne.

Aſſenſus explicitus eſt qui datur propoſitioni cognitæ ſub propriis terminis ſubjeſti & prædicati; aſſenſus implicitus eſt qui datur alteri propoſitioni, quicum prima neceſſario copulata eſt. Unde aſſenſus implicitus erga conclusionem ſemper neceſſarius eſt eo tempore, quo mens aſſentitur præmiſſis, eo quod conclusio eſt propoſitio in iſdem præmiſſis incluſa. Aſſenſus vero explicitus eſt neceſſarius, ſi mens eodem tempore, ac aſſentitur præmiſſis, conclusionem cognoscat & neceſſariam illius cum præmiſſis connexionem. Nam qui vult unum, vult etiam aliud, quod noſcit eſſe neceſſario connexum primo. Ut qui vult trahere primum catenæ annulum, explicite vult trahere etiam ſecundum, quem videt eſſe neceſſario cum primo conjunctum.

§. 216.

Instantia.

Atqui licet mens neceſſitudinem conclusionis cum præmiſſis agnoscat, tamen poteſt aſſentiri præmiſſis, quin eodem tempore conclusioni aſſentiatuſ; ergo &c. Prob. min. ſub. Anima humana in volendo libera eſt utraque libertate tum contradictionis, tum contrarietatis; atqui ex noſtra ſententia aſſenſus & diſſenſus ſunt

voluntatis actus; ergo etsi mens necessitudinem &c.

§. 217.

Responsio.

Dist. Anima est libera in volendo a necessitate hypothetica ne a necessitate absoluta sub. quando bonum est incertum co. quando est certum ne. Anima non potest velle nisi quod ipsi apparet sub specie boni, sive perfectionis, & in hoc libera non est. Quia vero in hac vita bonum verum potest apparere sub specie mali & imperfectionis, & malum verum sub specie boni & perfectionis, idcirco humana voluntas est libera in eligendo alterutrum ex duobus contrariis a necessitate absoluta, non vero ab hypothetica, quia sub allata in distinctione hypothesi quod anima velit primum, debet etiam velle secundum, quod cum primo necessario copulatum esse cognoscit. Ut homo non debet necessitate absoluta velle trahere primum catenæ annulum, quia potest ab hoc actu abstinere; at si velit trahere primum, tunc ex necessitate conditionata debet velle etiam trahere secundum, qui cum primo aptus est atque connexus. At si aliquod apparet sub specie tanti boni, ut contradictorium aut contrarium sub specie boni apparere non queat, tunc voluntas etiam necessitate absoluta cogitur ad illud appetendum: sic Deus beatis in cœlesti patria sub specie tanti boni apparet, ut illum odio habere, aut ab illo amando abstinere sub specie boni nequeat apparere. Ex quo fit ut eum necessario ament.

2. Quo posito vel veritas propositionis evidens est & certa ipsi menti, vel incerta & obscura. Si primum illam velle eique assentiri debet necessitate absoluta, quia illam tamquam certum bonum & sui perfectionem agnoscit, adeo ut contrariam propositionem sub specie veri & perfectionis percipere nequeat. Ex quo fit ut etiam si sola proponatur, eidem assentiri debeat. Sin autem secundum, tunc nulla cogitur necessitate absoluta ob allatam rationem, sed solum hypothetica, quia sub conditione quod assentiat præmissis, eodem tempore debet assentiri conclusioni, quam cum præmissis necessario copulatam videt. Unde potest quidem non assentiri præmissis incertis nec conclusioni, at simul ac primis assensum præbet, etiam tertiæ eodem instanti præbeat necesse est. Idcirco dixi eodem tempore, quia nec antequam assentiat præmissis incertis, nec postquam assentita est, debet necessario conclusioni incertæ assentiri, quia quemadmodum potest aut non dare assensum præmissis, aut jam datum revocare, ita etiam potest assensum in conclusionem suspendere.

3. Quod vero hic declaravimus, magno nobis usui erit in liberta-

tatis negotio, ut in hac quæstione plus momenti ponere incipiam, quam ab initio putaram.

218.

Instantia.

Atqui potest mens dissensum præbere conclusioni incertæ eodem tempore, ac eidem assensum dat; ergo saltem non cogitur necessitate contrarietatis, quia potest simul assensum elicere & dissensum, qui sunt actus contrarii. Prob. min. subf. Assensus conclusioni incertæ datus est assensus cum dubio, ne oppositum verum sit; atqui dubium est aliquis disensus. Ergo &c.

§. 219.

Responsio.

Illud dubium est negatio perfectioris assensus co. est aliquis positivus disensus ne. Tria præstare potest mens circa propositionem ex. g. affirmantem; potest eidem assentiri, potest dissentiri, & potest inter utrumque suspensa manere nullum nec assensus nec disensus actum eliciendo. Primum præstat, cum saltem tamquam vero similis cognoscit prædicatum convenire subiecto; secundum vero, cum saltem tamquam verosimiliter percipit prædicatum non convenire; tertium denique, quando aut nullam rationem cognoscit, cur prædicatum conveniat subiecto, aut si quas, prorsus æquales pro utraque parte, adeo ut nec convenientiam, nec repugnantiam tamquam verosimiliorem percipiat. Si autem assentitur, id vel facit, quia evidenter & certo cognoscit prædicatum esse in subiecto, vel quia solum obscure & probabiliter. Si primum, dat assensum propositioni affirmanti plenum atque perfectum, tamquam certæ veritati, & certo bono & perfectioni sui metipsum, eo quod in negante nihil prorsus veri atque perfectionis esse posse cognoscit. Sin vero secundum, assentitur quidem, sed assensu debiliore, minime pleno atque perfecto, eo quod illa convenientia est incertum bonum, atque perfectio, & licet verosimiliter cognoscat prædicatum inesse subiecto, tamen ob alias rationes tamquam verosimile intelligit non inesse, qua cognitione a pleno & perfecto assensu præbendo deterretur atque retrahitur. Quare cum dicitur mens conclusioni incertæ & solum probabiliter assentiri cum dubio, eo quod assensus in conclusionem non potest esse firmior assensu in præmissis probabiles, illud dubium non est aliquis positivus disensus, quia assensus & disensus, utpote actus contrarii & ideo contradictoria includentes §. 213. num. 2. eodem tempore in eadem mente esse nequeunt; sed solum est aliqua negatio & defectus majoris & perfectioris illius assensus, qui a mente præbetur præmissis & conclusioni certis & evidentibus.

C A-

CAPUT TERTIUM.

De primo nostræ cognitionis principio deque certo, & probabili, & de variis probabilitatis gradibus, & de opinione, & fide.

ARTICULUS I.

De primo nostræ cognitionis certæ principio.

§. 220.

Propositio.

Primum certæ nostræ cognitionis principium est hoc: *Quod prædicatum clare & evidenter aut proxime aut remote cognoscitur esse aut non esse in subiecto, illud revera est in eodem aut non est.* Prob. Illud est primum nostræ cognitionis principium, quod est hujusmodi, ut ex altera parte per nullum aliud ostendi possit, per ipsum vero omnia ostendi queant, & ab ipso omnes certæ mentis humanæ cognitiones pendeant, & ex altera certissimum sit. Atqui res ita se habet de dicto principio. Prob. I. pars. Quemadmodum lux est ratio, propter quam omnia alia corpora per se non lucida videntur, ipsa vero non indiget alia luce, ut videatur, quia ipsa per se videtur, & proxime oculos percipit: ita claritas & evidentiæ quæ est lumen mentis, quaque intimo sensu percipimus prædicatum inesse subiecto, aut non inesse, est ratio propter quam mens omnia alia cognoscit, ipsa vero non indiget aliquo alio, quia ipsa per se mentem afficit. Et revera ideo mens certo assentitur omnibus aliis principiis atque propositionibus, quia cum assensus sit actus voluntatis, quo anima vult verum tamquam intellectus perfectionem, §. 217. iisdem certo & firmiter non assentitur, nisi clare & evidenter cognoscat eas propositiones esse veras, & ideo prædicatum inesse subiecto, & idcirco tamquam certum bonum, & perfectionem suimetipsum. Si enim solum obscure cognoscat, subdubitare potest, utrum prædicatum revera insit subiecto, nec ne §. 217. 219.

Ex quo patet etiam secunda. Nam id per quod mens certo assentitur omnibus aliis principiis atque certis cognitionibus, certum esse debet; atqui dictum principium est hujusmodi. Ergo certum esse debet.

§. 221.

Obiectio contra primam partem.

Dantur cognitiones certæ sine claritate idearum; ergo &c. Prob. ant. Certum est ex. g. Cæsarem fuisse interfectum, Constantinopolim

ex-

existere; atqui clare non cognoscimus prædicatum *interfectum* convenire Cæsari, prædicatum *existens* convenire Constantinopoli, ergo &c.
§. 222. Responsio & definitiones.

Dist. clare non cognoscimus prædicatum *interfectum* convenire Cæsari &c. proxime co. remote ne. Nam triplex datur certa cognitio; prima est per sensus & partem animæ inferiorem, quæque dicitur aut sensatio, si sit rerum præsentium, quæ re ipsa in sensus externis incurrant, ut dum video solem jam ortum; aut imaginatio, si absentium, quæque aliquam in cerebro impressionem per sensus factam reliquerunt, ut dum solem antea visum imaginor. Secunda est per reflexionem & attentionem mentis ad ideas per sensus ingressas, & per partem animæ superiorem, quæque dicitur aut intelligentia, si non solum clare & evidenter sed etiam proxime cognosco prædicatum inesse, aut non inesse subjecto; aut scientia, si id cognosco non proxime, sed solum remote, eoquod ope ratiocinii & alicujus syllogismorum principii tam prædicatum, quam subjectum cum medio termino convenire novi §. 61. Tertia est fides, perquam cognosco prædicatum inesse aut non inesse subjecto nec per meos sensus atque imaginationem, nec per meam ad ideas sensuum attentionem, sed per dictum aliorum, qui affirmant, aut negant prædicatum convenire subjecto. Hæc autem fides certa non est, nisi mihi persuaserim eos testes nec posse fallere, quia cognosco eos esse omni exceptione majores, nec falli, quia cognosco eosdem clare percepisse veritatem propositionis aut per sensus, aut per ipsorum animæ reflexionem. Primum usavenit in existentia Constantinopolis, quia id asserunt tot homines, qui eam viderunt, ut dubitare non possim eos omnes aut fallere, aut falli. Alterum autem, si ignarus Geometriæ credam tres angulos trianguli esse æquales duobus relictis, quia scio omnes Geometras id affirmare tamquam ex principiiis certis & evidentibus conclusum. Hæc vero fides duplex est alia humana, quæ nititur testimonio aliorum hominum, ut in alatis exemplis; alia divina, quæ testimonio Dei, quæque certissima est, eoquod ex altera parte ob eas naturales rationes, quibus Theologi ostendunt veritatem Religionis Revelatæ, sive Deum esse locutum, & multa hominibus ipsum per se revelasse, certus sum Deum aliquod affirmasse, ut tres esse in una natura divina Personas, & ex altera evidenter cognosco Deum, utpote optimum, non posse fallere; utpote omnia cognoscentem, non posse falli.

2. His positis ajo nos in iis propositionibus, quibus ob fidem humanam aut divinam assentimur, non cognoscere quidem eviden-
ter

ter simul & proxime prædicatum inesse subjecto, id tamen agnoscere remote, eo quod intelligimus eam inter prædicatum & subjectum convenientiam clare intelligi ab aliis; quibus fidem habemus; & hanc esse rationem, cur habeamus; quia si nobis persuasum non esset, eam convenientiam ab aliis clare & evidenter intelligi, certam iisdem fidem non haberemus. Tunc enim subdubitare possemus eos falli in iis, quæ ab ipsis solum obscure percipiuntur, quemadmodum subdubitamus de propositionibus, quæ a nobis cognoscuntur, si prædicatum inesse subjecto clare & perspicue aut per intelligentiam, aut per scientiam non percipimus. Ergo clara & evidens cognitio convenientiæ inter prædicatum & subjectum est principium non quidem proxime, sed remote certitudinis cognitionum, quæ per fidem humanam, aut divinam habentur.

§. 223.

Instantia.

Atqui in propositionibus, quas fide cognoscimus, nullo modo nec proxime, nec remote clare intelligimus prædicatum inesse, aut non inesse subjecto; ergo &c. Prob. min. sub. In hisce propositionibus saltem per solos sensus cognoscimus eam propositionem a testibus affirmari, quia illorum testimonium aut. audivimus, aut legimus. Sed in iis quæ per sensus noscuntur, clare non cognoscimus rem; ergo &c. Prob. min. Dum ego ex. g. video Petrum, clare non cognosco nisi existentiam ideæ Petri in mea mente, non vero existentiam Petri extra mentem; & revera in somnio clare video Petrum, ut in vigilia, & tamen Petrus tunc ibi non est. Ergo &c.

§. 224.

Responsio.

Dist. ego clare non video existentiam Petri extra mentem sine adminiculo cognitionis bonitatis Dei co. cum adminiculo ne. Concedo equidem ob allatum in objectionem argumentum nos neque proxime clare cognoscere extra mentem existere res, ad quarum præsentiam sensationum ideæ in anima excitantur. At si cognitio existentiae huiusmodi certa est, ut revera est, dico eam certitudinem acceptam ferri debere alicui cognitioni per se claræ & evidenti. Cum enim per se clarum non sit existere objecta, quæ videmus, per se quoque certi non erimus de illorum existentia, quia subdubitare possumus, utrum in vigilia semper id nobis contingat, quod aliquando in somnio usuvenit. Et revera cum hæc sensationum excitatio sine ullo corpore extra mentem esse queat, non possumus esse certi de corporum existentia, nisi aliunde claram habeamus rationem, cur revera id non fiat, & cur sensationes non excitentur

Tom. I.

R

tur

tur nisi a corporibus, quæ reipsa existant. Dico igitur cum Cartesio nos ex solis ideis animæ nostræ acquirere claram cognitionem existentiae Dei §. 125. tamquam entis optimi & summæ perfecti, qui idcirco permittere nequeat, ut per sensus continuate decipiamur, & adminiculo hujus claræ perceptionis clare quoque intelligere corporum extra mentem existentiam. Ex quo sequitur ut certitudo sequatur evidentiam, & cognitiones claræ proxime & per se sint etiam certæ proxime & per se; claræ vero remote & adminiculo alterius claræ cognitionis inde etiam suam certitudinem mutantur. Quo constat quod in prima parte propositum est.

§. 225. Objectio adversus 2. partem.

Illud principium non est certum quod in errorem inducit; atqui multi per ideam claram in errorem inducuntur. Ergo &c.

§. 226.

Responsio.

Dist. min. multi in errorem inducuntur per ideam claram, quam revera habent ne. quam putant se habere sub. idque oritur ex defectu eorum, qui principio abutuntur co. ex defectu ipsius principii ne. Nam qui revera claris ideis afficiuntur, & prædicatum contineri in subiecto clarissime percipiunt vel proxime, ut in principis & propositionibus per se notis ex. g. totum est majus sua parte, vel remote ope syllogismorum, ii numquam in errorem inducuntur, nec ullum a contrariæ sententiæ Philosophis Huetio & Bælio exemplum afferri potuit ideæ claræ, quæ simul falsa foret. Qui vero putant se habere hujusmodi perspicuitatem, & non habent, ii facile in errorem labuntur; sed id vitio vertendum non est ipsi principio, quod per se semper in veri cognitionem inducit, siquis illo bene utatur, sed iis, qui principio abutuntur, eo quod antequam clarissime noscant prædicatum in subiecto contineri, nimis præcipitanter propositioni assentiuntur. Et sane alia quoque principia, ut illud, impossibile est idem simul esse & non esse, in errorem per sepe trahunt §. 203. Sed quia id non faciunt per se & ex sui defectu, sed per accidens & ex defectu eorum, qui iisdem abutuntur, & ad rem, qua de agunt, perperam admovent; idcirco ab omnibus nihilo secius admittuntur. Quid ni ergo idem faciamus in allato a nobis principio?

§. 227.

Instantia.

Ex concessis aliqui putant se habere ideas claras, & tamen non habent; ergo hoc principium saltem per se certum non est, & idcirco minime omnium primum. Prob. conseq. Qui putant se habere ideas claras & non habent, opus habebunt alio principio ad di-

distinguendas ideas vere claras ab iis, quæ solum tales apparent; atque ex concessis aliqui &c. Ergo hoc principium ipsum per se incertum est, & solum ab alio principio certitudinem inutabitur.

§. 228.

Responsio.

Diitin. maj. Opus habebunt alio principio &c. si ad internoscendas ideas vere claras ab iis, quæ tales non sunt, satis non sit diligens animi attentio ad ipsas propositiones co. si satis sit ne. Et dist. min. Aliqui putant se habere ideas claras & non habent, eo quod satis non attendunt ad suas ideas co. si satis attenderent ne. Nam vel propositiones sunt per se & proxime claræ & evidentes, ut *totum est majus sua parte; ego cognosco me cognoscere*, vel solum remote ope syllogismi. Si primum, summa evidentia talis est naturæ, ut qui eam habet, non possit dubitare utrum eam habeat, nec ne, & utrum prædicatum revera conveniat subiecto. Et revera si quis ad seipsum attendat, clarissime sibi conscius erit se non posse non solum intus negare propositiones per se claras, uti sunt allatæ, verum nec de illis vel aliquantisper dubitare, tametsi verbis contrarium affirmet. Nam evidentia ob supra allatam rationem a ratione boni petitam certo certius & necessario assensum extorquet. Quare simul ac aliquod in mente dubium de veritate propositionis residuum est, id argumento est claræ & evidentem de illa notionem non haberi. Sin autem alterum, idem continget non proxime in ipsa propositione, sed in iis præmissis, ex quibus illa deducitur, & ope illarum etiam in conclusione. Quibus positis ajo ut mens cognoscat se habere ideam vere claræ, & eam ab obscura internoscat, non opus habere alio principio, quod sit prius, sed sola attentione sufficienti ad suas ideas, quia ut supra dixi §. 120. ideæ clare cognoscuntur per se, uti homo ad lucem videndam non habet opus, nisi ut oculos aperiat atque intendat, quia lux per se ipsa videtur, & est ratio, propter quam alia videntur. Quod præsertim est necessarium in iis propositionibus, quæ ope plurium syllogismorum ex propositionibus evidentibus deducuntur. Si quis enim satis distincte non attendat ad omnes propositiones, ex quibus illa pender, & singulos syllogismos non efformet, facile in seriem syllogismorum insinuare se poterit aliqua propositio obscura & falsa, cujus causa etiam conclusio falsa, tamquam evidens, a mente putetur. Ex quibus patet hoc principium per se incertum non esse, quia in promptu est facilis modus internoscendi ideas vere claras ab iis, quæ tales non sunt, si modo ad omnes propositiones, ex quibus aliqua colligitur ope syllogismorum, diligenter attendamus.

R 2

In-

§. 229.

Instantia.

Hoc principium ipsum per se incertum est, si quis errare possit in iis, quæ clare percipit; sed aliquis errare potest in iis, quæ clarissime percipit; ergo &c. Prob. min. anima in somnis clarissime percipit & videt amicum tamquam præsentem, & tamen in hoc errat, quia præsens non est. Ergo &c.

§. 230.

Responsio.

Dist. anima in somnis clarissime percipit ideam visionis amici in se ipsa existentem co. ipsum amicum extra mentem sub. quod attinet ad possibilitatem co. quod attinet ad existentiam neg. saltem proxime. Nam ut dixi §. 224. mens clare & proxime non percipit existentiam objectorum, quæ in sensus incurrunt, sed solum ideas eorumdem in seipsa excitatas, existentiam vero solum colligit ex eo, quod Deus nos decipere nequit continuatis illusionibus. Quod attinet vero ad possibilitatem, anima non potest aliquam rem tamquam possibilem clarissime percipere, quin ea revera possibilis sit, & prædicatum quod inesse percipitur, revera insit aut inesse possit. Cum enim ideæ sint rerum imagines iisdem similes, non possum ego clare percipere unam ideam in altera inclusam tamquam convenientem, aut ab altera exclusam tamquam discrepantem, si revera objectum a prima præsentatum in objecto ab altera exhibitum non includatur tamquam inesse potens, aut excludatur, tamquam inesse repugnans. Si enim ideæ rerum convenientiam aut discrepantiam, quæ non forent reipsa, exhiberent, iisdem rebus nequaquam similes forent. Ergo quod clarissime percipitur esse possibile, id revera possibile est.

§. 231.

Instantia.

Atqui mens clarissime percipere potest rem aliquam quod attinet ad possibilitatem, quin revera possibilis sit. Ergo &c. Prob. min. subf. Mens clarissime percipit quantitatem infinitam esse majorem quantitate finita; atqui nihilominus id falsum est, & Geometræ clarissime demonstrant, quantitatem aliquam infinitam, uti spatium inter hyperbolem & asymptotum, esse æqualem quantitati finitæ. Ergo &c.

§. 232.

Responsio.

Distin. mens clarissime percipit quantitatem infinitam ex una parte, & non infinite parvam ex altera esse majorem quantitate finita co. infinite parvam ex altera ne. Atqui Geometræ ostendunt quantitatem infinitam ex una parte & infinite parvam ex altera esse æqualem quantitati finitæ co. non infinite parvam ex altera ne.

ne. Nam si possibiles sunt quantitates aliquæ infinitæ, clarissime ostenditur a Geometris esse possibiles etiam quantitates infinite parvas, sive infinite minores quantitate finita, & unam quantitatem infinitam esse posse majorem, aut minorem alia tum finito numero, tum infinito. Hoc posito fac duas tabulas quarum prima habeat infinitam longitudinem, sed infinite parvam latitudinem, secunda vero finitis tum longitudine tum latitudine circumscribatur. Clarum est primam esse posse æqualem secundæ, quia quantum prima infinities superat secundam ratione habita longitudinis, tantumdem ratione habita latitudinis infinities a secunda superatur. Quod si prima non foret infinite parva ratione latitudinis, tunc profecto evidens foret eam esse futuram infinities majorem secundâ. Quamobrem ex hac ratione nihil effici potest adversus possibilitatem eorum, quæ clarissime percipiuntur.

§. 233.

SCHOLION XXVII.

Quod attinet ad certam cognitionem eorum, quæ per sensus incurrunt, in duas dispescuntur sententias Philosophi, alii volunt corporum, quibus sensus afficiuntur, existentiam ipsam per se ita esse perspicuam, ut aliis cognitionibus clarioribus id probari non possit. Audiamus inter alios Cl. Vernejum, qui in libro inscripto *De re metaphysica libri quatuor*. Romæ 1753. l. 3. cap. 4. §. 2. hæc habet: *Falsum est nos tantum scire certo & evidenter, esse in nobis talem perceptionem: nam etiam scimus evidenter esse reapse objectum illius perceptionis. Negamus etiam secundam partem minoris. Nam isidem certi sumus, ejusmodi impressiones reapse ab objectis corporibus remote provenire. Qui inquit, utrumque illud clare & evidenter scimus? Dicam, nec id magna circumsione verborum, tanta est rei evidentia. Quod ad primam partem tam præcipue menti nostræ objicitur nos habere talem perceptionem, quem objicitur, existere objectum talis perceptionis v. g. tam præcipue sentio, me corpus meum cognoscere, quam corpus meum esse: nec enim illud cognoscerem, nec sentirem, nisi esset. Item tam præcipue cognosco, me cum ad lapidem celeriter offendo, dolorem sentire, quam lapidem esse in quem offendi. Qui enim alterum altero obscurius est? Provoco ad omne genus humanum, qui si interrogantur an possit aliquis dolorem ex incurso in lapidem sentire, quin lapis existat, in quem incurrat; sine ulla dubitatione omnes respondebunt, fieri non posse: & quod inde fit consequens, pro certo & perspicuo habebunt, lapidem existere. Quid, quaeso, amplius requiritur, ut dicamus rem esse perspicuam? ego vero nihil video.*

Altera pars eadem ratione demonstratur. Nam ita perspicuum est, me dolorem sentire, quam est perspicuum, dolorem ex offensione in lapidem oriri. Quis enim sane mentis de hoc dubitabit? interroga singulos homines, nec doctos modo, sed indoctos, sed puellios, modo sani cerebri sint; an dum dolorem ex offensione in lapidem percipiunt, hic dolor ex lapide, an ex motu aeris, an ex quartana, an alia de causa proveniat: omnes respondebunt, ita apertum esse dolorem ex offensione in lapidem provenire, ut insanus sit qui neget. Cur ita? quia adeo perspicue hoc ipsam menti animi objicitur, ut nihil clarius objiciatur: adeo ut si ulterio-
rem

rem rationem petas, insanias: nihil enim clarius est, ex quo id demonstrari & effici possit, non secus ac ille qui rem clariorem luce quaesierit, nihil inveniet, sed tenebras offendet.

Quod ad secundam partem, respondeo, nos tam certo, ac evidenter cognoscere, animam nostram natura sua non habere ut tales impressiones in se exciet quas corporibus externis tribuimus, ut nihil certius, nihil clarius cognoscamus. Nam primum ejusmodi impressiones numquam in animo excitantur nisi praesentibus corporibus, & propter eorum motum. Deinde remotis corporibus, etiam si ego velim in me excitare acutum sensum doloris, aut voluptatis, non possum. Itaque a corporibus certissime oriuntur. Finge me vehementer in praesentia velle in animo meo excitare intimum illum sensum dulcitudinis quem percepi, cum pomum Ananaz vel purum, vel sacchato conditum manducavi. An possum? an ullus adeo bardus erit, ut dicat se illud excitare posse, eundemque pro lubitu sentire? Quod si id esset, frustra nos cum saturi sumus, delicatiores & rariores cibos vehementer appetere-mus, iterum comederemus, ut fastidio quotidianorum ciborum occurreremus; sed satis esset, sensum illum voluptatis ex. g. in se pro lubitu excitare, ut omnibus deliciis diffunderemus.

2. Verum hæc assentiri non possum Cl. Viro. Qui enim fieri potest, ut tam sit perspicuum in anima nostra exstare sensationes corporum, quam extra animam corpora, ex quibus eadem oriuntur, cum in ipsius quoque sententia primum sit adeo certum, ut neque per divinam omnipotentiam aliter esse queat, quia Deus facere nequit, ut ego intimo sensu me sentire cognoscam, & nihilominus hæc sensatio in anima non sit; alterum autem solum, ut naturaliter quidem alio modo res se habere non possit; possit autem supernaturaliter & per miraculum, quia Deus facere quit, ut in me sensationes existant, & tamen extra me non sint corpora, quæ ab iisdem repræsentantur, & revera perpetuo facit in Eucharistia, in qua sine pane & vino ita claræ perficiantur eorundem sensationes, perinde ac si ante oculos & alios sensus panis & vinum exstarent. Ex quo ratio ita concludi potest. Sensatio panis & vini in Eucharistico Sacramento, non minus clara est, quam sensatio alius cujusque corporis mundi. Prima vero quod attinet ad probandam panis & vini existentiam, ipsa per se clara & evidens non est, eoquod ex altera parte quod evidenter apparet ut verum, falsum esse non potest, & ex altera panem & vinum ibi exstare aberrat a veritate. Ergo nec sensationes aliorum corporum, quod ad eorum pertinet existentiam, claræ & evidentes ipsæ per se non sunt.

3. Quæ cum ita sint, veniendum ad alios, qui volunt hanc enunciationem corpora existens ipsam per se claram & evidentem non esse, talem vero effici ope aliarum cognitionum, ex quibus necessario colligitur. Alii vero aliis rationibus id cogere & persuadere conantur. Cl. Joannes Gualbertus de Soria in libro inscripto *Opere Filosofiche in Lucca*. 1750. T. I. cap. 14. §. 10. rem ita exsequitur. „Eccerationem, quam quisque per se concludere potest, ipsam manu pedentem ducente evidentia ad illud colligendum materiam non esse aliquid apparens, aut solum probabile objectum, sed rem veram & physicam atque in natura constantem. Ubi nulla quantumvis minima ad generandum aliquem effectum difficultas occurrit, ibi non potest esse locus ulli ad ejusdem generationem nisi, ut per se patet. Ergo si quis adhibetur conatus ad quidpiam faciendum, is aliquam postulat nisi proportionem respondentem difficultatem. Quare omnis

ad

ad motum nifus aliquem postulat obicem atque renifum , qui motum diffi-
lem reddat , atque retundat . Jam vero interdum ego nitor ad motum fecundum
aliquas directiones , & pro libito nitor variis intenfionis gradibus ; hique funt
mei actus a voluntate profecti , quorum mihimetipfi fum confcius , quemad-
modum defideriorum judiciorumque & alius cujuscumque interioris actus . I-
gitur certo certius eft in hifce eventibus me invitum pati aliquam difficulta-
tem , five refiftentiam in illo motu , quem perficere nitor . Eft ergo aliquid ,
quod motui refiftit Quoniam igitur revera exftat aliquid aptum retunden-
do motui , quodque me cogit ad eos voluntate fufceptos conatus majores atque
minores , quos me exercere mihi fum confcius , dum aliquorufum me nitior
movere , neceffarium eft inter eam rem meque ipfum non intereffe liberum
fpatium , atque nullius refiftentiz ; quod ni ita foret , iis conatibus locus non
effet . Cum ergo eos exerceo , id quod refiftit a me non diftat ; quod eodem
revolvitur , ac fi dicerem me illud contingere , & cum eo non compenetrari
libere atque fine ulla prorfus refiftentia . Eft ergo contactus externus non au-
tem mei totius cum tota illa re . Ita fit ut ego atque illa res partibus con-
ftemus diftinctis , atque idcirco ut extenfionem habeamus . Ex quo tandem con-
fequitur reipfa exftare res extenfas , compenetrationique refiftentes ; id quod no-
mine materiz aut phyfici corporis intelligitur . Unde tandem concluditur ex-
ftare vera corpora naturalia . Q. E. O. „

4. Verum pace tanti Philofophi nego hac ratione effici quidquam , fimul
ac fenfationes corporum fine corporibus effe queunt . Nam ex eo quod ego in-
timo fenfu cognofco mihi objici refiftentiam , ne quem motum perficere cupio ,
perficiam , colligitur quidem exftare aliquid quod eam refiftentiz fenfationem
efficiat , non vero efficitur exftare corpora extenfa , & penetrationi refiftentia , eoquod
Deus ipfe per fe eam in anima fenfationem efficere potest fine ullo corporum
adminiculo , & quin aliquid præter Deum & animam exftet in hac rerum uni-
verfitate . Et revera nonne in Euchariftia refiftentiam panis ac vini fenimus , perinde
ac fi eadem forent : quam certe a folo Deo perfici omnibus catholicis certum
eft . Igitur ex hac particulari refiftentiz etiam nobis invitis fenfatione nihil
magis effici potest pro veri corporis exiftentia , quam ex omnibus aliis fen-
fationibus efficiatur . Quare fi ex aliis nihil ipfo affentiente concludi quit , ni-
hil neque ex hac concludi poffe fateatur neceffe eft : ut mittam in fomno multas
hujusmodi refiftentias feniri , quin ab aliquo præfenti corpore oriantur .

5. Ab hac ratione non valde difcedit una ex duabus rationibus , quibus fu-
pra laudatus Vernejus loco citato efficere conatus eft nos tam certo & eviden-
ter cognofcere animum noftrum natura fua non habere , ut tales impreffiones
in fe excitet , quas corporibus externis tribuimus , ut nihil certius , nihil cla-
rius cognofcamus ; quarum prima in eo polita eft , quod hujusmodi impreffiones
numquam , nifi præfentibus corporibus & eorum motu , excitantur ; altera in
eo , quod remotis corporibus , etiamfi ego velim excitare in me acutum fenfum
doloris aut voluptatis , non poffim . Ex fecunda enim aliud nihil colligitur quam
quod fupra concludum eft , fenfationes effe paffiones , quarum principium non
ab animæ natura , fed extrinfeceft accerendum , quod externum principium
tantum abeft ut a corporibus tamquam a cauffis efficientibus fit repetendum , ut
rationibus alibi fufe exponendis manifefturn fiat impreffiones a corporibus in
cerebro faftas nequire effe cauffas , quæ fenfationum efficiendarum vim ipfæ in fe co-
hi-

hibeant. Ad primam autem Scepticus affirmaret illud quod obijcitur de sensationibus, quæ nisi præsentibus corporibus non efficiuntur, aliud nihil sibi velle, quam sensationes non effici, nisi cum efficiuntur, eoquod cum ex supra disputatis sensationes etiam nullo præsentē corpore excitentur perinde ac si corpus extra mentem præsens foret, præsentia corporum aliud nihil est, quam excitatio sensationis, quæ ideam corporum exhibet.

6. Quare his missis rationibus, quæ mihi videntur nequaquam idoneæ ad id efficiendum, quod propositum est, arbitror satis esse superque eam, quæ a Cartesio primum allata est, repetitam a summa perfectione & bonitate Dei. Nam primo anima ad seipsam attendens atque ad suas ideas, clarissime atque certissime percipit se ipsam existere; ex eo, quod ipsa existit, similiter intelligit existere ens a se §. 224. 125. ex ipsa entis a se natura omnes in eo esse perfectiones possibiles, atque idcirco etiam infinitum in cognoscendo intellectum, ut nihil lateat ens a se, & ideo illud numquam falli possit, & perfectissimam voluntatem cum summa bonitate erga entia ab alio ab ipso manantia conjunctam, ut inde plane intelligere queamus ens a se non posse fallere substantias intelligentes a se conditas. Cum vero constanti omnium sensuum testimonio extra nostram mentem existare corpora appareat, & omnibus id ita sit persuasum, ut fere omnes homines de corporum existentia neque minimum quid dubitare se posse credant, inde efficimus fore ut Deus homines perpetuo fallat atque decipiat, si ipse per se sine ullo extra mentem posito corpore sensationes eorumdem tamquam præsentēs excitaret. Ergo ex his omnibus propositionibus aut ipsis per se aut aliarum adminiculo perspicuis atque evidentibus corpora existare planissime conficitur.

7. At enim tantum abest, ut ex eo quod Deus fallere nequeat, plane efficiatur non posse in nobis excitare sensationes corporum tamquam præsentium, quin revera corpora existant, ut revera in omnium sententia aliquando id efficiat. Siquidem id perpetuo facit in Eucharistiae Sacramento.

8. Concedo equidem, sed præmonitis fidelibus id quod apparet esse panis & vinum, tale non esse, sed Christi corpus; quo certe Deus neminem fallit, quemadmodum nec actores in scena fallunt dum quidquam exhibent perinde ac si tunc fieret; eoquod omnes ad theatrum accedunt ante admoniti veras res illic non agi, sed solum repræsentari. Quod certe non cadit in rem, qua de agimus. Quando enim nos Deus commonefecit non existare corpora mundi, quæ sensibus tamquam præsentia exhibentur? Ergo si non existerent, Deus vere nos falleret.

9. Urgere aliquis potest has corporum tamquam præsentium sensationes in dormientibus aut in furiosis sine iisdem corporibus excitari, nec tamen Deus homines fallere dicendum est, tamen eosdem nequaquam erroris commonefaciat. Quid nī ergo dubitemus etiam vigiliam esse aliquam perpetui somnii speciem, in qua sensationes rerum corporearum sine iisdem rebus imprimantur, quin inde possimus occasionem arripere Dei tamquam deceptoris insimulandi?

10. Verum responsio est in promptu. Deus enim etsi conceptis verbis, ut in Eucharistico Sacramento, nos minime admonuit, virtute tamen admonuit, ne ideis somni fidem haberemus, dum nobis alium præter statum somni tribuit statum, vigiliæ scilicet, in quo collocati aperte cognosceremus eas corporum

rum tamquam præsentium sensationes sine ullis corporibus reipsa præsentibus existisse. Ergo ex iis, quæ in statu somni aut furoris contingunt, nihil colligi potest adversus ea, quæ usuveniunt in statu vigilæ & sanæ mentis.

11. Instant vero & ajunt sensus nos fallere etiam in statu vigilæ, tamen si Deus alium nobis non concedat, in quo detegamus errorem. Nam ut mittam vulgaria de collo columbæ & de remo inflexo, nullus est in nobis sensus qui magnitudinem, figuram, tenturam aliasque corporum qualitates ita, ut sunt, repræsentet.

12. Ad id vero ajo Deum in hisce excitandis sensationibus, quæ res corporeas aliter, ac sunt, repræsentant, nos non fallere, quia et si alium nobis non largiatur statum, in quo easdem perinde, ac sunt, cognoscamus, tamen est largitus animæ vim reflectendi ad hujusmodi sensationes, & rationem inde pendentem, quibus in cognitionem veniremus sensus non esse accommodatos minimis corporibus repræsentandis, & veris corporum majorum inde profectis qualitatibus animæ renuntiandis, & alioquin datos esse ad eum finem, ut anima conservationi sui corporis consulere, ad quem obtinendum tanta in sensibus subtilitas necessaria non est. Quod vero rationis & reflexionis lumen animæ attribuit, illud minime aptum est ad errorem circa corporum existentiam detegendum, si vere anima erraret, dum per impressiones sensuum corpora existere sibi persuadet. Nam quod aliqui ex difficultatibus circa continui naturam & divisionem in infinitum, colligunt veram extensionem, atque ideo materiam, quæ in eo posita est, repugnare, atque idcirco animæ latis esse provium a Deo, ne in percipiendis corporibus tamquam præsentibus decipiatur, id nihil est & suo loco uberrime refutabitur. Ex quibus omnibus mihi videor clarissime posse conficere Deum nos fallere atque decipere, si perpetuam in sensibus corporum tamquam præsentium impressionem cum firma totius humani generis persuasionem sine ullis corporibus excitaret. Quod cum Divinam bonitatem certo certius dedecet, inde perspicuum fit corpora vere extra mentem existere.

13. His tamen non assentitur Cl. Buffierius in libro inscripto *Traité des premieres veritez. a Paris 1724*, qui alteram in hisce rebus init viam, & præter principium intimi sensus, quo certo & evidenter cognoscimus nobisque consciû sumus alterum in altero contineri, aut secus, principium sensus communis in medium adducit. Cujus nomine capite 5 primæ partis intelligit *dispositionem quam natura aut in omnibus hominibus, aut certe in maxima eorum parte ingenuit, cujus virtute fit, ut simul ac usum rationis acqviserunt, idem prorsus judicium præferant de rebus a sensu intimo suæ perceptionis diversis, quod judicium ab altero antecedente principio non oritur*. Ex qua definitione tres eruit cap. 8. proprietates enuntiationum, quæ communi sensu nobis innotescunt. Prima est talis harum propositionum perspicuitas, ut quando aggredimur easdem aut confirmare, aut infirmare, id præstare non possimus, nisi adminiculo propositionum, quas perspicuum est non esse neque clariores, neque certiores. Altera est posita in eo, quod ita universe probantur hominibus omnium ætatum, omniumque locorum & cujuscumque ingenii sint, ut qui eas oppugnant, ad illos, qui tuentur, sint in minori ratione, quam 1 ad 100, sive potius ad 1000. Tertia vero in eo sita est, ut sint in nobis ita insitæ ac firmiter impressæ, ut ad earum normam rationem vitæ degendæ exigamus adversus sub-

tilitates eorum, qui contrarias opiniones tuentur; hique ipsi suas exigant operationes non ad trutinam opinionum, quas fuere commenti, sed ad earum, quas alii communiter amplectuntur. His universe disputatis cap. V. recenset quasdam propositiones huiusmodi, & sunt quæ sequuntur 1. Sunt alia entia aliique homines præter me in hoc mundo. 2. Est in ipsis quidpiam quod appellatur veritas, sapientia, prudentia, idque est aliquid non pure ab arbitrio profectum. 3. Est aliquid in me quod dicitur intelligentia, & aliquid ab ea diversum, quod corpus, adeo ut hæc substantiæ diversis utantur proprietatibus. 4. Verum est quod dicunt & cogitant omnes omnium temporum & regionum homines. 5. Omnes homines in eo non consentiunt, ut mihi imponant, & referant id, quod abhorret a vero. 6. Quod non est intelligentiæ, effectum intelligentiæ generare non potest, nec moleculæ materiæ fortuito percipiæ motu, formare possunt opus ordine dispositum, motuque regulari agiturum, cuiusmodi est horologium. Tum ob rationes a nobis in antecessum allatas metaphysica evidentiā confici posse negat huiusmodi & similes propositiones, & aliquid ab ea rationes pro corporibus a divina bonitate petitas respondet primo notiozem atque clariorem nobis esse propositionem, quod corpora existunt, quam aliæ sint de existentia & summa bonitate Dei, ex quibus existentiam corporum Cartesiani colligi posse contendunt; secundo valde eos falli, qui ex ideis animæ nostræ, quibus ens summe perfectum percipimus, concludi posse volunt existere huiusmodi ens. 3. cum evidentiā metaphysica vulgo ponatur in perceptione eorum, quæ intimo sensu experimur in nostris ideis ac sensationibus, & in iis, quæ inde inferuntur; ea vero quæ inde inferuntur non sint nisi nostrarum perceptiones idearum, inde sequitur metaphysica evidentiā monstrari non posse Deum existere, nisi quis velit ideas animæ nostræ a Deo non esse discretas. Ita Buffierius.

14. Ut vero meam expromam sententiam, primum do Cl. Viro in hominibus existere huiusmodi sensum communem, & ejus adminiculo quamplures propositiones prius fieri notas, quam ad easdem certius probandas rationes excogitentur. Sed ajo hunc sensum communem sive persuasionem ab auctore naturæ impressam circa quasdam propositiones, & ipsasmet propositiones, eam, quam per se non habent, perspicuitatem & certitudinem atque uno verbo evidentiā metaphysicam mutuari ab intimo sensu, & a perspicuitate idearum, quibus afficimur. Nam primo quisque intimo sensu acquirit suimetipsius existentia cognitionem metaphysice certam & evidentem. Ex eo vero, quod ipse existit, similem acquirit cognitionem existentia Entis a se, quia non potest existere aliquid ens, nisi existeret quoque Ens a se, ut §. 93. & seq. planum fecimus. Ex natura vero & notione entis a se, necessaria & pariter evidenti connexionem evincit ens a se continere omne possibile ens, atque idcirco esse summe perfectum & a semetipso cogitante distinctum, atque ideo existere Deum, qualem Christiani venerantur. Id quod in Ontologia & in Theologia Naturali docebimus. Quod si id quod a re metaphysice certa & evidenti necessario colligitur, est quoque metaphysice certum & exploratum non quidem proxime, sed remote §. 222. existentiam Dei, quæ ex existentia suimetipsius quisque colligere potest, esse pariter metaphysice certam & exploratam concluditur. Et si altera ex altera necessario sequitur, minime officit certitudini & evidentiæ cognitionis Deum esse a nostra mente distinctum, propterea quod quæ

quæ certitudo & evidentia est in principiis, illa in consequentem propositionem legitime illatam redundat ipsomet assentiēte initio citati capitis, ubi talem existentiam Dei certitudinem fateri videtur. Quamobrem homini nullo pacto assentiri possum, dum capite XI. suadere nititur ex ordinariis Metaphysicæ principiis, ut ex illo *impossibile est idem simul esse & non esse*, elici quidem posse veritates internas successiōnemque & connexionem idearum nostræ mentis, rerumque possibilitates, non autem veritates externas, rerumque existentiam. Nam uti ex nostris ideis evidenter colligitur existere animam, quæ iisdem informatur, ita simili evidentia eruitur existere ens a se ac summe perfectum, eoquod ex ideis nostris efficitur alteram existentiam cum altera esse necessario aptam arque connexam, adeout si non existeret ens a se, nec posse existere animam ex dicto contradiccionis principio optime colligatur. Quamquam & illud in Ontologia docebimus clare & perspicue percipi esse possibile ens a se, & ex ejus possibilitate clare similiter & perspicue colligi existentiam ejusdem: cumque nonnulli ex possibilitate existentiam posse concludi negent, ibidem declarabimus rationem, cur ita putarint, ductam ex quadam præjudicata Aristotelæorum sententia circa internas possibilitates, quæ sine ulla externa existere queant, quam sententiam a veritate abhorreere plane consiciemus.

15. Verum utut res se habeat de hac ultima ratione demonstrandi existentiam entis a se summeque perfecti, ab existentia animæ nostræ eadem certissime eruitur, similique ratione evincitur ens summe perfectum nos non posse decipere, quemadmodum faceret, si nulla forent corpora extra animam nostram, ut supra docuimus. Qua de re consulendus est etiam Cl. Arnaldus, qui in libro adversus Malebranchium scripto inscriptoque *Des vrayes & des fausses idées . . . a Rouen 1724. capite 24.* octo profert rationes ad confirmandam corporum existentiam, ductas ex eo quod Deus nos falleret, si in nobis sine ullo corpore excitaret ideas respondentes tot vocibus, quot audimus, totque quas legimus in variis variarumque linguarum libris, eas præsertim, quibus Deus ipse ejusque divina attributa impugnantur, proptereaquod anima ex altera parte hujusmodi ideas ipsa per se non habet nec habere potest, & ex altera non decet Deum sine ulla corporum occasione ipsum per se eisdem excitare. Ex quibus omnibus compertum sit prius quidem sensu communi nosci corpora existare, quam ulla ad idem confirmandum ratio excogitetur, verum ex divina bonitate firmissimam colligi, quæ hic communis circa corporum existentiam sensus firmetur, & illam, quam ipse per se non habet, metaphysicam evidentiam acquirat. Eodem vero pacto sensum communem, quod attinet ad alias supra commemoratas & alibi commemorandas veritates, suis locis municiemus.

16. Ne quis tamen hoc sensus communis principio ita, ut advertimus, intellecto in fraudem inducatur, quemadmodum nonnullos inductos fuisse suis locis videhimus, advertendum est non solum esse necessarium, ut firma sit apud omnes cujusdam rei persuasio, verum etiam ut naturali ratione ab intimo sensu ducta cognosci nequeat error, si quis forte obrepisset. Si enim hac naturali ratione cognoscere quimus erroris labe esse infectam comunem aliquam hominum persuasionem, frustra ad eam confirmandam confugeremus ad summam Dei bonitatem, qui satis superque hominibus ea in re consulisset, iisdem lumen infundens rationis, quæ suum errorem dispellerent. Hac de causa

communem circa motum solis, aliorumque corporum circaque eorumdem figuram, quæ constanti sensuum testimonio nititur, opinionem nullam a divina bonitate mutuari præsidium, num. 12. docuimus, eo quod ratione naturali, quam Deus quoque hominibus indidit, perspicere possumus, quantum sit in hisce apparentis momenti. Eandem ob causam in firma hominum persuasione, quod dum aliud corpus in aliud incurrit, primum sit causa effectrix motus secundi, nihil esse roboris pugnaciter defendimus, eo quod in Ontologia perspicuam quam quæ maxime rationem afferemus, ex qua constabit unum corpus esse solum causam occasionalem motus alterius.

17. His quod attinet ad ea, quæ physice certa sunt, constitutis, venio ad ea, quæ moraliter certa dicuntur. Quæ certitudo duo principia desiderat; primum ut mihi constet alios id affirmare, quod certum dicitur. Quia vero ad id cognoscendum sensibus utimur aut auditus aut visus, dum alios de aliqua re testimonium aut voce aut scripto serentes audivimus aut legimus; hæc moralis certitudo physicam postulat. Alterum vero ut certi simus eos nec falli, nec fallere; ad quorum primi certam cognitionem acquirendam necessarium est mihi esse perspicuum alios eam rem, de qua testificantur, clare cognoscere, aut per sensus, si agatur de re, quæ per solos sensus cognosci quit, uti esse Constantinopolim & Romam, aut per animæ facultatem attendendi ad ideas sensus, & ad se ipsam reflectendi, si agatur de re, quæ ratione cognoscatur, uti tres angulos trianguli esse æquales duobus rectis. Ad secundi vero pariter certam cognitionem opus est scire testes non posse fallere. Quod pertinet ad res, de quibus Deus est testis, qui easdem suæ Ecclesiæ revelavit, nostra cognitio omnino certa & evidens est, quia ex principiis omnino evidentibus colligimus Deum esse sapientissimum, ut falli nequeat, & esse summe bonum, ut fallere. Quod vero pertinet ad ea, de quibus alii homines testimonium ferunt, multa desiderantur, quo cognitio moraliter certa inde oriatur. Primo enim eorum testimonium veritari debet circa res quæ ab ipsis cognosci possint; quod ni ita, foret suspicari possemus eos falli; ut si omnes homines incolas esse in luna, aut terram moveri negarent, certam non habeam fidem, quia nemo fuit in luna, qui certo id renuntiare queat, & apparens terræ quies, & motus solis circa ipsam solo cognoscuntur testimonio vilis eorum, qui terram incolentes ipsius motum, etiam si foret, videre non possent. Secundo multorum in eodem affirmando convenientium testimonium esse debet, quia si unus aut alter id affirmaret, suspicio nobis injici potest eos fallere velle, etiam si agatur de re, quam se suismet oculis vidisse, aut auribus percepisse confirmant. At si quamplurimi sint natione, genio, temporibus discrepantes, qui de eadem re a se ex. g. visa, ut de Constantinopoli, testentur, quis sane mentis de illa vel tantillum dubitare queat, cum ex perspecta natura hominum, quorum in rebus dubiis tot sunt sententiæ, quot capita, fieri non posse cognoscat, ut iidem in eodem confirmando convenient, si id verum non foret, & ipsis tamquam evidenter verum non apparuisset?

18. Cl. Vernejus hanc moralem certitudinem, si discedas ab ea, quæ ob Dei testimonium habetur, physica putat esse minorem, eo quod res physice certa aliter esse non potest, nisi per miraculum, moraliter autem certa etiam sine miraculo; itemque physicam esse valde minorem metaphysica, eo quod quæ hoc ultimo pacto explorata sunt, neque per summam Dei potentiam alio

mo.

modo esse queunt; ex. g. dum ego cognosco me cognoscere ideoque exstare, nec Deus ipse facere quit, ut ego non cognoscam, nec sim. Verum puto discrimen esse ponendum inter certitudinem Divinæ cognitionis, interque certitudinem nostræ; quod illa absolute certa esse potest etiam in rebus non omnino & metaphysice necessariis, & quæ aliter esse queunt saltem per infinitam ipsius potentiam, quia cum Deus semetipsum perfecte cognoscat, atque ideo omnes suæ voluntatis liberos actus etiam eos, qui ad res in tota æternitate futuras referuntur, ex quibus omnia illa quæ absolute necessaria non sunt, ducunt originem, ipsius cognitio falli non potest etiam in iis, quæ aliter esse queunt. At nos circa res a nobis cognitæ certi omnino & absolute esse non possumus, nisi etiam noverimus easdem neque per Deum aliter esse quire, quia in singulis rebus dubitare possumus utrum Deus perpetret miraculum, nec ne. Ita certi omnino esse nequimus futurum ut ex incurso unius globi in alterum æqualem super polito plano quiescentem motus in hoc altero sequatur, quia certi non sumus, utrum Deus sit perpetraturus miraculum, nec ne. Sed advertendum duplicem dari metaphysicam necessitatem & inde ortam certitudinem, alteram absolutam, alteram conditionatam; absoluta est cum nulla potest esse conditio aut status, in quo res illa per Dei potentiam aliter esse queat; quo pacto necessarium est Deum existere, quia nulla potest esse conditio, aut status, in quo Deus non existat; conditionata est, cum sub aliqua conditione & in aliquo statu res aliter esse potest saltem per divinam omnipotentiam; sub alia vero hypothese & alio in statu aliter esse nequit neque per summam Dei potentiam: ita certum est lapidem moveri, si ex alto cadat; quia licet lapis sub alia conditione possit non moveri, & Deus facere queat, ut ex alto non cadat, tamen sub hac conditione, si ex alto delabatur, neque per miraculum facere quit, ut minime moveatur. Ita etiam certi sumus ex incurso globi alterius in alterum futurum esse motum in secundo, sub hac tamen conditione, ut Deus naturaliter operetur, nec miraculum patret, quia potest quidem facere ut ex incurso non sequatur motus, non tamen ut naturaliter. Unde etsi certus non sim, utrum Deus sit patraturus miraculum, nec ne, mea tamen hypothetica cognitio, si Deus naturaliter operatur, ex incurso globi alterius in alterum sequetur motus in secundo, sub eadem conditione omnino certa est, eo quod neque per summam Dei potentiam aliter esse quit. Ita quoque certi sumus de corporum existentia, quia sub hypothese, quod Deus non monuerit homines ea, quæ constanti sensuum testimonio apparent esse corpora ab ideis ac sensationibus nostris distincta, talia non esse, ita necessarium est eadem existere corpora, quemadmodum necesse est Deum, utpote summe bonum, non fallere homines. Quod cum metaphysice necessarium sit, evincit sub allata conditione metaphysice necessarium esse, ut corpora existant. Quamobrem aliam inter ea, quæ metaphysice necessaria sunt, interque illa, quæ physice, non video differentiam præter hanc, quod in primis metaphysica absoluta necessitas, in secundis autem solum metaphysica conditionata reperitur.

19. Venio ad moralem certitudinem, & ajo quæ hoc pacto certa sunt, simili necessitatis metaphysicæ conditionatæ lege teneri, ut si Deus naturaliter operatur, aliter esse non possit, quod moraliter certum est. Nam ut innumera- biles homines, qui Constantinopolim se vidisse testantur, aut decipiantur, aut decipere velint, quia inter se convenire possint, eo quod natione,

genio, locorum & temporum differunt intervallis, fieri non posse credo sine summa potentia Dei, qui eos omnes ipse per se impulerit ad testimonium de re falsa ferendum. Cum vero sit omnino evidens & metaphysice certum Deum in confirmationem erroris non posse patrare miraculum, similiter certum sit esse illa, de quibus moralem habemus certitudinem, ut mihi non minus certum sit esse Constantinopolim, quam exstare corpora, eoque utriusque cognitionem elicio ex eo quod Deus nos decipere nequit. At enim si singuli homines sine miraculo falsi esse queunt, & nos in errorem inducere, quid ni etiam omnes? Ad hoc diluendum adverto, cum duo sint genera prædicatorum, quæ in rem ex pluribus coalitam cadunt, alia absoluta, quæ nisi sint in singulis, neque in iis omnibus copulatis esse queunt, alia relativa, quæ ex plurium conjunctione oriuntur, atque idcirco etsi in singulis non reperiuntur, in omnibus tamen conjunctis esse possunt §. 96. infallibilitatem posse cadere in omnes simul copulatos, tametsi singulis nequaquam conveniat, si hæc sit ex genere eorum, quæ ex conjunctione plurium proficiuntur. Res autem ita se habet. Quamvis enim fides ex assertionem singulorum oriatur, ejus tamen intensio & magnitudo ex conjunctione plurium idem affirmantium increfcit. Et quemadmodum ex conjunctione plurium minimarum virium, quæ seorsum acceptæ ad aliquid efficiendum minime aptæ sunt, oritur vis adeo magna, quæ maximum quemcumque effectum gignere potest, ita ex copulatione testimoniorum, quæ singula accommodata non sunt ad certam fidem faciendam, tantum ob supra allatam rationem augeri potest, ut inde certa omnino fides & idcirco infallibilitas enascantur. Quo propositæ difficultati satisfactum arbitror & simul illud factum esse perspicuum tum certitudinem physicam, tum moralem non quidem proxime, sed remote ducere originem ex perspicuitatis principio, & illi rei maxime inniti, quod res saltem hypotheticæ aliter esse nequit.

20. Hic unum restat, ut aliquid aliud dicamus circa eorum sententiam, qui volunt axiomata metaphysica nullas veritates externas demonstrare: nam ut argumentatur Buffierius in libro supra citato hoc axioma, *duo & duo faciunt quatuor*, nihil aliud significat quam ideam duorum, cum bis sumitur, significari nomine quatuor: quod verum esset, etiamsi nihil creatum existeret præter unam intelligentiam. Item hoc aliud *totum est majus sua parte* hoc tantum significat, quantitas major est quantitas major, non minor, seu alio modo *talis idea est talis idea, non alia*. Sunt igitur tantum veritates internæ, non externæ, quæ ostendant judicium nostrum esse conforme objecto externo.

21. Laudatus Vernejus concedit quidem aliquas veritates esse tantum internas, ut hæc *totum est æquale suis omnibus partibus simul acceptis*; verum id negat de allatis axiomatibus, deque aliis quampluribus; contenditque hæc axiomata esse primas veritates, a quibus aliæ pendent, non eo quidem sensu, ut præsentem objectorum existentiam necessario postulent, sed eo sensu ut ex objectis externis profectæ sint, & cum iis consentiant, ac saltem existentiam demonstrent.

22. Verum ego arbitror hujus questionis solutionem pendere ex eo quod alibi docuimus de discrimine inter definitiones nominales atque reales §. 168. n. 5. & seq. & ex illo alio, quod §. 175. tradidimus de differentia inter ideam, quæ ad rem præsentem determinetur adjectione particularum *hic, iste, ille &c.* interque illam, quæ minime determinetur. Si enim judicium ad aliquid præsens indicandum referatur, tunc ut verum sit & suo objecto conveniens, necesse.

esse est illam rem in præsentia exstare, ut *illa res quam eminus video, est arbor*. Sin autem ad aliquid præsens non referatur, satis est esse possibilem, tamen nec exstet, nec exstiterit, nec existitura sit. Qua enim de causa suo objecto consentaneum non est hoc iudicium *bilineum est figura duabus lineis rectis contenta*, vel hoc aliud, *inane est spatium extensum omni corpore destitutum*, nisi quia impossibile est, ut, quemadmodum Geometrae docent, duæ lineæ rectæ claudant spatium & figuram efficiant, & ut, quemadmodum in Ontologia monstrabimus, vera extensio sine corpore sit? Quare si quod in iudicio minime ad rem existentem determinato enuntiatur, possibile sit, illud est conforme suo objecto; quod si non exstet, saltem exstare potest, estque verum principium, ex quo alia tuto colligi possunt, tamen si fuerit definitio, quemadmodum citato loco planum fecimus. Unde errat quoque Vernejus, dum ait hoc iudicium *totum est æquale suis omnibus partibus*, esse interne verum, non autem externe, quia cum aliquid possibile contineat, nihil illi deest, quo sit cum suo objecto vere possibili conforme. Assentior quidem has ideas primam originem ducere a rebus externis, & earum demonstrare existentiam vel præsentem, vel præteritam, sed homini assentiri non possum, si contendat id esse prorsus necessarium, quia objecti possibilitas ipsa per se satis est ad vera iudicia efficienda, ut ex eo quoque colligitur, quod hæ possibilitum cognitiones atque iudicia in Deo ab æterno fuerunt. Et sane si una tantum existat intelligentia, sed plura possibilia sint, totum est aliquid possibile, & ideo verum ens, & in illud cadunt hæ relationes, quod sit æquale suis omnibus partibus, quod sit majus una, quod si ex quatuor constet, duo & duo faciant quatuor, sive summam majorem duobus, quæ nomine quatuor donatur, & alia hujusmodi innumerabilia. Quo satisfi Buffierio Lochium in hac re secuto, ac Vernejo eum recusanti, & sit manifestum etiam Cl. nostræ ætatis Metaphysicos non satis universales evoluisse notiones, & oleum atque operam non perdi ab eo, qui eam in rem totus incumbat. Id quod & ex alibi dictis liquet, & ex iis quæ infra disputabimus, magis magisque liquidum fiet. Quamquam & supra jam docuimus quantum & quomodo hæ axiomata conferant ad confirmandam existentiam non solum Dei, verum etiam corporum & animarum.

ARTICULUS II.

De incerto & probabili deque variis probabilis gradibus, & de fide.

§. 234.

Definitiones & Propositiones.

EX iis quæ hætenus de cognitionibus certis sunt disputata, manifeste colligitur, quid sint incertæ. Cum enim certitudo nostræ mentis pendeat ex eo quod clarissime nescit vel proxime, vel remote prædicatum esse in subiecto adeout res aliter vel absolute, vel hypothetice esse nequeat; sequitur mentem tunc esse incertam, quando nec proxime nec remote clare novit prædicatum contineri in subiecto, ideoque nec novit rem aliter esse nequire.

2.

2. Cognitio vero incerta aliquando est prorsus incerta, aliquando vero solum ex parte; prorsus incerta est, cum nulla ex parte noscit prædicatum contineri in subiecto; ex parte autem quæque dicitur probabilis, quando ex aliqua parte noscit prædicatum esse in subiecto, ex alia vero ignorat.

3. Probabilis autem vel est tenuiter probabilis, cum ex parte exigua noscit prædicatum contineri in subiecto, ex magna vero parte ignorat, vel probabilior, cum ex majori parte noscit prædicatum contineri in subiecto, vel minus probabilis, cum ex minori.

4. Improbabilis autem cognitio est, cum mens noscit ex valde majori parte prædicatum non contineri in subiecto, ex valde minori contineri.

5. Quæ omnia facilius intelliguntur exemplis, quam eorum definitiones tradantur. Si in pyxide sint 100 calculi albi, mens certa est extractum iri calculum album, quod prorsus clarissime videt ita rem esse debere, nec aliter fieri posse. Si sint 50 albi, & 50 nigri, prorsus incerta est, utrum calculus extrahendus futurus sit albus, nec ne, quia cum sit æqualis numerus utriusque coloris, non est aliqua major ratio pro eductione cujusdam albi, quam cujusdam nigri: pariter erit incerta si nesciat quo colore insecti sint. Si sciat esse ex. g. 50 albos, alii vero 50 quo colore inficiantur ignoret, tunc ejus cognitio est probabilis circa extractionem cujusdam albi. Si sint ex. g. 70 albi, & 30 nigri, ejus cognitio probabilior est circa educationem alborum, minus probabilis circa educationem nigrorum. Si sint 97 nigri, & 3 tantum albi, ejus cognitio circa educationem alborum est tenuiter probabilis.

6. Ex quo efficitur quando plura contingere possunt, quarum quodlibet falsam enuntiationem reddere queat, & noscamus aliqua tantum ex iis non contingere, de aliis vero ignoramus, cognitionem nostram esse probabilem, non vero certam. Si in triangulo habente unum angulum rectum dimetiatur latus eidem angulo oppositum & alia duo latera, factisque quadratis ex singulis lateribus deprehendamus solum quadratum lateris oppositi angulo recto esse æquale duobus simul quadratis, quæ ex aliis lateribus conficiuntur, mea cognitio circa æqualitatem hujusmodi est solum probabilis. Nam duo contingere queunt, quorum quodlibet falsam reddat enuntiationem æqualitatis; primo ut primum quadratum sit duobus aliis majus aut minus magna quadam quantitate; secundo ut valde exigua. Jam vero dimensio, quæ per sensus fit, probat quidem primo quadratum non esse duobus majus aut minus

ma-

magna quantitate, sed non evincit de valde exigua, eoquod sensus, utpote crassiores, parvas quantitates nobis non exhibent. Quare circa illam æqualitatem est quidem probabilis cognitio, non vero certa. Quod si mens rationem a Geometris allatam agnoscat, tunc certa fit, quia tunc clare nescit primum quadratum nulla nec minima quantitate esse posse majus, vel minus aliis duobus.

7. Similiter res contingit, cum plura necessaria sunt, ut aliquid sit verum; cognitio nostra potest esse tantum probabilis, si cognoscamus aliqua tantum ex iis haberi, de aliis vero id ignoramus; probabilior, si multo plura cognoscamus esse eorum, quæ necessaria sunt; minus probabilis, si plura deesse; tenuiter probabilis, si solum de paucis necessariis id cognoscamus.

§. 235.

Definitio.

Opinio vero est assensus datus propositioni, cujus veritatis cognitio est solum probabilis; quo distinguitur a scientia, quæ est assensus datus propositioni, cujus veritas manifesta est, & certo cognoscitur.

2. Quemadmodum est certitudo interna & proxima, quæ habetur a mente, quæ ipsa per se clare cognoscit prædicatum contineri in subiecto, & externa & remota innixa testimonio eorum, qui affirmant se eam clare cognoscere; ita est probabilitas interna & proxima, quæ oritur a cognitione propria, quia prædicatum contineri in subiecto aliqua ex parte novimus; & est externa & remota, quæ fidem habemus aliis, qui ajunt se id probabiliter agnoscere. Quemadmodum autem secunda certitudo postulat primam in iis, quibus fidem habemus, eoquod credimus eos certe & evidenter cognoscere prædicatum inesse subiecto; ita secunda probabilitas primam desiderat in iis, quibus similiter credimus.

§. 236.

SCHOLIUM XXVIII.

Intricatissima est hæc materies de probabilitate, deque variis ejusdem gradibus, ut mirum videri non debeat, si aliqua propositio aliquibus probabilior videatur, aliis minus probabilis, nonnullis prorsus incerta, aliquibus etiam improbabilis. Simul ac enim discedimus a summa claritate idearum, atque a certitudine inde profecta, tot tamque varia contingere possunt, ut nimis difficile sit rem accurate definire. Si enim ad eum finem, ut aliqua propositio sit vera, decem postulentur, si quinque, si ter, res perinde se habet in cognitionibus certis, quia cum omnia necessaria clare cognosci debeant, in prima decem perspicue intelligenda sunt, in secunda quinque, in tertia tria, quibus cognitio quælibet ex tribus æqualiter certa est. At in cognitionibus probabilibus si in singulis solum unam, utrum sit aut non sit, ignoremus, res in singulis valde aliter se habet, quia prima cognitio est valde probabilior secunda, & secunda verisimilior tertia, eoquod multo minus in proportionem deest primæ, quam secundæ, & secundæ quam tertiæ. Est etiam hoc aliud discrimen inter

Tom. I.

T

pro-

propositiones certas, interque incertas atque probabiles, quod illæ æqualiter certæ sunt, sive a pluribus sive a paucioribus aliis pendeant; quod æqualiter certum est, sive id per se liqueat, sive a duabus, sive a tribus, sive a quatuor, sive &c. propositionibus evidentibus legitime colligatur. At propositio quæ a paucioribus probabilibus deducitur, si cetera sint paria, longe probabilior est ea, quæ a pluribus, eo quod in hac sunt plures, quam in illa, eventus, in quibus res aliter esse potest, atque ob eam causam longiori distat intervallo ab ea summa evidentia & inde pendente certitudine, quæ in propositionibus certis reperitur. Advertendum est tamen, si a prima propositione probabili deducatur secunda, a secunda tertia, a tertia quarta &c. nec in demonstratione secundæ, tertiz, quartæ &c. adhibeantur alia principia probabilia, sed solum certa, omnes eas propositiones fore æqualiter probabiles, quia tota ipsarum probabilitas & ideo incertitudo pendet a probabilitate & incertitudine primæ, ut si prima certa quæ, omnes aliæ eundem certitudinis gradum adipiscantur: sin autem in aliarum demonstrationes aliæ probabiles irrepunt, alias esse futuras eo minus probabiles, quo a pluribus inter se non connexis proficiuntur.

2. Sunt qui negant propositionem aliquam esse posse ex parte evidentem, & ex parte obscuram, eoquod evidentia impartibilis est. Verum si attendamus ad ea, quæ supra docuimus, quod multa sunt ex quibus veritas alicujus propositionis pendet; facile veniemus in cognitionem, quod in qualibet propositione verisimili aliqua ex iis, quæ ad veritatem alicujus propositionis sunt necessaria, clare cognosci debent, aliqua vero aut ignorari, aut obscure cognosci. Si enim omnia ignota forent, propositio non probabilis, sed prorsus incerta foret. Dices omnia nosci, sed obscure. Verum ut aliquid obscure noscatur; necesse est quædam ad id efficiendum clare cognoscere: ita si eminus hominem videam, nec noscam quæ sit, mea visio est illius individui hominis obscura, quia ex parte clare cognosco, ex parte obscure, sive cum ad Petrum ex. g. noscendum duo necessaria sint, ut scilicet primo cognoscam ipsius speciem, sive hominem, deinde ut singulares ipsius determinationes, propter quas ab aliis ejusdem speciei internoscitur, ego clare nosco speciem, non autem singulares determinationes. Ad omnes vero difficultates præoccupandas, notandum est hanc idearum cujusdam propositionis ex parte perspicuitatem esse quire vel proximam in iis propositionibus, ex quibus illa proxime colligitur, vel remotam in primo gradu in aliquibus ex iis, ex quibus probabilitas proximaram, si omnes probabiles sint, eruitur, vel remotam in secundo in iis, ex quibus probabilitas secundarum, si etiam omnes secundæ sint verisimiles, colligitur, vel remotam in tertio &c. Siquidem in resolutione propositionum in eas, a quibus inferuntur, tandem venire debet ad aliquas, quæ clare noscantur. Si enim obscure noscerentur, propositio inde illata non probabilis foret, sed prorsus dubia; præsertim cum in hac continuata resolutione deveniatur ad primas easque simplices ideas, in quibus prædicati & subiecti simplicitas facit, ut convenientia si ve discrepantia vel prorsus clare cognoscatur, vel prorsus ignoretur.

3. Quod pertinet ad fidem, de qua hoc articulo pauca, superiore plura disseruimus, aliqua restant dicenda circa ejusdem convenientiam cum ratione naturali, sive cum evidentibus principiis, atque propositionibus, quæ, servata legitima forma, ex iisdem colliguntur. Nam ut monet Leibnitiuss in Commentario inscripto *Discours de la conformité de la Foi avec la Raison*, qui exstat initio

initio Operis *Essai de Theodicée* editi Amstel. 1720. Bælius inter alios tom. 3. *Repon. au Provinc.* p. 999. discedit a communi qua Philosophorum, qua Theologorum sententia, qui volunt mysteria fidei esse quidem supra rationem, non autem contra, & affirmare non dubitat, si nomine rationis intelligatur ratio universalis, quæ in Deo est, mysteria nec esse contra rationem, nec esse supra; sin autem ea infirma ratio quæ in homine est, tam esse supra, quam contra; quemadmodum si quis turrin vere quadratam tamquam rotundam eminens videat, veritas in eo posita, quod turris figura quadrata circumscribitur, non solum est supra sensus, verum etiam contra sensuum testimonium. Quod ita declarat ibidem pag. 651. „ Simul ac aliquod Dogma est supra rationem, Philosophia non potest illud nec explicare, nec comprehendere, nec respondere iis, quæ contradicuntur „, quas difficultates alias vocat insolubiles. Cujus rationem profert in Dictionario in adnotationibus ad verbum *Manichæens.* „ Manifestum est rationem non posse pervenire ad illud, quod est supra ipsam. Jam vero si posset diluere objecta, quæ impugnant dogmata Trinitatis, & *Unienis* Hypostaticæ, attingeret hæc mysteria, itaque insisteret, quousque ea convenire monstraret cum primis principiis, aut cum iis, quæ inde colliguntur, atque idcirco cum naturali ratione. Ergo præstaret id, quod ipsius prætergreditur vires, & limites, quibus circumscribitur, transiliret. Quod prorsus repugnat. Manet igitur eam non posse suis ipsam objectis responsa suppeditare, quæ idcirco victorica perstant, nisi quis ad Dei auctoritatem, & ad necessitatem intellectus in obsequium fidei in servitutem redigendi confugiat „. Hactenus Bælius, qui deinde monet nos nullam habere mysteriorum ideam, eo quod eadem non comprehendimus, atque ideo non posse difficultatibus, quæ obijciuntur, satisfacere, nec catholicum suo defungi munere in iis diluendis, cum argumentis adversariorum claris & evidentibus dat obscura responsa, quæ nec ipse, nec adversarius intelligit, quia necessarium est ut demonstret Mysteriorum convenientiam non solum cum aliquibus Philosophiæ principiis, verum etiam cum iis, quæ obijciuntur.

4. His ut satisfaciam, primum adverto, cum tria contingere possint in propositionibus, primo ut ratione naturali demonstrentur esse veræ, secundo ut falsæ, tertio ut nec tamquam veræ nec tamquam falsæ ostendantur, mysteria ideæ, nec a Catholicis confici posse ut vera, nec ab Antichristianis ostendi posse ut falsa, quia ex principiis certis & evidentibus perque legitimam syllogismorum formam nec primi eorum veritatem, nec secundi eorundem falsitatem colligere queunt, sed inter utrumque suspensi maneant necesse est. Quare si quis aliquas adversus eadem mysteria rationes proferat, non poterit quidem docere evidenter, qui objectæ difficultates cum revelato dogmate congruant, sed docere poterit ex illis & ex principiis evidentibus nequaquam inferri mysterium falsitate laborare. Id quod suis docebimus locis, dum impiorum argumenta ab ipso Bælio quamvalide contorta contra præcipua Philosophiæ capita refutabimus. Jam vero si possemus ex principiis omnino evidentibus mysteriorum veritatem elicere, mysteria forent rationi consentanea; si falsitatem, forent contra rationem; si vero neutrum præstare possumus, nec sunt rationi consentanea, nec contra rationem, sed tantum supra eandem. Tantum autem abest ut ex eo quod sunt supra rationem, cum Bælio inferri possit esse quoque contra rationem, ut potius ex eo, quod perspicue monstrarentur esse contra rationem,

colligi posset supra eandem non esse. Nam si quis claris & prorsus evidentibus rationibus demonstraret falsum esse tres ex. g. reperiri Personas divinas, perspicue quoque doceret Deum ita esse unum ut plures Personas excludat. Nam qui monstrat unius falsitatem enuntiationis, eodem tempore perspicuam facit veritatem contradictoriæ. Ergo si ostendi posset Trinitatem & alia fidei mysteria esse contra rationem, inde omnino efficeretur eadem non esse supra rationem, quæ ita illorum naturam pervaderet, ut ad perspicuam eorumdem falsitatis cognitionem pervenire posset. Atque hæc est univèrse ratio, cur mysteria fidei supra rationem quidem, non autem contra rationem esse affirmari debeat.

5. Quod vero attinet ad Bælii argumenta, concedo quidem ex eo, quod sunt supra rationem, colligi eadem non posse comprehendi, sed nego confici nec posse ex aliqua intelligi parte aut explicari. Fac enim cæco ab ortu hominem qui oculis utitur, explicare naturam visionis atque colorum, eique testari præter quatuor sensus, esse alium quintum visus in oculis, eoque septem diversas sensationes in anima excitari, quemadmodum diversæ sonorum excitantur adminiculo aurium & sensu auditus. Hic profecto cæcus hoc pacto acquirit aliquam visionis cognitionem, eamque positivam, eoquod cognosceret illam esse intimam quamdam animæ affectionem, & septem illius ope sensationes excitari; non tamen claram illam atque perspicuam quam alii possident, visus atque septem colorum ideam habebit. Et revera ille ab ortu cæcus ob cataractas in utero matris adnatas, qui hoc sæculo Londini sanatus fuit, aliquam habuit positivam, non autem perfectam & absolutam commodorum, quæ ex visione oriuntur, cognitionem. Non enim ut sibi cataractæ deprimerentur, adduci potuit aliam ob causam, nisi quia intellexit se visu hoc esse consecuturum, ut suas ipse cum aliis longe remotis ideas posset communicare, & eorumdem etiam ideas rescire. Ita quoque se habent mysteria fidei; quia sunt in ipsis aliqua similia iis, quæ naturali ratione cognoscimus, idcirco aliquam ipsorum eanque agentem cognitionem habemus; & revera si solum haberemus negantem, non mysteria nosceremus, sed alias res ab iisdem revelationis mysteriis omnino diversas. Quia vero nos latent quædam, quæ dici possunt ipsorum ultimæ differentiæ, per quas ab aliis omnibus prorsus discrepant, idcirco eadem non comprehendimus. Sic ab ortu cæcus intelligit quidem dari quintum in homine sensum visus; sed ex eo & ex ipsis septem diversis affectionibus intelligit illud, quod visus habet cum aliis sensibus & cum ipsorum diversis impressionibus commune, non vero ultimam sensus visus & ipsius septem impressionum ab aliis sensibus & ab ipsorum variis impressionibus differentiam. Ex quibus & multo magis declaratur, quid sit esse supra rationem, quid contra, eoquod cognitio colorum transiit quidem cæci intellectum, non vero ejusdem naturali rationi adversatur, & clarissime eruitur falsam esse primam Bælii illationem ex eo, quod mysteria sint supra rationem. Ex hoc autem & ex iis quæ in antecessum disputavimus, constat etiam falsam esse secundam in eo positam quod difficultates contra mysteria motæ sint insolubiles. Est enim perspicuum eas difficultates non esse insolubiles, quæ ex principiis certis & evidentibus mysterii falsitatem, sive contradictoriam mysterii enuntiationem non colligunt.

6. Illud vero de turri quadrata, quæ apparet rotunda, jam in superioribus so-

solutum est. Mens enim in sensationibus clare & simul proxime non percipit, qualis reipsa sit res extra mentem, sed solum qualis sit ab ipsa genita interna affectio, & qualis esse possit res extra ipsam posita §. 222. Unde mirum non est eam decipi, si ex eo quod clare percipit, qualitatem rei prout existans, quam non percipit, colligere velit. Nec mirum videri debet, si hanc turris rotundæ in præsentia quadratæ visionem negemus esse aut contra rationem, aut supra. At si evidens ratio contra mysteria fidei posset proferri, evidenti quoque constaret ratione eadem esse impossibilia. Jam vero cum circa rerum possibilitatem evidens & perspicua ratio me non possit decipere §. 230. falsitatem mysteriorum, quæ ipse quoque Bælius tamquam vera admittit, perspicua ratione non posse ostendi concluditur.

7. Quod pertinet ad Theologi munus, do quidem eum suo non fungi munere, si Adversarii, ut falso putat Bælius, claras contra mysteria rationes proferrent, ipse vero solum obscuras responsiones daret. At cum adversariorum quoque rationes obscuræ sint, utpote quæ mysteria perspicuæ falsitatis non coarguunt, quemadmodum supra exposuimus, Theologum, si obscuris objectis obscuras responsiones accomodet, redargui posse nego.

8. At enim si perspicuis rationibus neque Theologus infirmare potest difficultates contra mysteria propositas, neque Adversarius easdem difficultates ad evidentiam urgere, nulla erit Philosopho ratio aut assentiendi mysteriis, aut ab iisdem dissentendi, sed anceps inter utrumque manere debet. Huc adversarios volebam; nam ex hujus solutione difficultatis perspicue constabit penes Christianos esse victoriam, quam impiorum fautor Bælius in ipsorum argumentis esse profiteri non dubitat. Aut enim agitur de mysteriis, quæ solo fidei lumine cognoscuntur, ut est Mysterium Trinitatis, aut de iis, quæ lumine quoque rationis percipi & ostendi queunt, ut est existentia Dei, ejusque bonitas & summa perfectio & alia attributa. Si primum, non sunt quidem interiores rationes, quibus eadem demonstrantur, sed externæ petiæ ex testimonio Dei, quem ex altera parte ratione naturali cognoscimus nec decipi, nec decipere posse, ex altera revelasse dicta mysteria certum fit iis omnibus rationibus, quæ in Evangelica demonstratione a quamplurimis, & præsertim a Cl. Viris Huetio, Grotio, & Abbadiæ prolata fuerunt, & Philosophiæ auditoribus ante explicari debent, quam in Theologiam introducantur. Sin autem secundum, præter divinum testimonium est etiam naturalis ratio, qua eadem consciuntur. Hoc posito Philosophus his externis quidem, sed evidentibus convictis rationibus in mysteriis fidei magnam esse cognoscet rationem cur suum iisdem assensum præbeat; quia vero allatæ in contrarium rationes rem minime cogunt & efficiunt, idque verisimilibus saltem argumentis effici potest, nullam esse videbit, cur aut assensum sustineat, aut præbeat contrariæ sententiæ, æquiva quod aut intrinsecus, aut extrinsecus, sive aut proxime, aut remote §. 222. evidens est, iis, quæ nullo modo sunt perspicua; infirmari non potest. Ex quo etiam adversus Lochium concluditur, si Christianus argumentis adversariorum dubias quasdam & obscuras accomodet responsiones, quibus efficiatur iisdem argumentis rem evidenter non demonstrari, eadem non manere victoria, sed ita refelli, quantum satis est ad mysteria fartatecta servanda. Quæ multo magis, ut liquet, conveniunt in ea dogmata, quæ ratione quoque naturali perspicue demonstrantur; qualia esse quamplura docebimus in Psychologia & in Naturali Theologia.

Unum

Unum hic addo in gratiam Lochii, qui exemplo visionis huius in rebus est usus. Cæcus ab ortu etiam interna evidentiâ cognoscere nequit sensum visus, & distinctas septem colorum impressiones, tamen id scire potest externa propter omnium hominum fide dignorum, qui hanc rem eidem confirmant, testimonium. Si quis autem subitiles quasdam, sed non evidentes ad eundem sensum impugnandum rationes eidem objiciet, is certe a firma persuasione non depelletur, quemadmodum ob similes rationes nemo depellitur a firma persuasione, quod exstet Constantinopolis. Simile contingit in fidei mysteriis, & in iis quæ contradicuntur.

ARTICULUS III.

An ex veris præmissis possit inferri conclusio falsa servata legitima syllogismorum forma, & ex falsis vera.

§. 237.

Propositio.

EX principiis syllogismorum §. 50. constat, servata legitima forma, conclusionem illatam ex præmissis veris semper esse veram, numquam falsam, quia si ex. g. A est vere in B, & B est vere in C, etiam A est vere in C. Nunc ajo ex præmissis falsis elici posse conclusionem veram, etiam servata legitima forma. Nam si fiant hi duo syllogismi, *Omnis lapis est rationalis; atqui Petrus est lapis; ergo Petrus est rationalis. Omnis equus est sensitivus; atqui Petrus est equus; ergo Petrus est sensitivus*, servatur legitima forma primæ figuræ, conclusio est vera, & tamen in primo utraque præmissa est falsa, & in secundo una est vera, altera falsa. Cujus ratio est, quia duæ affirmantes præmissæ falsæ reipsa sunt duæ negantes veræ, ex quibus illata conclusio potest esse tum vera, tum falsa, eo quod ex iis non bene infertur §. 55. num. 2.

Num. 2.

Obiectio.

Causa ignobilior nequit effectum nobiliorem producere; atqui si verum ex falsis, servata legitima forma, potest inferri, causa ignobilior produceret effectum nobiliorem. Ergo &c. Probo minorem. Præmissæ sunt causa conclusionis; atqui præmissæ falsæ sunt aliquid ignobilius, conclusio vera nobilior; ergo si vera conclusio &c.

Num. 3.

Responsio.

Respondeo dist. maj. 2. argumenti: Præmissæ veræ sunt causa conclusionis co. præmissæ falsæ ne. unde co. min., & nego consequ. nam cum præmissæ v. g. affirmantes sunt veræ, non solum percipimus prædicatum, & subiectum propositionis probandæ cum medio termino convenire, verum & extra mentem, sive ut ajunt a parte rei conveniunt; at cum sunt falsæ, v. g. *omnis lapis est ratio-*

nalis, atqui Petrus est lapis, ergo Petrus est rationalis, percipimus quidem prædicatum & subiectum propositionis probandæ convenire cum medio termino, v. g. Petrum, & rationalem convenire cum lapide; at a parte rei non conveniunt. Nihil igitur mirum si præmissæ veræ sint causa conclusionis, non autem falsæ; quia in intellectus falsa existimatione positum non est tribuere cuidam rei vim causæ; & idcirco præmissæ sunt causa conclusionis, quia prædicatum, & subiectum conveniunt vere cum medio termino habita ratione principiorum, quibus syllogismi innituntur, non quia solum convenire putantur.

Num. 4.

Instantia.

Præmissæ veræ sunt causa conclusionis; ergo etiam falsæ. Probo conseq. Quo modo præmissæ veræ sunt causa conclusionis, eodem sunt etiam falsæ; ergo si præmissæ veræ sunt &c. Prob. ant. Præmissæ veræ sunt causa conclusionis per mentem, idest sunt principium cognitionis; atqui etiam falsæ sunt principium cognitionis. Ergo &c. Probo min. Præmissæ veræ eatenus sunt principium cognitionis, quatenus inducunt mentem in cognitionem conclusionis; atqui etiam præmissæ falsæ inducunt mentem in cognitionem conclusionis; ergo &c. Prob. min. Præmissæ istæ *omnis lapis est rationalis, atqui Petrus est lapis*, inducunt mentem in cognitionem conclusionis; ergo *Petrus est rationalis*; ergo præmissæ falsæ inducunt &c.

Num. 5.

Responsio.

Resp. dist. Præmissæ istæ inducunt mentem in cognitionem conclusionis, tamquam causa occasionalis, impropria, & per accidens co. tamquam causa propria, & per se ne. ergo &c. ne. conseq. Causa occasionalis, & per accidens illa est, quæ non producit effectum virtute propria, sed tantummodo præbet alteri causæ occasionem, per quam fit, ut hæc altera effectum virtute propria vere producat: causa propria & per se illa est, quæ vere, & virtute propria effectum producit. v. g. si filum, quo lapis suspenditur, præcidatur, lapis deorsum ruit; motus deorsum causa propria & per se est gravitas illius; at impropria, & per accidens, atque occasionalis est fili præcisio; hæc enim fili præcisio non impellit lapidem deorsum, sed tantum removet impedimentum gravitatis, nimirum filum, & hoc pacto præbet occasionem gravitati suas vires exerendi, suumque effectum producendi.

His positis dico præmissas falsas non inducere intellectum in cognitionem conclusionis veræ tamquam causas proprias, & per se; quia effectus non potest esse nobilior sua causa propria, & per se,
cum

cum effectus a causa propria recipiat id omne, quod in eo est. Ergo id omne quod in effectu est, fuerit primum in causa necesse est; neque enim causa tribuere potest id, quod non habet. Igitur effectus nequit esse aliquid præstantius sua causa vera, & propria. Quod in ita foret, illud præstantius quod in effectu est, ante in causa non fuisset. Cum igitur conclusio vera sit effectus præstantior præmissis falsis, nequeunt falsæ præmissæ inducere intellectum in cognitionem conclusionis veræ, tamquam causæ propriæ, atque per se. At nihil vetat, quominus dicamus eas posse, & revera inducere intellectum tamquam causas improprias, occasionales, & per accidens; siquidem cum causa occasionalis, & per accidens non ipsa virtute sua producat effectum, sed tantummodo præbeat occasionem alteri causæ producendi suum effectum, potest præbere occasionem causæ propriæ nobiliori, quam ipsa sit; quo in eventu effectus potest esse nobilior causa occasionali; id enim quod in effectu est, non accipitur a causa occasionali, sed a causa propria, & per se. Hac parco præmissæ falsæ non virtute propria inducunt mentem in cognitionem conclusionis veræ, sed virtute tantum aliena, vi nimirum legitimæ formæ syllogisticæ, illiusque principii, si A est in B, & B est in C, etiam A est in C.

Num.6.

Instantia.

Præmissæ veræ cognitæ ut veræ, semper sunt causa conclusionis veræ; ergo etiam præmissæ falsæ, saltem cognitæ ut falsæ debent esse causa conclusionis, & semper falsæ, nimirum debent inducere mentem in cognitionem conclusionis omnino falsæ; ergo saltem in eo eventu, quo cognoscimus præmissarum falsitatem, nequeunt esse nobis occasio conclusionis veræ. Deinde excutiamus si placet aliatum exemplum illius syllogismi *Omnis lapis est rationalis, atqui Petrus est lapis; ergo Petrus est rationalis*. Dico hanc conclusionem esse falsam, sicuti & alias omnes similes; conclusionis enim essentia non est posita tantum in prædicato, subjecto & verbo, nimirum in iis *Petrus est rationalis*, sed etiam in illa particula *ergo*, quæ significat non solummodo Petrum esse rationalem, verum etiam ex præmissis bene inferri Petrum esse rationalem, nimirum esse rationalis, quia est lapis; atqui conclusio hoc pacto sumpta semper est falsa, quando præmissæ sunt falsæ, quia licet verum sit Petrum esse rationalem, falsum tamen est hoc legitime inferri ex dictis præmissis.

Num.7.

Responsio.

Respondeo ad hæc ultima, conclusionem illam, ergo Petrus est ratio-

rationalis, esse falsam tantum respective; nimirum si ad dictas præmissas referatur, quia falsum est bene inferri ex dictis præmissis Petrum esse rationalem; at si in se consideretur illa conclusio, est vera, tum habita ratione prædicati & subiecti, Petrus est homo, tum habita ratione particulæ *ergo*; quia illa propositio ab aliis propositionibus veris potest inferri; unde nos non asserimus ex duabus præmissis falsis, servata legitima forma, posse inferri conclusionem, quæ vera sit ratione habita præmissarum falsarum; hoc enim nullo modo fieri potest, sed id unum dicimus eam conclusionem esse veram aliunde, sive ob aliam causam. Ad id quod additur explicandum distinctione utor: illa conclusio non bene inferitur ex dictis præmissis, si habeas rationem materiæ co. si habeas rationem formæ ne. igitur quolibet in syllogismo, ut in re composita ex partibus, duo sunt distinguenda, partes, nimirum tres illius propositiones, & tres termini, ex quibus propositiones coalescunt, & forma, sive modus, quo illæ propositiones, & termini inter se conjunguntur, qui modus regulis artis syllogisticæ declaratur. Igitur si ad materiam, sive præmissas attendas, illa conclusio male inferitur, quia cum præmissæ affirmantes sunt falsæ, prædicatum, & subiectum conclusionis vere non conveniunt cum medio termino in iisdem, ut conjungi deberent ex regulis syllogisticis: at si consideres formam, ille syllogismus rite in prima figura confectus est, conclusioque rite deducitur, quia in eo regulæ omnes observantur, quæ pertinent ad modum, quo subiectum, & prædicatum propositionis probandæ cum medio termino in prima figura debent connecti. Manet igitur ex præmissis falsis, servata legitima forma, posse inferri conclusionem, quæ vera sit.

Num.7.

SCHOLION XXIX.

Hæc a nobis diligenter examinata fuerunt, ut falsam quamdam, multumque omnibus facultatibus noxiam opinionem, quæ in animis insignium etiam Philosophorum insedit, evelleremus, nimirum id omne falsum esse, quod ex propositionibus falsis per legitimam illationem deducitur. Cui malo arbitramur satis pro viribus nostris esse consultum, cum partim in afferendis pro nostra sententia argumentis, partim in diluendis adversariorum objectis perspicuum factum esse putemus multoties fieri posse, ut tum in syllogismis negantibus, tum in affirmantibus, tum ex duabus præmissis falsis, tum ex una falsa, altera vera, quamvis legitimam formam servaveris, conclusio vera inferatur.

CAPUT QUARTUM.

De Demonstratione & de methodis analytica & synthetica.

ARTICULUS I.

De Demonstratione propositionum.

§. 238.

Definitio.

Demonstratio est oratio, qua ostenditur & evidens sit propositionis per se non evidētis veritas. Cum autem propositio obscura fiat evidens, si ex propositionibus evidētibus ope syllogismi inferatur §. 60. demonstratio definiri potest oratio constans uno aut pluribus syllogismis, in quibus propositio obscura ex præmissis evidētibus colligitur: uno, si major & minor primi syllogismi sint evidētes; pluribus, si aut major, aut minor, aut utraque obscuræ sint. Tunc enim alio syllogismo demonstranda est veritas præmissæ obscuræ; & si in hoc quoque sit aliqua ex præmissis obscura, ejus quoque veritas tertio syllogismo ostendenda est, idque tamdiu continuandum, quoad omnes propositiones manifestæ fiant, & definamus in syllogismum, in quo utraque præmissa clara sit & perspicua.

§. 239.

Definitio.

Demonstratio primo duplex est, alia a priori, alia a posteriori; a priori est demonstratio alicujus rei, sive effectus petita a principio, a quo pendet. Unde a priori demonstrat is, qui per essentialia ostendit attributa cujusdam rei, quia attributa proficiuntur ab essentialibus §. 80. qui per partes ostendit compositi proprietates; qui per causam efficientem ostendit effectum. A posteriori est demonstratio causæ, sive rationis sufficientis cujuslibet per suum effectum. Ex. gr. qui ita procedit, *omne quod constat partibus, est divisibile in partes, atqui omne corpus in sensus incurrens constat partibus, ergo est divisibile in partes*, a priori demonstrat: quia constare partibus est essentia entis compositi, qualia sunt corpora, & posse dividi in partes est attributum ejusdem, quod a pluribus partibus proficitur: qui vero ita progreditur, *omne quod potest in partes disseci, partibus constat, sed omne corpus, quod in sensus incurrit, in partes disseci potest, ergo omne corpus in sensus incurrens partibus constat*, ob allatam rationem ostendit a posteriori.

§. 240.

§. 240.

Definitio & Propositio.

Demonstratio tum a priori, tum a posteriori altera est directa, altera indirecta; directa est, in qua proxime ostenditur veritas propositionis, quæ demonstranda assumitur, ut accidit in syllogismis, quos modo produximus. Indirecta est, in qua prius ostenditur falsitas propositionis, quæ sit contradictoria propositionis ostendendæ, & deinceps inferitur veritas ejusdem demonstrandæ, quia ex duabus contradictoriis altera vera est, altera falsa §. 193.

2. Falsitas autem contradictoriæ monstratur, per legitimam consequentiam & ope aliarum propositionum, quæ veræ sint, deducendo ex eadem contradictoria propositionem aliquam evidenter falsam. Cum enim conclusio ex veris præmissis deducta necessario vera esse debeat §. 237. n. 1. id evidenter monstrat, si aliqua conclusio legitime deducta falsa sit, alterutram saltem ex præmissis esse falsam. Cumque una ex præmissis sit propositio contradictoria ostendendæ, & altera sit aliqua propositio evidenter vera, inde necessario sit contradictoriam ostendendæ esse falsam, atque idcirco ostendendam esse veram. Hac de causa ad inferendam conclusionem falsam debemus una cum contradictoria ostendendæ adhibere loco præmissarum alias propositiones, quæ sint evidenter veræ; quia si usurparemus propositiones aliquas falsas, conclusio poterit esse falsa non propter præmissam, quæ sit contradictoria nostræ, sed propter falsitatem aliarum, quæ assumptæ fuerunt. Quo perspicua non fieret falsitas contradictoriæ ostendendæ, nec ideo veritas ejusdem ostendendæ.

3. Ex. gr. demonstranda sit hæc propositio, *omne corpus quod in sensus incurrit, constat partibus*. Hoc modo procedi potest. Si non das omne corpus, quod in sensus incurrit, constare partibus, aliquod ex iis non constabit partibus, sive iisdem carebit; quo posito sic ratio concluditur. Omne quod caret partibus, non est divisibile in partes; sed aliquod corpus in sensus incurrens caret partibus. Ergo aliquod corpus in sensus incurrens non est divisibile in partes. Quæ conclusio est falsa evidenter, quia constat certissimis experimentis omne corpus in sensus incurrens in partes posse secari; idque non propter majorem, quæ vera est, sed propter minorem. Ergo minor erit evidenter falsa, quæ cum sit contradictoria ostendendæ, evincit esse veram propositionem ostendendam, *omne corpus in sensus incurrens in partes secari potest*.

§. 241.

Propositio.

Demonstratio propositionis absolutæ petenda est a definitionibus

subiecti & prædicati; 2 hypotheticæ vero tum a definitionibus subiecti & prædicati, tum ab illa conditione, sub qua prædicatum de subiecto enuntiatur; 3 quæ conditio erit solius entis externi agentis in subiectum, si prædicatum sit aliquis modus, sive accidens primam; entis externi & modi primi, si prædicatum sit modus secundus; entis externi, modi primi, & secundi, si prædicatum sit modus tertius &c.

Prob. 1. pars. Demonstrare propositionem est idem, ac asserere rationem, cur prædicatum de subiecto enuntietur, ope syllogismi, in quo per conjunctionem tum prædicati, tum subiecti cum aliquo medio termino intelligitur idem prædicatum convenire, aut non convenire subiecto §. 63. atqui ratio cur in propositione absoluta prædicatum subiecto conveniat, aut non, petenda est a definitione subiecti & prædicati; nam in propositione absoluta prædicatum vel est attributum subiecti, vel essentia §. 161; si primum, ratio sufficiens cur tale attributum tali subiecto tribuatur, aut non, est essentia tum subiecti, tum prædicati §. 105. Ergo hæc ratio petenda est a definitionibus subiecti & prædicati, quæ definitiones per essentialia tradantur, quales sunt meliores definitiones §. 156. Atque hæc ratio & demonstratio inde petita erit a priori. Sin autem secundum, ratio cur prædicatum conveniat, tunc petenda est a definitione subiecti tradita per attributa, quemadmodum tradi potest §. 156, quia non solum positis iisdem rationibus sufficientibus ponuntur iidem effectus, sed etiam positis iisdem effectibus ponuntur eadem rationes sufficientes §. 74. Sed tunc ratio & demonstratio inde petita erit a posteriori. Ergo demonstratio propositionis absolutæ petenda, est a definitionibus subiecti & prædicati, vel traditis per essentialia, si prædicatum sit aliquod attributum, vel per attributa, si prædicatum sit aliquod essentiale.

2. Prob. 2. & 3. pars. Ratio cur modus ex. g. primus conveniat subiecto, pendet tum ab essentia subiecti & ipsius modi, per quam intelligitur talem modum tali subiecto posse convenire §. 105. n. 2. tum ab ente externo agente in subiectum, per quod intelligitur re ipsa convenire §. 106. quodque est conditio ad id necessaria. Sin autem sit modus secundus, præter ens externum etiam modus primus inde pendens desideratur §. 107., si tertius, præter ens externum & modum primum etiam modus secundus §. cit., si quartus &c. Ergo demonstratio propositionis hypotheticæ peti debet tum a definitionibus subiecti & prædicati, tum a conditione apposita, quæ erit solius entis externi &c.

§. 141.

Definitio & Propositio.

Circulus in demonstrando committitur, cum aliqua propositione tamquam præmissa utor ad inde inferendam aliquam conclusionem & deinceps conclusione tamquam præmissa ad inde inferendam dictam propositionem, idque vel proxime in duobus syllogismis, in quorum altero prima propositio sit præmissa, secunda sit conclusio; in altero secunda sit præmissa, & prima sit conclusio: vel remote in pluribus syllogismis ut in quatuor, in quorum primo prima propositio sit præmissa, & secunda sit conclusio, in quarto secunda sit præmissa, & prima sit conclusio.

2. Hic circulus est in demonstrando vitiosus, id quod simili ratione conficitur, ac fuit confectum de circulo in definiendo §. 162.

ARTICULUS II.

De Methodis Synthetica & Analytica.

§. 143.

Definitiones.

Cum in demonstrando duo sint, primo propositiones obscuræ, quæ demonstrandæ sunt, secundo aliæ propositiones claræ, ex quibus tamquam præmissis obscuræ tamquam conclusiones inferuntur, methodus in demonstrando est ordo, quem tenet mens vel incipiendo a propositionibus claris, & inde transeundo ad illationem obscurarum, vel incipiendo ab obscuris, & inde investigando claras, ex quibus illæ inferantur.

2. Unde hæc methodus duplex est, altera synthetica, sive compositionis, altera analytica, sive resolutionis. Synthetica est cum mens primo ponit propositiones per se evidentes, tum investigat quænam propositiones ex his inferri possint ope syllogismi, deinde investigat quænam aliæ propositiones ex primo illatis inferantur, postea quænam aliæ ex secundo conclusis, & ita progreditur quoad potest. Quare in hac methodo mens incipit ab iis, quæ sint clara per se, uti prima principia, tum venit ad ea, quæ proxime ab his eliciuntur, deinde ad illa, quæ proxime eruuntur a propositionibus primo illatis, & remote in primo gradu a primis principiis, postea ad illa, quæ proxime colliguntur ex propositionibus secundo illatis, & remote in secundo gradu a primis principiis, & ita quoad fieri potest.

3. Methodus analytica est, cum mens primo ponit propositionem aliquam obscuram, & deinde investigat propositiones, ex quibus

bus illa elicitur usque ad prima principia. Quoad enim non perveniantur ad prima principia, sive ad propositiones per se evidentes, nondum veritas propositionis obscuræ perspicua & manifesta sit. Unde si sit propositio remote in tertio gradu pendens a principiis, primo mens eruit propositionem obscuram ex propositionibus in secundo pendentibus a principiis, tum propositiones remote in secundo pendentibus eruit a remote in primo pendentibus, demum eas quæ in primo remote pendent, ab iisdem principiis colligit: quo facto veritas propositionis obscuræ jam demonstrata est.

4. Ex quibus apparet mentem in methodo synthetica a notis ad ignota transire, & a minus ignotis ad ea, quæ magis ignota sunt, quia prima principia sunt nota per se; propositiones ex his proxime elicite sunt ignotæ in primo gradu, quia pendent ab iis solis; propositiones erutæ a propositionibus ignotis in primo sunt ignotæ in secundo, & ideo magis quam primæ, quia & a principiis, & ab ignotis in primo earum cognitio petenda est; propositiones vero ex ignotis in secundo collectæ sunt ignotæ in tertio, & ideo magis quam ignotæ in secundo, quia ad eas cognoscendas necesse est cognoscere plura, idest prima principia, propositiones ignotas in primo gradu, & etiam ignotas in secundo: in methodo vero analytica e contrario ab ignotis ad nota progredi, & ab ignotioribus ad ea, quæ minus ignota sunt, ut constat in allato exemplo propositionis remote in tertio gradu pendentis a primis principiis.

5. Ad hæc omnia magis magisque declaranda hoc profero exemplum. Primo mens intimo sensu cognoscit se cognoscere res, & deinde quasdam, ut sibi bonas, velle; quasdam alias, ut malas, respuere: pariter intimo sensu cognoscit se cognoscere singulas ideas, & deinceps alias tamquam aliis convenientes, alias autem tamquam discrepantes, & demum se convenientiæ assentiri, discrepantiæ dissentiri. Ex primo principio tamquam per se noto elicit duas esse in ipsa facultates, alteram quam intellectum vocat, alteram quam voluntatem; ex hoc eruit eos actus ad intellectum pertinere, quibus aliquid cognoscit, voluntatem, quibus aliquid vult tamquam bonum, & repudiat tamquam malum; inde vero colligit eos actus, quibus nihil amplius cognoscit, quique cognitionem jam habitam ponunt, non posse pertinere ad intellectum; eos vero quibus aliquid tamquam bonum amat, aut tamquam malum respuit, pertinere ad voluntatem. Demum intimo sensu clare quoque cognoscit duo solum in duabus rebus posse exhiberi, eas res absolute & per se

se, & easdem relate, tamquam alteram alteri convenientem, aut ab altera discrepantem. Ex quo tandem eruit actum illum assensus & dissensus, qui sequitur cognitionem convenientiæ aut discrepantiæ inter subiectum & prædicatum, nihil in ipsis cognoscere, eo quod subiectum & prædicatum, absolute considerata jam percepta fuerunt ideis simplicibus, relate, sive tamquam aut convenientia aut discrepantia, compositis; atque idcirco intrinsecus perceptionem non esse, sed eam tantum ante postulare. Ex quo denique colligit, quod sibi maxime propositum fuerat, illos actus assensus atque dissensus non ad intellectum, sed ad voluntatem pertinere. Quod etiam confirmat ex eo, quia veritas est perfectio intellectus, & falsitas imperfectio, atque ideo voluntas illam amare debet, hanc respuere, & in illo amore statuit esse positum assensum, in illo odio dissensum. Qui hoc pacto procedit, methodum syntheticam sequitur.

6. Methodum vero analyticam sequens ita procedit. Primum sibi ostendendam proponit hanc propositionem, assensus & dissensus sunt actus voluntatis. Illi actus, qui intrinsecus non sunt cognitio, sed eam ante habitam ponunt, suntque amor boni, aut odium mali, sunt actus non intellectus, sed voluntatis; atqui assensus & dissensus sunt actus, qui intrinsecus non sunt cognitio, sed eam ante habitam ponunt, suntque amor boni & perfectionis, aut odium mali & imperfectionis. Ergo &c. Majoris veritas elicitur ex principio supra posito, quod intimo sensu per se clarum est. Minor autem probatur hoc pacto. Qui actus nihil in objecto, quod antea cognitum per alios actus non fuerat, cognoscunt, suntque amor veri, aut odium falsi, illi intrinsecus non sunt cognitio, sed amor boni, aut odium mali; sed assensus & dissensus nihil in prædicato & subiecto, quod ante cognitum non fuerat, cognoscunt, suntque amor veri, aut odium falsi. Ergo &c. Major ipsa per se patet; minor autem conficitur tum ex eo, quod ex altera parte in duabus rebus aliud nihil cognosci potest, nisi illæ res absolute, aut eadem relate, tamquam convenientes vel discrepantes, & ex altera utrumque ideis aut simplicibus aut compositis ante assensum & dissensum a mente cognoscitur, tum ex eo quod veritas est perfectio intellectus, & falsitas imperfectio. Ex quibus tandem constat quod propositum est, quodque docui §. 180. & seq.

7. Hactenus expendi methodos syntheticam & analyticam in demonstrando; nunc moneo utramque adhiberi posse etiam in definiendo. Methodus in definiendo synthetica primum ponit terminos per se claros, deinde investigat terminos, qui terminis per se cla-

ris

ris definiuntur, quique dici possunt termini obscuri in primo gradu; tum horum ope explicat alios, qui dici possunt obscuri in secundo, itaque procedit, quoad potest, aut opus habet. E contrario analytica rem obscuram per terminos pariter obscuros explicat; hos vero per alios pariter obscuros, itaque procedit, quoad perveniat ad terminos per se claros, ex quibus omnes alii lucem accipiunt. Ut synthetica utitur, qui ita procedit; linea parisiensis est longitudinis diametri grani hordeaci, cujus magnitudo omnibus nota est, pollex est mensura 12 linearum, pes est mensura 12 pollicum, hexapeda est mensura sex pedum. Analytica vero ita procedit; hexapeda parisiensis est mensura sex pedum, pes 12 pollicum, pollex 12 linearum; linea tandem est æqualis diametro grani hordei, quo cognito statim perspicuæ fiunt omnes aliæ mensuræ pollicum, pedum, hexapedarum.

§. 244.

SCHOLIUM XXX.

In enuntiatione §. 140., quam ex Cl. Wolphio desumimus, tantum esse momenti statuo, quantum in arte inveniendi. Indicantur enim fontes, ex quibus cujuscumque prædicati aut cum quocumque subjecto convenientiæ, aut a quocumque discrepantiæ demonstratio deducenda est. Cum enim attributa suam a priori rationem in essentialibus, essentialia vero suam a posteriori in attributis habent, §. 105. ex definitione subjecti sive tradita per essentialia, sive per attributa, facile eruemus an aliquod prædicatum sit necessario inclusum in subjecto, & ideo vera sit absoluta propositio affirmans, an aliquod sit necessario exclusum a subjecto, & ideo vera sit negans pariter absoluta; an denique aliquod nec re ipsa necessario conveniat, nec discrepet, sed solum possit convenire, & non convenire, eoquod etiam possibilitas alicujus rei, quæ necessario non inest, aut proxime ab essentialibus, aut remote adminiculo aliarum possibilitatum, quæ magis proxime ab essentialibus proficiuntur, originem ducit. Quo in eventu restat investigandum conditio sub qua prædicatum re ipsa conenit, tum illa, sub qua non convenit, quæ est vel solius entis externi in subjectum agentis, si prædicatum sit modus primus, vel entis externi & modi primi, si sit modus secundus, vel entis externi, modi primi, & secundi, si modus tertius, vel &c.

2. Methodos vero iis conditionibus investigandis idoneas mox declarabo; nam prius exemplis perspicuum faciendum est, quod vel ex definitione tradita per essentialia attributa a priori eruantur, vel ex definitione tradita per attributa essentialia a posteriori. Ex. g. quidam ex Geometris prius ostendunt, qua ratione vel coni sectione, vel continuo motu generatur curva quæ dicitur parabola, & ex hac generatione, quæ illius definitionem per essentialia traditam continet, colligunt præcipuum illius attributum, *in parabola quadratum semiordinatæ est æquale rectangulo ex abscissa respondente in parametrum*, aliaque omnia inde profecta. Alii vero, uti Wolphius in Geometria Sublimiori §. 389. pro definitione ponit dictum attributum parabolæ, sive parabolam esse illam curvam, in qua quadratum semiordinatæ est æquale rectangulo ex abscissa in rectam

etiam constantem, quæ dicitur parameter, & exinde colligit illius generandæ modum, in quo essentia posita est, sive adminiculo motus continui §. 401. ibidem, sive sectionis coni §. 511., ac etiam alia omnia ipsius attributa.

3. Nunc venio ad methodos investigandi conditiones. Hæc autem methodus est vel synthetica, vel analytica; synthetica est, cum prius investigantur ea, quæ circa subiectum aliquod fieri possunt, & diversi status, in quibus idem existere quit, & deinceps inquiritur quid tunc eidem subiecto sic affecto & in eo statu considerato conveniat. Ex causa parabola a suo axe divisa in aliis punctis dispesci potest aliis rectis, quæ possunt esse vel parallelæ axi, vel ad eundem inclinari. Si dividatur recta parallela, & ad punctum sectionis peripheriæ ducatur tangens, & intra parabolam quocumque lineæ rectæ tangenti parallelæ ab altero ad alterum parabolæ punctum pertinentes, linea recta axi parallela has omnes bifariam dividet, sed cum iis ad angulos obliquos concurreret, atque ideo erit diameter minus principalis. Ut igitur recta in parabola præter axem secet bifariam alias rectas parallelas ab altero ad alterum parabolæ punctum pertinentes, pendet a duobus conditionibus, quod illa recta sit parallela axi, & quod dictæ rectæ inter se parallelæ sint quoque parallelæ rectæ, quæ parabolam in puncto sectionis contingit. Ita in quæstione an mens possit cognoscere duo repugnantia tamquam inter se convenientia §. 177. consideravi duo contingere posse, & duobus in statibus rem examinavi, in altero, in quo contradictio ipsi menti manifesta est, in altero, in quo eam latet; atque in primo statu & sub prima conditione id fieri non posse, in altero vero posse confeci. Similiter ut T. II. *Phyf. Gen.* §. 137. 170. 382. 434. definirem, in quibus eventibus & virium centralium hypothesebus corpus ad centrum virium perveniret progrediretur & in alteram partem ascenderet; in quibus aliis in contrariam reflecteretur, & in quibus quietum in centro permaneret, singulas hypotheses expendi, & inde elicitos pressionum, temporum ac velocitatum valores, & in quibus velocitatis valor foret positivus, in iis corpus in alteram partem ascendere motu versus eandem plagam continuato; in quibus foret negans, in iis regredi motu in contrariam partem reflexo; in quibus autem foret imaginarius & impossibilis, in iis corpus in centro manere motu prorsus extincto collegi. Immo diligenter examinando omnes tum motus continuati, tum reflexi, tum corrupti eventus, interque se comparando, & expendendo in quibus, inter eos conveniret, & in quibus discrepant, rationem a priori deduxi, cur reflexio, cur continuatio, cur corruptio debeant usvenire. Atque in hoc positum est unum ex principiis artis inveniendi, eo quod cum ejusdem effectus eadem ratio esse debeat, & diversorum diversæ, id quod est commune singulis singularum trium hypotheseum eventibus, & earumdem singularum hypotheseum proprium est, sit ratio oportet diversorum in singulis hypothesebus effectorum, & ejusdem in singulis cujusque hypotheseis eventibus effecti.

4. Sed de synthetica methodo satis; analytica vero tunc usurpatur, quando datis quibusdam prædicato & subiecto inter se convenientibus in aliquo statu, qui tamen nescitur, qualis sit, quæritur ille status, in quo prædicatum subiecto convenit, eaque conditio, quæ necessaria est, ut conveniat. Hac methodo fit resolutio problematum quæ in Mathematicis disciplinis proponuntur. Ex iis enim eruuntur propositiones, in quibus prædicatum subiecto inest sub iis conditionibus, quæ constructione continentur. Ex. g. in parabola quæritur dia-

meter minus principalis. Constructio præcipit ut primo ducatur recta abscindens parabolam & parallela axi; secundo ut tangens ad illud parabolæ punctum in quo sectio perficitur; tertio ut intra parabolam describantur ordinatae inter se parallelæ, & æquidistantes a tangente. Quo facto demonstratur hanc rectam esse diametrum. Ex quo eruitur propositio hypothetica. *Si in parabola extra axem ducatur recta parabolam abscindens & ab axe æquidistans, hæc recta erit diameter.* Nam alia quæ præcipiuntur, non continent aliam conditionem, sed solum rationem, qua veritas resolutionis & inde eruendæ propositionis ostenditur, & dicuntur præparatio. Similiter datis duabus rectis quæritur recta quæ sit media proportionalis inter easdem. Constructio hæc est. Duæ rectæ suis extremis conjunctis in rectum disponantur, tum recta ex utraque constans bifariam dividatur, deinde ex puncto sectionis tamquam centro, & dimidio hujus rectæ ex utraque coalitæ tamquam radio circulus describatur. Tandem ex puncto, in quo datæ rectæ conjunctæ fuerunt, erigatur perpendicularis & usque ad circuli peripheriam producat: hæc erit recta quæsitæ media proportionalis inter duas datas. Præparatio, ex qua demonstratio deducitur, in eo posita est, ut extrema harum trium linearum, quæ sunt in circuli peripheria, rectis lineis conjungantur, itaque duo perficiantur triacula. Ex quibus ducitur veritas hujus hypotheticæ propositionis. *Si duæ rectæ extremis conjunctæ in rectam disponantur, & recta ex iisdem coalita bifariam dividatur, & puncto sectionis tamquam centro, dimidio hujus rectæ tamquam radio circulus describatur, & tandem ex puncto conjunctionis duarum rectarum perpendicularis ad circuli peripheriam erigatur, hæc perpendicularis erit quæsitæ media proportionalis.* Sed ut verum fatear, hoc pacto proposita resolutio problematum est synthetica, non analytica, quia prius determinantur conditiones, sub quibus prædictatum subiecto convenit. Quamobrem ad methodum analyticam præparatio præcedat necesse est. Illa enim suppeditat rationem ex qua conditiones necessariæ eruuntur. Et revera duabus datis in rectum dispositis, & media proportionali ex puncto conjunctionis erecta, hæc debet esse talis naturæ, ut si perficiantur duo triacula, hæc triacula sint similia, ideoque latera eorum sint proportionalia, & perpendicularis pertinet ad utrumque triaculum in primo sit terminus rationis consequens, in altero sit antecedens. Res autem ita contingit in iis triaculis, quæ semicirculo dicta ratione inscribuntur. Ex quo Geometræ constructionem problematis, & conditiones, quibus servatis media proportionalis invenitur, facile colligunt.

§. Sed ut propius accedam ad exempla ex penu Philosophiæ deprompta, operæ pretium arbitror indicare modum, quem ego in quampluribus secutus sum in investigandis hujusmodi conditionibus. Accurate expendi rationes, quas in utramque partem aut ab aliis asserri sciebam, aut asserri posse videbam, & non raro observavi in singulis aliquid esse veri, & inde collegi distinctionem duorum sensuum, duarumque conditionum, in quarum altera propositio affirmans foret vera, in altera negans. Quo pacto mihi videor pluribus inter Philosophos quæstionibus finem imposuisse. Exemplo sit illa, cujus supra memini, de virtute intellectus in percipiendis impossibilibus controversia. Peripatetici volunt omnia impossibilia posse percipi tamquam inter se convenientia, Cartesiana autem nulla. Sed neutris lis est prorsus adjudicanda. Nam distinguendæ sunt illæ duæ conditiones, quod in earum altera vera est sententia Peripateticorum,

&

& falsa Cartesiorum; in altera e contrario. Eas autem elicui ex ipsismet accurate expensis Philophrantium rationibus, eo quod allatas a Cartesianis nullam comperi vim habere, nisi cum inter duo contradictio manifestum est, & cognita ab intellectu; in allatis vero ab Aristotelæis nihil esse momenti, nisi cum eadem contradictio mentem later, ut contingit in iis, quæ ipsa per se manifeste non pugnant. Etiam exemplo esse potest altera questio, in qua disputatur a Philophris, utrum perceptio composita falsa esse queat. Nam si perceptio composita solum duo cognoscat simul, non vero tamquam aut convenientia, aut discrepantia, tunc nihil in ea falsitatis esse posse feci perspicuum §. 173. sin autem hanc convenientiam aut discrepantiam, revera falsitatis posse coargui planum feci.

6. Mitto illustriora exempla ex Physicis petita, quibus idem confici potest, eoquod allata satis sunt ad id quod de hac methodo propositum est, declarandum. Quibus positis ajo priorem methodum esse faciliorem secunda in eruendis conditionibus, quæ necessariæ sunt ad eum finem, ut prædicatum cum subiecto convenire ostendatur, alteram autem in aliquo esse utiliore. Nam quod attinet ad primum, cognitio cuiusdam rei essentia & attributis inde profectis facilius est noscere & distinguere plures status, in quibus esse potest, pluresque conditiones, sub quibus si consideretur, eidem prædicatum aliquod convenit, quam cognitio re & prædicato in illam cadente invenire conditiones omnes quæ necessariæ sunt, ut re ipsa conveniat. Cum enim possibilitates modorum proximæ a sola essentia pendeant, remotæ in primo gradu ab essentia & a proximis, remotæ in secundo ab essentia, a proximis, & a remotis primi, remotæ in tertio ab essentia, a proximis, a remotis primi & a remotis secundi &c. §. 105. 106. 107. facilius est ab essentia colligere primo possibilitatem modi proximam, & conditionem entis externi, a qua ille modus pendet ut actu sit, tum ex essentia & possibilitate proxima possibilitatem remotam primi gradus inde pendentem, & conditiones, quæ necessariæ sunt ut modus secundus in re habeatur, deinde ex essentia, possibilitate proxima, & possibilitate remota primi gradus possibilitatem remotam secundi, & conditiones quæ similiter &c., ut modus tertius in ea reperiatur, quam posito aliquo modo, ex. g. quinto erueri possibilitates omnes & conditiones quæ necessariæ sunt, ut vel ejus possibilitas sit in statu proximo §. 93., vel is re ipsa in subiecto reperiatur, eo quod in prima methodo pedetentim ab alio transimus ad aliud, quod ut proxime ab ipso profluens cum eodem clare conjunctum intelligitur, quousque ad modum quintum & ad ejus possibilitatem perveniamus; in secunda autem magis arduum est invenire nexum inter modi quinti possibilitatem interque essentiam rei, utpote non proxime alteram cum altera conjunctam, omnesque interpositas quatuor possibilitates & conditiones inde profectas, quarum adminiculo hæc connexio perficitur. Prima vero methodus est synthetica, altera analytica. Ergo facilius est synthetica methodo, quam analytica, conditiones invenire, quæ necessariæ sunt, ut prædicatum aliquod cuidam subiecto conveniat.

7. In eo vero analytica non raro præstat, quod in altera intelliguntur quidem conditiones, quæ necessariæ sunt, ut prædicatum cum subiecto copuletur, non autem, saltem ut plurimum, definiri potest utrum sub iis tantum conditionibus prædicatum conveniat, an vero etiam sub aliis, in hac vero & condi-

tiones sub quibus convenit, & illæ, sub quibus nequaquam, sæpe feliciter de-
tegentur. Ita in ballistica, dato puncto feriendo, inveniemus velocitatem ido-
neam ad id efficiendum, ut glans a tormento explosa eo perveniat, & non
solum unum, sed duos angulos inclinationis ejusdem tormenti ad eundem finem
accommodatos, & etiam, data velocitate, ex valoribus imaginariis illos eruemus
eventus, in quibus eadem ad datum punctum feriendum nequaquam apta est. Ad-
vertendum est tamen utentem hac analytica methodo interdum in valores incidere
imaginarios & impossibiles, non quia id quod queritur, impossibile sit, sed quia
modo impossibili queritur. Atque ab hoc uno rationem esse petendam, cur quando
tres radices cubicæ æquationis sunt reales simul atque diversæ, usitata Cardani,
sive potius Tartaleæ mei contrerranei methodo valores eruantur imaginarii & im-
possibiles, & Tomo I. Phys. Gen. §. 107. adversus Martinum docui, & II. §. 382.
n. 18. confirmavi. Secundo vero ejusdem tomo §. 434. n. 14. pariter admonui in
aliquibus virium centralium hypothesebus, quamvis revera sint possibiles, in va-
lores velocitatum & temporum imaginarios ob eandem causam incurri.
Quare videndum esset, an idem in aliis Philosophiæ capitibus usuveniat.

8. Verum tamen est quod idem obtineri potest synthetica, cum artis com-
binatoriæ principiis omnes definiri queunt eventus, qui esse possunt. Id præ-
stiti in eruendis omnibus idoneis syllogismorum modis. §. 53. Nam positis A
prædicato propositionis probandæ, B subiecto, C medio termino, triginta duo-
bus variis modis eos posse conjungi comperi; ex quibus diligenter expensis tres
tantum per se legitimos esse, alios omnes per se illegitimos ex notionibus
per se clavis effeci. Verum cum principio reductionis, quod est unum ex præ-
cipuis artis inveniendi principiis, quod in eo positum est, ut aliquod adhuc
incognitum cum altero jam explorato aut cognitu faciliore convenire demon-
stretur, alios sex ad tres per se legitimos redigi posse monstrassem, inde mo-
dos omnes sive per se, sive adminiculo aliorum legitimos esse novem tantum
conclufi.

9. Ex quibus fit ut nequaquam mihi probetur eorum sententia, qui volunt
methodum analyticam esse propriam veritati inveniendæ, syntheticam eidem
jam inventæ aliis explicandæ, scientiisque tradendis. Utraque enim utrique
fini obtinendo idonea est, ut constet ex iis, quæ hæctenus differuimus, &
multo magis constabit ex iis, quæ nunc differere aggredimur. Adhibui non
raro syntheticam ad verum inveniendum, eamque mihi feliciter cedere com-
peri. Duo proferam exempla, alterum ex Theologia Naturali, quam infra ex-
ponam, alterum vero ex Physica Generali, quam publica luce donavi, petitum.
In Theologia ex natura entis a se, sive ex notionibus entis tamquam generis,
& a se tamquam differentie primum elici ipsius naturam totam in positivo
esse positam, nihilque vere negantis includere, & omne in se continere verum
ens. Deinde ex hoc ipsius possibilitatem & ex possibilitate existentiam, tum
intellectum & voluntatem, summam in omni genere perfectionem, accidentium
earentiam, & alia ejusdem attributa nullo negotio collegi. In Physica vero
Generalij primum ostendi ex inextensis sive inter se conjunctis, sive a se vi-
cissim disjunctis extensum constare non posse. Tum ex hoc, in quo convenit
inter multos ex Philosophis, qua Veteribus qua Recentioribus, evidenter effe-
ci in vero extenso continuo nullas esse reipsa partes distinctas, ut partes, quod
adversatur communi Philosophorum omnium sententiæ, eorum etiam, qui me-
cum

cum primam de continui compositione sententiam tamquam certam amplectuntur. Cujus ratio fuit, quod methodo synthetica satis accurate usi non sunt in sensum eruendis omnibus iis, quæ negatam compositionis continui extensis ex inextensis possibilitatem consequuntur. Nam pro ingenii acumine, quo pollebant, clare perspexissent in vero extenso continuo partes esse non posse distinctas, simul ac extensum ex inextensis componi non potest, proptereaquod ex altera parte inde sequitur extensionem semper esse ante partes & ex iis nequaquam pendentem, & ex altera si partes in uno extenso distinctæ forent, ipsæ extensionem natura anteverterent, & extensio ab iisdem originem duceret. Deinde ex hac partium in uno extenso negatione solutionem elici gravissimarum difficultatum, primitivam extensi duritiem, ut nulla ratione comprimi aut cuiusmodi figuram mutare possit, impossibilitatem illius in partes secandi, tamen si virtute secari possit, quatenus multis aliis extensis disjunctis etiam infinitis æquivalere potest, quod satis est ad illius in infinitum divisibilitatem, quæ geometricis rationibus evidentissime comprobatur, possibilitatem illius penetrandi, ac etiam aliam possibilitatem unius extensi continui in infinitum densioris alio prorsus continuo, quæ ad Aristotelis leges motuum servandas adeo necessaria est, primariam corporis essentiam, illius attributa & accidentia, & multa denique alia, sine quibus tota propemodum Physica constare non potest: in quorum cognitionem numquam incidissem, nisi synthetica methodo diligentissime usus omnia pertentando explorassem, & sensum alia ex aliis intulissem, quæ negatam illam generationis continui possibilitatem consequuntur. Ex quibus constat syntheticam methodum abstrusis etiam veritatibus inveniendis esse maxime idoneam. Quod vero iisdem explicandis, atque idcirco scientiis tradendis sit accommodata, convenit inter omnes, & ex iis, quæ infra disputabuntur, liquidum fiet.

10. Quemadmodum & constat ex dictis, & ab omnibus conceditur analyticam vero inveniendi esse aptam. Verum neque negandus est ejusdem in scientiis exponendis usus; siquidem ex altera parte in superioribus docui syllogismorum artem esse in Philosophia retinendam §. 211. num. 6., & ex altera ibidem significavi, quod nunc ex traditis utriusque methodi definitionibus planum fit, cum qui syllogismus utitur, & primum ex definitione subjecti, vel sola, si propositio probanda sit absoluta, vel una cum conditione adjecta, si hypothetica, primum eruit syllogismum, & si in hoc aliqua præmissa sit adhuc obscura, idem præstat in hac conficienda, & secundum eruit, & pariter in hoc secundo, si quædam præmissa satis clara non sit, tertium similiter colligit, itaque procedit quoad in ultimo syllogismo utraq; præmissæ sint evidentes, cum, inquam, usurpare methodum analyticam, eoque primum ponit propositionem incognitam atque probandam, & deinde investigat rationes, quibus eadem demonstratur, proximam, remotam in primo gradu, remotam in secundo &c. quousque ad propositiones per se notas atque ad prima principia perveniat. Quamobrem mea sententia est, usu omnium qua Philosophorum, qua Geometrarum comprobata, utramque methodum in veritatibus tum inveniendis, tum inventis explicandis usurpari oportere, prout alterutra magis commode cadit. Nam aliquando usuveniet, ut synthetica facilius & certius præ analytica ad alicujus veri cognitionem nos ducat, aliquando vero ut analytica. Sic propositio problemate inveniendi curvam celerissimi descensus, & illam in qua omnes cor-

poris gravis descensus five per arcum longiorem , five per breviorē eodem tempore perficerentur , methodo analytica inventa est curva ad utrumque idonea , cyclois nempe vulgaris . Quod si Geometrz id sibi propoſuiſſent investigandum ſynthetica , innumerabiles curvæ improbo labore tentandæ fuiſſent , & ex ipſarum æquationibus determinandæ formulæ velocitatum & temporum , ut viderent , in qua curva celerrimus & iſochronus deſcenſus obtineretur : & fortaſſe ſors iis cycloidem non obtuliſſet , aut etiam oblata ſaltem celerrimum deſcenſum inde non eliciſſent . E contrario quotuiſque in analyticis verſatus ignorat in ipſomet calculo integrali , in quo regnat analytica methodus , multas differentiales formulas ſynthetica methodo fuiſſe oſtenſas huiusmodi , ut vel in ſummam redigi , vel ad quadraturas conicarum ſectionum poſſent , quod analytica Geometrz numquam obtinuiſſent , eas præſertim , quæ multimodis variari debent pluribuſque ſubſtitutionibus ante ſubjici , quam aut integrentur , aut ad notas quadraturas redigantur . Nam data quadam formula , quam integrabilem eſſe , vel ad cognitâs quadraturas reduci poſſe ſcio , facile eſt aliquibus ſubſtitutionibus , aut eorum , quæ variis modis eſſe poſſunt , determinationibus , in ſecundam iisdem operationibus ſubjectam convertere , ſecundam ſimiliter in tertiam , tertiam in quartam , & quartam in quintam , & deinde retro commendo , eademque relegendo veſtigia , eam quantumvis a prima ad ſpeciem diſcrepantem ad eandem redigere , itaque in ſummam colligere , aut ad notas reducere quadraturas , & inde quoque canonem & generales elicere leges , quibus hæc formula ejuſque ſimiles integrentur aut conſtruantur . At ſi hæc formula nimis diſtans ab illa , quam integrari aut conſtrui ſcimus , obijciatur , nimis difficile eſt ad eam ope ſubſtitutionum atque determinationum reducere , eo quod multæ fieri poſſunt , & nescimus , quales ex multis eligendæ ſint , ut ad eam formulam perveniamus . Unde contingit id , quod accidit in viatore , qui ſi ab uno loco ad alterum contendat per viam , quæ multis aliis identidem interfecatur , ſi diligenter omnia notaverit , a ſecundo ad primum redire facile poteſt , eoquod eadem relegendo veſtigia ex multis eam tenet , quæ illo deducit . At ſi ab initio digreſſus a ſecundo loco ad primum ſit perreſſurus , viam difficillime inveniet , eo quod ex multis identidem divertentibus una tantum eſt , a qua vel a principio vel in progreſſu facile aberrabit , aliquam aliam ex multis arripiendo , quæ alio deducunt . Quamobrem ad integrealem calculum perficiendum putarem ſyntheticam methodum accuratius uſurpari oportere , & inde formulas , quam plurimæ poſſunt , erui , quæ integrationis aut conſtructionis legibus ſubjectæ ſint , ut qui analytica utuntur , facilius in earum aliquam , & ideo in ſolutionem incident problematis , quod ſibi ſolvendum proponunt . Quod qui præſtabit , M. imitabitur Eulerum , qui hæc methodo uſus plures intricatiſſimas formulas a nemine etiamnum tractatu faciles redditas , integrationis aut conſtructionis legibus ſubjecit .

II. Quæres hic an methodus ſynthetica ſit a priori , analytica vero a poſteriori . Cui quaſtioni ut ſatiſfaciam , ajo in multis quidem ita uſuvenire , ſed utramque methodum eſſe poſſe tum a priori , tum a poſteriori . Primum veſt ex eo perſpicuum ſit , quia cum ex altera parte ſingulæ cujuſdam rei compoſitæ partes ſint ejuſdem ratio a priori , ex altera ipſæ facilius , quam totæ compoſitæ res , cognolcantur , qui methodo ſynthetica utitur , a partibus ſimplicioribus incipit & inde ad res compoſitas in primo gradu , a compoſitis in pri-

ma-

mo gradu ad compositas in secundo, a compositis in secundo ad compositas in tertio &c. progreditur; qui vero analytica, rem ex g. compositam in tertio resolvit in partes compositas in secundo, ex quibus illam cognoscit, compositas in secundo in compositas in primo, compositas tandem in primo in partes quæ a mente amplius resolvi non queunt, & in quibus tumquam per se cognitis omnino quiescit. Alterum autem constat ex eo, quod cum non raro effectus & proprietates sive attributa, utpote in sensus incurrentia, sint præ suis causis, rationibus sufficientibus atque essentialibus notiora, in methodo synthetica tunc ab effectibus & attributis incipiendum, & inde ad causas & ad essentialia progrediendum §. 243. & ideo procedendum a posteriori; in analytica vero e contrario, atque idcirco a priori incedendum.

12. Immo in ea sententia sum illum, qui syntheticam usurpat, semper aliqua ex parte debere incedere a posteriori. Cum enim primæ rerum ideæ per sensus in animam illabantur §. 113. quis ignorat hoc pacto nobis fieri notiora composita præ partibus eam componentibus, effectus præ causis, & rerum proprietates atque attributa præ essentialibus? Quamobrem tunc est in synthetica methodo a posteriori progrediendum, idque præsertim si agatur de partibus, quæ reipsa tales non sunt, sed sola mentis cogitatione & vi præcendiendi possunt existere. Nam discrimen ponendum est inter veras partes & inter eas quæ sola mente fiunt, quod illæ per se ante cognosci queunt, quam totum ex illis coalitum; hæ autem post cognitionem totius solum intelligi queunt. Ut quia linea est vera pars pollicis, pollex pedis, pes hexapedæ, prius linea cognosci potest, quam pollex, & pollex priusquam pes &c. Unde in hoc eventu qui synthetica utitur, a partibus simplicibus & minus compositis incipiat oportet, nisi contingat, quod aliquando solet usuvenire, ut totum sit notius quam partes, ex quibus coalescit, & partium cognitio ex notitia totius petenda sit. Ut si pes parisensis ex brachio Brixiano mihi exploratus fiat, tunc ex cognitione pedis veniam in cognitionem pollicis, qui est duodecima pars pedis, & ex notitia pollicis in notitiam lineæ, quæ est ejusdem pariter duodecima pars. Hac etiam ratione horarum atque minorum cujuscumque gradus cognitionem hausimus. Dies siquidem, tametsi totum aliquod ex pluribus compositum, sit notus ante ipsius partes observatione sensibus hausta digressus solis ab uno cœli puncto & ad idem cœli punctum regressus, quod temporis intervallum dicitur dies, & in 24 dispecitur partes æquales, quæ horæ appellantur. Unde fit ut horarum cognitio pendeat a cognitione diei, quemadmodum & minorum primorum ab horarum cognitione, eo quod sunt sexagesima horæ pars, & aliorum cujuscumque gradus, quæ pariter sunt sexagesima illius minuti, quod est uno gradus demissius. At in altero eventu quia tota res ante sensibus nota fit, quam ipsius diversas partes mentis vi & facultate abstrahendi secernamus, in synthetica methodo initium ducendum est a rei totius cognitione, & deinde res eadem suas in partes distribuenda, eo quod hæ sine illius cognitione, a quo pendet ut sint, intelligi nequeunt. Hac de causa numquam conquire potui Geometrarum morem, qui Elementorum initium capiunt a definitione puncti inextensi, inde ad lineam transcunt, ab hac ad superficiem, & tandem in solidum triplici extensione donatum desinunt. Mihi enim videtur, primum totius solidi cujus cognitio sensibus hauritur, definitio proponenda, ex hac deinde eruenda definitio superficiei quæ est terminus solidi, quia

quamquam superficies a solido sejungi, immo sine illo intelligi nequeat, tam enim virtute mentis alterum ab altero abstrahendi, a solido tamquam modus a re distinguitur; tum ex hac similiter colligenda definitio linearum, quæ est terminus superficiei, & tandem puncti, quod est terminus, sive initium aut finis linearum. Si hoc modo procederent, & rationi, quæ in animos adolescentum notiones trium extensionum, atque punctorum illabuntur, docendi methodo se accommodarent, tum facilius retunderent tela Epicureorum, qui hac una puncti sine ulla extensione, & linearum sine ulla latitudine & superficierum sine profunditate definitione putabant se posse totam Geometriam evertere, tum animos tyronum, quibus ab initio hæc nimis intellectu difficilia videntur, minus a primo detererent.

13. Quæ omnia sunt attendenda in illa controversia, quæ est inter summos viros, Lamyum cum aliis ex altera parte, qui contendit in disciplinis tradendis a simplicibus initium esse ducendum & a minus compositis, & inde ad composita atque ad magis composita esse progrediendum, quia cum simplicia sint ratio compositorum, prius illa, quam hæc, cognoscere oportet, interque Christianum Wolphium cum aliis, pluribus ex altera, qui magnam negant haberi oportere aut simplicitatis rei, aut compositionis rationem, sed omnem illius regulæ, quam infra trademus, ut ea præcedant, per quæ cetera intelliguntur ac demonstrantur: quam methodum monent esse secutos veteres Geometras, & Euclidem præsertim in Elementis, immo Nevvtonum ipsum in eximio Opere de Principiis. Qua in re nemo non videt priorem methodum, si discedas ab iis, quæ paulo ante monuimus, ipsam per se esse alteri præferendam, proptereaquod eo pacto res tractantur ordine magis naturali, quique in animos legentium facilius influit, & altiores agit radices; alteram vero solum ex necessitate usurpandam, cum in investigatione rei a priori prima nos deserit; proptereaquod tali pacto rerum ordo cum nimio claræ & distinctæ cognitionis damno perturbatur, ut Eulerus in Mechanicæ Præfatione rationem reddens, cur a simplicioribus & minus compositis motus & virium hypothesebus profectus semper ad magis magisque compositas progrediatur, affirmare non dubitarit se Nevvtoni Principia perturbato ordine conscripta, cum liber est in manibus, intelligere, eo deposito se nihil aut parum eorum, quæ legisset, memoria tenere. Et revera cum in primo res a suis simplicissimis causis deducantur, demonstrationes sunt faciliores & recta via progrediuntur; in secundo oblique sunt & nimis e longinquo petuntur, atque ex iis fontibus, e quibus sua veluti sponte non fluunt. Quare totis viribus est contendendum, ut has obvias & naturali ordini accommodatas rationes investigemus, quo incommoda alterius methodi vitare possimus. Id ego pro virili parte sum præstare conatus in Physica Generali, & præsertim tomo II, in quo varias expendi motus & virium centralium hypotheses. Nam ad sedulum examen vocatis simplicioribus cujusque hypothesis formulis, atque in omnes partes versatis, & contra ipsius Euleri sententiam demonstrata ratione, quo simpliciter in summam rediguntur, quæ intelligi debeant, faciliores atque breviores, quam Eulerus fecerit, methodos tum §. 137. tum aliis locis, & præsertim §. 170. usurpavi, & nihilominus non solum ea, quæ Eulerus ex suis minime universalibus & valde operosis elicit, verum etiam & alia plura, ad quæ is pervenire non potuerat, erueri licuit; immo & varios ipsius & Buschovichii in motibus, qui a viribus centralibus oriuntur

tur, errores detegere. Quare nullus dubito, quin si auctores idem præsent in aliis; Mathematicas & Philosophicas disciplinas in majori collocent luce, & ad captum adolescentum magis accommodent.

14. His quod attinet ad utramque methodum, quibus earum natura & discrimen ab aliis non satis animadversa majori in luce ponuntur, disputatis, in animo est, aliqua differere de erroribus, qui in demonstrationibus utraque methodo conficiendis committi solent. In duobus autem omnino potest offendi, in principiis ex quibus propositiones eruuntur, & in modo, sive forma syllogistica, quæ adhibetur. Nam quod attinet ad primum, simul ac unum ex principiis, ex quibus ostendenda elicitur enuntiatio, aut evidenter falsum est, aut incertum, propositio inde illata non quidem manifeste falsa est, ut §. 238. n. 7. docui, sed tamen dubia & incerta, tametsi reliqua omnia principia summa evidentiz & certitudinis luce perfusa forent. Advertendum est tamen propositiones aliquas non continuo incertas aut falsas existimari oportere, eo quod aliqui easdem tamquam tales traducunt. Quotum enim quodque nedom in Philosophia, in qua undequaque multa se offerunt obscura & inexplicabilia, sed in ipsismet Geometricis Disciplinis, quæ alioquin in rebus tam clavis, tamque perspicuarum notionum lumine illustratis versantur, perspectum foret & exploratum, si rationem haberi oporteret eorum, qui Geometrica ipsa principia aut invocant, aut saltem in dubium vocant? Sed examinandæ rationes, quibus quodque conficitur, & in eas animus intendendus, & expendenda omnia, quæ inde legitime conficiuntur. Si enim illæ sua perspicuitate laceffant animos attendentium, & omnia quæ inde eliciuntur, & inter se & cum aliis naturæ phænomenis, cumque ceteris notionibus clavis & evidentibus mirifice congruant, quidni pro certis habeantur, etiamsi multi sint, qui negent assensum præbere, propterea quod id contingere potest, eo quia non satis se a præjudicatis opinionionibus expetire, & ad easdem, quantum opus est, animum intendere potuerunt. Hæc notionum perspicuitas, hicque mirificus omnium, quæ inde illata fuerunt, consensus causa existere, cur Geometricæ disciplinæ pro certis habitæ semper fuerint, tametsi multi easdem a falsis profectas principiis non spernendis rationibus ostendere conati sint. Atque utrumque est causa, cur certissima putem, quæ Tomo I. Physicæ Generalis disputavi de vacuo, de compositione continui extensi, de tempore, & motu, de corporis essentia, attributis, & accidentibus, de pressionibus, de natura & æstimatione vis motricis, deque modo quo in collisione motus inter corpora communicatur ac distribuitur, deque aliis multis quæ & ibidem, & aliis duobus tomis tractata sunt. Nam & eadem confeci clarissimis atque omnium consensu probatis Metaphysicæ principiis, & alia ab aliis pedetentim servato legitimo syllogismorum modo collegi, & eorum omnium, quæ inde conclusa fuerunt, mirificum ostendi consensum cum certis naturæ phænomenis, cumque aliis principiis, quæ tamquam certa & evidentiâ communi Philosophorum calculo comprobantur. Nec ab hac animi persuasionem me depellere possunt contrariæ sententiæ Philosophorum, propterea quod si agitur de iis, qui ante me scripserunt, jam & eorum rationibus luculentissime satisfacere, & exposui causam cur ad liquidam veritatem pervenire non potuerint in iis præsertim duobus positam, quod & non attendant illa omnia, quæ ex constituto ab ipsis systemate colligebantur, ut supra docui num. 9, & nimium, quam par erat, ex quibusdam rationibus ef-

fecerunt, ut mox docebo: si vero de iis, qui mea scripta legerunt, ut nunc mittam eos quamplures, quos manus dedisse exaudivi, scio nonnullos ex iis, qui contradixerunt, nec ipsi primo tomo ceteris faciliori, & calculis Recentiorum minus implicato sedulam operam dedisse. Argumento sit ille quarumdam thesium auctor, qui duas edidit mihi contrarias, in quarum altera ait meæ de vacuo sententiæ D. Thomæ sententiam adversari, in altera vero a me poni contradictoria, dum pono posse in extenso designari puncta, lineas, & superficies, & simul partes in eodem reipsa distinctas nego. Nam quod attinet ad primam, si diligenter advertisset me nullam in vacuo veram extensionem agnoscere, & inde post multa inferre illud non esse spatium, ad quod corpora referri possint, dum in loco esse aut moveri dicuntur, numquam objecisset sententiam tamquam contrariam D. Thomæ, qui in loco ab eodem citato aliud nihil inficiatur, quam spatium ante mundi creationem. Quod vero attinet ad alterum, si pariter attendisset primum me ex altera parte inter partes continui extensi negare distinctionem realem maximam, quæ inter plures substantiales interque se distinctas partes intercedit, non minorem maxima quæ est inter modos ipsos; ex altera vero pluribus locis docere puncta, lineas & superficies non esse ipsam extensi substantiam, sed tantum modos; deinde me ob illam evidentem rationem, quam §. 201. num. 34. protuli, & in quam incidi posteaquam superiora typis mandaveram, discessisse a prima sententia, & statuisse contactum in pura superficie perfici nequire, ideoque nec puncta, nec lineas, nec superficies corporum contactu posse designari & contingi; si, inquam, ad hæc omnia attendisset, nullus dubito, quin pro sua humanitate ab hac nota mihi inurenda abstinuisset. Verum hæc nunc obiter, quia de his in Ontologia fuis disputabimus.

15. Interim, manet dissensum Philosophorum in rebus, quæ ad Philosophiam pertinent, susdeque habendum simul ac aliquid ex evidentibus principiis, servata legitima argumentandi formula, illatum est. Sed Cl. Gravelandus in Introductione ad Philosophiam, qui libellus est editus Venetiis anno 1737. carpit receptum usum, ubi agitur de argumentis oppositis, quæ solvi non possunt, pro vera habendi sententiam, cujus veritas ipsi evidenter demonstrata apparet, quin opus sit ad argumenta respondere, huncque statuit Canonem §. 666. *Si ubi propositio mihi evidenter demonstrata apparet, argumenta in contrarium, quæ mihi etiam evidensia videntur, proponantur, in dubio mihi bene-dum erit; error certe datur, sed determinare non possum ad quam partem, additque plenam persuasionem dari non posse, nisi omnes objectiones solvantur, si tamen per objectiones intelligantur evidensia argumenta, quibus contraria propositio suadetur, non autem puræ difficultates, quæ, salva propositione, stare possunt, aut quæ aliquod obscuri in hac evincunt latere, quas negligi posse concludit.*

16. Verum, mihi hoc canone nimium labefactari videtur fides, quæ est habenda evidentiæ, quæ ubi adest, fallere nequit, nec animum incertum relinquere, sed sua se luce manifestam facit, ut animam prorsus persuadeat & cogat §. 228. Quod certe obtinere non posset, si rationes prorsus evidentes in contrarias partes apparere possent. Itaque hunc canonem esse statuum existimo; si posteaquam quidpiam evidenter demonstratum apparet, aliquid obijciatur, quo contrarium evidenter quoque confici videatur, mens inde collige-

re debet utramque propositionem esse veram, sed alteram in altero sensu & sub altera conditione, quas condiciones sub quibus prædicatum subiecto convenit, aut non, & distinctionibus quibus argumenta contraria solvuntur, colligi scimus, & supra in quæstionibus manu tetigimus. Sic mihi evidenter apparet quantitatem infinitam esse majorem finita, ut evidentia major hac dari non possit; pariter evidens videtur, quod Geometræ conciliunt de spatio inter hyperbolam & asymptotum intercepto, quod licet infinitum, tamen sit æquale spatio cuidam undequaque finito. Ob summam utriusque evidentiam de neutro dubitare possum, sed solum inde colligo alterum in altero sensu, & alterum sub altera conditione esse verum, quos diversos sensus & condiciones eruo, si aliquantum animum adverto ad id, quod utraque evidentia conficitur. Et revera §. 232. inde collegi quantitatem infinitam ex una parte & non infinite parvam ex altera esse majorem ea, quæ undequaque finita est, posse vero esse æqualem, si sit infinita quidem ex altera parte, sed ex altera infinite parvis limitibus coarctatur.

17. Ceterum hoc ipsum, quod Philosophi satis non adverterunt ad illa præcise, quæ contrariis rationibus efficiuntur, & ex quibusdam rationibus aliquid colligi, quod revera non efficitur, ex animi oscitantia sibi persuadere, causa fuit ut a veris sentiendi desciscerent, aut suspensi manerent in rebus etiam clarissime demonstratis, & præsertim in iis, quæ de continuo extenso aliisque cum eo aptis atque connexis disputantur, ut fere sit communis sententia Philosophos clarissimis rationibus suam quosque consecisse sententiam, sed non potuisse contrarias dissentientium rationes diluere. Verum id pertinet potius ad secundum errorum in demonstrando fontem ex eo ductum, quod contra legitimam syllogismorum formam peccatur. Nam in quo syllogismo plus colligitur, quam præmissæ velint, is contra regulam de tribus tantum terminis peccat. Exemplo sit possibilitas dividendi continuum in partes infinitas. Evidenti ratione confici tom. 1. Phys. Gen. §. 19. partes in vero continuo extenso non reperiri; mihi obijciuntur §. 21. Geometricæ rationes, quibus illud in infinitas partes dividi posse confici creditur. Verum ut ibi docui num. 2. ex eo quod in superficie continui extensi designari possent partes minores atque minores in infinitum, quod unum geometricis argumentis confirmatur, non efficitur posse continuum dividi, quia contactus duorum corporum, quo illæ designationes perficiuntur, utpote pura relatio, non efficit partes, quæ sunt ali-quod absolutum, nec continuum secat, ad quam sectionem desideratur absoluta vis, sed solum colligitur a Deo creari posse continua extensa alia aliis in infinitum minora; ex quo ibidem collegi non evinci unum continuum extensum constare partibus reipsa distinctis, sed solum posse æquivalere pluribus corpufculis, inter quæ maxima realis distinctio intercedat.

18. Similiter offenditur, si quod solum hypothetice conficitur, id tamquam absolute verum eliciatur. Sic in eadem quæstione rationibus prorsus evidenti-bus suadetur verum extensum ex inextensis componi nequire. Contrarium alii confici putant illa ratione, quod ex Geometria constat spheram perfectam contingere planum perfectum in uno puncto inextenso, & ideo si super planum ducatur, describere lineam ex punctis inextensis constantem. Verum ex Geometricis rationibus non colligitur absolute contactum inter spheram & planum esse in puncto inextenso, sed solum in hypothesi, in qua sola eandem suam

habent vim, quod contactus corporum in superficie perficiatur. Quare si sphaeram aut aliquantisper abesse a plano, aut si incipiat contingere, se in interiorum intrudere substantiam aliunde ostendatur, ut revera ostendi illa evidenti §. 201. tom. I. Phy. Gen. num. 34. in eo posita, quod ex altera parte initia rerum possunt esse, sed non ipsa per se, verum una cum rebus ipsis, & ex altera quemadmodum superficies est initium corporis, non corpus ipsum, ita contactus in superficie est initium contactus, non vero ipsemet contactus, plane corruit objecta ratio, & contra nostram de continuo sententiam nihil geometrie cis argumentis efficitur. Taceo de aliis erroribus qui contra legitimas formulas syllogismorum peccantur; quia & obvii sunt in auctorum libris, & facile vitantur ab iis, qui sedulam superioribus operam dederunt.

CAPUT QUINTUM.

De Methodo Philosophica, & de legibus in Philosophia observandis.

§. 244.

Definitiones.

Methodus Philosophica est ordo servandus in exponendis iis, quæ ad Philosophiam pertinent, docens scilicet quænam præmittenda sint, quænam postponenda. Cumque Philosophia uti possit tum methodo synthetica, tum analytica, duplex hinc oritur methodus Philosophica, altera synthetica, altera analytica, docens quænam præmittenda sunt, cum utimur methodo synthetica, quænam vero, cum analytica.

2. Leges vero sive regulæ in Philosophia servandæ vel respiciunt ipsas res, quæ in Philosophia traduntur, vel methodum qua tradi debent; suntque propositiones practicæ exprimentes, quid in Philosophia tradenda faciendum sit.

§. 246.

Regulæ pro Methodo.

Prima est pro methodo synthetica, ut primo exponamus ea, per quæ cetera intelliguntur, ac demonstrantur, ex qua oriuntur secunda pro definitionibus, ut prius definiantur termini, qui adhibentur in definitionibus sequentium terminorum; & tertia pro demonstrationibus, ut prius demonstrantur propositiones, quas adhibemus in aliarum demonstrationibus. Quarum ratio est clara & perspicua per se, quia prius est noscere & intelligere id, per quod alia noscuntur atque intelliguntur, præsertim in methodo synthetica, in qua initium ducitur a propositionibus per se claris, aut notioribus, & inde ad obscuras atque ad magis ignotas proceditur §. 143. num. 1. & 7. Deinde hoc pacto facilius atque certius evitatur ille vitiosus tum in definiendo, §. 162. tum in demonstrando §. 242. circulus, quam

quam si hic ordo nequaquam servatur, quia si semper terminos sequentes per terminos jam ante definitos explicemus, & propositiones pariter sequentes per eas, quæ ante demonstratæ sunt, ostendamus, numquam fieri potest ut primum per secundum, secundum per tertium, per quartum &c. & deinceps hoc quartum sive ultimum ob memoriæ lapsum adminiculo primi aut definiamus, aut demonstremus. Id quod accidere potest, si aliter fiat, vel saltem dubium oriri, an aliquando contigerit; quo in eventu molestus labor est suscipiendus in examinando, utrum hoc vitium nobis incisiis atque imprudentibus subreperit.

2. Præterea hoc eodem pacto cognitionem acquirimus tum rerum tum rationis earundem adæquatam &, quantum fieri potest, perfectam, usque ad ideas simplices atque ad prima principia. Termini enim & propositiones, quas adhibemus in explicatione alicujus termini & in demonstratione cujusdam propositionis, sunt ratio proxima cur ille intelligatur, hæc vera sit; termini & propositiones, quas usurpamus in primis terminis explicandis & in singulis propositionibus demonstrandis, sunt ratio remota in primo gradu; termini & propositiones, quas in exponendis aut demonstrandis secundis adhibemus, sunt ratio remota in secundo; itaque progrediendo in definitionibus ad ideas simplices, quæ per alias explicari non possunt, sed per se intelliguntur, in propositionibus autem ad prima principia pariter ipsa per se perspicua pervenimus. Jam vero methodus semper definiendi terminos per eos, qui antea definiti sunt, & demonstrandi propositiones per eas, quæ ante demonstratæ fuerint, adminiculo numerorum, qui appingendi sunt terminis atque propositionibus in antecessum aut explicatis, aut demonstratis ad loca earundem nullo negotio invenienda, manu quasi ducit ipsos tyrones ad notas notarum usque ad simplices, atque ad rationes rationum usque ad prima principia intelligenda.

3. In methodo vero analytica contra faciendum est; nam termini obscuri sunt explicandi per alios licet obscuros, qui sunt ratio proxima cur primi intelligantur; secundi per tertios, qui sunt ratio remota in primo gradu, tertii per quartos, quousque perveniamus ad terminos, quibus respondentes ideæ sint claræ per se, quæ sunt ultima ratio, per quam omnes alii perspicui fiunt. §. 243. Similiter propositiones sunt demonstrandæ per secundas, quæ licet obscuræ, sunt ratio proxima, cur illæ veræ sint; secundæ per tertias, quæ pariter sunt ratio, sed remota in primo gradu; tertiæ per quartas, quæ sunt ratio in secundo remota, itaque procedendum, quoad

quoad ad prima principia & ad propositiones per se claras perveniatur.

4. Hoc vero non impedit, quominus sequens analyticam methodum observet quoque legem definiendi terminos per eos, qui ante definiti sunt, & demonstrandi propositiones per eas, quæ ante fuerint demonstratæ; vel enim considerantur singulæ propositiones seorsim, vel aliæ cum aliis conjunctæ. Si primum, in iis procedi potest tum methodo synthetica, adhibendo sortem apud Geometras usitatum, in quo ex una propositione clara alia infertur clare cum ipsa copulata, ex secunda tertia pariter ita conjuncta, ex tertia &c. quousque perveniamus ad propositionem, quæ ostendenda proponitur; tum analytica, adhibendo syllogismum explicitum, & aliquam syllogismorum successionem, in cujus primo syllogismo propositio probanda elicitur ex duabus propositionibus; in secundo præmissæ primi si obscuræ sint, ex aliis propositionibus eruuntur; in tertio præmissæ secundi si pariter obscuræ sint, colliguntur, sicque proceditur, quoad perveniamus ad syllogismum, in quo singulæ præmissæ sint clare & perspicuæ, quarum claritate sit ut omnes anteriores, atque idcirco etiam propositio probanda perspicuitatis luce perfundatur.

5. Sin autem secundum, ob rationes superius allatas talis sit nexus inter definitiones atque propositiones, ut sequentes semper aut tunc explicentur ac demonstrentur, aut per eas quæ ante fuerint explicatæ ac demonstratæ; per eas vero, quæ postea explicabuntur atque demonstrabuntur, aut numquam, aut saltem raro, lectoribus prius admonitis, ut Geometræ facere solent, eas quæ in posterum tradentur, ab his, quæ in præsentī, nequaquam pendere.

6. Ex his eruitur, quantum fieri potest in methodo synthetica, prius agendum esse de rebus simplicibus, tum de compositis in primo gradu, deinde de compositis in secundo, postea de compositis in tertio, & ita semper a minus compositis ad magis composita esse procedendum, quia simplicia sunt ratio compositorum primi gradus, composita primi sunt ratio compositorum secundi, composita secundi &c. §. 140. atque ob eandem rationem ab universalibus ad minus universalia & particularia esse progrediendum, scilicet prius de genere summo esse differendum, tum de genere superiori primi gradus, postea de genere superiori secundi &c. & tandem de genere infimo, de speciebus deque individuis: in analytica vero contra esse faciendum. §. 128.

7. Dixi *quantum fieri potest*, propterea quod id sæpius fieri nequit, quia ex altera parte verum utriusque methodi discrimen in

eo positum est, quod synthetica a notis ad ignota pedetentim descendit, & analytica ab ignotis ascendit ad nota §. 142. & ex altera sæpe contingit ut magis composita sint notiora, quam minus composita, & semper ut individua sint notiora præ universalibus, ut, quod attinet, ad universalia, constat ex eo, quod singularium ideæ per sensus proxime acquiruntur, universalium autem indigent etiam virtute abstrahendi & reflectendi ad ideas, quæ per sensus proxime ingressæ sunt §. 115.

§. 247.

Regulæ pro rebus.

Regulæ universæ Logicæ quæ hætenus traditæ sunt pro tribus mentis cogitationibus in veritate cognoscenda dirigendis, sunt regulæ in universa observandæ Philosophia, quæ verum ejusque rationes in omnibus investigat. Nihilominus hic aliquæ seorsim explicantur. Ac primo pro terminis hæc statuitur. Nullus in Philosophia est adhibendus nisi sit fixus & clarus. Nam si adhibeamus terminos vagos, qui plures diversas ideas significant, aut obscuros, qui obscuras, fieri potest, ut prædicatum subiecto tribuamus nequaquam conveniens, eoquod illi aut nullo modo convenit, aut convenit quatenus significat aliam rem, vel saltem ut dubitemus utrum conveniat, necne, & si convenit, in quo sensu subiectum aut prædicatum accipienda sint, quo alterum cum altero conveniat. Quorum alterum adversatur veritati Philosophiæ, alterum autem ejusdem certitudini. Ita cum mundus in sacris litteris significet aut hanc rerum quæ a Deo creatæ sunt, universitatem, aut homines malos, in hac propositione *mundus est malus* fieri potest, ut mens prædicatum hoc tribuat quatenus rerum universitatem significat, quod falsum est; aut dubitet in quo sensu mundus sit accipiendus, ut prædicatum eidem conveniat.

2. Pro terminis hæc alia præscribitur lex: res aut ideæ diversæ diversis terminis exprimendæ sunt; eadem iisdem. Nam si aut res & ideas diversas iisdem exprimamus, aut easdem diversis, fieri potest, ut pro iisdem habeamus, quæ diversa sunt, decepti signo, quod idem est, aut pro diversis, quæ sunt eadem. Unde Cicero lib. 2. de *Fin. Bon. & Mal.* cap. 7. recte carpit Epicurum, quod pro eadem re acceperit motum illum, quo gignitur in sensu voluptas, ut in comedendo cibo, & indolentiam sive vacuitatem doloris, ut est in illo, qui nihil comedens nec gratam nec ingratham experitur sensationem, resque tam dispares uno & eodem voluptatis nomine significarit.

3. Inde eruitur tertia pariter pro terminis: species & singula genera, infimum, superius in primo gradu, superius in secundo, &c.

fin-

singulis terminis exprimenda sunt, eo quod iisdem respondent *ideæ* ob vim præcindendi ex parte diversæ, idque tantum habet momenti ad usum rationis magis magisque perficiendum, quantum §. 148. docuimus.

4. Pro propositionibus autem hæc primo sancitur: si sit definitio, nulla admittatur nisi aut constet per se, aut per legitimam consequentiam perspicuum fiat, notas ea contentas simul esse posse; nam ut probavi §. 165. n. 2. hoc prorsus necessarium est, quo definitionibus tamquam certis principiis uti possimus ad alias propositiones inde inferendas.

5. Deinde hæc altera; nulla admittatur propositio, cujus veritas aut non pateat ipsa per se, aut ope illationis ex aliis per se manifestis facta non fuerit manifesta. Quod ni ita fieret, aut certam cognitionem, quam Philosophia desiderat, non acquireremus, eo quod tota certitudo aut proxime aut remote pendet a perspicuitate §. 220. aut etiam quod Philosophiæ magis repugnat, in errores aliquando incideremus.

6. Quod si aliqua tantum probabilis propositio admittenda est, eo quod ex altera parte ad aliquem vitæ usum necessaria, ex altera vero ex principiis certis a nobis erui nequit; tunc a certis & perspicuis distinguenda est, in eum finem quem mox explicabo.

7. Tandem hæc tertia figitur pro iisdem propositionibus. In propositionibus hypotheticis accurate determinanda est conditio, sub qua prædicatum convenit. Quod ni fieret, posset usuvenire ut aut prædicatum vel absolute vel sub ea conditione, in qua non convenit, tribuamus, aut dubitemus quomodotribuendum sit, & hac de causâ rationem, cur prædicatum in subiectum cadat, quæ a conditione saltem ex parte pendet §. 241. n. 2. investigare nequeamus. Quæ omnia dedecent Philosophiam.

8. Denum pro demonstrationibus hæc una statuitur; in demonstrationibus propositionum, quæ ex certis principiis colligi queunt, & ideo certæ fieri, non adhibeantur propositiones incertæ & solum probabiles, quia tunc propositiones ex iis illatæ forent incertæ & solum probabiles, atque ob similem causam in demonstrationibus propositionum, quæ ex principiis probabilioribus erui queunt, non usurpentur propositiones minus probabiles, quia tales evaderent etiam inde collectæ propositiones, quæ alioquin verisimiliores fieri possunt, eoquod colligi queunt ex propositionibus propius ad verum accedeniibus. Inde etiam fit ut si plura ad eas probandas usurpari possint principia certa quam probabilia, aliter faciendum non sit, quia

quia propositio ex pluribus illata principiis probabilibus minus probabilis est, quam si eadem ex pluribus certis deduceretur §. 234.

§. 248.

SCHOLION XXXI.

Quam hæcenus exposui methodum, mathematicam vocant, eo quod in mathematicis disciplinis accurate servatur. Ex quo consequens esse videtur Philosophiam eadem, atque Mathesis tractatur, ratione tractari oportere. Id quidem placet doctissimum Wolphio, qui in suis de Philosophia libris eam adamussim secutus est; qua de causa male audit apud non paucos, & præsertim apud Cl. Vernejum, qui in opere inscripto de Re Metaphysica Romæ 1753. lib. 2. capit. 4. carpit Wolphium & ejus sectatores, quod tam strictæ Methodo Mathematicæ Ontologiam, quemadmodum & alias Philosophiæ partes supposuerunt, ut nihil supra, & in demonstrandis rebus minutis & plane perspicuis & de quibus nemo, nisi ineptus, dubitat, præter modum occupati fuerunt, atque si singulas argumenti partes ita disponamus, ut ea prius exponantur quæ faciliora sunt, ex his reliqua deducantur, ut a prioribus posteriora lucem accipiant, futurum esse ut synthetico ordine philosophemur, quin mentem oneremus apparatu illo definitionum, axiomatum, theorematum, demonstrationum, lemmatum & ejus generis aliorum, quæ cum ad certa argumenta, veluti Ontologiam, admoventur, tantum abest ut mentem illustrent, ut impediant potius atque confundant. Mihi vero nequaquam aridet nec umquam arrisit etiam antequam hæc legissem apud laudatum auctorem, ut cuique compertum fieri potest cum ex ratione, quam in tribus exponendis Physicæ Generalis tomis sum persecutus, tum vero ex iis, quæ in Præfatione tomii primi de methodo in Philosophia usurpanda conscripsi. Quæ cum mediam quamdam indicent viam, in qua insistendum esse puto, operæ pretium arbitror hic eadem describere.

Quod vero attinet ad methodum qua in his contextendis sum usus, fateor mathematicam mihi præ ceteris placuisse quæ docet ea præmitti oportere, quorum adminiculo cetera intelliguntur ac demonstrantur. Hanc enim cum præ aliis in omnes partes valere, tum vero ad ea quæ ab aliis inventa sunt, addiscenda & ad nova invenienda maxime aptam & accommodatam sum arbitratus. Nec tamen ita, ut sit a Geometris, & a Cl. Christiano Wolphio in suis de universa Philosophia doctissimis libris non sine multorum reprehensione fuit usurpatum, adamussim servandam duxi, ut ne latum quidem unguem ab eadem discedere mihi licere putarem. Magnum est enim discrimen inter mathematicas ac philosophicas disciplinas: illa utpote quæ in una quantitate & in ejus proportionibus, quarum clarissimas ac determinatas notiones habemus, versantur, simul ac quidpiam ex antegressis enuntiationibus presse collegerunt, rem omnino cogunt & efficiunt, nec in aliquas incurruunt difficultates, sine quarum solutione id, quo de agitur, funditus intelligi nequeat. At Physica atque Philosophia partes, quæ per omne rerum genus vagantur, & res etiam vel a nostris sensibus remotissimas, vel in profundo nature sinu abditas investigant, nimis undique tenebris involvuntur, & pluribus hisque gravioribus difficultatibus scatent, quam ut sicca & jejuna Geometrarum ratione res satis explicari queant, & iis quæ objici possunt, non solutis animus sciendi cupidus in solis demonstrationibus acquiescat. Quamobrem Cicero summus non solum Orator, sed etiam, ut iis temporibus, Philosophus, cum in primis Tusculanarum Disputationum libris docuisset, nihil esse bonum, nisi quod bonum sit,

Tom.I.

Z

in

in quinto autem virtutem ad beate vivendum se ipsa esse contentam ostendendum suscipiens, sibi objecisset jam id esse confectum, & alterum ex altero consequi, nec ideo separatim esse tractandum; sic propositam difficultatem capite decimo tertio diluere, & inter Geometrarum & Philosophorum rationem tale discrimen statuere non dubitavit. Verumtamen Mathematicorum iste mos est, non est Philosophorum. Nam Geometrarum cum aliquid docere volunt, si quod ad eam rem pertinet eorum, quæ ante docuerunt, id sumunt pro concesso & probato, illud modo explicant, de quo ante nihil scriptum est. Philosophi quamcumque rem habent in manibus, in eam quæ conveniunt, congerunt omnia. . . . Nam & de summo bono separatim libri sunt, & cum ex eo efficiatur satis magnam in virtute ad beate vivendum esse vim, nihilominus hoc agunt separatim; propriis enim & suis argumentis & admonitionibus tractanda quæque res est. Hactenus Cicero, cujus rationes, uti & paulo ante relatas expendens, in eam veni sententiam, ut mihi media quadam via putarem esse insistendum, quo id quod in utraque metodo boni est, assequeretur; quod autem mali, vitarem. Hanc itaque perpetuo rationem tenui; ipsas enumerationes ita disposui, ut altera alteri consequens esset, & consequentes ex antecedentibus conficerem, quo Mathematicæ satisfieri putavi; in eas quas accuratius tractari oporteret, multa congesti tum ad easdem illustrandas, tum ad ea quæ contradici possent, refutanda; quo Philosophicæ satis superque morem geri arbitratus sum.

2. Hæc eo loco præfatus sum, & methodum ibi explicatam in universæ Generalis Physicæ expositione sum persecutus quam maxima potui diligentia, quo vero fructu, præstantium in hisce disciplinis virorum est iudicium. Ego certe si quid protuli quod iisdem probatum fuerit, præme sero ac profiteor me totum debere contentioni animi qua præsertim sum usus non solum in inveniendis solutione difficultatum, quas alii moverunt adversus sententias, quas mihi a primo ut verisimiliores defendendas proposueram, verum etiam in aliis, quæ proponi possent, primum excogitandis & deinceps quam clarissime, si fieri posset, diluendis. Hoc enim præsto factum est, ut aliquando mutarem sententiam videlicet contrariis rationibus, quas & refutari non posse videbam, & suppeditare solutionem earum, quas in eandem ante exposueram; interdum eam ex parte corrigerem, & ejus veritatem ad aliquem tantum eventum, & aliqua restringerem conditione, quam objectæ difficultatis vis patefaciebat: sæpiissime vero in eadem magis magisque firmarer, quod in refutatione objectorum & alatas ejusdem rationes confirmari, & novas exsistere comperiebam. Et revera si quis animo recolat quæstiones in superioribus expositas ante de iudicio, quod sit actus intellectus §. 180. aut de divina existentia §. 93. aut de possibilitatibus modorum & accidentium §. 86. aut de primo nostræ cognitionis principio §. 220. aut de multis aliis, perfectam & absolutam propositæ veritatis demonstrationem solum post ea, quæ in objectis diluendis statuta sunt, obtineri comperiet. Ad quem finem non tam operam posui in multis difficultatibus undique conquirendis, ut olim mos erat scholasticorum, quam totus fui in una aut paucis semel & iterum ut plurimum, aliquando etiam multoties nova aliqua adversus jam datas responsiones urgendis. Quo etiam sum consecutus id quod ipsorum vigintiquatuor annorum experientia me docuit, ut ingenia auditorum mirum in modum acuerem, & eosdem magis paratos efficere ad argumenta tum in privato gymnasio proponenda, tum in publicis dis-

pu-

putationibus, in quibus communis consuetudo postulat ut eadem semper difficultas contra defendentis responsa magis magisque prematur, a qua consuetudine si discedere velis, quemadmodum non raro contingit, te aliis deridendum propines.

CAPUT SEXTUM.

De errorum fontibus.

§. 249.

Observatio.

QUæ tres mentis operationes in Logica diriguntur in cognitione veritatis, eadem sunt etiam fontes errorum, in quos frequenter delabimur. Hic eisdem exponemus, quo facilius vitari possint. Quod commode cadet etiam ad Logicæ, quam hactenus exposuimus, supplendum in Aristotelicis Dialecticis communem defectum, in eo positum, quod satis quidem accuratæ regulæ traditæ sunt pro dirigenda parte animæ cogitandi superiori, non autem pro inferiori, sive pro sensationibus atque imaginationibus. Quare ut & regulas ad inferiorem cognoscendi partem dirigendam idoneas tradamus, & errores qui inde proficiuntur, detegamus, paucis explicandum est quid sint hujusmodi sensationes atque imaginationes & quomodo exerantur.

ARTICULUS I.

De quibusdam Psychologiæ principiis circa facultatem animæ cognoscentem partis inferioris.

§. 250.

Definitiones.

CUM anima corpori conjuncta sit, quotidiano constat experimento alias in eadem esse cognitiones quæ a solis corporeis sensibus pendent, idest existere in ipsa cognitiones statim ac rerum externarum in sensus incurfu aliqua in iisdem mutatio fit, quæ cognitiones dicuntur sensationes; alias quæ pendent ab attentione animæ ad ideas per sensus excitatas. Immo ex Physica constat a molli cerebri substantia innumerabilia prodire tenuissima fila, quæ nervi dicuntur, quæque ad omnes perveniunt tum internas tum extimas totius corporis partes, atque observationibus pariter compertum fit impressiones commotionesque, quæ ab incurfu præsentium corporum externorum in extremis nervorum ad superficiem nostri corporis pertinentium fiunt, usque ad alterum extremum in

cerebro positum propagari, ibique aliquid restare, quod est causa ut ea commotio licet debilior etiam absentibus corporibus facile excitari possit, & idcirco etiam idea illi respondens, quæ dicitur imaginatio. Ut quia vidi Florentiam, facilitas denuo excitandi ideam Florentiæ licet obscuriorem in anima mea reperitur, tamen Florentia sit absens & in sensus minime incurrat.

2. Itaque facultas animæ cognoscens partis inferioris est ea, quæ complectitur ideas, quæ in anima excitantur simul ac aliqua impressio fit aut in sensibus externis, cum præsentia corpora in nostrum incurrunt, aut in solo cerebro etiam absentibus corporibus, dum renovantur illæ impressiones, quæ ab iisdem præsentibus antea factæ fuerunt. Sensationes sunt ideæ excitatæ in anima simul ac aliqua impressio fit in sensibus externis; imaginationes vero sunt illæ quæ excitantur ob solam aliquam renovatam cerebri impressionem, in quo sensum internum residere Philosophi ponunt.

§. 251.

Observationes.

Duo vero ut plurimum necessaria sunt ad sensationes excitandas quarum anima sibi conscia sit, primo ut sint corpora sufficientis magnitudinis, quæ in sensus incurrant; deinde ut sufficienti donata sint vi ad impressiones sufficientis magnitudinis in iisdem efficiendas. Nam experimentis constat, si corpora nimis exigua sint, aut nimis exigua vi cieantur, animam sibi consciam non esse aliqujus sensationis, tamen in eadem heret. Ut multa minutissima corpora per aerem hac illac abrepta in quinque sensus incurrunt, & nihilominus ea nec visu, nec tactu percipimus. Sic lancibus in æquilibrio constitutis, si alteri manum supponamus, pondus non sentimus, eo quod corpus grave & magnæ molis eidem impositum non incurrat in sensus aliqua vi, quia ab alterius æqualis corporis in altera lance positi pondere sustinetur. Ex quibus constat animam non advertere ad minimas mutationes, quæ in corpore fiunt.

2. Dixi ut plurimum, quia aliquando, immo sæpe contingit, ut in nervis commotio excitetur ob aliquem nostri corporis insensibilem partium motum; ita sanguinis motibus multæ sensationes excitantur.

§. 252.

Observationes.

Impressiones autem possunt esse minimæ vel absolute, vel relative; absolute, cum revera tales sunt in se, ut in allatis exemplis; relative autem, quia licet in se fortes sint, tamen ab anima non sentiuntur, eo quod a majoribus interea pulsatur, & ita ad easdem intentæ est, ut ad minores attendere nequeat. Ut impressio in visu

visu facta a stellis non evigua est, & revera noctu clara earum sensatio excitatur. At interdiu non videntur, quia clarissima solis lux totam animam ad se quodammodo trahit, ut ad eas non possit advertere. Idem contingit in sonis. Ex quo fit ut sensationes fortiores aliquando extinguant debiliores, tamen si fortes sint,

2. Aliquando vero non prorsus extinguunt, sed solum obscurant atque imminuunt; sic interdiu lucem lunæ valde languentem videmus ob allatam causam a luce solari petitam; hominem alte loquentem perinde exaudimus, ac si debili voce loqueretur, dum ingens æs auribus obstrepat.

§. 253.

Observationes.

Ubi impressiones in sensibus factæ fortiores sunt, observationibus compertum fit ibi sensationes in anima, ceteris paribus, esse fortiores atque clariores. Dixi ceteris paribus, quia id pendet etiam ab animæ & corporis statu. Ex quo fit ut eadem impressio ex.g. lucis lunæ modo majorem, ut noctu, modo minorem ut interdiu, sensationem excitet. Diversa quoque sensuum dispositio facit ut ab eodem corpore eadem donato vi excitentur sensationes diversæ non solum quod attinet ad intensiorem & magnitudinem, sed etiam quod pertinet ad qualitatem. Sic eadem aqua parum calens hyberno tempore manibus infusa frigidis excitat sensationem caloris, pectori valde calenti sensationem frigoris. Cujus est hæc ratio universale. Cur modi in re esse possint, pendet a natura & qualitate rei, quæ illum modum est susceptura; cur autem re ipsa sint, ab ente externo vel solo, vel una cum aliis modis & accidentibus, quemadmodum §. 105. 106. explicavimus. Quare cum sensus aliter in aliis hominibus sint affecti, & aliter aliis temporibus in eodem homine, & aliter etiam in aliis ejusdem corporis partibus eodem tempore, mirum esse non debet, si idem corpus & eadem vi, quantum in ipso est, sensus laceffens, pariter aliam in aliis hominibus impressionem, & ideo sensationem inde profectam, & aliam aliis temporibus in eodem homine, atque aliam in aliis ejusdem corporis partibus eodem tempore faciat.

§. 254.

Observationes.

Observationibus etiam fit manifestum sensationem in anima per aliquod tempus durare etiam posteaquam corpus externum ab actione in nostrum corpus exercenda cessavit. Id vel uno constat experimento carbonis accensi, qui magna celeritate dextrorsum atque sinistrorsum sæpius ducatur; apparet enim inter extrema, ad quæ hinc inde is pervenit, continuata semita candens, uti distenta vit-

ta

ta rubri coloris, perinde ac si carbo in omnibus interceptis locis semper reperiretur. Ex quo colligitur visionem carbonis ad unum locum relatum per aliquod tempus durare, tametsi carbo ab eodem recesserit. Advertendum est tamen eandem sensationem semper magis diminui, & obscuriorem fieri, quousque prorsus corrumpatur extingaturque. Id videre licet in eodem experimento, propterea quod in extremo ad quod carbo pervenit, color maxime vegetus est, in altero maxime dilutus, in locis vero interpositis idem plus vel minus vegetus aut dilutus est, prout hæc loca ad alterutrum extremum propius accedunt.

2. Utriusque ratio liquet ex eo, quod nervorum, qui sunt sensationis organum, tremitus & oscillatio non continuo cessant, simul ac corpus externum illum tremitem gignens recesserit, eo quod aliarum corporis partium, quibuscum nervi sunt colligati, resistantia talis non est, ut istu oculi possit eum sistere, præsertim si validus sit. Quia vero hæc resistantia continue quidpiam de illo decerpit, nec aliquid restauratur ab actione corporis, quod ab agendo cessare ponimus, idcirco de illo motu semper aliquid decedit, quoad prorsus evanescat. Durante vero nervorum tremitu, sed paulatim imminuto, sensatio quoque illi respondens per aliquod tempus duret, sed sensim imminuatur necesse est.

§. 255.

Observationes.

Intimo sensu constat hanc esse imaginationis legem, ut si antea plura simul percepimus, & deinde idea unius ex iis pluribus, de novo in nobis reproducatur, ideæ quoque reproducantur aliorum, quæ antea simul percepta fuerant: ut si ante aliquot dies interfui magnæ solemnitati aliquo in templo, ubi plures & plura vidi, & orationem atque musicæ concentum exaudivi, & nunc mihi aliquis eorum, quos tunc vidi, occurrat, aut illud templum appellet, continuo sentio in me reproduci notiones omnium eorum, quæ simul ibidem percepi.

2. Immo etiam constat has ideas rerum antea simul perceptarum eo facilius, atque magis distinctas reproduci, quo sæpius atque diutius & cum majori animi attentione eas simul percepimus, & quo minus temporis inter earum omnium perceptionem, & ideæ unius renovationem intercessit; difficilius autem & minus distinctas in contrariis eventibus.

§. 256.

Observationes.

Illud tandem ex observationibus colligitur imaginationes esse debiliores atque obscuriores sensationibus. Restant enim imagina-

tio-

tiones in anima, postquam sensationes, quibus illæ respondent, paulatim imminutæ atque corruptæ fuerunt §. 254. Nec deest ratio a priori; sensationes enim excitantur ab iis cerebri impressionibus, quæ originem ducunt ex eo, quod præsentia corpora in sensus externos faciunt impetum, eumque nervorum ope ad cerebrum usque transmittunt; in imaginationibus autem movetur quidem cerebrum, sed valde minori vi, eo quod corpora absentia sunt & sensus nequaquam lacescunt.

ARTICULUS II.

De erroribus ortis a sensationibus, & de legibus quibus observatis vitantur.

§. 257.

Propositiones.

His constitutis Psychologiæ principiis, facile detegemus errores, qui ex inferiori facultate cognoscendi proficiuntur, & leges idoneas ad eosdem vitandos. Errores autem præsertim circa tria versari possunt, primo ut quæ solum in corporibus sunt, animæ inesse putemus; quæ in re offendunt, qui extensionem, figuras, motum, compositionem ex partibus, & resolutionem in easdem, aliaque hujus generis observata in corporibus animæ attribuant: secundo ut e contrario corporibus inesse credamus, quæ solum in anima existunt; quo in errore versantur ii tum recentiores, tum veteres Philosophi, qui sensationes caloris, frigoris, molitiei, asperitatis, doloris, voluptatis aliarumque similium qualitatum in corpore humano, tamquam accidentia in proprio subiecto, reperiri arbitrantur: tertio ut quæ revera in corporibus existunt, iis negemus, & solam earundem esse in anima sensationem & imaginationem, cui nihil re ipsa respondeat, aut respondere possit, existimemus, quem errorem errant, qui veram eamque continuam in corporibus extensionem inesse negant, & solam credunt ejusdem ideam in anima reperiri.

2. Generalis autem ad hos vitandos errores accommodata regula hæc est, ut animæ & corporis naturam & essentiam diligenter investigemus, & inde eruamus quænam in solum corpus cadant, quænam in solam animam, & quænam in utramque substantiam, sed alia atque alia ratione.

3. Quarto ut corpora eorumque proprietates tales esse putemus, quales per sensus apparent, in quo multimodis errare possumus, eo quod

quod anima nostra sibi conscia non est minimarum sui corporis mutationum, quæ a minimis corporibus aut minima vi agentibus generantur §. 251. Unde si ad solos sensus attendat, decipietur circa existentiam præsentium minimorum corporum, quæ nulla esse putabit, eoquod ab iis satis valide corpus non concutitur, aut aliqujus eorum qualitatis, uti est gravitas, eo quia pondus ex. gr. unius lancis sustinetur a pondere alterius §. 251. circa figuram corporum, quæ cum a situ minimarum particularum proficiscatur, solis sensibus visus, aut tactus, in quos minimæ moleculæ sensilem non exerunt vim, deprehendi non poterit; & circa motum, & quietem, idque variis modis. Visu enim & tactu judicare non possumus utrum tellus, in qua sumus, moveatur & in orbem circa solem torqueatur, an verò circa tellurem quiescentem sol vertatur in gyrum. Cum enim supra tellurem simus, hæc nullam in oculo aut manu mutationem ad motum repræsentandum necessariam facere posset, etiamsi locum continenter mutaret, eo quod cum illa abriperemur eadem celeritate, & eandem a singulis ejus punctis servaremus distantiam, perinde ac si quiesceret. Ignorato vero absoluto telluris motu sequitur ut sensus nec veram atque absolutam motus aliorum corporum magnitudinem, aut sive in linea recta, sive in curva directionem referre possint; & nobis perinde usum veniret, ac iis, qui cum navi deferuntur, quibus lapidis e summo navis malo descensus rectilineus apparet, etiam si revera ipse in se omnino curvilineus sit, & omnibus iis qui in littore stant, talis appareat. Ipse quoque relativus motus aliquando in sensus non incurrit, eo quod vel nimis celer est, & ideo nimis exiguum habita ratione temporis, quo durat, impressionem in oculo facit, ut contingit in glande, quæ tormento bellico minori projiciatur; vel est nimis tardus, & ideo pariter nimis exiguum facit habita ratione spatii quod dato tempore percurrit, ut in indice horologii accidere omnibus notum est.

4. Mitto alias innumerabiles sensuum deceptiones ortas ab iisdem causis aut nullius aut valde exiguæ mutationis in sensibus genitæ, eoquod earum aliquæ sunt ipsimet vulgo exploratæ, aliæ vero reconditiores ab illius Partis Physicæ, quæ circa quinque sensus versatur, cognitione nimium pendent, quam ut hic commode tractari possint, & regulæ afferri ad eas vitandas accommodatæ. Præsertim cum ex his quæ hic & §. 250. ac sequentibus, tradita sunt, sufficientes pro Dialectica saltem generales regulæ ad sensuum errores vitandos elici possint.

A R-

ARTICULUS III.

De erroribus ortis ab imaginatione & de regulis ad eos vitandos.

§. 258. Definitiones & Observationes.

UT errores ab imaginatione profectos indicemus, prius explicandæ sunt ideæ reales atque imaginariæ. Reales sunt illæ, quæ objectum exhibent sub propria forma, sive essentia & natura; imaginariæ autem, quæ idem objectum exhibent sub forma & imagine alterius, quicum habet aliquam similitudinem. Ut si percipiatur iudicium affirmans tamquam actus intellectus, quo percipitur unum in altero esse; negans autem quo percipitur unum in altero non esse: hæ ideæ sunt reales, eo quod repræsentant iudicium sub ea forma, qua est: at si affirmans percipiatur tamquam id, quo unam ideam cum altera mens conjungit; negans, quo alteram ideam ab altera disjungit, hæ ideæ sunt imaginariæ, quia iudicium affirmans sub specie conjunctionis duorum corporum, negans sub specie divisionis alterius ab altero corpore repræsentant, cum quibus corporeis operationibus aliquam habent similitudinem. Tales sunt omnes metaphoricæ locutiones, quibus aliqua res exprimitur per aliam, inter quam & ipsam similitudo intercedit; ut prætæ rident.

2. Quo posito ex illa lege imaginationis §. 255. & ex facilitate, quam inde anima acquirit transeundi ab alia idea ad alias, quæ cum eadem conjunctæ sunt, facile potest fieri ut mens incurrat in ea, quæ inter se aliquam habeant similitudinem, eo quod ideæ similes magis inter ipsas conjunctæ sunt, & ideo res alias sub aliarum specie & forma percipiat, tamen valde inter se diversæ sint. Cui percipiendi modo dum mens nimium assuescit, quod comprobatur etiam omnium experimento linguarum, quæ tropis & locutionibus metaphoricis refertæ sunt, nimium facile est, ut imaginarias ideas pro realibus habeat, & formam atque essentiam uni rei convenientem alteri in proprio sensu convenire arbitretur.

3. Id vero potissimum usu venit in percipiendis substantiis spiritualibus, uti est anima nostra, & earum operationibus, præsertim quæ a reflexione animæ ad ideas sensationum proficiuntur. Cum enim ex altera parte illæ nulla forma & specie corporea proprie & vere exhiberi queant, & ex altera nimium multis ideis sensationum atque imaginationis quæ ob habitum acquisitum nec in v

Tom. I.

A a

gilia

gilia nec in somno unquam requiescit, anima continue pulsatur; facile fit ut eadem res spirituales & earum operationes sub forma & specie corporea, quicum aliquam habeant similitudinem, sibi representet, eamque formam & speciem sensim sine sensu tamquam propriam iisdem attribuat. Rem confirmant non solum ii perniciosi Philosophi, qui animam materialem atque corpoream arbitrantur, verum etiam alii, qui veram amplexati sententiam circa spirituales ejusdem naturam, sub corporea forma tamquam propria ejusdem operationes percipiunt. Inter hos puto recensendos illos non paucos, qui volunt animam esse præditam vi, qua suum corpus tamquam vera effectrix causa moveat. De quo alias enucleate.

4. Ad hos vitandos errores unam pono regulam in eo positam, ut Philosophus in evolvendis aliorum libris inter ideas imaginarias, atque reales, interque locutiones proprias ac metaphoricæ diligenter distinguat, in suis vero quæ aut ad Philosophiam aut ad Mathematicam pertinent, ideis realibus & locutionibus propriis, quantum fieri potest, utatur, & si ad ornamentum & varietatem sermonis opus habeat etiam usurpare notiones imaginarias, & metaphoricæ loquendi formulas, primum proprias adhibeat, & deinde alias ad has redigi animadvertat.

ARTICULUS IV.

De erroribus qui oriuntur a superiori animæ facultate cognoscente & de regulis ad eosdem vitandos.

§. 259.

Observationes.

Primum errorum genus ortum a superiori animæ facultate cognoscente positum est in eo, ut corporibus inesse putemus, quæ sunt tantum in anima tamquam ipsius operationes, dum ad ideas corporum attendit atque reflectit. Quibus erroribus scatet Philosophia Peripateticorum, & præsertim illa ipsius pars quæ Ontologia appellatur. Nam Aristotelæi & alii post ipsos putant distinctiones, similitudines & alias multas relationes inesse corporibus, cum revera hæc proprie non sint, nisi in anima, cum ad ideas corporum se convertit, & in corporibus non sint, nisi earum fundamentum, ac possibilitas. Id quod suo loco conficiemus.

2. Ex illa mentis facultate, quæ dicitur facultas abstrahendi, qua mens ex pluribus conjunctis atque inseparabilibus §. 112. num. 2. potest unam tamquam objectum primarium, aliorum ratione in-
terim

terim non habita, cognoscere, plures oriuntur errores circa possibilitatem separationis eorum, quæ reipsa disjungi non possunt. Ita Peripatetici alique permulti ad hunc scopulum adhæserunt, cum partes in corporibus, & corporum extensionem tamquam duo diversa putantes, corpus cum suis partibus sine extensione saltem per divinam omnipotentiam posse permanere sunt arbitrati.

3. Ad hos aliosque qui afferri possunt, præcavendos errores eadem est regula, quæ pro sensationibus supra statuta fuit §. 257, ut ex natura tum corporum tum animæ diligenter eruamus, quid in utramque substantiam cadat, quid secus, & præsertim ante oculos habentes id omne quod intrinsecus est aut cognoscendi aut appetendi actus, corporibus convenire non posse, diligenter investigemus, quales res intrinsecus nobis tamquam aut cognitiones aut appetitus exhibeat.

§. 260.

SCHOLIUM XXXII.

Satis laudari non potest consilium plurium ex Philosophis Recentioribus, qui in suis de re Logica, aut Metaphysica libris examinandos susceperunt errores, qui ex sensibus externis, atque internis in ipso cerebro sitis originem ducunt, in eum scilicet finem ut eisdem sensus ad verum dirigerent, & præcepta darent ad errores vitandos idonea. Cum enim sensus sint ii testes, qui superiori animæ parti referunt, quid in hoc mundo aut in corpore uniuscujusque contingat, nemo non videt ad intellectus directionem opus esse regulas tradere, ex quibus intelligatur qualem iisdem fidem habere debeamus. Verum cum ex altera parte ad id consequendum necesse sit cognoscere modum, quo quinque sensus & imaginatio objecta renunciant, & ex altera hujus cognitionis modi ex nimis multis reconditis Physicæ Principiis petenda sit, quam ut hic a nobis methodo mathematica utentibus pro tyronibus, quibus hæc scribimus, satis enucleate tractari possit: idcirco de hac re summa tantum hic tetigi capita, & quasdam generales præscripsi regulas, quibus saltem leviter admoneantur adolecentes ut in tam lubrico & salebroso loco a lapsu sibi caveant, de uberiori ejusdem explicatione mihi integrum servans in Physicæ & in illa ejus parte, quæ de homine & de quinque ejusdem sensibus differit. Id unum adverto in ea doctrina, quod sensationibus fortioribus debiliore aut obsecurantur, aut etiam extinguuntur, multum esse momenti ad multa Psychologiæ & Physicæ capita quod attinet ad experimenta recte capienda, & ad propositiones inde caute eliciendas. Ad id declarandum unum hic profero exemplum peti- tum ex illa Newtoni theoria de septem radiis diversis primitivi coloris, ex qua fit consequens illud corpus esse coloris ex g. flavi, quod radios flavos ad oculum ex superficie reflectit, radios aliorum colorum absorbens. Nam Antinewtoniani inde efficiunt esse futurum, ut si radii solum virides postquam ope prismatis ab aliis separati sunt, permittantur ad libramentum corporis flavi pervenire, illud viridis coloris nequaquam appareat. Experimenta tamen docent illud sub tali colore apparere. Jam vero facilis ex præfata doctrina responsio elicitur. Cum enim nulla sint corpora, quæ unius tantum coloris radios ad oculum regerant, non ideo corpora ex. g. flava videntur, quia solum hos ra-

dios remittant, sed quia minorem aliorum, majorem autem horum copiam, Ex quo fit ut sensatio a flavis excitata sensationibus, quæ ab aliis excitantur, sit fortior, & idcirco alias obscuretur atque corrumpat. Quare cessante in alio experimento flavorum actione, mirum non est, si etiam aliorum radiorum actio sub sensus cadat.

2. De imaginatione vero deque ideis imaginariis inde profectis satis explicare non possum, quantum eadem nobis imponant, quantisque enextricabilibus difficultatibus res etiam maxime expeditas involvant. Exemplo sint notionem extensionum, quas Mathematici atque Philosophi ex producto aliarum extensionum in alia existere imaginantur. Volunt ex. g. cubum esse æqualem producto ex superficie quadrata, quæ est ipsius basis, in altitudinem, rectangulum esse æquale producto ex latitudine in altitudinem; indeque inferunt, si cubus aut rectangulum per altitudinem suam dividantur, ex illo existere superficiem quadratam, ex hoc vero lineam, quæ sit ejusdem latitudo. Hæc autem ducunt originem ex eo, quod lineam percipiunt tamquam ex fluxu puncti generatam, superficiem planam tamquam ex fluxu lineæ, solidum vero tamquam ex fluxu superficiæ. Quæ omnes notionem imaginariæ sunt & improprie. Siquidem ut pluribus locis T. I. Phys. Gen. ostendi, & maxime §. 118. ex altera parte puncta, lineæ & superficies sunt puri modi & limites extensæ substantiæ, quæ ex modis atque limitibus tamquam ex partibus constare non potest, & ex altera extensum ex inextensis tamquam ex partibus constare nequit, interque unum limitem & alium quidpiam a limite diversum intercedat necesse est. Quare solidus ex. g. cubus vere & proprie producto ex basi in altitudinem æqualis esse non potest. Et revera in quot nos induimus laqueos, si has notionem tamquam veras accipiamus? Exemplo sit Franciscus Maria Zanottus insignis Philosophus ac Mathematicus, qui Tom. III. Com. Acad. Bonon. pag. 118. explicaturus quomodo rectangulum ex multiplicatione unius lineæ rectæ in aliam fiat, primo statuit id satis intelligi & explicari non posse, nisi prius investigentur elementa hujus multiplicationis, & deinde illorum æqualitas, eoquod utrumque ad eam rem necessarium est: tum eos, qui pro lineæ elementis puncta statuentes ajunt lineam, quæ ducitur, toties sumi quot sunt puncta lineæ alterius, & quoniam puncta sunt omnia æqualia inter se, inde colligunt, spatium, quod illa multiplicatione fit, tanto majus esse debere, quanto est major linea multiplicatrix; duplicis accusat erroris, primo quia linea quælibet non ex punctis inextensis, sed ex lineolis constat, secundo, qui si linea ducatur super altera ad angulum rectum, fit certum spatium; si ad acutum, minus; tamen in utroque eventu toties sumatur linea, quot sunt puncta lineæ alterius. Unde ut ab his evadat angustiis, consuevit ad lineas infinitesimæ latitudinis, easque statuit pro elementis æqualibus unius ex. g. rectanguli. Quo pacto majorem accipit plagam ut leviozem vitet. Jam enim primo Tomo Phys. Gen. §. 16. n. 12. & 21. docui in methodo Cavallerii principium peti, si ad ostendendam duorum ex. g. rectangulorum, quæ inter easdem parallelas & super æqualibus basis constituta sint, æqualitatem, pro elementis æqualibus, quæ aliquoties multiplicentur, sumamus lineolas infinite parvæ latitudinis, eoquod eadem lineolæ sunt pariter rectangula, quæ licet infinite parva, tamen ut constat ex Principiis Analysis, & æqualia & disparia esse possunt. Quamobrem hæc multiplicationis species salvata servari non potest hinc, ad quas Zanottus recurrit

currit, lineolis infinite parvæ latitudinis. Quid ergo dicendum, si ob allatas rationes nec veris lineis defendi potest? In promptu responso est. Proflus ab hac re & ab aliis similibus, de quibus infra, vera notio ob rationem ante productam est aleganda producti & multiplicationis, atque ut docui loco citato, usurpandum aliud principium, quo æqualitas rectangulorum aut parallelogrammorum similes angulos complectentium, quæque inter easdem parallelas sint constituta, æqualitas si æqualibus insistant, aut si inæqualibus, inæqualitas iisdem basibus proportionalis ostendatur. Ex hoc autem deinde colligitur, si sint duo rectangula, quorum altitudines & bases in æquales partes divisæ numeris exprimantur, primum rectangulum fore ad secundum, ut est productum ex numero exprimente altitudinem primi in numerum, qui exprimit basim ejusdem, ad productum ex numero exprimente altitudinem secundi in numerum, qui basim secundi exponat. Ex quo tandem fit hunc sensum esse realem ac proprium, qui clarissime intelligitur, atque in nullas difficultates incurrit, eo quod omnibus exploratum est duas quantitates unius speciei esse posse in eadem ratione, ac duas alterius diversæ; alterum autem, quo ponitur, rectangulum æquale producto ex altitudine in basim, esse imaginarium, eo quod naturam rationis inter duo rectangula exprimit notione rationis similis, quæ inter duos numeros intercedit. Similiter explicanda est solidorum atque rectangulorum divisio per altitudinem.

3. Simili ratione imaginaria est notio vis motricis tamquam genitæ ex pressionibus aliis post alias fluentibus, & æqualis producto ex pressione, quæ illam gignit, in celeritatem; qua pressio fluit, & in tempus quo fluxus durat rat, ut docui Tom. I. Phys. Gen. §. 128. Inde vero oriuntur tum error eorum, qui volunt exstare posse pressionem sine ulla motrice vi & sine motu, quem ibidem §. 124. clarissimis argumentis refutavimus, tum inextricabiles difficultates in explicatione modi, quo vis generatur, & in ejusdem definienda mensura. Id quod planum feci pluribus locis ejusdem libri, quem quisque consulere potest, quemadmodum & allatum Zanotti commentarium, in quo, post explicatam multiplicationis in extenso naturam, investigandam assumit explicationem ejusdem in pressionibus & in vi, quæ ex iisdem generatur, nihilque definire audet adversus difficultates, quas promovet tum contra illos qui putunt tempus ex instantibus constare, & pressionem in singula instantia duci oportere, tum contra illos, qui hoc productum faciunt ex pressione aut in tempus totum quo durat, aut in tempuscula. Quæque difficultates meam confirmant sententiam hanc notionem esse imaginariam, & in eadem aliud nihil esse realis & proprii, quam duas vires a duabus genitas potentis esse in eadem ratione, ac sunt duo producta numerorum, qui expriment pressionem fluentem, celeritatem, quibus fluunt, & tempora, quibus fluxus durant.

4. Nec minus imaginaria est notio continui extensi tamquam ex partibus re ipsa distinctis coaliti, ut in Ontologia docebimus, & idcirco innumerabilem errorum & inextricabilem fons & origo, ut plane constat ex iis, quæ Tom. I. Phys. Gen. differuimus, & etiam constabit ex iis, quæ pariter in Ontologia tractabimus. Inter imaginarias quoque est recensenda notio communicationis vis ab altero in alterum corpus perinde ac si quæ vis foret in corpore percutiente ante conflictum, eadem in conflictu ad percussum transmittat, cum id omnino cum certis principiis pugnare docuerim Tom. I. Phys.

Gen.

Gen. §. 201, quo etiam loco veram & genuinam rationem, qua vis inter corpora distribuitur, ostendimus, & in Ontologia sim iterum confirmaturus. Ex quibus & ex aliis multis, quæ afferri possent, exemplis apparet quantum longe lateque serpent errores ab imaginatione & ab ideis imaginariis profecti, quantumque momenti sit in regula a nobis allata, ut quantum fieri potest, ideis veris atque realibus utamur, & ab iisdem imaginarias internoscamus. Id profecto pro virili parte præstare conatus tum in Physica Gen. ut ex pluribus ejusdem locis apparet, tum in Logica, quam nunc exposui, ut cuique perspicuum fieri potest ex iis quæ hætenus disputavimus, & præsertim ex eo scholio §. 31. quo in judicii natura explicanda inter ideas reales, interque imaginarias distincti.

§. 261.

SCHOLION XXXIII.

Fortasse quispiam mirabitur, me nullam umquam fecisse mentionem sex de re Logica librorum Cl. Viri Alloysii Verneii, qui in altera editione Romana auctiores & emendatiores anno 1757. prodierunt, præsertim cum in quibusdam tum italicis tum gallicis litterariorum Ephemeridum libris hoc artis dialecticæ opus magni fiat, & ceteris, qui ad hanc usque diem tanta in copia lucem viderunt, anteferat, propterea quod alii auctores aliquas Logicæ partes, non vero omnes enucleate tractarunt, hic autem in omnibus quam diligenter versatus est. Verum mirari desinet, si eum faciam certiore me ante totam hanc Logicam conscripsisse, quam librum comparare poterim, & meas ipsi probavero rationes, quæ me impulerunt, ut ex eodem operæ nihil exciperem, & in hunc aut illum mei locum, prout argumentum ferebat, inligerem. Primum enim quædam de quibus Vernejus luculenter disserit, ab aliis etiam tractata mihi prorsus esse omittenda jamdudum decreveram; cujusmodi est gravissimus de Arte Critica locus, & de judicio circa libros ab aliis conscriptos ferendo. Hæc autem fuit mei consilii ratio. Cum enim Logicæ artis præceptis tyronum mentes ad alias Philosophiæ Partes disponere & præparare constituissem, ea elegi præcepta, quæ ad hunc consequendum finem satis forent, & ea prorsus omisi, quæ in Arte oratoria, in Poesi, in Historia, in Theologia, atque in ceteris disciplinis eorum mentes dirigerent: cujus me consilii non pœnitet, propterea quod ex altera parte hæc omnia complectuntur nimis multa, quæ captum adolescentum exsuperant, & ex altera est satis superque eos disponere ad illa percipienda, quibus post Logicam proxime operam daturi sunt, aliis regulis, quæ ipsos in ceteris disciplinis ad verum dirigere debent, reservatis ad artem criticam, & ad singulas quasque, cum scilicet in singulis Philosophiæ partibus jam versati & exculti, facilius easdem percipere, & ex regulis in Logica traditis eruere possunt. Jam vero criticæ artis præceptis aut opus non est in Philosophia, aut si quod, in ea parte, quæ pertinet ad experimenta quæ apud auctores leguntur, eo quia expendendum sit, an scriptoribus in eorum descriptione sit fides habenda. Verum aut necesse non est integræ artis criticæ elementa ad hunc finem docere, propterea quod & in Physica paucis quibusdam is obtineri possit, & aliunde sunt notissimi auctores, quibus credere par est, & experimenta ab uno primum capta ab aliis multis & ab Academicis etiam prius repetantur, quam eadem tamquam explorata & certa in Physicis habeamus, & etiam id parum conferat ad Physicam universam, in cujus experimentis alia multa, quam quæ ex hujus artis principiis repeti possunt, sunt

sunt attendenda, quo ex iisdem experimentis aliquid certi eruamus. Quamobrem nihil ex Regulis Criticæ Artis est apud Vernejum, quod ex eodem excerptum in hæc Logicæ elementa includerem.

2. Quæ vero de variis stilii generibus, deque Pedantismo tum Rethorico, tum Philosophico copiose & accurate disputat Cl. Auctor, maxime quidem utilia sunt, sed mihi ob allatas causas nunc prætermittenda, illudque solum monendum, quod in examinando primæ cognitionis principio jam notatum est, res in Philosophia non ex auctoritate Scriptorum, nisi divinitus afflati fuerint, sed ex claris perspicuisque rationibus esse definiendas, & in nullius vel doctissimi Philosophi verba esse jurandum, sed optimum quodque & rationi maxime consentaneum esse seligendum ex omnibus, qui de Philosophia scripsere.

3. Quæ autem de disputatione debito modo instituenda is tradit, penitus duxi silentio prætereunda, quia perpetuo privatarum disputationum usu in scholis addiscuntur regulæ in iisdem servandæ; idque præsertim in meis Philosophiæ institutionibus, in quibus rationem tenui supra explicatam §. 248. num. 2. non solum objecta adversus meas enuntiationes proponendi, verum etiam eadem adversus primas solutiones iterum & pluries urgendi. Quod mos est illemetipse, quem sive in privatis, sive in publicis disputationibus servare debemus.

4. Ceterum et si his Logicæ Institutionibus præ aliis, quæ etiamnum prodierunt in lucem, in aliquibus primas tribuam, tamen aliquid etiam ex iis, quæ mihi maxime necessaria videntur, in iisdem requiro. Nam ut mittam Cl. Virum communem esse secutum errorem in proferendis veris syllogismorum singularium principiis & legibus, ex quibus regulæ quoque universalium ducuntur §. 55, primum ajo nimis jejune ac siccæ ab homine de definitionibus disputari, & eas omitti maxime necessarias leges, quas vel ex Wolphio proluli, vel ex meo penu, multis illustratas. Physicæ exemplis, in quibus etiam docti viri ob harum legum incertitiam offenderunt. Deinde mihi videtur etiam nimis pauca tradere de methodis in investigando, aut docendo verò necessariis, & ea præsertim quæ maxime utilia ac necessaria sunt, prætermittere non indicatis præcipuis fontibus, unde cujusque enuntiationis sive absolutæ, sive conditionatæ demonstratio petenda est §. 241. Quod unum ita declaratum, ut in scholio §. 244. num. 2. & seq. feci, longe omnibus aliis artis inveniendi instrumentis præstare vel ex eo colligitur, quod in omnibus disputationibus ad ipsa veluti cubilia veritatis deducit, & cum cetera solum aliquando, & in aliquibus tantum Philosophiæ quæstionibus usui sint, hoc longe lateque patet, & in quaque re, quæ vel in Philosophicis vel in Mathematicis proponatur, est usurpandum. Harum vero tum in definitionum regulis, tum in methodi explicationibus Verneii omissionum causam esse puto præjudicatam illam ipsi cum doctissimis Viris Lochio, Buffierio, Musschenbroechio, Genuense, Soria aliisque non paucis communem circa rerum essentias & attributa opinionem, quod intimæ rerum essentiz cognosci non possunt, sed solum alique ipsarum proprietates, quas inter & essentiam rei nullum prorsus discrimen intercedat. Ex hoc enim efficitur susdeque habendam eam circa essentialia & attributa & modorum possibilitates doctrinam, a Peripateticis primo, traditam, a Cl. Wolphio magis enucleate tractatam, & a nobis a quibusdam Wolphii & aliorum T. I. Phys. Gen. §. 22. & hic §. 30. erroribus vindicatam & accuratius expositam, atque in valde majori positam luce, ex qua una utriusque loci memorati leges atque præcepta

cepta collegimus. Quod erit causa, ut eundem locum in Ontologia, quæ mox sequetur, luculenter pertractem, & ab objectis quoque hujus Cl. auctoris & aliorum pro virili vindicem parte.

5. Ipsius denique ratio abstinendi a tritis illis *negō*, *concedo*, *distingue*, *instantia*, *antecedens*, *consequens* aliisque similibus valde mihi probatur, qui eam in Physica Generali perpetuo secutus sum, tametsi & multa proposuerim objecta, & adversus primas responsiones eadem tamdiu prefferim, quoad omnis de medio difficultas sublata fuisset, & cujusque enuntiationis veritas in clarissima posita luce. Verum hic præter scholia, quæ jam in Philosophia & Mathematici versatis scripsi, aliter mihi esse faciendum decrevi. Ipsorum vigintriquatuor & amplius annorum experientia, quibus Philosophiam adolescentibus explicavi, animadverti etiam diligentiores ex ipsis parum attendere ad pura præcepta atque ad propositiones, quarum aliæ ex aliis more Geometrarum sine ullis objectis colliguntur; animum vero intendere ad eas, contra quas in objectis disputatum vident, easque memoriæ mandare, ut se ad id, quod uberimum Philosophiæ fructum tunc temporis habent, & sibi apud alios non solum auditores, verum etiam Professores maximæ gloriæ esse ducunt, ad fortiter disputandum adversus aliorum sententias, & ad proprias ab adversariorum objectis acerrime vindicandas disponant. Hac de causa meas lectiones ita disposui, ut identidem interfererem questiones hujusmodi & quidem illa communi scholastica methodo expositas, cujus majori facilitatē & perspicuitate allesti juvenes toto animo ad eas funditus intelligendas alacrius incumberent. Cum vero easdem lectiones expolitas quidem atque in multis interpolatas, sed ad eundem relatas finem typis edere statuissem, eadem mihi vel invito in vulgaribus dicendi formulis ervanda fuit; propterea quod non quemadmodum alii multi ea scribo Philosophiæ Elementa, ex quibus Professores suas lectiones ad captum adolescentum & numero & forma accommodatas depromant, sed ipsasmet lectiones hujusmodi, quibus addiscendis spatio circiter duorum annorum adolescentes ipsi operam dare debeant. Quod uti Deus pro Logica concessit, ita pro aliis Philosophiæ partibus precor concedat.

FINIS LOGICÆ

